


JOSEPHI
MARIANI PARTHENII
ELECTRICORUM

LIBRI
VI.



ROMAE
EXCUDEBAT GENEROSUS SALOMONI
A N. cld. lccc. lxvii.
SUPERIORUM PERMISSU.





DEIPARAE VIRGINI

SINE MACULA PECCATI ORIGINALIS CONCEPTAE

AC SS.

JOSEPHO JESU CHRISTI NUTRICIO

IGNATIO LOJOLAE

SOCIETATIS JESU FUNDATORI

FRANCISCO XAVERIO

INDIARUM APOSTOLO

ALOYSIO GONZAGAE

STUDIOSAE JUVENTUTIS PATRONO

SE ATQUE OPELLAM HANC SUAM

J. M. P.

VOLENTI LIBENTIQUE ANIMO

D. D. D.



*Altum aliis exurgat opus. tu nocte dieque
Exiguum meditator; ubi sint omnia culta,
Et visenda novis iterumque iterumque figuris.*

Hieronymus Vida Poeticorum lib. 2. v. 339.

PHI-

Si videbitur Rêverendissimo Patri Magistro Sacri Palatii Apostolici.

D. J. Patr. Antioch. Vicesg.

A P P R O B A T I O N E S .

E Lectricorum libros sex diligenter libenterque perlegi, & Rmo scilicet Patri S.P.A. Magistro, & animo obsecutus meo, cum mirifice hoc Poëmatum genere capiar ac oblecter, si praesertim ad doctrinam concinnitas carminum, ac elegantia latini sermonis accedant. Quibus partibus cum praeclare hoc opere sit satisfactum, si hos etiam ingenii sui foetus celeberrimus Scriptor in publicam utilitatem contulerit, & sui nominis famam amplificaturum, & optime de re litteraria meriturum existimo. Typis igitur edendos censeo, neque quidquam in iis esse, quod Religioni bonisque moribus adversetur. In quorum fidem &c.

Romae x. Januarii MDCCCLXVII.

*Benedictus Stay SSmi Domini Nostri ab
intimo Cubiculo, & ab Epistolis latinis.*

IUſu Reverendiſſimi P. Sac. Pal. Apoſt. Magiſtri ſex
 Electricorum libros maxima cum animi oblectatione
 perlegi, nihilque, quod Religioni boniſque moribus
 adverſetur, inveni. Opus ſane perdifficile laudatiſſimus
 Author aggreſſus mira doctrinae, ingeniiſque dexterita-
 te abſolvit. In Carminibus elegancia, dignitas, nitorque
 latini ſermonis ita elucet, ut ea omnia elaborate ſcripta
 inſpiciantur, quae in ſummis latinae Poëſeos Magiſtris
 majori cum laude celebrantur. Digniſſima itaque ea cen-
 ſeo, ut communi Litterarum bono in lucem prodeant,
 meritoque apud omnes Authoris famam adaugeant.

Romae xv. Januarii MDCCLXII.

*Joſephus Brogi Sac. Theologiae Doct̃or ,
 & Arcadiae Cuſtos Generalis ,*

I M P R I M A T U R .

**Fr. Thomas Auguſtinus Ricchiniuſ Ord. Præd.
 Sac. Pal, Apoſt. Magiſter .**

EDI-

EDITOR OPERIS

LECTORI BENEVOLO.

E *Leſtricorum Opus a Parthenio noſtro ſuſceptum , & ſummo ſtudio ac labore conſectum , publicam utique lucem minime aſpexiſſet , ſi auctori arbitrio uti ſuo conſeſſum foret . Aſſebat enim , ſe publicam lucem vereri quam maxime , & doctōrum hominum iudicia vehementer formidare ; quae ſcripſiſſet , primum exercendi ſtyli gratia ſcripſiſſe , tum ut ei ſuppeteret , unde aliquid in gymnaſio , anno ſcholaflico inenunte , ad coronam de more recitaret . Neque vero planſus , quibus haec ipſa carmina a leſtiſſima doctōrum virorum frequentia excepta ſunt , auctorem admodum movebant , ut animum ad eadem edenda induceret ; quippe qui affirmaret , aliud eſſe auribus ; aliud vero oculis ſatisfacere , qui in rebus diſcutiendis iudicandiſque longe auribus acriores , & ſeveriores eſſe plerumque ſolent . Haec , & his ſimilia cauſabatur auctor , quo opus ipſe ſuum apud ſe ſuppreſſum haberet ; nec illud publici iuris fieri pateretur . Verum haec vulgo*

rejecta, uti nullum apud aequos rerum aestimatores pondus
 habuerunt, ita omnem auctori repugnandi facultatem ade-
 merunt. Quare aliis, quorum in hoc scribendi genere judi-
 cia magni facere consuevit, nec defugere auctoritatem po-
 tuit, morem gerere coactus est. Itaque opportunam a scho-
 la, in qua totos viginti septem annos in erudiendis adole-
 scentibus consumpsit, nactus vacationem, & de elendo
 opere cogitavit, & opus ipsum summa, quoad ejus fieri
 potuit, cura diligentiaque perpoliuit. Sublato hoc, de
 quo diximus, obstaculo, restabat alterum non minori uti-
 que difficultate removendum. Adnotationes enim, cane pe-
 jus & angue, ut est in veteri proverbio, averfatur;
 quas nimirum agebat, scriptoris, qui earum lumine indi-
 geret, obscuritatem & quasi noctem quamdam rebus offu-
 sam indicare; se id unum laborasse semper, ut maxime
 perspicuus esset; & maluisse humilem & minus politum in
 scribendo, quam obscurum, aut minus dilucidum videri;
 praeterea, ita se in conficiendo philosophico hoc suo poemate
 gessisse, ut horatianum illud sequutus, quae tractata ni-
 telcere posse desperaret, omnino relinqueret. Verum, cum
 in opere ipso identidem non nulla loca occurrant; atque ea
 praesertim, in quibus aut amicos suos laudat suppresso no-
 que

mine, aut aliud quidpiam tacite indicat; quae quidem loca, etiam sine scriptoris vitio, natura sua obscura sunt, atque illustrationis omnino indigent; tandem ab amicis persuasus haec quoque in re aliorum cessit voluntati, & pauculas operi suo adnotationes apponi permisit. Ego itaque, cui edendi operis cura demandata est, has ipsas adnotationes elucubratus sum, in quibus mihi met ipse modum adhibui, ut, & amico ita volenti obsecundarem; & revera, ne operi, per se claro atque perspicuo, frequentioribus adnotationibus, tenebras potius offunderem, quam lumen aliquod afferrem. Jam vero, ut de opere ipso pauca quaedam, de quibus praemoneri lectorem necesse est, a me delibentur; hic ego non meum utique judicium interponam; sed, re cum auctore communicata, quid ipse hac in sua elucubratione sequutus sit, breviter, uti ab eodem accepi, ac fideliter exponam. Ac primum; opus hoc, quod tibi exhibetur, benevole Lector, & philosophicum est, & poeticum; ex duplici nempe facultate, Philosophia videlicet, ac Poesi temperatum. Jam quod ad Philosophiam attinet; is rerum versibus exponendarum delectus habitus est, ut ea tantum, quae minus asperitatis, amoenitatis vero plurimum haberent, deligerentur. Neque enim Poeta noster in secretio-

ra materiae , quam tractat , penetralia ingrediendum sibi esse duxit ; quin immo consulto ab iis abstinuit , quae paulo implicationiora ei inter scribendum occurrebant ; atque adeo ultro etiam ab illis obtrudebantur , qui nunquam experti quid sit aliquid poetice atque eleganter efferre , ab auctore malebant tractatum conscribi , quam poema confici . Haec enim natura sua huiusmodi sunt , ut poeticum ornatum , de quo Poetam sollicitum maxime esse debere nemo ignorat , vix idium admittant . Quare iis tantum rebus contentus fuit , quae notitiam quandam materiae , quam non philosophica ratione tractandam , sed poetico more carminibus exornandam suscepit , afferrent ; ut potius , qui hoc opus lecturi sint , quid vis electrica sit ; omnino non ignorent , quam , quid re ipsa sit , penitus intimisque cognoscant . Saepe enim auctorem ipsum propalam affirmantem audiui ; qui hanc Physicae partem multo recentissimam nobilissimamque , nosse voluerit , eum profecto , si sapiat , neque se , neque poetam scriptorem quemquam ; sed tot clarissimos viros adituros , qui de illa suis in libris luculentius uberiusque scripserunt . Hinc porro effectum est , ut saniori iudicio , omisis , quae fastidium aliquod creare possent , voluptati magis , quam legentium

eru-

eruditioni sibi esse serviendum auctor existimavit . Et sane qui Poetas legunt delectari volunt , non erudiri . Hoc & ipse Virgilius fecit , quem sibi unum atque unicum Poeta noster ad imitandum proposuit ; Virgilius inquam , qui in divino illo suo Georgicorum opere , studiose ea conquirit , quae legentium animos incredibili quadam suavitatis delin-
 nitos tenerent ; & materiem per se jucunditatis amoenitatis-
 que plenissimam , multo jucundiores amoenioresque effice-
 rent . Itaque , delibatis tantum Agriculturae praeceptis , plu-
 rimos sibi aditus patefecit ad illos , quibus totum opus mira
 varietate distinguitur , excursus ; hi vero , qui multo potis-
 simam pulcherrimi illius operis partem sibi vindicant , de-
 lectant , non erudiunt ; illo saltem eruditionis genere , quod
 spectari debuit ab eo , qui agrorum colendorum magistrum
 se ac ducem professus sit . Quare prudenti utique consilio ,
 si quis gnavus atque experiens agricola cupiat evadere , is
 profecto non Virgilium ; sed Varronem , Columellam , Pal-
 ladium , Catonem , aliosque hujus generis ac famae prae-
 cellentes scriptores leget , ac diu multumque meditabitur ;
 quo facto , tum demum aliquid , quod ad agrorum culturam
 perdiscendam conducatur , assequetur . Si uno Virgilio con-
 tentus erit , parum hercle proficiet ; & male profecto Agri-
 cul-

*culturæ consultum esset , si utilissima ac plane necessaria:
ars virgilianis tantummodo praeceptionibus contineretur .*

*Haec sunt , de quibus Poeta noster Lectorem suum
praemonitum voluit; his ego quidquam de meo non addam;
& tantum illos , quorum in manus hoc opus venire conti-
gerit , rogabo, ut ita se in ferendo de auctore nostro judicio
gerant , uti se in opere suo auctorem ipsum gessisse compe-
rient ; qui, quantum de se moderate sentit , tantum de aliis
honorifice scribit ; quippe qui in eam peccare partem sem-
per maluerit , quae plus fortasse cujusquam virtuti tribue-
ret ; quam in alteram , quae quidquam cuiquam de merita
laude atque exsultatione detraheret .*



ELECTRICORUM

LIBER I.

UNde latens superas virtus educta sub auras
 Prodierit, clarum cui fecit succina nomen
 Gemma, atque eventus varios, compertaque nuper,
 Et miris visenda modis spectacula; nec non
 Quae ratio, & tantis quae causa eventibus insit,
 Hinc canere incipiam. Precor huc, Heliconides almae,
 Linquentes patrium lauri nemus, & juga Pindi,
 Huc o ferte pedem, & durum mollite laborem.
 Res est impatiens tractari carmine, & exlex,
 Quam meditor, divae, numeris includere vestris.
 Vos mores lenite feros, & vincite cultu
 Difficilem; facite, ornatus induta vetustos
 Assuefcant latio antiquo; laus unde petenda,
 Aeternumque decus, siqua est ea cura, poëtae.

Operis pro-
positio.

Invocatio
Musarum.

At tu, cui jussu parent cita sidera cursu,
 Et nitidi, Uranie, caeli est plaga subdita, qua non
 Aonias inter sollertior ulla sorores
 Scrutari, & rerum secretas quaerere causas;
 Si longum vanis quaesita laboribus alto
 Certa polo nobis misisti signa, latentis

Invocatio
Uraniae.

Cur potissimum
Uraniam
invocetur.

Pri-

Primum unde ostensa est tantae virtutis origo ;
 Nunc ades ; ingenti quando novitatis amore
 Capta , atque eximiae succensa cupidine laudis
 Mens ardet superas efferre in luminis oras
 Quidquid id est , quod difficilis , prodique repugnans
 Occuluit natura diu mortalibus , atram
 Offundens rebus noctem , caecaeque tenebras .
 Sic tibi , sic faveat Phoebus ; sic lucidus aethra
 Syderea pateat semper polus ; actaque in orbem
 Perpetuas agitent famulantia signa choreas .

*Electrum
 gemma nobilis.*

Electrum (a) gemma est, quam fors Phaëtonis acerba,
 Et lacrymae Heliadum claram fecere sororum
 Eridani ripa in magni ; qua decidit alto
 Infelix auriga polo ; merfususque sub undas
 Edidit audaci documentum insigne juventae .
 Aureus est gemmae fulgor ; jacit aurea late
 Lumina ; translucet fulvo non discolor auro .
 Quod vero radiis (b) etiam nitet aemula solis ,
 Inde olli nomen Graji fecere vocantes .

*Virtus ab
 electro di-
 cta est ele-
 ctrica.*

Hinc virtus quaedam , quam vestigare sagaci
 Nunc studio aggredimur , dicta est *electrica* ; inesse
 Quandoquidem electro patuit primum . Hoc tibi si quis

Cre-

(a) Vide Ovidium Metamorph. lib. 2. v. 365. , ubi totam Heliadum fabulam fuse narrat, atque exponit : *cipit , & nuntius mittit gestanda larinis .*

(b) Non desunt, qui electri vocabulum ab ἤλεκτρον, nempe sol, derivent , propterea quia solis fulgorem electrum refert .

*aitque ; Inde fluunt lacrymae , Nil-
 latque sola rigescunt De ramis ele-
 ctri novis , quae lucidus amnis Ex-*

Creber utraque manu terat, atque ignescere cogat,
 Extemplo plumasque leves, stipulasque volantes
 Pertrahere ad se se cernes, nexasque tenere.

*Proprietas
electri.*

Haec prima exsisterunt, priscis quoque nota, trahentis
 Virtutis documenta. eadem sed condita nocte
 Se longum tenuit, latebrisque obscura recessit.
 Nondum tot stimulos humanis mentibus ardor
 Aemulus addiderat; nondum succensa cupido
 Ignotas tentare vias, penitusque repositos
 Naturae penetrare sinus; sed, semita qua se
 Trita dabat, ritu balantum, ignobile vulgus
 Illac tendere iter, notoque insistere calle.
 Tempore sic longo cessatum; & inertia torpor
 Corda hominum tenuit; nil dignum laude resectum,
 Et nulla antiquis accessio facta repertis.

*Prima in-
dicia vir-
tutis ele-
ctricae.
Virtus ele-
ctrica diu
latuit.*

Ergo diu virtus miranda, ut plurima, caeca
 Abdita delituit, nigrantique obsita nocte;
 Vulgo neglecta, & vix tantum cognita parvis
 Indiciis; vires mox acquisivit eundo,
 Paulatim emergens; donec, labentibus annis,
 Et vigili cura, studioque excita minorum
 Prodiit; & caelo se tandem ostendit aperto.

*Nunc ve-
ro potissi-
ma emer-
sit.*

Nec vero vim miram aliquot comprehendere tantum
 Corpora; sed longe fusam, lateque vagantem
 Per mare, per terras, liquidique per aetheris oras,
 Naturam ferme compertum est ire per omnem.

*Virtus ele-
ctrica late
diffundi-
tur.*

Non-

Nonne vides , tenuem ut frictu calefacta papyrum

*Cera his-
pans ele-
ctrica est .*

Cera sibi jungat , cui fecit Iberia nomen ?
Multo sive illam minio prior ipsa rubentem

Extuderit , seu prima aliis ostenderit usum .

Hoc pacto , attritu si corpora multa frequenti

Tute fatigabis , sibi res conjungere raptas

Continuo aspicies , eademque eventa notabis .

*Indicia
virtutis e-
lectricae .*

Jam quibus indiciis se nobis abdita virtus
Haud dubiis prodat ; neque enim sunt pauca , docebo .

Attritu valido si corpora certa calorem

*Attractiones,
& repul-
siones .*

Concipiant , primum tenuissima multa videbis ,
Si forte occurrant , adduci ; ac deinde repelli .

*Scintillae,
& lux va-
ria .*

Tum variae lucis formae ; cita fulgura , splendor
Clarus , scintillae crepitantes , lucidus igni

Interdum fons emissus , saliensque sub auras ,

Rumpentumque tubis jactus imitatus aquarum .

*Ventus le-
vis .*

Sunt etiam indicio lenis molliissima venti
Flabra ; velut zephyri cum blandius axe sereni

Adspirant , agitantque leves per inania plumas .

Quid dicam , attrito cum flammae e corpore rumpunt ,

*Odor sul-
phureus .*

Quod gravis adstantum commixtus sulphure nares
Tentar odor ? tenui quid murmura rauca susurro

Plagae .

Edita ? & inflictae inopino vulnere plagas

Persequar , atque leves , digitum si admoveris , ictus ?

*Tremor
incussus
nervis .*

Inde quoque ingenti jactantur brachia motu ;

Inde tremor nervis ; vis quippe innoxia semper

Non

Non prodit, subitaſque aſſurgere novit in iras .

Haec obſervantem te virtus abdita nunquam
Fallet , & his certo dabitur praediſcere ſignis .
Sed prodire ullo non plura e corpore cernes ,
Nec manifeſta adeo virtutis ſigna latentis ,
Quam pellucenti e vitro ; ſi triveris ante
Affrictu domitans multo ; namque ante domandum
Nulla dabit . crepitus fruſtra exſpectabis & ignes ;
Dum validas adhibere manus artemque recuſas .

*Vitru maxime ele-
tricum .*

Haec porro arcanæ cum ſint certiffima ſigna
Virtutis , ſemper non uno ut tempore ; eodem
Sic non quæque modò rumpunt in luminis auras .
Namque alia , haud ullis hominum cogentibus , ultro
Proveniunt . toto ſic ignes æthere paſſim
Sponte accenduntur nocturni , & lumina fundunt ;
Sic etiam interdum ſtellæ (a) labuntur ab alto
Axe , atque ignitos claro dant limite ſulcos ;
Nec non & crepitus , & murmura rauca cientur
Per caelum , æſtivo præſertim tempore , flagrans
Cum furit , & ſiccos incendit ſyrius agros .

*Indicia vir-
tutis ele-
ctricæ non
eodem mo-
do haben-
tur .*

*Quaedam
ſponte pro-
deunt .*

Scilicet his natura ſubeſt , quæ reſpuit artem ,
Et per ſe , magnos , cum vult , ciet undique motus ,
Sat ſibi ſufficiens , & opis nihil indiga noſtræ .
Multa aliis tibi cura , & plurimus impendendus

*Quaedam
artem re-
quirunt .*

B

Cor-

(a) Vapores intellige nocturno quandam intuentibus exhibent, quos-
tempore accenſos, qui ſtellæ ſpeciem quæ etiam Virgilius ſtellas appellat.

Corporibus contra labor est ; quæsitæque signa
Sponte sua prodire negant , artemque requirunt .

*Virtus ele-
ctrica di-
verso modo
excitatur .*

Sed non occultam modus est extrudere simplex
Corporibus virtutem . Aliquot sunt corpora , virtus
Queis non ante latens discluditur excita , quam sint

Ignis .

Supposito liquefacta igni . sic sulphura (a) discunt
Parere , ingenitas atque hoc tum denique pacto
Expromunt vires ; quin vitro excepta , quod alte
Surgentes referat tenuato vertice metas ,
Et seposita diu , quam vim exprompsere trahentem ,
Non facile amittunt , & longo tempore servant .

*Ignis simul
et fricatio-
ne .*

Quid ? quæ , subjectus nisi primum torreat ignis ,
Insuper & multo nisi sint exercita frictu ,

Edere signa negant ? sunt talia marmora , tales
Sunt lapides , quibus artificum vis daedala fœvit
Heroum minimas magnorum insculpere formas .
Adde his avulsas volucrum de corpore plumas ,
Dentesque , unguesque , atque animantum tergora densis
Convellita pilis . Hoc experire fricando
Felis terga manu ; scintillas protinus inde
Prodire aspicias , ubi largum sedit ad ignem ,
Cum Boreas gelido spirat perfrigidus axe .
Demum alia haud tanto respondent victa labore ,

*Sola frica-
tione .*

Affrictum expectant solum ; ut pix atra , nitentes

Gem-

(a) Recentioribus experimentis hibito subsidio ignis , electricum eva-
docemur , sulphur , etiam non ad- dere .

Gemmae , & pellucens ante omnia corpora vitrum .

Nunc quo , quodque teras , jubeasque ignescere corpus , *Quomodo
sint terenda corpora .*

Disce modo : cui scabra cutis per se riget , usu

Edomita assiduo vel jam percalluit , isthaec

Non refugit proprias adhibere ad munia palmas ;

Ipse labore manum duro terit ; ipse fricando

Instat ; & explicitas cogit prodire favillas .

Qui teneram laesisse cutem formidat ; id ante

Praecavet ; & dextram inductis sibi pellibus armat . *Adhiben-
tur chiro-
thecae , et
pulvilli .*

Quin etiam e corio infutis componere fetis

Pulvillos norunt , quo in subdita corpora totas ,

Illaeſis manibus , possint expromere vires .

Qua tu cumque via id peragas , ne parce terendo

Durum exercere imperium ; sunt namque domanda *Vis adhi-
benda in
fricatione .*

Attritu multo , & frictu cogenda potenti .

Praeterea variant inter se corpora multum ,

Quod tu comperies tentando , Plurima solo

Affrictu vires produnt accensa trahentes .

At quaedam simili ratione incendere , easdem

Ut tibi deprimant vires , conabere frustra .

Subsidio nequidquam aderit Vulcanus ; & acrem

Vim nihil indomitis supponere proderit ignis .

Hoc ideo ; quia non simplex , atque omnibus unum *Alia ele-
ctrica ab
grigine .*

Corporibus genus est . Sunt corpora nempe , quibus vim

Indidit a primo natura benignior ortu ,

Ipſa illis crepitus , plagasque , & fulgura , & ignes

Miscuit ; ipsa dedit vires , queis tenvia multa
 Obvia corripere , & secum conjungere possent ,
 Vim contra hanc aliis eadem natura negavit ,
 Haud tantum indulgens , & finxit inertia ; verum
 Hac lege , ut , gravidis fierent si proxima , eodem
 Protinus ipsa etiam gauderent munere , viresque
 Exinde acciperent , exercerentque trahentes ;
 Inferrent plagas ; crepitusque ignesque cierent .

Alia participatio-
ne .

Diviso
omnium
corporum
in duas
classes .

Hinc est , quod causas qui vestigare repostas ,
 Et caeca instituunt virtutis semina mirae
 Scrutari , in geminas primum omnia corpora classes
 Describunt ; statuuntque genus , quod cuique repertum est
 Congruere , propriaque jubent consistere sede ,
 Rursus diducunt genera ipsa , & corpora primo
 Plurima subjiciunt generi , numerumque recensent .

Enume-
rantur cor-
pora pri-
mae clas-
sis .

Ante alia electrum rutilo splendore coruscans
 Ingreditur , primum nobis unde abdita virtus
 Emersit , totique dedit sua nomina turbae .

Vitrum .

Deinde subit , nitidumque tenet loca proxima vitrum ,
 Cui numero ex omni haud corpus certaverit ullum
 Et tantum fluere , & tantis ardere favillis .

Aer .

Consequitur late fusus spirabilis aer ,
 Cujus naturam jam nunc cognoscere praestat ;
 Quod liquidus , tenui insinuans se corpore , ubique
 Miscet ; & exceptus magnos ciet undique motus .

Gemmae . Post infert se se , gemmarumque emicat agmen ,

Prae-

Praestinguitque (a) oculos , & fulgida spicula late
 Evibrat , & claram jactat sub nubila lucem ,
 Sardonyches , amethysti , eoi adamantes , & aureo
 Lumine chrysolithi , & viridi fulgore smaragdi ,
 Quique sibi a flammis nomen fecere pyropi .
 Nec vos transferim , Serum molliſſima texta ;
 Nec te , his in rebus quando eſt vel maximus uſus ,
 Illyriae e lucis , phrygiae aut de ſtirpibus Idae
 Ubere diſtillans vena , pix lenta , ſilebo .
 Haec alia atque alia excipiunt , atque ordine longo
 Corpora ſuccedunt ; quorum hic neque nomina noſſe
 Singula ; nec numero quidquam comprehendere refert .
 Omnibus his virtus latet imis abdita venis .

Fila ſerica .

Pix .

Poſt hinc digreſſi , ſimili ratione ſecundum
 Quae ſortita genus fuerunt , & origine ab ipſa
 Virtutis proſus ſtatueret exortia mirae ,
 Corpora dinumerant . Textu condensa metalla ,
 Aurumque , argentumque , atque aera ſonantia longe ,
 Et rigidum chalybem , praeduraque robora ferri ,
 Prima locant . his ſubjiciunt animantia , prompta
 Numquam non vitreos fluctus exfugere , vimque
 Illapſam totis nata exceptare medullis .
 Exin arboreas nullo discrimine ſtirpes
 Huc referunt ; & quae campos , & flumina late

Enumerantur corpora ſecundae claſſis .

Metalla .

Animantia .

Arbores .

B 3

Quae

(a) Sic maluit poeta dicere, quam, Lambini opinionem ſequutus in Lu-
 nt ab aliis dici ſolet, *perſtringis*, cretū librum 3. verſ. 1056.

Quae procurva tenent ; & quae nascuntur in altis
Montibus , aut sedem posuere in vallibus imis .

Liquores . Postremos memorant , numerumque liquoribus explent .

*Vitrum
omnibus
corporibus
anteponen-
dum .*

At tu corporibus tibi vitrum ex omnibus unum
Eligito ; hic studium omne , hic omnem impendito curam
Sedulus , atque viam jam nunc insiste domandi ;
Attritu quando melius respondet , & ullum
Haud magis invenies quaesitis usibus aptum .

Nunc , o Pierides ; neque enim sine numine divum ,
Credibile est tantas res , & caligine tanta
Alte depressas , tandem emeruisse sagaci
In lucemeductas cura ; nunc dicite , qua vi ,
Quave arte excitus gravido de corpore mirus
Exsistat fluctus , superasque erumpat in auras .

*Constructio
machinae
electricae .*

Principio inter se spatio distantia iusto
Tigna duo statuunt solido de robore , quaeque
Firma basis recto jubeat consistere trunco .

*Partes ma-
chinae .*

*Globus sive
cylindrus
vitreus .*

Vitreus inde globus tignorum in parte suprema
Aptatur , tignum sic , ut citus inter utrumque
Circumagi queat ; huic seta bene fartus equina

Pulvillus .

Pulvillus duro e corio substernitur , ardens
Quem globus , in gyrum celeri dum turbine fertur ,
Corradat . quamquam , pulvillo saepe remoto ,
Dextra vices supplet volventi admota cylindro .
Namque vitri forma haec formae suffecta rotundae
Ipsa etiam nostris aequae venit usibus apta .

His

His ita perfectis , facili rota mobilis axe
Subditur , inserto quae fune volubile vitrum
Abreptum rapidos secum ferat acta per orbes .

Rota .

Jamque globus currente rota volat incitus , & jam
Scintillae toto vitri volventis ab orbe
Absiliunt ; patulas subeunt jam sulphura nares ,
Nidoremque accensa ferunt ; disclusaque virtus
Ubertim exundans plenis fluit undique rivis .

Verum ne subitae capiaris lumine flammae ,
Praemoneo , crebras jaciat quamquam illa favillas ,
Et loca sulphureo late perfundat odore .
Quippe abeat vacuas labor irritus omnis in auras ,
Ni fluctum vitreo de corpore profilientem
Excipere , & certo noris deducere calle ,
Quo tu cumque velis ; facilis namque ille sequetur .
Non secus ac cultor foecundi induitrius horti ,
Areolis non ille quidem simul omnibus undam
Largius inducit ; sed multa doctus ab arte ,
Quo vires herbis & floribus irriget aequas ,
Imponit rivis morem ; indocilesque teneri ,
Includitve tubis ; exstructo aut aggere fraenat ;
Et iussos adigit per humum describere cursus .
Hoc tu disce modo vitri compescere fluctum
Undantem , incertisque vagum decurrere rivis
Ne sine ; sed certa fugientem lege coërce .

*Effluxus
virtutis
electricae
cohiben-
dus .*

Ergo lamellam bombycum e mollibus apte

B 4

*Adden-
da lamella
In- cum subis .*

Innexam filis , tibi quae bipedalis hiantes
 Sustineat subiecta tubos , suspendito juxta ,
 Quam minimo poteris , vitrum revolubile , tractu.
 Sunt , qui lamellae subnectunt serica ducto
 Fila inclusa auro , & salientia cernere gaudent ;
 Et qui demittunt Serum pendentia vinclis
 Aera , sonos propria quae tinnula sponte canoros ,
 Attonitis monstri novitate adstantibus , edant .

*Addenda
 in primis
 catena .*

Cura sed illa prior tibi sit junxisse catenam ;
 Quam vel multiplices glomeratam flectere in orbes ,
 Vel recto extensam in longum producere tractu
 Nil prohibet ; tantum super omnia providus illud
 Anteveni , gravis ingenito ne pondere lapsa ,
 Atque abiecta solo jaceat . retinacula tende
 Serica ; & in medio fac pendeat aëre , quales
 Demissi pendent altis laquearibus ignes ;
 Regifica illustrat cum plurimus atria lychnus ,
 Et subnexa tholo noctem funalia vincunt ,

*Hoc omni-
 no praece-
 ptum est .*

Hoc fit , ut in partem vis tota exuberet unam ,
 Nec diversa abeat . cur porro serica vincla
 Nectere opus , modo causam a me ne quaere doceri ,
 Praeceptis pare ; quae si neglexeris , omnis
 Vitreus aethereas fluctus vanescet in auras ;
 Tu vero , admissis spectatum irrisus amicis ,
 Omnem operam perdes ; flammisque ciebis inanes
 Nequidquam exercens vitrum . proin parcere noli

Caeru-

Caeruleis Serum vinclis , & plurima nocte .

Nunc locus est varios positusque habitusque notare ,

Machina queis tales aptari fuevit ad usus .

Sublimem quandoque locant , atque altius ima

Attollunt terra ; tum , quo consistere possit

Alte elata pavimento , media , inter & illam ,

Subjectumque solum , consternunt corpora , lecta

Illorum e numero , quae primo *electrica* ab ortu

Dixere , illyricamve picem , vel serica texta .

Hoc ideo , ut monui , ne qua diversa feratur ,

Insinuetque solo virtus , tacito pede sueta ,

Qua via dat se se , subrepere lubrica ; quanquam

Ista fere impendi solet uni cura catenae .

Hanc omni studio suspendunt aëre , Serum

Demissam nexis celsa ad laquearia vinclis .

Nunc age componens inter se confer utrosque ;

Machina quos positus servat , quos nexa catena ;

Diversos etenim diversa eventa sequuntur .

Machina juncta solo si sit , jaceatque catena ,

Jam tibi nulla dabunt virtutis signa latentis ;

Saltem praecipua , & quorum nunc discere causam

Magnopere intersit . sin alte effulta , jacenti

Et disjuncta solo sit machina , prompta requires

Tunc minime indicia ; atque eadem tibi protinus imo

Offeret ipsa solo si sit disjuncta catena ,

Nexilibus nodis & Serum pendula vinclis .

*Diversi ge-
tus machi-
nae expen-
duntur .*

*Diversos
machinae
positus di-
versi effe-
ctus con-
sequuntur .*

*Effectus
ipsi enu-
merantur .*

Hos

Hos ubi diversos positus haec servat ab illa ,
 Tam manifesta diu dabit utraque signa ; potenti
 Quam disclusa diu coges erumpere frictu .

*Alia ma-
 chinae con-
 stitutio .*

Machina nonnunquam , nec non innexa catena ,
 Utraque conjunctim elata in sublime locantur ,
 Ne qua parte solum contingant , hoc ubi ; sueta
 Non solum confestim edi mirabere signa ;
 Verum ita , ut , admodum digitum si forte catenae ,
 Haec perpauca edat , neget autem plura volenti .
 Tum si , qua se se sublimis machina tollit ,
 Accedens propius tuleris digitum ; haec quoque reddet
 Responsans totidem ; frictuque instabis inani ,
 Quo plura elicias . sic deinceps mutua pacta ,
 Alternasque vices , tanta est concordia , servant .
 Hos natura modos , legesque & faedera certa
 Imposuit , cura quae tu multo ante sagaci
 Observans , animo memori provisa repones .

*Effectuum
 constantia .*

*Capien-
 dum sem-
 per idoneū
 experimen-
 tis .*

Quod superest , moneo , luces optato serenas ;
 Nec quidquam aggredere imprudens , dum nubilus axe
 Auster agit pluvias , & iniquos aethere nimbos .
 Expecta madidis donec procul avolet alis ,
 Et Boreas puro siccus dominetur olympo .
 Officit ille , & particulis stipatus aquosis ,
 Virtutem obtundens quaesita ad munia segnem
 Efficit . edoni Boreae vis arida contra
 Argenti miras intendit flamine vires .

Sed

*Progreſſus
ad experi-
menta de-
ſcribenda .*

Sed jam praevalidis rapidos tibi verſa lacertis
Det motus rota , & in gyrum verſatile vitrum
Volvat agens . dextra ſuperincumbente teratur
Vitreus interea globus ; atque igneſcere ſenſim ;
Incluſamque arctis virtutem exſolvere vinclis
Incipiat . certa expreſſae dant ſigna favillae ,
Et multa erumpens commixto ſulphure flamma .
Nec longum in medio tempus . vis excita frictu ,
Turbineoque rotae motu diſcluſa , penetrat
Lamellam , patuloſque tubos , longamque catenam .
Nec mora , nec requies . ſed pergit tendere , nexum
Illabens donec ferrum ſic imbuat ; hauſta
Ut non rara magis turgeſcat ſpongia lymphæ .

*Concilia-
tur atten-
tio .*

Nunc age , nunc animi vim totam intendito ; nec non
Huc geminas , huc ſecte acies . pulcherrima ſe ſe
Scena aperit , rerumque novus mihi naſcitur ordo .
Admiranda tibi ante oculos ſpectacula pandam ,
Et ſpecie varia , & formis diverſa ; neque ante
Viſa tot exactis ulli ſpectacula faeculis ;
Primus inexpertas ſacro de vertice Pindi
Auſus ad inſuetum Muſas deducere munus .
Et me , quae multos , non exſuperabilis intus
Vis agit , exſtimulatque animum mihi quaerere famam
De ſegete intacta , integroſque accedere fontes :

Omnia , quae docto tenuiſſent carmine mentes ,

Omnia

*Digressio
de praeci-
pui natu-
rae phae-
nomenis
versu jam
expositis.*

Omnia jam (a) vulgata fere. Jam sidera dicta,
Signorumque vices; certa qua lege ferantur
Per caelum, & curvos quae vis agat usque per orbes.
Ac neque non dictum, tantus tremor unde repente
Concutiat terras; maria unde excita tumescant,
Atque eadem rursus in semet depressa residant.
Illa quoque Aonidum multo condita lepore,
Firma ut librati consistat machina mundi;
Mutuaque ut gravitas late diffusa per omnem
Materiem, stabili disjunctas foedere partes
Alliget inter se, & compage revinciat arcta.
Quid varii varias leges, momentaque motus
Aoniis inclusa modis, lapsusque, fugasque,
Corporaque opposito secum certantia nisu
Commemorem? quid, quae longe secreta, magisque
Abdita, inaccessae & sunt interiora Mathesis?
Haec etiam numeris comprehensa, exactaque certas
Ad Pindi leges, musaeo & perlita melle.

*Benedictus
Stay.*

Hic (b) magni servans vestigia pressa Lucreti,

Affe-

(a) Extant jam plura poemata de rebus physicis elegantissime conscripta. Horum bene multa leguntur in collectione parisiensi, in tres tomos distributa, & Parisiis ipsis edita an. 1749.

(b) Benedictus Stay Ragusinus, Praeful amplissimus & doctissimus. Philosophiam Cartesianam stylo lucretiano versibus traditam jam ab au-

no 1747. Romae typis vulgaverat; aggressus idem Nevvtonianam Philosophiam versibus, atque eodem stylo exponere, opus longe difficilimum felicissime absolvit, ejusque operis tomos duos Romae edidit annis 1755. & 1760. De tanto Poeta atque incomparabili viro quid sentiat auctor ipsemet expressius declarabit lib. 4., ubi iterum de Stayo redibit mentio.

Affectatque viam caelo, & caput inserit astris ;
 Alter (a) divino relegens signata Marone ,
 Aeternam culto condit sibi carmine famam .
 Summus uterque labor ; summam sibi poscit uterque
 Artem juxta , atque acre ingenium . properate Sorores
 Debita Pieriae lauro e parnasside ferta
 Vatibus egregiis , meritosque innectite crines .
 Nequaquam his gelida torpens formidine sanguis
 Obstitit ; ad tantas naturae accedere partes
 Quominus auderent . vigor his , vigor actus ab alto ,
 Et subito insinuans praecordia in intima lapsu ,
 Subjecitque faces , magnosque incendit ad ausus .

*Gregorius
Victorius
Soc. Jesu*

Sed nos interea jam coepta exorsa sequamur ,
 Adspirans quando votis respondet Apollo ,
 Et non invitae peragunt data pensa Camoenae .
 Ergo age sis , mecum , qua daedala machina surgit ,
 Accede ; obtutuque intentius omnia crebro
 Sedulus explora . viden ut plumaeque volantes ,
 Et folia argenti , nec non & ductilis auri ;
 Multaque praeterea delectu corpora certo ,
 Secta minutatim , tenui vel praedita mole ,
 Protinus ad nexam festinant rapta catenam ?
 Contemplator item , nuper quae rapta catenae

*Reditus ad
propositū .*

*Omnia
diligentius
observan-
da .
Indicia su-
pra exposi-
ta recogno-
scuntur .*

*Attractio-
nes .*

Hae-

(a) Gregorius Victorius Soc. Jesu Opus in duodecim libros distributum,
 Institutiones philosophicas elegantif- & mira ingenii felicitate confectum
 simis virgilianis versibus complexus quam primum, prodibit in lucem .
 est , & adnotationibus illustravit .

*Et repul-
siones.*

Haeferunt , eadem ut , verso in contraria nisu ,
Diffugiant ; & sic reditusque abitusque frequentes
Alternent trepida , & vario exsultantia motu .

Plagae.

Quin age , & innexo propius succedere ferro
Ne dubita ; aude etiam digitum intentare . minaces
Cum plaga exsiliant flammae , crepitusque sequetur ,
*Scintillae,
et crepitus.* Qualem imposita focis edit parnassia laurus ;
Aut qualem audimus , flavae cum tempore messis
Exacto , stipulis ignem subjecit arator .

*Plagae,
et scintil-
lae gemit-
nantur.*

Nec semel erumpet crepitanti flamma sonore ;
Sed strepitus toties , toties geminabitur ignis ;
Admoris dextram quoties tu cumque catenae .
Omnia jamque licet , supera quae diximus ante ,
Signa recognoscas virtutis certa latentis ,
Plagasque crepitusque , & lenis flamina venti .

*Attaetus
interdici-
tur.*

Illud in his autem non te mirabile rebus
Praetereat ; ferrum , quod non contingere dextra
Permissum ; tantum sat erit si dextera , citra
Attaetum , ferro accedat . ni caveris , usquam
Non rutilae apparent flammae ; cita fulgura cessant ;
Nec sonus auditur , flammis cessantibus , ullus .

*Quomodo
virtus cor-
poribus ea
destituta
communi-
getur.*

Illud item cura est tibi non leviori notandum ,
A vitro se se ut virtus foecunda propaget ;
Corporibusque afflet vires , quae robur ab ortu
Arcanum primo natura negavit , easdem .
Aspicias , ut , totis vix miram hausere medullis

Vir-

Virtutem , subito sibi res conjungere raptas
 Ipsa etiam affectent , subitasque excludere flammæ ,
 Atque inferre ictus , crepitusque excire sonantes
 Condiscant ? hoc sola facit vicinia ; vires ,
 Qua fit , ut , arcanas sibi vix sensere propinquas ,
 Extemplo rapiant ad se , interiusque recondant .
 His semel arreptis , eandem sortita perinde
 Ac si cum reliquis naturam , prorsus eodem ,
 Non ignara modi , funguntur munere . ferrum
 Haud aliter quam si magneti admoveris ; & jam
 Novit hyperborei plaustrum spectare Bootæ ;
 Et certum incertis monstrare per aequora cursum
 Nautis , cum nigro velamine plurima caelum
 Contextit nubes , & nox premit horrida pontum .

His ita compertis , quibus observatio multa
 Conciliare fidem potuit , non defuit inde ,
 Qui nova sollerti spectacula quaereret arte .
 Quin imo , ut facile inventis est addere , quisque (a)
 Certatim aggressus vitrum exercere , novosque ,
 Multa movens , studuit nobis ostendere lusus .

Hic primum auratis sepsit concla via chartis ,
 Parietibus super inducens ; circumtulit inde ,
 Attactum citra , spatii propioribus , idem

*Experi-
menta va-
ria recen-
sentur .*

*Scintillae
ex inaura-
ta papyro
prodeunt .*

In

(a) Pleraque experimenta , quae Soc. Jesu conscripto , & Philippo Bor-
 consequentibus carminibus exponun- bonio Parmae ac Placentiae Duci
 tur ab auctore , desumpta sunt ex li- inscripto . Liber prodit Parmae an-
 bro his de rebus a Jacobo Belgrado 1749.

In gyrum longam flexu sinuante catenam .
 Tum demum obstructis , exacta luce , fenestris ;
 Elicuit subitas nullo de femine flammās .
 Continuo obscuras caecum conclave per umbras .
 Totum collucere igni , rutilisque favillis
 Scintillare aurum ; per opacam qualia noctem
 Astra solent puro nictantia (a) fulgere caelo .

*Ignis ex
 aqua elici-
 tur .*

Vitro alter cyathum admovit , propiusque locavit ,
 Quem prius argenti complerant Najades unda .
 Extemplo visae , dictu mirabile ! flammae
 Rumpere , & e mediis effervere Mulciber undis .

*Flores ol-
 facti naves
 fodiciant .*

Ille apium , mollesque comas frondentis acanthi ,
 Purpureasque rosas , incanaque lilia vitro
 Volventi primum , tum naribus obtulit ; idem
 Olfactu abstinuit subito , averfusque removit ;
 Narium ubi teneras subiens vis ignea fibras
 Perculit , & stimulis fodicans pervellit acutis .

*Capilli
 sursum eri-
 guntur .*

Jamque alius tenso jussit succedere ferro
 Adstantum e turba florenti aetate puellam ,
 Neglecto effusam cultu per colla capillos .
 Nulla mora ; arrecti steterunt in vertice crines ,
 Thyados in morem , nocturnis orgia sacris
 Cum stimulant , saevitque animis vis efferata Bacchi .

*Ventus cie-
 sur .*

Quid dicam , extrema pendentis parte catenae ,

Qui

(a) Nictantia hoc est scintillantia; est Lucretius lib.6. v.181. *Nictantia* hac voce , & eadem significatione usus *fulgura flammās* .

Qui palmam objecit, confestim flamma reluxit,
 Tenviaque arguto streperunt sibila vento?
 Et qui (a) continuos secum prius ordine longo
 Disposuit globulos; tum flammam excivit, & ignem
 A primo insinuans sollers traduxit ad imum?
 Atque hic arte quidem multa, omnigenaeque Minervae
 Instructus studiis vitro impiger intat, & usque
 Extundit visenda novis spectacula formis.
 Quid? quod & elicitas vario discrimine flammæ.
 Nunquam tentatos idem detorquet ad usus;
 Infuetisque notis absentem (b) affatur amicum.

*Ignis deri-
vatur.*

C

Quip-

(a) Josephus Bozulus Soc. Jesu hic indicatur, qui machinam electricam, cum Philosophiam in Collegio Romano publice traderet, diu multumque, frequenti nobilium spectatorum corona stipatus, exercuit; neque vero ea tantum experimenta capere, quae vulgo nota essent, sed nova, quae ipse excogitasset, tentare solitus fuit; quod quidem ei non raro e sententia, ac plane feliciter evenit.

(b) Hoc loco describitur, seu potius innuitur experimentum a Josepho Bozolo nuper laudato in Seminario Romano captum, quod his ipse verbis exposuit. *Hoc experimento*, inquit, *salsum ostenditur, quod antea ut certissimum habebatur, in exoneratione videlicet tabulae Franklinianae, aut phylae Batavicae fluidum electricum semper per bre-*

vissimam viam tendere. Ostenditur enim, si duae pateant viae, altera per filum metallicum, altera vel per aquam, vel per terram, vel per alia quaecumque corpora, vaporem per priorem abire ut ut longissimam, altera relicta, ut ut brevissima; immo vero, etiam si filum metallicum intercisum fuerit, exiguo tamen paucarum linearum intervallo, deprehensum est, per filum metallicum pergere, atque intervallum illud superare; quod patuit ex scintilla vividissima inter duo capita, quod diximus, intervallo disjuncta, emicante. Si longius sit intervallum per aquam, aut terram &c. phyalam aut tabulam exonerari, plura docuerunt experimenta. Hoc autem constituto potest arcus dufterius adhiberi [arcus dufterii nomi-
 ne

*Novum
experimen-
tum refer-
tur.*

Quippe duo a nexa in longum deducta catena
Aenea fila trahit ; spatium distantia amici
Definit certum , verum , quo lumina fallat
Spectantum , & miram quo callidus occulat artem ,
Fila solo condit penitus defossa sub imo ,
Sic tamen ; ut capita emergant tum denique ; signa
Conscius opperiens conducta ubi servat (a) amicus .
Ipse autem interea vitri revolubilis orbem
De more exagitans fluctum derivat ; & inde ,
Qua duo se extrema respektant aenea parte ,
Attactum citra & praescripto limite , fila ;
Composito tot scintillas educit , ad usum
Quot talem elicitis opus est ; quae singula nempe
Designent elementa (b) ; quibus (c) in verba coactis

Sen-

ne intelligitur quodcumque corpus sed per longiorem fili feretur , & communicatione electricum , quo inducitur communicatio inter superio- rem , & inferiorem tabulae , vel inter interiorem , & exteriorem phylae superficiem] ex filo metallico cujuslibet longitudinis , cujus quidem unum caput , ut fieri solet , inferiorem tabulae superficiem contingat , alterum ad superiorem , cum opus est , admoveatur . Filum autem ita sub terram demergatur , ut aliqua sui parte , in qua sit modica interruptio , emergat in domo amici . Hoc peracto , si exoneretur tabula , vapor , non via brevior per pavementum , in quo est machina ,

apparebit scintilla in domo amici inter duas partes fili metallici eo usque pertingentis . Jam nullo negotio poterit quoddam veluti alphabetum cum amico ex scintillis componi , & aliqua loquendi ratio condici ; quam , ut satis facilem , cujuslibet arbitrio excogitandam eligendamque relinquimus . Huc usque Bozolu .

(a) Servat , hoc est observat ; ita Virgilius Aeneid. lib.5. v.25. Si modo rite memor servata remeior astra ; id est observata .

(b) Alphabeti litteras intellige .

(c) Poetam beneficio caesurae , etiam

Sensû animi pateant , certa & sententia constet ,
Atque his indiciis , fidaque interprete flamma
Absens absentem dictis compellat amicum .

Hinc harum sensim rerum experientia crevit ;
Inde alia atque alia explorando repperit usus ;
Multa etiam tentanti aliud fors obtulit ultro .
Sed magis ad varios res nulla accommoda lusus
Inventa est , quam ferrea virga . fac imbuat illam
Plurimus a vitreo diffusus corpore fluctus ;
Quo bibat occultas quaesita ad munia vires .
Nec plura ; in medium de spectatōribus unus
Prodeat , insignis facie & vernante juventa ;
Pictus acu chlamydem , quam daedala dextera multo
Argento circum , multo & discreverit auro .
Qualis sidonio quondam conspectus in ostro ,
Illususque auro tunicaeque , sinusque crepantes
Cultor frondosae puer ibat regius Idae ,
Quem superum Rex ipse polo miratus ab alto est .
Hic autem , si forte velis risumque ciere ,
Et circumstantis plausum captare coronae ;
Ostrum ostentantem , phrygiaque in veste superbum
Aggredere ; & chlamydis summas qua circuit oras
Argentum , intextumque argento fulgurat aurum ,

*Virga ele-
ctrica fiam-
mas elicit.*

*Festivissi-
mus locus
describitur*

C 2

Vis

etiam sequenti voce monosyllaba ,
uti posse confirmat exemplo suo Vir-
gilius Ecloga 10. v. 69. *Omnia vin-
cis amor ; & nos cedamus amori.*

Plura hujusmodi exempla peti ex eo-
dem Virgilio citarique hoc loco pos-
sent , nisi supervacaneum videretur .

Vis mira accedat virgae ; cita flamma repente
 Rauco cum sonitu disclusa erumpet . At ille ,
 Attonitus monstro , subitos mirabitur ignes ;
 His se se obsessum miser , & candente favilla
 Clamabit . tum multa movens , vestemque flagrantem
 Diducens , partes se se versabit in omnes .
 Sed , quanto ille magis manibus relinguere flammās ,
 Excutiens laxansque sinus , contendere perget ;
 Tanto tute magis trepidanti excire favillas
 Ne cessa , atque instans non segnius utere virga .

*Herculis
 conflagra-
 tio .*

Sic olim vestis , si dignum est credere , inarsit
 Alcidae scapulis , magno pro munere habendam
 Nescia dilecto quam Deianira (a) marito
 Tabifici misit suffectam sanguine Nessi .
 Nec mora ; lethifero vix est sublapsa veneno
 Dira lues , penitusque imis suscepta medullis ,
 Funduntur totis exorta incendia membris .
 Uritur infelix rapido correptus ab igni ;
 Luxuriansque toris pectus , magna ossa , lacertosque
 Indomitae absument flammæ , & praeecordia torrent .
 At miser in rabiemque actus , praecepsque furore
 Bacchatur ; tenditque simul depellere pestem
 Nequidquam ; simul horrendas ad sidera voces
 Attollens , implet magnis ululatibus auras .

Re-

(a) De Nesso , de Deianira , de- dium Metamorph. lib. 9. a ver. 141.
 que Herculis conflagratione vide Ovi. ad ver. 241.

Responfant fremitu sylvae , sonat arduus aether .
 Sed nostrae non tanta ferunt incendia flammæ .
 Nec vanos tibi finge metus ; innoxius ignis
 Errat , & intacto gaudet colludere limbo ,
 Et circum innocuis aurum lustrare favillis .

*Nihil hu-
 jusmodi
 hic perti-
 nescendū .*

Nec minus ille jocus (a) risum , plausumque coronæ
 Jucundum eliciet , quo nescio an accidat ullus
 Grator e multis , spectatoresque moretur .
 Auctor quippe joci Bacchus fuit , ipse ciendo
 Materiem risu suffecit ; & evia nobis
 Nil fortasse aequè memorandum dona tulerunt .
 Quanquam victrices Nisæ de culmine tygres
 Liber agat ; meritoque domet Rhoëtumque , Pholumque
 Nubigenas letho , contemptoremque Lycurgum .

*Jocus alter
 non minus
 festivus de-
 scribitur .*

Lenaeos igitur latices cape , sive falerna
 Quos tibi sufficient , seu chia e vite racemi .
 Non tamen ante datum miros traducere ad usos ,
 Quam faccem exsuerint , labesque excesserit omnis .
 Decoquit hanc penitus subiecto Mulciber igni .
 Est vas , quod latum in ventrem turgescit , idemque
 Sensim digrediens camerato a vertice , longum
 Desinit in rostrum ; peregrina ciconia quale

*Descriptio
 vasis di-
 stillarii .*

C 3

Ore

(a) In hoc experimento exponen- Philosophi, sed Poetae personam su-
 do plus descriptioni poeticae indulget-
 auctor, quam rei ipsius veritas for-
 tasse patiatur. Sed aliquid opinor au-
 stori concedendum, qui jam se non
 stinere ; & voluptati legentium mal-
 le, quam eruditioni servire professus
 sit .

Ore gerit , tortis avis execrata colubris .

Illi vas aliud supponitur , haud minus amplo
Turgescit quod ventre capax , Bacchumque receptat
Infusum . Bacchi liquor , attenuante calore ,
Submittit lento quem carbo plurimus igni ,
Rarefcit , leviorque petit sublimia vasis ;
Mox ubi stipantis sensit vim frigoris , udum
Cogitur in rorem ; & rostri per devia pronis
Decurrit large rivis . hac arte liquato

Confer-
Etio liquo-
vis, quæ ap-
pellant Ro-
foli .

Addunt coriandri , aut beneolentis semina anisi ,
Aut vesca adjiciunt fragrantia cinnama canna ;
Saccharaque austerum domitant jucunda saporem .
His demum exactis , rorantibus atque minutis
Exceptum cyathis , lautae post fercula mensae ,
Crusta inter mellita , interque cupedia potant .

Ergo age fume manu medicata cuspide virgam ,
Atque oculis vestiga ; & quem observaveris unum
Largius epoto nimis indulgere liquori ,
Huic tende insidias ; huic improvisus adesto ,
Vix leviter pressa firmans vestigia planta ,
A tergo ; fraudique accommoda tempora capta ;
Dumque labris cyathum sitientibus admovet , atque huic
Ore inhians , oculisque bibacibus imminet , omnes
Tolle moras , virgamque intenta . flamma sequetur
Extemplo , pateramque vorax amplexa , liquorem
Ebibet . ille volans tenues vanescet in auras ;

Obtentu
virgae li-
quor igne
concipit, &
evanescit .

Et

Et miserum ambiguumque animi, attonitumque relinquet.
 Confurgent studia aditantum, risuque soluto,
 Atriaque effusis resonabunt alta cachinnis.

Nec vero, si tanta animum, si forte cupido
 Incessat, prope navalis spectacula pugnae
 Edere non poteris; facilis modus. accipe chartam,
 Quam prius inducto tenuis convestiit auro
 Lamina, & in parvae formam composito cymbae;
 Quales aedificant pueri, rigisque vehendas
 Imponunt (a) aquulis; prono per gramina lapsu
 Sicubi decurrunt. circum stupet inscia pubes
 Exilem mirata, ullo sine remige, puppim
 Accelerare viam. cursum tenet illa secundum;
 Donec vel ripae, vel saxo allisa, repente
 Mergitur, & fundo demersa residit in imo.

*Specimen
quoddam na-
valis pu-
gnae exhi-
betur.*

*Constru-
ctio navi-
culae pa-
pyraceae.*

Hoc exstructa modo, & facili properata labore
 Innatet undanti vaga cymba excepta catino.
 Dumque anceps haeret, fluitatque incerta, potentem
 Virgam adhibe. virgam vix sentiet illa propinquam,
 Protinus, impellant veluti si carbasa venti,
 Angusto varios describet in aequore gyros;
 Et quaecumque velis in partem haud segnis agetur.
 Interea faciet flammam & fulgura crebra,
 Non sine raucisonis crepitantia fulgura bombis.

*Virga na-
viculæ ad
se trahit.*

*Flammam
& crepitus
ciet.*

C 4

Haud

(a) Vox est ciceroniana; occurrit *Socrates, quae mihi videtur, non*
 in lib. 1. de Orat. c. 7. ubi sic; *Cu- tam ipsa aquula, quae describitur,*
jus [platani] umbram sequutus est quam Platonis oratione crevisse.

Haud secus ac , si parva licet componere magnis ;
 Foeta armis medio pinus cum martia ponto
 Vela facit ; cursuque secat vada falsa secundo ;
 Vix in conspectum se se dedit aemula classis ,
 Nulla mora ; obvertit latus , ingentique fragore
 Intonat horrendum ; tonitru quo maximus aether ,
 Et concussa fremunt late aequora . squamea tum gens ,
 Et turpes summo nantes in gurgite phocae
 Attonitae fugere metu ; conterritus omnis
 Nereidum , Phorcique chorus petit alta profundi
 Stagna maris , penitusque imis se fluctibus abdit .

*Alia experimenta
 videntur
 feruntur .*

Quid referam , extincti visi ut splendescere lychni
 Unius obtentu virgae , noctisque per umbram
 Late improvisam funalia mittere lucem ?
 Quid ? si quis stricto invadat te cominus ense ;
 Ne trepida ; virgam dextra praetende ; minaces
 Illicet erumpent adverso ex ense favillae .
 Portenti genus ! ille novo stupefactus , & haerens
 Prodigio , posuitque minas , longeque refugit .

*Experimentum
 torum nu-
 merus pro-
 pe infini-
 tus .*

Quid pergam ulterius ? non hic ego versibus opto ;
 Nec vero , si vox mihi ferrea ; si mihi centum
 Sint linguae ; centum ora sonent ; quam multa reperta ,
 Quam nova , quam variis spectanda eventibus , & quam
 Felici fuerint successu educta sub auras ,
 Percensere queam numero ; quem noscere si quis
 Forte velit , pluvii guttas velit aëris idem

Disce-

Discere ; cum ruptis tempestas nubibus atra
 Praecipitat caelo , densosque exaggerat imbres ;
 Aut quot deciduis autumnì tempore sylvae
 Sternantur foliis , plantis cum frigora prima
 Decussere comas , & laetae frondis honorem .

Haec adeo , e mediis hac tempestate tenebris ,
 Erexere caput , seque aspectanda dedere ,
 Sollerti cura studioque excita recenti .

Nam quid (a) inexpertum ? quid nostra reliquit inausum
 Aetas ? haec superas caeli conscendit ad arces ;
 Non ut bella Jovi , superisque infesta quietis ,
 Grande nefas aggressa , inferret more Gigantum .
 Hos una exstructis cum montibus aethere ab alto
 Praecipites dedit , & molitus fulmina dextra
 Altitonans genitor stygias detrusit ad undas .
 Verum , ut noctivagos ignes , titaniaque astra ;
 Et nitidam lunae , atque ardentem lampada solis
 Inspiceret propius ; rapidique intenta citatos
 Volventis motus contemplaretur olympi .

Haec (b) summo digressa polo , dimensaue terram ,

Rep-

*Digressio
 de laudibus
 nostrae ae-
 tatis .*

*Astrono-
 mia felici-
 ter excul-
 ta .*

*Telluris
 forma defi-
 nita .*

(a) Multa hic ab auctore de lau-
 dibus nostrae aetatis praedicantur ;
 & merito quidem , quod ad artes ac
 facultates liberales pertinent . Facul-
 tates enim , & in primis mathemati-
 cae proximis hisce annis vehementer
 excultae sunt , & miri in iis progressus

facti . Humatioribus litteris non mi-
 nori contentione opera impensa est ; &
 ipsae quoque ad summum decus splen-
 doremque provectae . Studium vero
 Antiquitatis nunquam profecto aequè,
 atque aetate hac nostra viguit .

(b) Celeberrima indicatur expedi-
 tio

Repperit (a), ut tumido se se efferat edita dorso,
 Aequans qua medium diffindit circulus orbem;
 At contra geminos depressa residat ad axes.

*Expedi-
 tiones in
 longinquas
 terras sus-
 ceptae.*

Haec prope inaccessas tot per vada caerulea terras,
 Terrasque tractusque maris, semotaque longe
 Littora, barbaricis quanvis infesta rapinis,
 Visendi studio, pulcraque cupidine capta,
 Remigio audaci pervasit; & aequore toto
 Immensum per iter velis delata secundis
 Ditavit nostrum inventis felicibus orbem.

*Summa
 Mathematicorū
 insignis mul-
 titudo.*

Extulit haec genus acre Virum, genus acre Sophorum
 Cassinos (b), & Manfredos (c) celebrataque fama
 Nomina Zanottos (d), quos docta Bononia partu

Lae-

tio ad definiendam telluris formam
 a Ludovico XIV. Galliarum rege ma-
 gnificentissime adornata, & a Gallis
 alacriter suscepta an. 1735.

(a) Unde multo certius, quam ex
 captis in Gallicana expeditione men-
 suris, telluris forma definiri possit,
 docet Rogerius Boscovichius in adno-
 tationibus suis ad poema Caroli No-
 ceti de Aurora boreali. adnot. 54.

(b) Cassini duo exstiterunt cele-
 berrimi tota Europa Mathematici,
 pater & filius. Cassinus pater magnis
 praemiis ac pollicitationibus a Ludo-
 vico XIV. Galliarum Rege expetitus,
 relicta Bononia, Parisios concessit,
 ibique consedit.

(c) Ex Manfredia familia qua tuor
 prodierunt Viri omni laude cumula-
 tissimi. Eustachius Mathematicus cla-
 rissimus, & editis operibus celeberrimus.
 Gabriel Insignis item Mathe-
 maticus. Heraclius Mathematicus si-
 mul & Medicus excellens. Nec a-
 trium fratrum laude abhorruit Aemi-
 lius e Soc. Jesu, Mathematicus, Astro-
 nomus, & Concionator egregius.

(d) Franciscus Zanottus insignis
 Mathematicus, & scientiarum Bono-
 nienfis Academiae Praefes, Acade-
 miae ipsius historiam, seu potius acta
 edidit Bononiae anno 1731. idem la-
 tina & etrusca carmina ad antiquum
 nitorem elegantiamque expressa es-
 dem

Laeta suo superas in luminis edidit oras
 Ausonium ad Rhenum. haec geminos, devota Matheſi
 Pectora *Riccatos* (a); Phoebeisque artibus omni
Morgagnum (b) Europae notū; haec & te inclyte *Newton*,
 Anglia quo tantum generosa superbit; & unum
 Opponit cunctis, fatis hoc illustris alumno.

Nec vero te cum fociis *Rogere* (d), ſilebo

Rogerus
Boscovi-
chius Ma-
thematicus
celeberrimus.

dem in urbe vulgavit an. 1751. Ex hac eadem florentissima doctorum hominum familia plures numerantur clarissimi viri, quorum fama cum satis pervagata sit, idcirco ab his commemorandis superſedemus.

(a) Comes Jacobus Riccatus, & Vincentius Riccatus Jacobi filius e Soc. Jeſu, duo inſignes & praecellentissimi Mathematici, pluribus editis ingenii monumentis notissimi. Vincentius Bononiae egregium opus edidit an. 1749. quod inſcripſit *Dialogo delle forze vive, e delle azioni delle forze morte*. Item aliud eandem in urbe an. 1752. *De uſu motus traſſorii in conſtructione aequationum differentialium*. Tertium item de Algebra an. 1765. ibidem.

(b) Joannes Baptiſta Morgagnius in Gymnaſio Patavino Anatomies Profeſſor, Anatomicorum noſtrae aetatis facile princeps, & ſaeculi ornamentum, ut eum Jacobus Baſſanus appellat in elegia quadam ad ipſum perſcripta, qui ſe non inveniffe ſaeculi incommodum dicit.

(c) De Newtono Anglo praefat tacere, quam pauca dicere.

(d) Multa hic de tanto Viro commemorantur ab auctore, quae illustratione aliqua indigent, & a nobis una adnotatione expediuntur. Boscovichius Romae in Gregoriana Univerſitate multos annos Mathematicam docuit, & multa edidit, quae ſummo plaufu a Mathematicis excepta ſunt. Lucenſis Reip. rogatu Viennam Austriae adiit, ibique annum commemoratus remigravit in Italiam, & Romam rediit. Rurſus novum iter ſuſcepit, & fere totam Europam peragravit, nobilioresque Academias praefens inviſit. Mox Conſtantinopolim contendit, Conſtantinopoli iterum in Italiam, ac Romam venit. Reſiſta jam tertium Roma a celeberrima Ticinenſi Univerſitate evocatus Papiae nunc Mathematicas diſciplinās, non ſine ſumma praefantiffimi ingenii laude, publice proſitetur. Nunc audio eundem ab Academia Londinenſi expetitum anno ſequenti in

Ame-

Ximenio (a) , & *Lechio (b)* , Uranie quos educat ipsa ,
 Et gremio fotos primis Dea fuit ab annis
 Siderei super arce poli ; *Rogere* , *Mathesi*
 Dilectum ante alios ; sed eundem non minus almis
 Dilectum Musis , & Apolline digna canentem .
 Quam timui , magnis de rebus ad alta Viennae
 Moenia ne nūsum te regia Caesaris Urbi ,
 Ac pulcro eriperet Latio , reditumque negaret .
 At secus evenit . longo post tempore demum
 Vindelicas linquis superatis alpiūs oras .
 Jamque redis . reducem gratatur maxima Roma ;

Sal-

Americam navigaturum , observandi causa transitum Veneris sub Sole , qui quidem transitus totam Mathematicorum nationem mirum in modum anxiam nunc habet atque sollicitam .

(a) Leonardus Ximenius e Societate Jesu Mathematicus Caesareus . Mathematicas disciplinas Florentiae professus est . Vulgavit Venetiis an. 1751. prima sex Geometriae planae elementa ; Florentiae vero , anno proxime sequenti , aliud egregium volumen edidit , quod inscripsit ; *Notizia de' tempi de' principali fenomeni del cielo nuovamente calcolati secondo le ultime tavole Cassiniane* . Quod vero plurimam ad Mathematicarum disciplinarum incrementum valet , & valebit in posterum , nobilem in Collegio Florentino in usum Astronomi-

carum observationum speculam construxit ; & lineam meridianam in aede urbis princeps duxit ad illarum similitudinem , quae jam pridem Bononiae in templo S. Petronii , & Romae in templo S. Mariae Angelorum a peritissimis , & celeberrimis Mathematicis ductae fuerant .

(b) Antonius Lechius e S. J. Mathematicus & ipse Caesareus . Quas disciplinas publice in Braydensi Soc. Jesu Universitate professus est , easdem doctissimis scriptis , & editis libris illustravit . Edidit Mediolani an. 1752. *Aritbmeticam universalem* Isaaci Nevvtoni . Mediolani item *elementa Geometriae theoricæ & practicae* an. 1752. Rursus Mediolani *Hydrostaticam* vulgavit an. 1766. Alia edidit , quae longum esset enumerare .

Salvum atque incolumem focii amplectuntur ovantes .
 In primis ego te amplector ; te pectore toto
 Excipio . tu caeca regis vestigia ; certum
 Tendenti incerto pede per loca devia vati
 Tu monstras callem . sine te nihil ipse nec ausus ,
 Nec possem . acceptum nequeo non proinde referre ,
 Quale est cumque tibi , quod carmine molior , uni .
 Verum ah ! vix laeti reducem excepere sodales ,
 Te novus ardor agit longinquas visere terras ;
 Nobilis ille quidem , at caris desendus amicis .
 Quid faciam ? num te morer importunus aventem
 Doctrinae varias peragrando quaerere merces ;
 Claraque priscorum renovare exempla Sophorum ?
 Non ita ; quin potius , quando felicia spondent
 Cuncta Dii ; & magnis animus non deficit ausus ;
 Vade age , rumpe moras , quo te tuus incitat ardor ;
 Vade , & communem tecum fer ad aethera famam .

Quid memorem reliquos , eadem quos extulit aetas
 Alma viros , omnes scriptis insignibus , omnes
 Ingenio claros ; quorum immortale vigebit
 Nomen , & aeternis florescet gloria saeculis .
 At vos indictos *Oliveri* (a) , & *Passere* , non hic

Non

*Testifica-
tio aucto-
ris grati
erga Bosco-
vichium a-
nimi .*

*Boscovi-
chii pere-
grinatio-
nes .*

*Reliqui
celebriores
Viri indi-
cantur .*

(a) Annibal ex Abbatibus Olive-
riis, Patritius Pisaurensis, & Joa-
nes Baptista Passerus J. C. & Vicarius
Pisaurensis, duo clarissimi & eruditif-

fimi Viri merito hic ab auctore ob
excellentem doctrinam atque erudi-
tionem inter prima Italiae lumina
recententur . Plura ambo ediderunt
ope

Non ego transferim antiqui duo clara Pisauri ,
 Quin adeo Italiae clarissima lumina ; nullum
 Non vos commendat studii genus ; edita porro
 Prisca tot in lucem monumenta , & Marmora sculptis
 Insignita notis ; Gemmae , veteresque Lucernae
 Extendent vestram ventura in saecula famam .

Nam quid praeterea referam (a) , quos inclyta Roma
 Suspexit in praesens tales ; felicia quondam
 Quales extulerunt Augusti tempora , graja
 Et latia doctos lingua . quid ? carmine Vates
 Etrusco egregios pariter , pariterque latino ,
 Fertilis Arcadiae quos effert coetus , alitque
 Laurigeras inter sylvas ; quosque aemula , jugi
 Submittit foecunda cohors laetissima partu
 A magno clarum nomen sortita Quirino .

*Coetus Arcadicus, &
 Academia Quirinorum
 laudantur.*

Quam

opera , quae summam auctoribus
 laudem atque existimationem conci-
 liarunt , & quorum aliqua hic subji-
 cio . Oliverius *Marmora Pisaurensia
 notis illustrata* Pisauri edidit an. 1738.
 ejusdem aliquot *Dissertationes* , quas
 vocant , leguntur in collectione Ca-
 logeriana . Passerus vero *Lucernas fi-
 stiles Musei Passerii* Pisauri edidit
 an. 1738. Item *Thesaurum gemma-
 rum antiquarum affriferarum* . Flo-
 rentiae an. 1750.

(a) Duo insignes doctorum homi-
 nam coetus hoc loco indicantur , qui
 Romae florent sapientissimis , ac poe-

tica praefertim laude praestantissimis
 viris . Alter ab *Arcadia* nomen ha-
 bet , cui diu praefuit Michael Josephus
 Morejus Poeta nobilis , & laude di-
 gnus ; huic vero non ita pridem vi-
 ta sancto successor datus est Josephus
 Brogius non minori laude censendus .
 Alter coetus Academia *Quirinorum*
 appellatur ; atque hic etiam clarissi-
 mis ac praestantissimis viris abundat .
 Cui quidem tertius addi potuit , im-
 mo vero debuit , qui sibi *Infoecun-
 dorum* nomen adoptavit ; & nihil
 duobus superioribus de ingenii laude
 praestantiaque concedit .

*Alii docti
Viri recensentur.*

Quam vellem hic longam seriem enumerare virorum
Tantorum? te, culte *Fabi*; (a) te, docte *Seraffi* (b)
Cum docto, quem par ornat sapientia, *Preto*; (c)
Et te *Pieridum* (d) iudex, cenforque mearum;
Et te, (e) quo fido ante alios interprete Princeps

Ufus

(a) *Fabius Devotus* Scriptor egregius & Poeta excellens, atque in scribendis latinis satyris ac sermonibus *Horatium* sequutus; hoc vero ab *Horatio* distat, quod vitia carpit, sed famae parcat, mores corrigit, sed pudori consulit; vir christiana plane temperantia & verecundia maxime spectandus; quae laus raro admodum in huiusmodi scriptoribus invenitur, qui plerumque fervido, quo calent, ingenio abutentes, modum tenere nesciunt, in eo ipso animadversione digni, in quo alios corrigere volunt ac reprehendere.

(b) *Petrus Angelus Seraffius Bergomas*, Vir eruditissimus, & Philologus insignis, emendatissimas editiones celebriorum Italorum Poetarum consuecndas curavit. *Petri Joannis Massèji* civis sui celeberrimi Scriptoris opera latina omnia cum italica Historiae de rebus indicis versione 4. volum. comprehensa publici juris fecit.

(c) *Ludovicus Pretus* Vir doctissimus, & Rhetoricae & Poeticae artis scientissimus. ea, quae edidit, ejus in utraque facultate praestantiam satis declarant.

(d) *Joannem Pompejum Manzichium* auctor indicat, Virum doctissimum, & sui amicissimum, cui etiam opus hoc ipsum cognoscendum dedit. Multa Vir hic summus scripsit italicae & latine, prosa & versu; singulari in utraque lingua & nitore & elegantia; sed modestissimus homo scripta sua apud se suppressa tenet, & vix cum amicis communicat. Optandum esset, ut aliquid de tanta modestia remitteret, & amicis ad ea, quae scripsit, edenda hortantibus morem gereret.

(e) *Michael Angelus Jacomellius* *Clementi XIII. P. M.* ab epistolis latinis ad Principes, indicatur, qui quidem nuper in collegium Canonico-rum Basilicae Vaticanae ab ipso *Clemente* cooptatus, & *Chalcedonenfis* Archiepiscopus creatus est. Haec praemia homini meritissimo Pontifex munificentissimus jure contulit; est enim Vir singulari doctrina atque eruditione praeexcellens, graecae & latinae apprime sciens, cujus utriusque linguae ab eo edita non pauca existunt monumenta.

Ufus senſa animi expromit ſua ; teque (a) ab amico
 Optimus ipſe *bono* tibi qui cognomen adoptas ;
 Et tot praeterea non uno nomine dignos
 His adcenſeri , ſileo quos hic minus aegre ,
 Promeritos juſto quod non patietur honore
 Fraudari , eloquio nuper qui (b) nobilis aureo
 Magnorum inſtituit vitas deſcribere Vatum ,
 Et clara aeternae committere nomina famae .

Angelus
 Fabronius.

Artefacta
 varia in
 uſum Phyſi-
 cae , &
 Aſtrono-
 miae .

Addē his (c) artificumque manus, operumque laborem ;
 Priſmata (d) in adverſo pingentia pariete fila ,
 Fila coloratae vario ſubtemine lucis ,
 Et diducta ſuum reddentia quaeque colorem ,

An

(a) Intelligi vult auctor Philippum Bonamicum , Caſtrucci illius fratrem qui libros *De bello ad Velitras* geſto ſummo doctorum hominum plauiſu exceptos Caefariano ſtylo conſcripſit . Singularem aureae latinitatis laude fratri non inferior eſt Bonamicus hic noſter . Edidit Romae an. 1753. *De claris pontificiarum epiftoiarum ſcriptoribus* opus egregium , quod qui legat , & nitorem linguae aureo ſaculo dignum , & ſummi Viri de ſummis item Viris acre iudicium admirabitur .

(b) Angelus Fabronius Patricius Piſtorienſis indicatur , Baſilicae S. Mariae trans-Tiberim Canonicus , qui non Vatum tantum , ut inquit auctor ,

ſed clarorum in omni doctrinae genere ſui temporis Virorum vitas latina lingua ſcribere inſtituit . Primum volumen jam prodiit Romae an. 1766. in Scriptore , qui tantum opus ſuſcepit , nihil ad veritatis hiftoricae fidem requiras , nihil ad mundiffimi ſermonis elegantiam deſideres .

(c) Delabitur auctor ad artefacta in uſum praefertim Aſtronomiae ſingulari operae atque artificio conſecta .

(d) Priſma inſtrumentum aetate hac noſtra notiffimum . Multa de priſmate , & de Nevvtoni radiis ac ſiſlis coloratis diſputat Boſchovichius in ſuis ad Iridem Noceti adnotationibus 10. 11. 12.

An cryſtalla tubis incluſa ? an levia (a) in horum
 Perſequar hic ſuffeſta locum mira arte metalla ;
 Aſtraque juſſa oculis propius ſuccedere noſtris ?
 An ſuper haec addam refractae lucis in uſum
 Vitra (b) novo conſtata opere , & metantia certos
 Inter ſe abſceſſus radiorum ? an denique centum
 Adjiciam egregias exulta inventa per artes ?

Salve aetas ; ſalve magnis praeclara repertis ;
 Aurea (c) non tecum contendant ſaecula ; quondam
 Cum fera barbaries exacta , Scythaeque , Gotique
 Ceſſere Oenotria pulſi ; & reparata vetuſtam
 Induerunt rurfus ſpeciem , quae plurima peſſum
 Gens dederat gelidis effuſa trionibus , almae
 Excido Italiae nata , Aufonidumque ruinae .
 Tunc longum extorres diae rediere Camoenae ,
 Deſertaſque plagas coepere inviſere rurfus ;
 Fluminaque eloquii fluxerunt aurea ; verbis
 Grator etruſcis tunc & venus addita ; nec non
 Argivae vulgo culta eſt ſacundia linguae ,

*Comparatio noſtræ
 ætatis cū
 ſæc. XVI.
 Barbarorū
 irruptiones
 in Italiam.*

D

Tum

(a) Teſcopium Nevvtonianum intellige .

(b) Inſtrumentum recentiffime excogitatum ; *Viſuomeſtrum* appellant .
 Opuſculum de vitrometro ab Boſcovichio concinnatum non ita pridem editum eſt . Inſcribitur autem ; *De recentibus compertis pertinentibus ad perficiendam Dioptricam* .

(c) Barbarorum in Italiam irru-

ptione quantum detrimenti bonae artis coeperint , omnibus notum eſt ; quantum vero eadem , exactis barbaris , proveſtae fuerint ; tum ſenſim conciderint , aequè compertum eſt omnibus . Nunc vero , in Italia præſertim , rectum de bonis artibus judicium ita viget , ut merito aureo illi ſaeculo , quod a poeta commemoratur , ætas hæc noſtra comparetur .

Tum reliquae, docta Pindi praeceunte caterva,
 Succedere artes; discendi immensa cupido
 Corripuitque animos; laudisque incendit amore.
 Dein, quae conditio est atque inconstantia sortis
 Humanae, tanto paulatim e culmine rerum
 Omnia concidere, & retro sublapfa referri
 In pejus; donec, divorum munere, rursus
 Altius ex ipsis nunc emergere ruinis;

Salve iterum, salve, tot laudum insignibus aucta,
 Clara tot inventis, tot nobilis artibus, aetas.
 Tempus erit, veri siquid mens praecipit, olim
 Cum te posteritas mirabitur; atque laborum
 Felicem ante alias fortunatamque vocabit.
 Hinc exempla petet; subdi hinc sibi sentiet acres
 Ad decus ac famam stimulos; hinc aemula virtus,
 Aemula magnorum laudi consurget avorum (4).

ELE-

(4) Non continuo hic versus reprehendendus est quod secundae vocis ultimae syllabae, ultimis postremae vocis syllabis assident: Horum versuum exempla occurrunt in ipso Virgilio; ejus teretes aures hujusmodi consonantia minime offendit, Aen. lib. 4. v. 260. *Aeneam fundantem arcem, de troia novantum.* lib. 9. v. 634. *Troia iugis;* *In verbis virtutem illud superbois.* lib. 10. v. 554. *Dum vapet orantis nequidquam, ac multa parentis:* Ex illa deo Aen. lib. 3. v. 549. *Contra volat arum*

obortimur antennarum; & lib. 12. v. 373. *Ora cisatorum destra desorsit equorum.* Atque hi quidem versus *leonini* vulgo appellantur, quibus qui modice utatur, reprehendi, Virgilii ipsius exemplo proposito, certe non debet, varietas enim haec numerorum carminibus gratiam & venustatatem conciliat. In poeta autem nostro duos tantum, vel tres hujusmodi versus invenies; unde temperantior in iis usurpandis, atque adeo abstinentior esse profecto non potuit.

ELECTRICORUM

LIBER II.

SED jam , quae vacuas teneant spectacula mentes ,
Sit libasse satis ; neque enim sola inde voluptas
Quaerenda , aspectu quae lumina pascat inani .
Nunc ad doctorem , quod nostra exorsa requirunt ,
Ordine progrediar memoranda reperta virorum ;
Et simul inventis aliquod superaddere tantis ,
Si Musae annuerint , adistque vocatus Apollo ,
Enitar decus , & pimplaeum afflare leporem .

*Præcipua
experimen-
ta ad suas
classes re-
diguntur .*

Ac jam , praefaga quod rebar mente futurum ,
Expertus didici , verbis haec vincere magnum
Quam sit ; & humanas quantum quae plurimâ mentes
Dulcibus illecebris capere innexasque tenere .
Suevit , meque istis illectum blandius orsis
Implicuit , Novitas ausis praestantibus obftet ,
Haec sit , ut indictis verborum in rebus egestas
Te premat , & veterum nequidquam opera inclyta vatum
Explores ; nequidquam animo Latium omne peragres ,
Nusquam cogere opes ; nusquam depascere honorem
Insignem vocum datur , atque avertere gazam ,
Unde nitens oculi los blando fulgore legentum

*Difficul-
tas mate-
riae tra-
ctandae ex-
penditur .*

Praestinguat (a) verbis res illustrata latinis .
 Adde , quod absurdis quae vix non vocibus usus
 Extuleris , numerisque aegre concluderis arctis ,
 Duras ad Pindi leges atque aspera jura ,
 Aonidum multo sunt perspergenda lepore .

Sed me , Parnassi tendentem ad culmina , laudis
 Urget amor . juvat ire jugis , qua nulla priorum
 Pressa solo tritum signant vestigia callem ;
 Atque meo exfortem capiti petere inde coronam .

*Digressio
 de laudibus
 Caroli Noceti Soc. J.*

Nam quid in angustiis hominum sollertia rebus ;
 Quid vis , cum voluit , non extudit ? ecce repertus , (b)
 Ecce

(a) Vide adnotationem superiorem pagina 21. , ubi ratio redditur cur hoc verbum ita efferatur .

(b) Carolus Nocetus Societ. Jesu Theologus insignis , & Poeta excellens plura reliquit in utraque facultate & theologica & poetica , singularis atque eximii , quo praeditus erat , ingenii monumenta . Quod attinet ad Theologica egregium opus scripsit , In quo Theologorum Societ. Jesu , qui ab Adversario quodam in crimen corruptae morum disciplinae vocabantur , causam suscepit . Nihil eo in opere ad simplicis veritatis trutinam non exactum ; ut qui illud legat , inquirendae veritatis , & falsa a veris dijudicandi rationem condiscat . Tanta vero moderatione animi in eo scribendo Nocetus usus est , ut Adversarium refellat quidem , sed a conviciis omnino absteat .

Opus autem Romae prodit an. 1753. Sed , his omisiss , quae a nostro instituto aliena sunt , quod ad poetica monumenta pertinet , praeter eclogas quasdam Romae an. 1751. una cum eclogis Renati Rapini e Soc. Jesu impressas , scripsit philosophica poemata duo elegantissima , unum *de Iride* , alterum *de Aurora boreali* , quae primum Romae an. 1747. cum adnotationibus Rogerii Boschovichii in lucem prodierunt , deinde Parisiis impressa sunt sine adnotationibus an. 1747. Utrumque autem poema in italicum idioma elegantissimis e rusticis carminibus ab Antonio Ambrogio Soc. Jesu conversum jam pridem Florentiae in lucem prodit an. 1755. Nunc vero nova eorundem poematum adornatur editio , quae tum Boschovichii adnotationes , tum Ambro-

Ecce Vir , ingenio praeſtans , qui carmine plenum
 Incurva aggreſſus quem linea conficit orbem ,
 (Ardua res !) ſpatiis ſegmenta in quattuor aquis
 Diſſidit ; inque gradus decies ſegmenta novenos
 Singula partitus , magnos traduxit ad uſus .
 Nempe hinc ignotos roſeae Thaumantidos ortus
 Prodidit , & , certa repetens ab origine cauſam ,
 Oſtendit , medio cur fulgeat aethere in arcum
 Flexa , & multiplici gaudens pulcherrima cultu
 Explicet adverſo cur non niſi ſole colores .
 Tum varios idem flexus , variosque reflexus ,
 Refractuſque docet radiorum . his aurea lucis
 Verſicolaratae ſubneſcit ſtamina ; nevit
 Quae Pater ipſe ſua , textum admirabile , dextra ;
 Cum lunam , & late colluſtrantem omnia ſolem
 Conderet , inferretque polo fulgentia ſigna ,
 Et totum variis diſtingueret ignibus axem .

*Poemata
 Noceti .*

Iris .

Quid ? quod hyperboreas auſus penetrare ſub oras ;
 Et magni illuſtrans praeclara inventa Merani (a)
 Parrhaſiam cecinit divino carmine lucem .

*Aurora Bo-
 realis .*

D 3

Illa ,

brogii verſionem complexa , & nito-
 re priores & rerum copia ſuperabit .
 Ad haec Poemata in ſua digreſſione
 alludit poeta noſter , & plura inter-
 ſerit ab ipſo Noceto deſumpta ; ut il-
 la de lucis radiis coloratis , & illa
 alia de inani imperitiae multitudi-
 nis formidine dira quaeque , ex inuſi-
 tato ſtammarum borealium aſpectu ,

ſibi ominantis , quae ſuſius expreſ-
 ſa in Noceto leguntur . Originem
 vero Aurorae borealis , quam bre-
 viter poeta noſter exponit , ea eſt
 omnino , quae a Noceto in ſuo Poe-
 mate traditur .

(a) Mairanus Academiae Pariſien-
 ſis a Secretis auctor ſententiae , quam
 Nocetus illuſtrat .

Illa , humilem spernens , & dedignata jacentem
Nimborum patriam , nostro procul orbe recedit
Ardua , seque polo spectandam praebebat ab alto .

Attonitae vulgo longe lateque nigranti
Mirantur gentes fulgentem in nocte ; novoque
Pectora concussae monstro , sibi dira parari

Excidia , & caecos metuunt instare tumultus .
Ah ! miserae ; ah ! nimium trepida formidine captae
Ignarae gentes , tantos ne fingite casus

Aurora Borealis nihil triste portendit . Nequidquam ; vanas animo depellite curas .

Non illa (a) ultrices offensi numinis iras ,
Pestemve , horribilemve famem , aut lacrymabile bellum
Funesto miseris denunciat omine terris .

Origo Aurora; Borealis . Scilicet innocuo per opacam lumine noctem
Fulget ; & aetheream referens primordia ad auram ,

Quae circumfuso refluit Titanis ab orbe ,
Ingreditur caelo Phoebi omniparentis alumna ,
Edoniquae nitet Boreae de parte nivali ,
Aemula puniceae Aurorae , cum mane serenum
Exerit alma caput , nimbo fuccinta rosarum .

Haec ille , Arcadiae coetu assurgente , canebat
Tybridis ad ripam ; Tybris miranda canentem

Suf-

(a) Vetus fuit error hujusmodi nomenorum aspectu sibi dira quaeque
phaenomena semper aliquid triste metuentium jure ac merito ridetur .
atque exitiale mortalibus portende- Causarum ignoratio falsam induxit
re , aetate vero hac nostra veterum opinionem , falsa opinio vanas con-
credulitas ex improvilo horum phae- jestationes , certamque formidinem .

Suspexit, plausumque dedit; cui Sequana longe
Respondens, totis applausit Sequana ripis.
Felix sorte tua, quem non ignava sequutum
Otia de summo praefens aspexit olympo
Uranie, faciles cui nulla exorsa Camoenae
Abnuerunt; perge occultas disquirere causas,
Nomen & aeternis victurum intexere chartis.
Perge novas tentare vias felicibus usus
Auspiciis, priscoque inventa recentia comptu
Ornare, & musis exulta efferre latinis.

*Adhortatio
ad Carolum
Nocetum.*

Verum quid loquor (a)? & nil proficientia verba
Effundo in ventos? heu! spe dum pascor inani,
Grandia praecipiens mecum ipse, & mente volutans,
Heu! te multa animo meditantem, & magna parantem
Mors interceptit, lethoque oppressit acerbo.
Occidis, Ausoniae decus immortale palaestrae;
Occidis, Aonidum decus immortale sororum.
Te nemus Arcadiae, flavo te gurgite Tybris
Flevit; & in primis jacturam maxima Roma

Correctio.

*Mors im-
matura Ca-
roli Noceti.*

D 4

Im-

(a) Hic poeta inopinatum clarissimi Viri interitum deplorat ac deflet. & merito quidem. eo enim, cum addiscendae Theologiae operam daret, usus est praecceptore, ejusque summam erga se benevolentiam, quandiu vir humanissimus vixit, expertus est. utinam tanto viro diutius vitam propagare licuisset! multo sane plura,

quam quae reliquit, in omni doctrinae, sive amoenioris, sive severioris genere haberemus. At, ut inquit ille, *Dis aliter visum*; Deo, inquam, cuncta suo arbitrio disponenti, & sapientissime gubernanti; ejus voluntati repugnare nefas est, immo veso deest omnino acquiescere.

Immeriti doluit capitis . Mors invida sed te

*Elogium
Caroli No-
ceti .*

Abstulerit quanquam properato funere ; totum

Non tamen eripuit nobis . meliore superstes

Parte tui vivis ; vivis , nomenque vigebit ,

Et vetus egregio celebrabitur Apua (a) cive ;

Dum juga Parnassi cum doctis Phoebus alumnis

Accolet , & pulcras Jove nata tuebitur artes .

*Reditur ad
propositū .*

Nec minus idcirco tanta haec exempla sequutus

Ipse etiam , magnis quanquam conatibus impar ,

Intacta pergam ire via ; & , qua semita nulla est ,

Praerupti nitar celsa ad fastigia Pindi .

In primis , seu te capiant spectacula , five

Occultas potior te cura inquirere causas

Sollicitet ; corpus quod tandem cunque lubebit

Admovisse operi , aut submittere lusibus optas ,

Non tibi de medio temere sumatur acervo .

*Electro cor-
porum pro
capiendis
experimen-
tis .*

Namque inter se se delectu corpora nullo

Obvia quaeque negant committi . Excepta legantur

De genere illorum , quæ vis extrinsecus omnis

Advenit , atque illis discas componere , (b) quæ vim

Inge-

(a) Apuæ nomine patriam Noceti designat poeta . Natus est Carolus Noceti in Liguriæ oppido , vulgo *Pontremoli* , quod eruditi veterem Apuam esse contendunt ; natus , inquam , loco nobili , atque illustri familiâ , Admodum adolescens adscitus in Societatem Jesu , in ea san-

ctissime vixit ; & tum patriam , tum Societatem singularis doctrinae ac nominis sui fama maxime honestavit .

(b) Ad eum videlicet finem ut virtutem electricam primum combibant , atque ita variis habendis experimentis idonea evadant .

Ingenitam primo natura iniecit ab ortu .
 Quare prae reliquis speciemque genusque notato ;
 Atque hic praecipuum jam nunc impende laborem .
 Ista tempus erit cum tu laetabere cura ;
 Et non nequidquam causas tentasse juvabit .
 Interea hoc teneas , quoties tu cunque rotando
 Vitrum exercebis , signisque instabis habendis ,
 Quod vitro excitus nunquam non tramite iussu ,
 Delectu generis servato , fluctus agatur ;
 Contra neglecto ; praescripto a calle recedet
 Avius , atque alio , quam quo direxeris , ibit ;
 Ac demum tenues vagus evanescet in auras .

Certa derivatio fluctus electrici .

His ita praemonitis , age jam licet ordine longo
 Lecta genus statuas juxta se corpora , quae vel
 Perpauca exiguo numero , vel plurima ; dura
 Seu fuerint denso , seu raro mollia textu ;
 Ne dubita illapsu quin proluat omnia certo
 Fluctus inexhaustum gravido de corpore manans .
 Sed quoniam tibi dant non omnia corpora eosdem ,
 Ast alios alia eventus ; adhibenda , docendum ,
 Quae ratio certis sit certa eventibus , & quo
 Quosque modo captes ; sive haec sive illa legendo ,
 Corpora malueris vitro objectare roranti .

Ac primum , delectu habito , cum fluctus agatur
 Sublabens quocumque velis ; nunc accipe pacto
 Humanos idem quo derivetur in artus ;

Experimenta varia derivationis .

Et

Et signa illapsus quæ sint manifesta latentis.

Fluctus electricus illi excipientibus minime nocet.

Disce . Etenim vitri de fonte (a) fluentem

Non exosi homines adeo averfantur , ut a se

Omnimodis vulgo curent avertere ; at illum

Sponte sua admittunt , atque experiantur amicum .

Quare age , ne fugito , largus dum manat , eundem

Exceptare sinu , atque ipsi te credere vitro .

Aude animo ; & , siqui male provida pectora turbant ,

Pelle metus ; rapido qua se rota turbine versat ,

Ipsè adero , facilesque sciens moderabor habenas .

Multi per ludum vitreum excepere vaporem ,

Invalidique senes , pueri , teneræque puellæ ;

Cautio aliqua adhibenda .

Nec quidquam exceptus nocuit , nisi forte rotatum

Grandius ingentes vitrum descripserit orbes .

Modus excepti fluitum electricum .

Ergo qui rigui tentare pericula (b) vitri ,

Et caeco gaudent perfundi corpora rore ,

Sub-

(a) Non ita hic locus intelligendus est , ut ex ipso vitro immediate , ut ajunt , electricus fluctus effluat ; sed ita , ut , quæ copia fluctus collecta aggeritur in superficie vitri , eadem ex ipsa vitri , eam , utpote natura electrici , non recipientis , immo vero respuentis superficie , eadem , inquam , veluti fluat , atque in consequentia secundi generis corpora perpetua irrigatione derivetur . quod autem auctor *fontem* vitrium appellavit , in hoc non rem ipsam , sed rei quandam similitudinem se-

quutus est ; quod Poetae etiam præcipienti , & doctrinam aliquam suo more exponenti videtur non posse jure interdici . Quod hic notavimus , alibi etiam , cum quid simile incidit (incidet autem sæpe) , ut brevitati consulamus , notatum volumus .

(b) Hoc est experiri ; in sequenti versus vel Hellenismus est ; nimirum *gaudent se rore perfundi* vel *corpora* ; vel ita intelligendus locus est , ut gaudent perfundi sua corpora a rore caeco .

Sublimes tripodi insistent, & serica texta
 Subjiciunt plantis; interdum & linea; sed quae
 Nariciae prius inducto picis unguine durant.
 Hoc faciunt, illos fugiens ne lubrica fallat
 Virtus; insinuetque solo, ac diversa feratur.
 Dum vero in gyrum magna vi concitus axis
 Praerapidos iterat motus, laquearibus altis
 Demissam accipiunt dextra, retinentque catenam.
 Nec plura. Occultos vis clandestina meatus
 Influit, & dicto citius sublapsa catenam
 Perluit; inde manum insinuans se se altius abdit.
 Verum ita furtivo pede subdola repit, ut omnium
 Obtutum eludat; nec quisquam noverit ante
 Inclusamque sinu, & praecordia ad intima lapsam;
 Quam spectantum aliquis de turba accedat, & ori
 Admoveat digitum. tum se celare tenebris
 Amplius haud patiens signis erumpit apertis.
 Ingeminant ignes; rutilis micat aura favillis.
 Non secus ac serpens, duro quem frigore bruma
 Pigra domat, teretes in spiram colligit artus,
 Torpens, extincto similis. si forte viator
 Praeteriens saxo petat, aut pede presserit; irae
 Ignescunt subito, sinuosa volumina caudae
 Explicat, attollensque caput, tumidusque venens
 Flammea contorquet vibranti lumine tela.

Non tamen idcirco subitis exterrita flammis

*Signa flammis
 Aus jam ex-
 cepti.*

Plu-

Plurima circumstans spectantum turba movetur,
 Inque vicem gestit dextra prensare catenam;
 Et salit, & resilit, tripodique insistere gaudet
 Certatim, & nitida corpus perfundere luce.
 Jungere quin etiam teretem instituere coronam,
 Qualem saepe solent, manibus per mutua junctis;
 Cum plaudunt festa concessas luce choreas,
 Et sacra votivis celebrant sollemnia ludis.

*Fluctus ele-
 trici deri-
 vatio.*

Insilit piceo qui princeps ordine textu,
 Praetendit dextra nexam de more catenam;
 Succedunt alii longo circum atria gyro,
 Subjectamque picem calcant; per mutua nexas
 Implicitant manibusve manus, vel brachia jungunt
 Conferti inter se. Jam si de adstantibus unus,
 Cui libet e multis, in frontem, limite jusso,
 Intendens digitum, processerit; inde sonantem
 Excutiet flammam; & cui deinceps cunque propinquet
 Eliciet resonans alternans dextra favillas.

*Fluctus per
 totum cor-
 pus diffun-
 ditur.*

Haec sunt illapsus certissima signa; quod autem
 Corpora tota omnes obeat diffusa per artus,
 Ut semel est virtus excepta, patentibus aequae
 Indiciis certo dabitur cognoscere. nanque
 Non tantum accedens digitum si intenderis ori;
 Sed quacunque manum tuleris, flamma exsilit; & jam
 Brachiaque, scapulaeque ardent, suraeque, pedesque;
 Atque hinc atque illinc, dextra variante, coruscae

*Indicia dis-
 fusionis.*

Rum-

Rumpunt scintillae, & corpus circum omne pererrant.
 Sicut, pura labris ubi lympa excepta, nitenti
 Argento seu perfectis, albove orichalco,
 Immissos solis radios agitata remittit,
 Angulus exsurgit varians; & lux modo radit
 Ima solum; mox in summum subvertit lacunar
 Emicat, & tremulo late loca lumine pingit.
 Aut ubi per noctem caelo rima ignea rumpit,
 Irrequieta polo volat, & nunc tendit in Austrum,
 Desleat mox in Boream; ac prope tempore eodem
 Eurumque Zephyrumque petit diversa, feratur.
 Sed quocunque, viam claro vaga limite signat.

Tota igitur quaecunque voles tibi corpora virtus,
 Si sint perpetuo sibi succedentia nexu,
 Non minus illapsu certo, quam praepete cursu
 Imbuet alterius generis (a); diversa sed inter
 Si forte e primo, naturâ electrica, se seorsum non solum
 Obtrudant, coeptum, quantumvis tenuia, cursum
 Sistent; atque alio vis intercisa migrabit.
 Cessabunt ignes, rutilaeque ardere favillae.
 Ergo memor variumque genus, speciemque notabis
 Praecipue; tum nequa tibi importuna cavebis.
 Corpora se furtim insinuent, quae semine in ipso
 Vivas elidant flammâs, atque omnia turbent.

Sed jam rumpentis praestat cognoscere formas

Diver-

*Cavendum
ne corpora
primi ge-
neris deri-
vationem
intercipiât.*

*Phaenomena
ignea.*

(a) Nimirum secundi generis communicatione electrica.

Diversas flammæ ; neque enim cum prodit , eandem
Semper amat speciem ; neque eosdem sumere vultus .
Splendidior nonnunquam , & lucida lumine multo
Praestinguit fulgore oculos aciemque tuentum .
Vix micat interdum , atque emergit pallida ; sicut
Incertam aspiciunt rara inter nubila lunam
Orbe subobscurò cæli per inania ferri
Cum pluviam , & tristes terris denuntiat euros .

*Variâ flammæ
maris lux .*

Insuper ut multum variat lux ipsa , eademque
Non illi est semper species ; ita semper eodem
Non educta modo prægnante coercita vitro
Erumpit superas collucens flamma sub aurâ
Sponte sua interdum tibi provenit , ac prope nullam
Vim , qua compellas residem prodire , requirit .
Et vero , manibus vitreum si triveris orbe mi
Quanquam lapsâ solo jaceat neglecta catena
Et rota non ullos segnis det subdita motus
Lucentes , interque manus digitosque , favillas ,

*Flammæ
spontaneæ*

Haec quoniam erumpit prope sponte , jacente catena
Et cessante rota , nomen fecere vocantes
Inde olli . flammæ species est altera , nomen

*Flammæ
artificiales .*

Inde etiam proprium sibi hæc , quod arte cletur .
Uisibus hæc nostris apta est ; hæc sueta referre
Diversam varia lucis sub imagine formam .
Sed quocunque modo tibi sponte , aut prodeat arte ,

Quam

*Flammæ
citissime di-
sparent.*

Quam se se in partem dilabens flamma receptet ,
Ut multum intendas aciem , observare tuendo
Non datur . usque adeo rapido cita lumine fulget ;
Et subito ex oculis tenues vanescit in auras ,

Sed cita non adeo vanescit flamma , micantis

Cum variam conî , aut stellæ formam induit ; ut non ,
Diversam inter se componens lucis & ignis
Et formam & speciem , liquido distinguere possis .

*Stidus ele-
ctricum &
Conus ele-
ctricus .*

Quas facies adeo varias prætereundere nostris
Illudens oculis ignis cum gaudeat ; atque hæc
Nequaquam temere existant , nec forte regantur ;
Sed modus & ratio intersit ; cognoscere certa

Præstiterit quam elicias utramlibet arte ,
Seu mavis stellæ , seu conî existere formam .

Cum tibi prærapidos urget globus incitus orbes ;

Et sua demittunt pendentem vincula catenam ,

Sedulus observa , qua parte ea desinit , utrum

Plana sit , an contra tenuatam cuspis obarmet .

Extrema si parte in acumen desinat ; atque huic

Infra exporrectam , præscripto limite , palmam

Si porro admoris ; subitam ferri inter acumen ,

Subiectamque manum accendi mirabere flammam ,

Quæ rutili effigiem conî spectantibus offert .

Lata basis plano passæ sedet æquore palmarum ;

Tum se se attollens , apicemque imitata coruscum

Splendentis galeæ , tenuato vertice fulget ,

Et

Et ciet arguti tibi sibila flamina venti .

*Modus excitandi si-
dus electri-
cum .*

At vero tensae si pars extrema catenae

Sit plana , atque huic palmam jam non amplius , (illa

Scilicet oblata incassum conabere quidquam

Efficere) at ferri obtuleris tenuantis acumen ,

Accensam venti pariter cum murmure flammam

Cernes ; sed forma , nec non & luce , priori

Diffimilem flammam ; neque enim dat lucida conum ;

Sed stellae in morem , quam paullo densior aër

Obnubit caelo , subpallida lumine fulget .

Ut lux languidior se prodit ; sic quoque stridor

Tenvior auditur ; multoque remissior aurae .

*Modus di-
ligenter ob-
servandus .*

Quare age , seu coni libeat , seu sideris ignes

Elicere , proprium observans addiscito morem

Rumpentis flammae ; & nunc hanc , nunc protinus illam

Sumere gaudentis speciem : Fac semper acuto

Contendat planum , plano contendat acutum ;

Atque tibi varias dabit haec contentio formas .

*Diversa
etiam habi-
tudo ma-
chinae sol-
lenter consi-
deranda .*

Praeterea non est tibi segnius , atque minori

Machina cum nexa studio observanda catena .

Haec si alto suspensa tholo demittat acumen ,

Planum autem , quod tu suspensae objeceris , ima

Innitatur humo ; contrave , jacente catena ,

Machina fulta solo si se subducatur , & illi

Adjaceat planum , & terrae innitatur acumen ;

Lucidus exoritur tenuato vertice conus .

Sin

Sin disjuncta solo corpus sustentet acutum
 Machina, & objectum non ulla cuspide planum
 Insistat terrae; aut versa hoc vice machina fidens,
 Illud sustineat dependens rite catena;
 Languidulum apparet pallenti lumine sidus.
 Haec servans, & quae tibi plurima suggeret usus,
 Usus & in subitis sollers industria rebus,
 Tentando varias, varia ut te forte cupido
 Incessat, poteris flammaram educere formas.

Ac jam praecipua tibi nunc exponere cura
 Tempus, & egregii memoranda inventa Batavi (a)
 Pandere; quoque modo violentior ardeat ignis;
 Eque vitro interdum referetur flamma trifulci
 Fulminis in morem; toto quae plurima caelo
 Molitur pater omnipotens, cum vindice dextra
 Dejecit aërias, alpina cacumina, rupes,
 Atque humili sternit mortalia corda pavore.
 Res nova; quaque nihil fortasse sagacius, & qua
 Exitiale magis, post aera tonantia bello,
 Ferratosque tubos lethali pulvere fartos,
 Nil reperit nobis hominum vis efferat. id autem,
 Si cui forte animum subeat tam dira voluptas
 Alitis horribicos imitari fulminis ignes,
 Conferi quamam possit ratione, docebo.

E

Si-

*Phiala Ba-
 tavica sive
 Leidensis.*

(a) Tum Phialae Batavae, tum rum experimitorum intelligentiam
 Quadri Frankliniani ad clariorem ho- schema in calce operis exhibetur.

*Ratio ad-
hibenda in
capiendo hoc
experimen-
to.*

Sive scyphus , tumido seu mavis amphora ventre
Sumitur , ad nostros aequae aptum utrumlibet usus ;
His labro , aut collo tenus unda infunditur ; ipsa ,
Quod mirere , ignis violentior exit ab unda .
Sed primum chalybe e tenui , lentove orichalco
Deductum , intentaeque aptum , nexumque catenae
Mergitur in vas , & subiectam nasada , filum .
Vitreus inde manu capitur scyphus ; hic ubi dextram
Tempore non longo implevit ; si forte catenam ,
Qui cyathum phialamve tenet , contingere foetam
Audeat , appulsu digiti succenditur ignis
Extemplo ; & veluti de nube excussa tonante
Flamma ruit ; sequitur crepitusque & plaga ruentem .

*Flammæ
phialæ evā-
pentis vis
incredibili-
tis .*

Atque hic jam vitreos tibi non tentare vapores ,
Nec prope te certae suadebo opponere morti ,
Paene suo invento confidentissimus auctor
Exstinctus periit ; ceu fulminis ictus ab igni ,
Exanimisque tremensque , solo perculsus inhaesit ;
Atque aegre vix tandem auras animamque recepit ,
Usque adeo horribili plaga impete concutit artus ;
Majoresque ipsa vires capit ignis ab unda ,
Quanquam queis animi vis , & praesentia major ,
Et quos laudis agunt stimuli , se credere flammis
Ignotis minime dubitant , quin necesse iidem
Haud veriti implicitas secum per mutua dextras ;
Praesidio hoc usi tantummodo , quod sibi vitri -

Ele-

Elegere modum brevioris ; caetera nudi
 Se se ausi exitio , ac flammae obiectare furenti .
 Te vero insuetam nova tentamenta per artem
 Non ita delectent ; atque experientia tanti
 Nequa sit , ut demens gravius discrimen adire
 Contemnas ; lethumque velis pro laude pacisci .
 Hanc illis finito , damnat quos exitus ; & quos
 Transversum abductos recto de tramite secum
 Plerumque in praeceps rapit inconsulta cupido .

*Vitandum
 periculum .*

Nec vero trifidas simplex extundere flammās
 Est modus ; ingeniosa hominum sollertia quando
 Nostram in perniciem semper fuit . accipe quadram
 Lucenti e vitro , quales aptare fenestris
 Suemus , ventorum rabidas munimen ad iras ,
 Atque exceptandae phoebeae lucis in usum .
 Huic super in tenues distentum inducito lamnas
 Parte ab utraque aurum sic , ut non ambiat oras
 Extremas quadrae ; accedat pars una catenae ,
 Altera subjectam terram despectet , & illi ,
 Corpore subtrato , nitatur , & altior exstet .
 Sic positam linque . haud longo post tempore , palmam
 Siquis subiciat quadrae , faciemque supernam
 Contingat digito incumbens ; succensa repente
 Acrem dat sonitum , & rumpit cum vulnere flamma .

*Quadrū ,
 quod vocāt
 franklinia-
 num .*

*Modus ca-
 piendi hoc
 experimen-
 tum .*

Hic iterum subitae conterritus impete flammae
 Non ego non adeo fuerim male providus , igni

*Rursus vi-
 tandum pe-
 riculum .*

Ut te ausim temere rapido committere ; namque
 Et plaga inde venit gravior , propiusque periclo
 Accedit , quam rere , timor ; multo minus idem
 Auctor ero , ut teretem nectas de more coronam ,
 Et socia insertis jungas agmina dextris .
 Quin te stare procul jubeo , & servare tuendo ,
 Et faciles conferre oculos per singula longe .
 Aspicias erumpens ut praeceps flamma supremam
 Perniciem lethumque viris minitetur ? ut acri
 Percellens quatiat tentantum corpora motu ?
 Pectora torquentur ; jactantur brachia ; totosque
 Altius insinuans idem tremor occupat artus .
 Processus quoque , nec non incrementa notabis ,
 Si paullo intendas oculos , atque omnia lustres ,
 Rumpentis flammae ; neque enim cum rumpit , easdem
 Expromit semper vires . intenditur ignis ;
 Proque modo vitri violentior influit artus ,
 Et graviore quatit vibratos impete nervos .

*Summ
 flammam
 vis.*

*Vim flam-
 mae effe-
 ctus deus-
 strant.*

Hinc rea multiplicis patrati funeris audit , (a)
 Foedaque non uno damnatur crimine (b) flamma .
 Et primum letho parvas succensa volantes

Il-

(a) Hoc est , mala fama laborat .
 Cicero lib. 3. de finibus cap. 17. *Est*
hominis ingenui velle bene audire
ab omnibus . Et Horatius lib. 1. ep.
 16. *Tu recte vivis , si curas esse ,*
quid audis .

(b) Duriuscula , aut fortasse etiam

minus recta haec constructio videri
 poterit ; sed Ovidii exemplo defendi-
 tur . Fast. lib. 5. sub finem , *Sceleris*
crimine damnat avos . damno enim
 hoc loco pro culpa & arguo usurpa-
 tur .

Illa dedit ; vacuo ludentes aëre muscas ,
 Siquas forte tulit praeter vis incita cursus ;
 Atque importunum culicum genus ; inde volucres
 Pennigeras aggressa , ipsas quoque perdidit ausu
 Majore , & letho insontes affecit eodem .

Vidi ego , qui flammae specimen captare potentis
 Cum vellet , vitreae male cautus Acanthida quadrae
 Objecit , qua non formosior ulla ; decoras .
 Picta croco pennas , minioque interlita rubro
 Distinctum tergus ; neque doctior altera , surgens
 Cum roseus terras primo irroraret eoo
 Lucifer , arguto molles dare gutture cantus ,
 Aëraque , & Zephyros cantu mulcere serenos ,
 Adde , quod implumem nido detraxerat olim ,
 Et docilem primis volucrem formaverat annis
 Assuetam imperio , domini nutu illa vocantis ,
 Norat praetrepidis festiva accurrere pennis ,
 Appetere & digitum , blandoque laceßere morfu ,
 At pesti infelix fato devota futurae ,
 Teter sulphureas ubi nidor detulit auras ,
 Afflavitque ignem ; ceu tacta tricuspide telo ,
 Attonita , exanimis , totos primum tremere artus ;
 Tum croceas sensim diducens tergore plumas ,
 Aureolumque caput , tereti cervice reflexa ,
 Demittens , miserum ! interiit , lucemque reliquit .
 Illam fleverunt Zephyri , quos saepe morantes ,

*Experimentum capiti
 in avicula.*

*Aviculae
 dotes .*

*Aviculae
 interitus .*

*Defectus
 mors .*
 Et

Et liquida insoliti captos dulcedine cantus
 Immotis tenuit caeli per inania pennis.
 Ipse illam, ante alios, heu! diri funeris auctor
 Flevit, & ore fovens, & pressis oscula labris
 Ingeminans, vitam nequidquam arcessere, quae jam
 Consumpta in ventos, tenuesque recesserat auras.
 Quare exploratis haec cum sint cognita signis,
 Colligere hinc certo poteris, vehementior ignis
 Quanta vi ruat; utque ipsos irrumpat in artus
 Exitium importans. Et vero noxia flamma,
 Hoc pacto succensa, hominem subito quoque letho
 Sterneret exanimem; modo si concessa potestas
 Id foret audendi. Tu porro cautus, & istis
 Doctus ab exemplis, alieno disce periculo
 Fulmineae, rursus moneo, non fidere quadrae.

*Phaenomena
 attractio-
 nis.*

Sed jam elapsus flammis, & discrimine tanto
 Defunctus, quae nunc eventa innoxia restant,
 Contemplare, omni posita formidine, mecum.
 Nullae hic insidiae; nulli hic, absiste vereri,
 Qui lethum intentent flammis ultricibus ignes.
 Innocui lusus. pendenti admota catenae
 Corpora rapta vides; paleas, plumasque volantes,
 Bracteolas tenues argenti & ductilis auri;
 Multaque praeterea correpta accedere ferro
 Secta minutatim, atque exili corpora mole;
 Mox eadem, ut paulum suspensa haesere, repelli.

Quo-

Quorum de genere hic possum tibi multa referre ;
Ni refugis , varioſque piget cognoscere lusus .

Inneſtas tenſae filum ſi tenve catenae ,
Mox digitum admoveas pendenti , appellere filum
At digitum cernes , ſubitoque accedere niſu .
Sin autem tripode inſiſtens ſublimis ab alto
Serica texta premas pedibus , ſeu linea mavis
Inducta durata pice , accipiatque catenam
Dextera ; tum nullus pendenti in ſtamine motus .
ſtabit iners ; digitum nequidquam oſtenderis , ullam
Non ſe ſe in partem , digito accedente , movebit .
Quod ſi deſiliis tripode , & bombycina texta ,
Idaeamve picem plantis ſubduxeris , idemque
Accedens aliud ſi filum obtenderis illi ,
Quod tibi jam vinctum ferro innexumque pependit ,
Alterum ad attactum alterius contendere , & arcte
Amplecti admirans ſe fila ſequacia cernes .
Haec pauca e multis virtutis ſigna trahentis .

Experimenta varia attractionis .

Signa repellentis modo ſi nonnulla requiras ,
Hudquaquam deerunt ; quin acri plurima cura
Machina cum nexa dabit inſpicienda catena .

Virtutis repellentis experimenta varia .

Arida contorto lini de ſtamine fila
Si duo jungas ſimul , inneſtaſque catenae ,
Curvari ſenſim , inque vicem diducta videbis
Tendere in oppoſitas , ſe ſe fugientia , partes .
Iner te vero ſi juſſeris atque catenam

Bombycum e laqueis medium de subere pondus
 Suspendi, incipiet confestim sponte moveri;
 Saepe iterare viam, & spatio decurrere eodem;
 Te petet; & motu petet alternante catenam,
 Et vacuo curvos describet in aëre tractus.
 Demissa hoc pacto, & Serum pendencia nodis
 Edunt aera sonos, nullo pulsante canora,
 Tinnitusque injussa cient. stupet infcia monstro
 Attonitis inhians animis circumflua turba.
 Hinc porro eventus varii, & spectacula mille
 Diversis exorta modis; lususque jocique
 Venere innumeri; atque aliquis sollertior, (a) acri
 Usus & ingenio felicius, hinc sibi clarum
 Nomen ab invento, quo non praeclarius ullum
 Haftenus est numero in tanto fortasse repertum,
 Aeternamque nova famam quaesivit ab arte.

*Virtutis re-
 pellētis in-
 diciis fallacia sunt.*

Verum, quod summa modo cura est ante cavendum;
 Istis, praemoneo, ne decipiari videto
 Indiciis; & quae virtutis plurima cernes
 Signa repellentis, tibi sunt suspecta, fidemque
 His ne praepropere adjungas; quae scilicet ipse
 Postea damnabis, cum certo tempore causam

Insti-

(a) Intellige Ludovicum de la Bord
 Gallum e Soc. Jesu, qui novum quod-
 dam admirabilis artificii *cymbalum*,
 quod *electricum* vocat, excogitavit.
 Sed de cymbalo ejusque auctore plu-

ra occurrunt lib. 4., ubi & nova La-
 bordii virtutis electricae theoria, &
 cymbali electrici constructio fuisse
 poeta versibus exponitur.

Institues harum mecum disquirere rerum.

Quod reliquum est, eadem vis & condensâ remittit,

Et rara addensât. vigiles sed & hic quoque praeſtat

Intendiſſe oculos; ea ſi te cura remordet

Haudquaquam (a) induci ſignis fallacibus, & ſi

Te manet inventâe præſignis gloria cauſae.

Vis etenim miranda tibi, quae rara, coarctat

In ſpeciem tantum; contra, quae denſa, remittit

Attenuans re ipſa, & generatim, obſtructa porifve

Contracta anguſtis, eadem diducta relaxat.

Hic vero fraudes non eſt, ſuſpectaque ſigna

Cur dubius metuas; virtutis ſcilicet hoc eſt

Noſtrae adeo proprium, ut nil ſit veracibus, aequè

Compertum indiciis. Violento hoc turbine quadra

In primis vitrea oſtendit; cui, ſi tibi parcens,

Objicias craſſam, textu denſante, papyrum,

Diſjicit objectam, atque in filamenta reſolvit.

Verum hac, unde ruit violentior ignis, omiſſa;

Plurima non deſunt, quae ſi obſerventur, id ipſum

Non dubiis manifeſta dabunt cognoscere ſignis.

Emiſſa aethereas tenui ſiphonè ſub auras,

Si primum vitri vim ſenſit lymp̄ha rotantis,

Scinditur in rorem, & guttas diſcreta minutas.

Si vero inductis, exacta luce, tenebris,

Atria

Phaenomena rarefactionis, & condensationis.

Indicia rarefactionis certa ſunt.

Experimenta varia rarefactionis.

(a) Hoc eſt decipi. Cicero in exordio orationis in Piſonem; hic (nempe vulgus) eos, quibus erat ignotus

decepit, ſefellerit, induxit, nonnulli vero ſupplent inſtandem.

Atria nigranti nox caeca obnubat amictu ,
 Lucentes guttas , rutilum mirabere rorem .
 Quod sol attenuans , & quod Vulcanus ahenò
 Subjectus spumante facit , cum solvit aquosam
 In nebulam latices ; hoc vis tibi praestat , & undam
 Dispersam in volucres cogit rarefcere fumos .
 Non tantum (hoc ipsum expertis si credere par est)
 Epoto gaudent genitalia femina fonte ;
 Quantum si multo vitri prius uvida rore
 Committas terrae ; occultum namque inde vigorem
 Concipiunt , & laeta solo rumpentia surgunt .
 Nec longum in medio tempus . jam brachia late
 Protendit ramis arbor frondentibus ; & jam
 Sufficit optatas aestum vitantibus umbras .
Fluctus electricus salutaris est. Commoda quin etiam (a) tibi vis , si providus illa
 Uti condiscas ; nec vero commoda solum
 Proveniet ; sed eandem etiam experiere salubrem .
 Quare tegimento non est cur segnia multo
 Strata ; vaporiferis cur uda aut balnea thermis ,
 Sudorem siquando velis excire , requiras .
Sudorem efficit . Vis eadem insinuans tibi quippe angusta relaxat
 Spiramenta cutis ; nec non etiam ipsa , meatus
 Eluctata novos , plures , ubi nulla patebat
 Ante , vias aperit ; stillans animantibus unde

Li-

(a) Commoda , quae a virtute ele- multis percepta jam sunt , infra gra-
 ctica percipi possunt , atque adeo a- vissimis allatis testimoniis asseruntur .

Liquitur ubertim membris rorantibus humor .

Haec cum non dubiam possent meruisse videri
Saepe iterata fidem ; subtilius inquirentes ,
Atque usi quidam sollertis acumine mentis ,
Collegere ; forent quae nostro in corpore forte
Densa nimis , clausisque obstructa meatibus ; unde
Vivida per totos vis didita spargitur artus ;
Diffuso vitri late per viscera fluctu

Diſſolvi poſſe , & patefacto calle recludi .
Jamque adeo vitreos intus levare cylindros
Paeonioque oleo , redolentis & unguine nardi ;
Quaeque rati variis magis apta & idonea morbis
Vincendis , & jam solito non more domandis ,
Induxere tubis medicatis pharmaca ; quo , cum
Effluit ex vitro , ſuſceptaque corpore toto
Miſcet agens ſe ſe virtus , ſecum avehat una ,
Una eademque via dirae mala ſemina labis ,
Altius & longis quidquid perſedit ab annis .
Quo factò , referet calles ; obstructa recludat ;
Et , quae ſunt pigro lentore tenacia , ſolvat .

At vero ſiquos nulla experientia fugit ,
Et praefens morbi ratio ſic poſcere viſa ,
Non dubitant medio ſuſpendere in aëre corpus ,
Innexis alte celfa ad laquearia vinclis .
His ſe demittunt ; his ſe per inania librant ;
Atque ita librati reſupino corpore , vitro

*Medetur
variis mor-
borum ge-
neribus .*

*Tubi ele-
ctrici in u-
ſum medi-
cinæ in-
venti .*

*Quomodo
hi tubi ad-
hibeantur .*

Ob-

Obvertunt plantas ; quo se vis altius abdat ,
Inque imas subeat penitus suscepta medullas .

*Salutares
effectus in-
de sequuti .*

Et non nequidquam . namque est persaepe salubris
Inventa ; ac multi , quos dudum nulla medentum
Subsidia , aut lectae juvere in montibus herbae ,
Hac ope quaesitum subito cepere levamen .

*Morbi su-
gati .*

Inde novus membris venit vigor ; inde (a) maligni

Pro-

(a) Ordo rerum inversus atque praeposterus ; prius enim morbi discutiantur , quam corporibus vigor atque integra sanitas restituatur . Haec ego cum poetae objicerē , & vehementius instarem , ut locum emendaret , severioris aetici animadversionem aspernatus multa respondit ; hujusmodi inversionum apud optimos quoque auctores exempla suppetere ; inter alia locum illum attulit Virgilii Georgic. lib. I. v. 175. ; *Et suspensa focis explorat robora fumus* , quo versu fumus ille Poeta totam aratri , quam ante descripserat , constructionem concludit . Et sane robora , prius quam sylvis decisa dolentur , conformentur , inflectantur , ut ratio hujus artefacti postulat , prius denique quam operi admoveantur , & aratri formam accipiant , robora inquam ad ignem suspenduntur , eorumque vis & praestantia exploratur ; Quare series , & rerum ordo requisivisset , ut quod ultimo loco reservatum fuit , id ante ha-

rim , aures , temonem , dentalia , jugum , & stivam , quae partes descripti aratri sunt , collocaretur . Allato hoc tam illustri exemplo , aliisque aequae illustribus ac luculentis , quae nos brevitati consulentes ostendimus , nonnulla alia loca defendit , quae fortasse hoc in opere *naso* , ut ait ille , *suspendi aduncos* ab acriori , & scrupulosiori critico possent . Caeterum addidit , existimare se , nullum esse vitium cum a Poetis , tum ab Oratoribus cavendum magis , quam nimiam diligentiam , qua plerumque fit , ut , quae scribuntur , exsanguia , exsueca , strigosa evadant , omnique penitus succo illo ac colore , qui certus bonae valetudinis index est , destituantur ; ut enim corpora , contracta macie , omnem venustatem amittunt ; ita poematis , & orationibus dignitas omnis deperit , & quaedam veluti macies inducitur , & acrius in ea inquiratur , & nullus adhibendae limae sit modus ; cavendam qui-

Protinus affecto discussi a corpore morbi.

Et vero plures, (a) tristi quos rheumata lecto

*Rheumata
abacta.*

Pro-

quidem negligentiam esse, sed nimiam quoque diligentiam fugiendam, & certo quodam temperamento utendū in omnibus, quod extrema vitet, quae semper vitiosa sunt. Ita, cum objectionem illā, quae supra occurrit p. 67. vers. 14. Fulminis in morem toto, quae plurima caelo; statim Virgilii versū opposuit Aen. lib. 8. ver. 427. His informatum manibus, jam parte polita, fulmen erat, toto Genitor quae plurima caelo deiecit in terras.

(a) Qui admirabiles sane multi virtutis electricae effectus a poeta nostro referuntur, atque il praesertim, qui ad morborum curationem spectant, certissimo clarissimorum Virorum, Medicinae laude praecellentium, testimonio comprobantur. Audiendus omnino est inter omnes Joannes Franciscus Pivatius, Vir doctissimus, & Academicus Bononiensis, in epistola super electricitate ad celeberrimum Franciscum Mariam Zanottum Venetiis IV. Kal. Sextil. an. 1747. Bononiam data, quae in Calogerianae collectionis tom. 38. prima occurrit; cujus epistolae excerptam particulam, & fideliter excerptam hic subijcimus.

Prà varj casi succedutimi, un giovane Cavaliere di età di circa 26.

*anni, molestato da una pertinace
flussione nelle gambe, cagionata,
come mi disse, da varj disordini,
e specialmente dall'esser si più volte
bagnato, ed asciugato l'acqua in
dosso, nel passato inverno, si era
ridotto a segno di non poter quasi più
camminare, sentendosi le gambe stesse
come perdute. Nella scorsa prima-
vera fu curato da' medici metodicamente,
ed in ultimo gli furono dati
i brodi di vipera, dal che aveva ri-
tratto qualche sollievo, ma non in-
tiera guarigione, nè poteva valersene
del moto liberamente. Invogliossi
di provare l'elettrizzazione, e disse
avergliela accordata anche il me-
dico. Portossi adunque in casa mia
la elettrizxai con un vaso adattato
alla natura del male, facendogli
uscire più volte le solite scintille
dalle gambe, in particolare dalla
più offesa, e ciò per pochi minuti.
La notte seguente, contro il suo solito,
dormì saporitamente senza pro-
vare le consuete sue smanie ed agi-
tazioni, e la mattina dopo mi fece
vedere una piccola enfiaggione di
quattro dita bistunga, alquanto
rossa e dura, vicina alla cavicchia
del piede sinistro, la quale cagiona-
va un leggier prurito senza dolore
alcuno, benchè si sentisse come un
umore*

Prostrarant ; & quos podagrae vinxere tenaces ;

Podagras Cogebatque acris morbi vis efferat lucas

Podagras
solutas . .

Moe-

umor caldo per tutta la gamba , dal
che argomentai di aver posta in mo-
to tutta la flussione . Per otto gior-
ni, ogni mattina, dopo un quietissi-
mo sonno si trovò così sudata quella
gamba dal mezzo in giù , che pare-
va fosse stata adacquata . Egli asciu-
golla , ed in capo a questo tempo si
trovò così libero e sano , quanto lo
era prima di aver alcun incommo-
do ; anzi dopo avermi cortesemente
reso conto di tutto , acciocchè potes-
si farne memoria per mia regola , si
è partito per la villa .

Pochi giorni dopo venne da me
Monsignor Vescovo di Sibenico, che
di presente si trova in Venezia , con
due PP. Maestri de' Conventuali ,
ed un Medico, e ricercarmi di far
pruova della elettricità medica .
Questo Prelato in età di 75. anni
si ritrovava attratte le dita delle
mani da una inveterata chivagra ,
a segno che le teneva sempre ran-
nicchiate a mezz'aria , senza po-
tere da molti anni chiudere affatto,
o aprire la mano . Era similmente
molestato dalla podagra in guisa ,
che si faceva dar braccio per cami-
nare, nè poteva piegar le ginocchia,
e nell'andare a letto, dopo esservi
si posto a sedere , erano costretti i
servitori a portarvi a poco a poco

le gambe col rimanente del corpo .
Adoperai in questo caso per la elet-
trizzazione un cilindro con mate-
rie discuzienti ed antipopletiche .
Appena cominciò l'elettrizzazione,
che il Prelato , con suo stupore , co-
minciò ad avere qualche moto nel-
le dita . Lo lasciai un poco in riposo ,
osservando in tanto cogli altri
qualche fenomeno fisico nella ma-
china . ma egli impaziente per lo
miglioramento veduto, volle torna-
re di nuovo ad elettrizzarsi collo
stesso vaso . Si replicò adunque l'ope-
razione per due minuti in circa ; ed
ecco che Monsignore aprì a vista di
tutti ambedue le mani , le stringe
in pugno , ed ha forza tale , che
preso nel braccio uno di quei Reli-
giosi , questi fu costretto subito a
pregarlo , che lo lasciasse , perchè lo
stringeva con troppa forza , dove
prima non ne aveva punto . Si mi-
se a sedere , e passeggiare da sè ,
battere le mani una con l'altra ,
stropicciandole francamente ; volle
inginocchiarsi da sè solo sopra una
sedia di appoggio ; pestava co' pie-
di la terra , e protestava , che non
capiva se sognasse , o fosse desto ,
dimandando a tutti di sua cono-
scenza se l'avevano mai veduto
a fare tali pruove . Confessò il Me-
dico ,

Moerentes luces, somni sine munere noctes
 Ducere; nec diro requies erat ulla dolori;
 Hinc desperatam relevati hausere salutem.
 Nec minus experti fufum per membra vigorem
 Irrepsiffe novum, rediere ad pristina vitæ
 Munia, jamdudum queis vis defecerat omnis,
 Aegraque nutabant refolutis corpora nervis.
 Quid memorem, quos rerum oblivio ceperat; & queis
 Lethifer oppreffos fopor illaqueaverat artus?
 Quid? qui concubia, dictu miserabile! nocte
 Surgere de stratis fueti, fomnoque fepti
 Incerti errare in tenebris; miseris quoque praefens
 Auxilium hinc venit, certa & medicina reperta est,
 Nec vos non, diae quos ufus lucis ademptus
 Perpetuis atrae noctis damnaverat umbris,
 Subfidium fenfistis idem, lux reddita caecis

*Paralyfis
curata.*

*Memoria
inflaurata,
& laetitia
fopor
diffufus.*

*Caecitas
depulfa.*

Alma

dico, che a tutto ora prefente, che fu riferito, preffo tutti il prodigio, la medicina in fatti in mali fimili non aveva che cure palliative ricorrenti alla medicatura univerfale, che giovavano folamente per rendere men gravoso l'incommodo; aver poco di prefico da applicare, e nulla in fatti di prefifico valevole, e molto meno d'iftantaneo, come quefto. Nel partirfi non volle più appoggio il Prelato, fcefe francamente le fcale, ed entrò nella fua barca quafi come un giovane vigoroso, fempre decantando, come mi

dic' egli, che in sè fteffo aveva veduto,

Ex hac poftrema & tam fubita desperatiffimi morbi curatione, quid de reliquis alio in genere curationibus, quae a poeta noftro commemorantur, sentiendum fit, lector conjiciet. Et fane fi rationum momenta, quae fuo loco afferuntur, quis expenderit, quae de virtute electrica mira fane ac ftupenda narrantur, incredibilia minime judicabit.

Alma oculis, longos frustra quaesita per annos ;
Et tandem exactae, discussa nocte, tenebrae .

Haec vulgo arctois (a) portenta in finibus, acri
Edidit ingenio & multa Vir nobilis arte ;
Qui miram follers medicos traduxit ad usus
Virtutem, remedique novum mortalibus aegris .
Ostendit genus . Insolitis exterrita monstis
Natura obstupuit, vires mirata repente
Infirma illapsas languentum in corpora ; & actos
Praecipites passim tenebrosa in tartara morbos .

(a) Requisitus poeta a me, ut nomen ejus proferret, qui tot ac tanta in *finibus arctois* portenta edidisset, respondit ; se rem multis ante annis legisse, hominis tunc & nomen & patriam in scheda adnotasse, sed utrunque & memoria excidisse ; neque vero suppetias a scheda expectari posse, quae & ipsa periit,

& diligentius conquisita nusquam apparuit . Sed facilis iactura est ; quandoquidem quae exposita hucusque a poeta sunt, satis, opinor, allatis a me superioribus testimoniis, atque ipsa teste & adstipulatrice, ut ait poeta noster lib. 5., experientia confirmantur .



ELECTRICORUM

LIBER III.

HAC exposita tenus ; cura quae comperit acri ,
Prodidit & certis vigil experientia signis .

Nunc juvat ad causas paullatim accedere , & omnes

Pertentare aditus ; siqua ratione retrusas ,

Depressasque alte in tenebris educere possim ,

Et superi claras efferre in luminis oras .

Sed , prius occultos quam vestigare recessus

Causarum incipio , latebrasque subire repostas ,

Proderit , incautam quae possent fallere mentem ,

Discutere , atque omni jam nunc praevertere cura .

Disponenda suo sunt quippe ea tempore , quae post

Non infecta velis , ita cultor providus agri

Non ante ignotae committit semina terrae ,

Semina quae repetat multo cum foenore ; rura

Quam crebro invisens , & falce armatus adunca ,

Sentibus excisis , subiecto aut protinus igni ,

Purgaritque solum , vitiumque excoxerit omne .

Tum super inducto ridet bene cultus aratro

Laetus ager ; veniunt segetes , & fidere certo

Maturis late campus flavescit aristis .

*Effectum
electricorū
causa in-
vestigatur.*

*Opiniones
contrariae
prius ex-
pendendae.*

E

Aethe-

*Opinionū
varietas.*

Aethereas nobis ut primum educta sub auras
Ostendit se se virtus, & lumina vulgo
Perculit, incessit subito nova quenque cupido
Tantarum ignotas rerum disquirere causas.
Hinc varii extuderunt varia, ut sententia sedit
Cuique sua; inque dies quanto caput altius illa
Extulit, usque nova ostentans spectacula; tanto
Acrior exorta est atque inflammata cupido.
Quaedam adeo, ut se prima dabant exordia, certam
Visa aperire viam, tuto qua tramite posset
Accedi occultae penetralia ad intima causae.
Inde animo illabens sensus jucunda voluptas
Mulcere, & blando percellere pectora motu;
Plaudere quisque sibi, atque suo prope poscere iure
Sollemnem indici Capitolia ad alta triumphum.

*Indicia
multor se-
fellerunt.*

Heu vanae mentes hominum, atque improvida corda!
Quam saepe, objecto veri sub imagine falso,
Decipimur miseri, & specie oblectamur inani!
Nanque in processu, propius dum singula lustrant,
Et causas tendunt investigare latentes,
Extemplo patuit fraus; & detecta fefellit
Conatus frustrata omnes; tum gaudia ferre
Inconsulta dedit rapidis ludibria ventis.
Susceptae incassum curae, spes irrita cessit.
Non secus, ac si quem non exsaturabilis aurī
Coepit sacra fames, & habendi insana libido,

No-

Noctes atque dies fornacibus instat anhelis .
 Multa movet , trepidatque simul , perque omnia versat
 Usque coquens recoquensque eadem; nec pergere demens
 Cessat , dum flamma intereant consumpta voraci
 Non bene (a) *junctarum discordia semina rerum* .
 Tum demum votis , & spe dejectus inani ,
 Infelix imo nil praeter repperit unam
 Pauperiem fundo , & duros superesse labores .
 Caetera in aërias teter vapor extulit auras .
 Usque adeo indici fas est non ante triumphum ;
 Quam summo delapsa polo , plaudentibus alis
 Antevolet currum , & caelo spectabilis alto
 Deferat ipsa tibi meritam Victoria palmam .

His igitur doctus monitis , vigil omnia tecum
 Incertus dubiusque animi , patiensque laboris

*Indicia di-
 ligenter ex-
 pendenda .*

F 2

Explo-

(a) *Vericulus ex Ovid. l. i. Met.* *pneumque avidi vorant populumque*
 excerptus & non incontinuae huic *honorem . Aspice , ut ausurias ve-*
 loco accommodatus . Quod quidem *terumque insignis nobis Aptemus .*
 non modo sine furti nota fieri po- *rerum accipimus nunc clara reperta;*
 test ; sed etiam a praestantissimis Poe- *Nunc seriem , atque animum ver-*
 tis factitatum in eorum operibus & *borum , verba quoque ipsa ; Non pu-*
 offendimus , & admiramur . Audien- *det interdum alterius nos ore loquun-*
 dus omnino est quid hoc de imita- *tor . & paulo infra ; Saepe palam*
 tionis genere sentiat , atque praeci- *quidam rapiunt , cupiuntque videri*
 piat excellens idem Poeta , & poe- *Omnibus intrepidi , Et furto lae-*
 ticae artis Doctor Hieronymus Vida , *tantur in ipso Depressi , & quae*
 qui Poet. lib. 3. v. 210. haec habet . *sequuntur . Ita Vir hic summus , &*
Atque ideo ex priscais semper quo mo- alter a Virgilio Poeta , praecceptum
re loquamur Discendum , quorum reliquit .
deposcimus auras dicta , Praeci-

Explora ; & rerum naturam mente pererrans
 Crebro agita ; tum signa diu multumque voluta ;
 Quae se se tibi cunque dabunt ; sunt fallere nanque
 Multa modis multis , & sueta innectere fraudem .

*Refellitur
 sententia ,
 quae causâ
 aeri tri-
 buit .*

Ac primum , certam , quam nunc inquirere causam
 Aggredimur , repetas mihi nolim ex æere ; multos
 Impulit in fraudem signis fallacibus ær .

Nanque imprudentes , nec secum cuncta putantes ,
 Quae rerum variare solent habitumque modumque ,
 Quaeque haud conciliat ratio ; sed casus in unum
 Commiscet perfaepe ; incerta affingere iidem
 Sunt minime veriti certis primordia rebus .

*Erroris
 causae mul-
 tiplices .*

Ergo erumpentes vitro e volvente favillas
 Mirati , & subitos flammis resonantibus ignes
 Ardere , & commixta igni , succensique late
 Spargere diffusum græveolentia sulphura odorem ,
 Atque alia ejusdem generis , quae plurima se se
 Tentanti obijciunt , quaesitas ære in ipso
 Abdi crediderunt causas , nam saepe videmus
 Aethera per sudum , praesertim aestate serena ,
 Aërios passim flammis ignescere tractus ;
 Et densas noctis lumen jactare per umbras .
 Saepe etiam audimus sonitus , & murmura caelo
 Crebra volutari ; tum sidera lapsa coruscas
 A tergo flammis , crinemque comantia ducunt ;
 Et loca sulphureo late incenduntur odore ,

Haec

Haec porro, & quae multa solent contingere caelo,
Abrepti studio dum confectantur inani,
Certa deflexere via, & malefida sequuti
Argumenta, dolos non evasere latentes.

Praeterea ad fraudem resonant quoque flamina venti,
Plerunque excitas vitro comitantia flammis,
Contulerunt multum. medio nanque aethere venti
Evigilant; & nunquam non comitantur amicas,
Inter se veluti conjuncto foedere, flammis.
His aliud demum, quo non fallacius ullum
Indicium accessit, quod vel male provida solum
Pectora, & incautos potuit pervertere sensus.
Nanque fere melius se tentamenta dedere,
Cum Boreas clare victor dominatus olympo
In Libycas Austrum, nimbosque exegerat oras;
Quam cum iterum caelo pluvias nimbosque reducens,
Exacto Borea, se turbidus intulit Ausser.
His signis isti, & mendacibus argumentis
Pellesti in fraudem, sunt multa indagine veras
Scrutati incautum caeli per inania causas.

*Aliae er-
roris cau-
sae enume-
rantur.*

Has porro tu sperne notas, & respue signa;
Atque his indiciis ne decipere caveto.
Explora, quae certa fides praebenda quibusque;
Quidve, ferant; falsine, an sint tibi nuncia veri.
Et certe falsi deprendes nuncia, mecum
Si nunc intenta haud renuas perpendere cura,

*Enumera-
ta indicia
rejicienda.*

Proveniant quo quaeque modo , quove ordine fiant .

*Ratio af-
fertur .*

Nam quasdam extemplo leges , & foedera certa

Natura imposuit , tentantum & cura notavit ,

Tempore , quo primum vitri volventis ab orbe

Disclusa in superas virtus se protulit auras .

*Aëris sub-
sidio expe-
rimenta ñ-
nia explica-
ri non pos-
sunt .*

Nonne vides , eadem cum plenis excita rivis

Exundat , temere ut non omnia corpora fluctus

Imbuat insinuans ; nonnulla ut largius idem

Irroret ; contra quaedam aversetur ; & ultro

Detorquens alio cursum , rivosque sequaces

Respuat ? haec porro eveniunt quo denique cunque

Affectus pacto tibi sit variabilis aër .

Aspice , cum trepido motu in diversa trahuntur

Atque repelluntur salientia corpora ; ut ipsa ,

Cessante extemplo motu , composita quiescant ;

Et , subita veluti torpedine capta , rotante

Haudquaquam objecto moveantur inertia vitro .

Hos autem ad certos certo discrimine motus ,

Atque adeo oppositos , improvisamque quietem ,

Non sane videas quid nam auxiliarius aër

Conferat , assiduis quanvis assultibus instet .

Inconstans etenim naturâ , & mobilis ipse

Non fervare modum ; nec certa lege quietis

Alternare vices poterit , nec tempora motus .

*Aliatio-
nes affer-
unt .*

Nam quid praeterea memorem , cum lucidus ignis

Extrema tensae rumpens de parte catenae

Side-

Sideris aut conï formam exhibet ; anne putandum ,
 Persistente habitu caeli constantis eodem ,
 Seu gelido Borea , tepidove agitetur ab Austro ,
 Aëra tam varias flammis appingere formas
 Posse ; erumpentes ut plurimus ambiat ignes ,
 Creber & excita refides everberet aura ?
 Quid ? quod succensus caelo quanquam ardeat aër ,
 Et tibi sulphureos late diffundat odores ,
 Ne flammæ excire quidem , subitasque favillas
 Corporibus poteris vulgo omnibus ; omnia certa
 Ni vigil addiscas prius internoscere cura ;
 Perspectumque habeas genus , & multo ante notatum .
 Hoc nisi praecaveas , captabis idonea frustra
 Tempora ; nequidquam explorans , quid cogitet Auster ,
 Num pluvias nimbosque paret ; Boreamque morantem
 Saepius increpitans , studio expectabis inani ,
 Serus hyperborea tibi dum descendat ab arcto
 Rhipheas linquens arces , Rhodopenque nivalem .

Conclusio .

Quae porro si rite fidem explorata merentur ,
 Non est cur anceps dubiam sententia mentem
 Angat ; janque licet , ratio quod praecipit , illud ,
 Constituas , unum minime res aëra posse
 Edere tam varias ; ac proinde latentia rerum
 Esse harum quaerenda alio primordia , tantis
 Quo demum verax eventis conslet origo .
 Ergo supervacuum noli hic impendere curam

Stultus, & incassum suscepto parce labori.
 Quin finito, vinculis quando non stringitur ullis,
 Qua lubet, immenso se se aër jactet olympo,
 Et vagus aethereos percurrat turbine tractus.
 Ignescat licet, & succensus fulguret igni,
 Et late horrifico quatiat caelum omne tumultu;
 Siquando iratus summo tonat altus ab axe
 Jupiter, & caeca nimborum in nocte coruscas
 Molitur flammis; quacunque ab origine tandem
 Sint haec arcessenda tibi; & quae cognita vulgo
 Aëris in vastis gignuntur plurima campis.

*Afferitur a-
 liavatio pe-
 zita a ma-
 china Boi-
 liana.*

Sed non ulla magis ratio convincere te vel
 Invitum poterit, vel confirmare labantem,

Aëra non posse eventus producere tantos,
 Quam, procul amoto si hos ipsos aëre mecum
 Eventus spectes; ars est nova quando reperta;
 Qua simul infusus, simul & circumfluus aër
 Una exhauriri queat, exhaustusque repelli,
 Ne se se injussus furtivo immisceat astu.

*Descriptio
 machinae
 Boilliana.*

Lucenti ex vitro, (a) vel perspicua crystallo
 Eligitur lato vas ore, & fornice curvo.
 Nec tu materiem, nec formam negliges; utranque
 Non nequidquam hominis, mira qui protulit arte

Inven-

(a) In hac descriptione machinae Boillianaë poeta propositam illam habuit, quae in Museo Kirkeriano afferatur. hoc ideo adnotandum fluxi, quia aliis alias fortasse machinis videre contigerit, quae, etsi Boillianaë, non singulis fortasse partibus cum hac nostra congruant.

Inventum memorandum orbi, magnoque futurum
Subsidio, reliquis prudens solertia certo
Judicio antetulit, talesque optavit ad usus
Forma facit, ne vas super incumbente fatiscat
Aëre; materies, ut sit via pervia luci,
Nec non & pateat prospectus in intima liber.
Isto delectu quaesitum ex omnibus, iore
Inverso deorsum statues, ut concava sursum
Testudo emineat depressis ardua labris
Tum corio e molli subternitur area, mollis
Hic quoque non corii spernenda est gratia; nanque
Hac fit, ut aërea compressum urgente columna,
Firmius & plano vas haereat, auraque sensum
Caeca per extremas nequeat sublabier oras.
Aeneus in medio surgit tubus, aenea subter
Excipit hunc, arctaeque amplexum fistula secum
Illigat; argivo syringem nomine dicunt.
Syringi inferitur qui congruat embolis; (a) & qui

*Singulae
partes enu-
merantur.*

Vas vi-
creans,

Tubus se-
neus.

Embolus •

Tra-

(a) Hanc vocem diversa typorum forma idcirco imprimendam curavimus, quia minime latina a nonnullis, hoc in genere delicatioribus; judicari fortasse poterit. Caeterum *emboli masculi* mentionem facit Vitruvius, quod quid simile cum nostro embolo esse conjicio. Masculinum quoque vocis ejusdem genus graeca sitis tueretur auctoritas. Quod vero ab hac voce usurpanda sibi ab-

finiendum esse auctor minime estimavit, id gravi ratione ductus fecit; quippe qui diceret proprium hoc, hujus artefacti, quod describitur; esse vocabulum; & ineptire illum, qui circumloquutione utatur, cum vox suppetat, & origine graeca, & latinis scriptoribus non omnino incognita, & ad rem, qua de agitur, declarandam accommodata.

[illegible]

Tractanti dextrae ; atque illum in diversa trahenti

Non se difficilem praestet , durusque resistat .

Clavet. Praeterea geminae non uno munere claves

Adduntur . vitrei custodia credita claustris

Obtigit his ; servantque aditus . harum altera nempe

Excipit eductum , foribusque emittit apertis

Aëra ; ne semel emissus succedere rursus ,

Vel novus adveniens intro subrepere furtim

Tentet , sollicita vigil excubat altera cura .

His ita constructis , perfectisque ordine rebus ,

Adnixa validis teretem exercere lacertis

Syringa incipiunt , luctantemque aëra frustra

Vi multa superant ; syringi insertus eandem

Ire redire viam non desinit *embolus* ; usque

Rarior inclusus dum sensim evadat , & omnis

Cesserit exemptus repetitis haustibus aër .

Hoc pacto miros constructa est machina in usus ;

Qua non fortassis felicius ulla reperta ;

Ingeniis hominum nil non tentantibus , & nil

Sollerti demum non perficientibus arte .

Hujus ope haud facile est dictu , quam multa latentis

Non modo naturae detecta arcana , sed ipsi

Sint oculis subjecta fidelibus . Hic tibi fumus ,

Ingenita quondam ferri levitate sub auras

Creditus aethereus , fundo subsidit in imo ;

Desidis in morem , lymphæ stagnante , paludis .

*Præcipua
experimen-
ta capta
in machi-
na Boil-
lae recen-
sentur .*

*Fumus sta-
gnat .*

Hic

Hic blandae volucres, & picti terga lacerti,
 Et quaecunque cavis conclusa animantia septis,
 Pro vitri delecta modo, non tempore longo
 Exhalant dulces animas, extinctaque sensim
 Deficiunt ipsis cum deficientibus auris.
 Hic subito videas tumidas effervere crebris
 Non aliter lymphas bullis, undantis aheni
 Plurima quam costis cum subdita flamma quietos
 Sollicitat latices, violento & concitat aestu.
 Altius exsultat spumis superantibus humor.

Quid dicam, ut vitreis clausi in penetralibus utres
 Rugosam intendant pellem? quid, saepe tumentes
 Ut disrumpantur, cum se vehementius aequo
 Inclusus corio rarefcens explicat aër?
 Ne multa; hic gravitas deprensa est aëris, ignis
 Ipse hic gravitas comperta; hic excita tetrum
 Natura horrorem, quo foede oppressa jacebat,
 Excussit vacui, (a) curamque abstersit acerbam.
 Tempore quin etiam ex illo, quo venit in usus
 Coeptaque vulgari est tanta experientia, moestam
 Explicuisse ferunt tum primum denique frontem.
 Et vero, ingenium paullo emollita severum,
 Non ita secretos quaerit, velut ante, recessus,

*Aviculas
 expirant.*

*Vesicae riu-
 puntur.*

*Gravitas
 aeris & i-
 gnis depren-
 sa.*

*Horror va-
 cui depul-
 sus.*

Diffi-

(a) Nota est veterum Philosopho- ta occasione festivius jocatur poeta,
 rum opinio de horrore vacui, quem & poetice atque ingeniose hujusmodi
 naturae perperam tribuerunt. Capta- opinionem caprit.

Difficilemque adeo vulgo se præbet ; at ipsa ,
 Si minus illustri nunc totam in lumine , saltem
 Offert se se aliqua nobis ex parte videndam ;
 Olim quod priscis aegra indignansque negarat .

*Experimē-
 ta electrica
 captata in
 machina ,
 secluso ae-
 re .*

Jamque age luminibus cupidis crystallina septa
 Tute subi , vestiga oculis , & cuncta tuendo
 Callidus explora . Viden , ut , si plurima virgam
 Inclusam imbuerit virtus , & tenvia fundum
 Corpora consternant , virgae correpta , remoto
 Aëre , succedant , nec non abducta recedant ?
 Ac neque non oculos subito fulgore coruscae

Percellunt flammæ , vacuum per inane micantes .
 Adde quod & vitreis propius si machina claustris
 Constiterit , norisque modum , spatia omnia luce
 Exhausti poteris vitri perfundere ; demum
 Susplicere hic dabitur , ne te morer , omnia ferme ,
 Quae caelo admirans spectabas nuper aperto .

*Iterum cō-
 ficitur , æ-
 rem cau-
 sū esse non
 posse .*

Haec adeo cum sint ; non est cur amplius , ultra
 Vestigans , liquido scruteris in aëre causam .
 Te converte alio ; nec segnis parce labori ;
 Certior in densis dum spes affulgeat umbris ;
 Conatusque tuos melior fortuna secundet .

*Non obstat
 quod feli-
 cius aere se-
 reno capi-
 tur experi-
 menta .*

Nec te nunc illud moveat , quod & axe sereno ,
 Et puro late Borea dominante , videri
 Vis mira intendi possit ; contraque remitti
 Caelo eadem pluvio , & madidis spirantibus Austris .

Haec ,

Haec , & quae dubiam tibi cunque facessere curam
Possent , discuties demum , cum vera patebit
Causa , atque arcanæ emerget virtutis origo .

Interea non abnuerim , quin aëre ab ipso
Jam nunc subsidium tibi promptum arcessere cures .
Nanque aër , qui semper adest , ad munera tanta
Non renuit socias persaepe adjungere vires .

Ne tamen hic , iterum moneo , ne quaerere tende
Secretas longe causas , penitusque repositas .

Nec minus incassum vana lassabere cura ,
Corporibus causam si perscrutatus in ipsis ,
Inde putes illam te posse arcessere , manat
Unde vitri attrito jugis de corpore fluctus ,
Et vena nunquam sibi deficiente redundat .
Nempe fuit , (a) nova inexhausti qui semina vitri
Miratus secum jugi manantia fluxu ,
Credidit eductam rursus succedere eodem
Materiem ; unde prius superas processit in oras ;
Sic , ut perpetuo effluxu , affluxuque perenni ,
Usque eadem , in semet rediens velut acta per orbem ,
Effluat , & nunquam non instaurata recurset .

Haud aliter quam , cum penuria adegit aquarum ,
Fontibus inventum est lymphas mira arte perennes

*Aër non
nihil con-
fert , sed
causa non
est.*

*Expendi-
tur secun-
da senten-
tia afflu-
us & ef-
fluxus .*

*Compara-
tio petita
a fonte per-
petuo .*

Suf

(a) Sententia haec est Noletii Gal- bro hac de re edito primum in Gallia,
li, quicam pluribus explicavit in li- tum Venetiis impresso an. 1747.

Sufficere, & (a) lautis rarum decus addere villis.

*Descriptio
fontis per-
petui.*

Nanque ut missa tubo, conchaque excepta capaci

Marmorei summas aequavit marginis oras,

Acta per occultum dimittitur unda foramen.

Dum cadit in praeceps, subjectam turbine magno

Verfat agitque rotam; citus una volvitur axis;

Volvitur, & geminos motu siphonas eodem.

Occluditque aperitque; at deflua lymphâ profundo

Erigitur collecta lacu, siphonis anhelî

Alternante vice; & superas educta sub auras

Se se iterum caelo rediviva ostentat aperto.

Talis marmoreo (b) fluit unda argentea labro,

Atque

*Excursus
de laudi-
bus Villae
Cardinalis
Albani.*

(a) Hoc est magnificis, & sumptuosus, quales praesertim Romae admiramur, quae laxitate ambitus, aedium splendore, viridarium amoenitate, varietate scenarum ac nemorum, directa ambulationum longitudine; ac praecipue veterum excellentium statuarum incredibili copia privatum videntur censum excedere. Porro villae nomine domus ipsa, quam dominus incolit, a latinis antiquis Scriptoribus intelligitur. Nunc vero usus invaluit, ut villae nomen non pro domo tantum, sed etiam pro adjacentibus praediis, sive viridariis usurpetur.

(b) Qualis hic describitur a poeta fons, quem *perpetuum* vocant, talis conspicitur in Villa, quam Cardinalis

Alexander Albanus extra portam Salariam, regio vere sumptu, exstruendam curavit: referta est enim rarissimis antiquitatis monumentis, signis, columnis, urnis, inscriptionibus, quae undique a Cardinali harum rerum scientissimo, diligentissime conquisita, & ad ornatum Villae translatae sunt. Structura vero ipsius Villae ad veterum normam atque aedificandi rationem omnino exacta est; nihil in ea non antiquum, nihil non veterum Romanorum magnificentia plane dignum occurrit, ut merito inter praecipua Urbis omnium pulcherrimae & nobilissimae ornamenta numeretur. In hac vero accuratiore Albaniae Villae descriptione Parthenium nostrum genio opinor indulgisse suo,

Atque eadem refluit, qua Villa Albana nitenti
 Structa solo; & curvi in formam sinuata theatri,
 Antiqui luxus, majestatisque latinae
 Desuetum revocat tanto post tempore morē.
 Regis opus, tam multa sinu capit una superbo,
 Quae vetus intulerat septenis arcibus olim
 Roma triumphato spoliis opulentior orbe,
 Centum illic caesae Numidarum e rupe columnae,

Urnae-

*Vetera monumēta in
 ea spectanda.*

suo; capitur enim mirum in modum cum omni genere antiquitatis praesertim sacrae; tum Picturae, Sculpturae, Architecturae operibus maxime delectatur, quae ad veterem absolutissimam sive graecam sive latinam formam assidue elaborata conspiciat. Et sane, cum a Veteribus & graecis & latinis omnium optimarum rerum exempla peti unice possint, & vero debeant; nihil egregiis artibus exitiale pertimescendum est magis, quam, si Artifices contempta Imitatione, quae plurimum semper valuit, commentationem ipsi suam tanquam ducem ac magistram unice sequi consueverint; aut si imitationem minime negligendam duxerint, non optimos quosque in unaquaque arte duces ac magistros eligant, ad quorum similitudinem ipsi se fingant atque conforment. Hac de re legenda omnino est epistola Natalis Laestefii de Museo Philippi Farsetii P. V. ad Clarissimam Cortonensem Academicam perscripta, & Venetiis an. 1764.

impressa. Atque haec quidam epistola, praeter quam quod doctissimi Scriptoris acre subactumque iudicium de veterum Sculptorum, Pictorumque operibus aperte demonstrat; tanta latini sermonis praestantia, atque excellentia, quantam in paucis suspicimus, perscripta est, ut, quod clarissimus Auctor in fingendis artibus sequendum praecipit, stylo ipse in scribendo suo plane assequutus dici debeat. Quare jure optimo Farsetio gratulandum existimo, qui Museo ad publicum commodum ac bonarum artium incrementum, non privata sed regia magnificentia, domi suae constituto, Scriptorem tanto Museo describendo idoneum non ille quidem nactus sit; sed, ut ego sentio, ab se certo iudicio electum multis praetulerit; quo quidem in delectu quanta sit ipsius nobilissimi eruditissimique Viri, in hoc quoque elegantiter scribendi genere, ingenii elegantia, satis declaratur.

Urnaeque , Sphingefque , & barbariei crateres ;
 Scenica marmoribus nec non horrenda cavatis
 Ora , & priscorum spirantia signa Sophorum
 Ordine porticibus longo digesta superbis .
 Frustra multa dies , atque insidiosa Vetustas
 Tot veterum decora alta patrum depressa sub alta
 Abdiderat terra , & caecis damnaverat umbris .
 Umbrae discussae ; penetratum in viscera terrae
 Intima ; & ex altis in apricum educta ruinis .
 Quid tot , quae dederat male pessum injuria , foedum
 In morem populata inhonesto vulnere signa ;
 Trunca pedes , & curta manus , capitisque minora ,
 Nomine quae nullo passim , & sine honore jacebant
 Per fora , perque vias abjecta ? jacentia vulgo
 Prefferat informis situs , & corruperat imber .
 His quoque collectis subventum est arte ; revulsas
 Daedala restituit partes manus ; additus ori ,
 Atque instauratis decor additus artibus ; & nunc
 Deterso penitusque situ , in meliusque resecta ,
 Atria celsa tenent , augusta in sede locata ;
 Et priscam referunt vera sub imagine formam .

Nequidquam torvosque oculos , falcemque retorquens
 Tempus edax , avido sibi tantam e gutture praedam
 Extortam dolet . at doleat licet , & fremat ore ,
 Ferreosque exacuat dentes . Tu gloria , Princeps
 Optime , & Aufonii decus immortale Senatus ,

Laus Cavid.
 Alexandri
 Alpiani .

Egre.

Egregias tutare artes . Tibi maxima Roma
 Illa vetus , rerumque potens , illa inclyta Roma
 E septemgeminis assurgens collibus effert
 Attonitum caput ; & late omnia circumspiciens ,
 Infuetum mirata decus , mirata superbum ,
 Quo reliquas supra quondam se se extulit urbes ,
 Cultum ; prisca sibi per te nunc denique gaudet
 Restitui decora , & veteres gratatur honores (a) .

G

Jam

(a) Totam hanc hujus Villae descriptionem , collegae suo gratificandi causa e latina lingua in italicam , atque adeo in elegantissimum etruscum carmen Antonius Ambrogius convertit . quod carmen ne intereat , uti certe eveniret , nisi locum aliquem hoc ipso in opere haberet , illud idcirco hic subjicimus , & iis , in quorum est , si egregio Scriptori tempus & manus hi libri venient , exhibemus . Atque Ambrogius , qui quidem edito hoc tam elegantis versionis specimine , lectores opinor suavitate carminis illectos in eam spem adducet , fore , ut pari elegantia ac suavitate carminis totum poema in etruscum sermonem convertat . Hoc sane optandum esset ; nec fortasse desperandum est , si egregio Scriptori tempus & opum suppeditabunt ,

*Nè con vana fatica inutilmente
 Meno ti stancherai , di questo effetto
 Entro i corpi medesmi la cagione
 Se rintracciando , penserai poterla
 Trarre forse di là , d'onde con vena
 Mai non mancante sgorga dell' attrito
 Vetro dal corpo , e con perpetuo flusso
 L'elettrica materia si diffonde .
 Cioè vi sù , dell' inesaurito vetro
 Chi provenire con perpetuo flusso
 Novelli semi ognor seco ammirando ,
 Entrar di nuovo là credè l'estratta
 Elettrica materia , alle superne*

Aure

*Refellitur
dicta sen-
sentia.*

Jam vero attrito quanvis de corpore fluctus
Manet inexhaustum, atque idem succedat eodem,

Unde

*Aure del Ciel d'onde fuor venne in prima ;
Sicchè scorrendo la medesima sempre
Con un perpetuo efflusso, e la medesima,
Quasi in giro volubile ravvolta,
Con afflusso continuo ripenendo
A sgorgare ripigli, e quella istessa
Giammai non rinnuovata a noi ritorni.*
*Non altrimenti che, quando dell'acque
La scarsezza ne stringa, alle fontane
Trovato fu con ammirabil arte
Come supplir non interrotto il corso,
E aggiunger pregio nuovo all'ampie Villa.*
*Poichè, quando dal tubo all'aura fuori
Sorge l'acqua spillando, e nel capace
Incavato cratere ricadendo
A uguagliar giunse la marmorea sponda,
Fuor non trabocca, e per canal non visto
Torna a scender quell'acqua. Or mentre cade
Precipitosa, gravitando spinge
In se medesima la sopposta ruota
Velocissima a volgersi, ed insieme
Si ravvolge ancor l'asse, e due sifoni
Apri, e richiude quella forza istessa.
Nel cavo inferior tra l'acqua accolta
Dall'alterno anelar dello spirante
Doppio sifone è a risalir costretta,
E nuovamente risospinta all'alto,
L'aperto Cielo a riveder ritorna.*
*Tal da marmorea conca in alto sale
Argenteo fonte, e la stess'acqua è sempre,
Là dove forge sull'adorno suolo
L'Albana Villa, e ripiegando in giro
Di teatro a sembianza, altrui richiama*

Alla

Unde prius vena nunquam non divite fluxit ;
Non tamen idcirco credas te posse latentem

G 2

Hic ,

*Alla memoria il da sì lunga etade
Più non usato onor degli ornamenti
Vetusti, e della maestà latina.
Opra regal ; poichè dentro 'l superbo
Ampio recinto suo sola racchiude
Tanto di quelle rarità, che, fatta
Dalle spoglie del mondo ognor più ricca
L'antica Roma a' sette Colli aggiunse.
Ivi dalle numidiche montagne
Cento scelte colonne, ed urne, e Sfingi,
E barbariche tazze, ed in scavata
Pietra maschere orrende, e vivi volti
De' Filosofi prischi in ordinanza
L'auguste logge ad abbellir disposti.*

L'etade inesorabile, ed il lungo

*Corso degli anni inutilmente avea
Sotterra messi, e condannati all'ombra
Di fosco orrore di que' vecchi Padri
Tanti vari ornamenti. Entro 'l più cupo
Sen della terra penetrossi, e l'ombre
Furon cacciate ; e tutto trar si vide
Dall'oscura materia a' rai del giorno.
Che dir dovrà de' sconciamente guasti
Simolacri e sformati, e con ingiuria
Tronchi i piedi e le mani, e con crudele
Ferita senz'onor del capo scemi,
Che per le vie giaceansi, e per le piazze,
Senz' alcun nome abbandonati, e sparsi.
Informe loto in questa parte e in quella
Gittati gli copria, per le cadenti
Frequenti piogge intartariti e guasti.
Fur essi ancor raccolti, e le troncate
Membra lor riformò Dedala mano*

Ritor.

Hic, ut vestiges multum, deprendere causam.

Nonnulla
la explica-
ri possunt
in hac sen-
tentia;

Non sum animi dubius, cum jugi exercita fluxu

Luctetur secum assiduis incurfibus ipsa,

Dum fluit, & refluxo relegit vestigia cursu,

Materies, hoc pacto extundi, utcunque, sonantes

Quin flammae possint, & murmura rauca cieri.

Nanque ex conflictu fit saepe ut flamma repente

Exstet,

*Ritornandoli interi; anzi in più vaga
Foggia abbelliti, e, lo squalor deposto,
In tutto il pregio suo fan di se stessi
Signorile comparsa, e collocati
Nella sede regale ornan d'intorno
Di quell'atrio le nicchie, e vi si scorge
Nel vero aspetto lor l'antica forma.
In van la falce curva, e bieco il guardo
Volge l'edace tempo, e in van si duole,
Che dalle fauci ingorde a lui sia tolta
Preda sì grande. Ma si dolga e fremi
Quant' a lui piace, e 'l ferreo dente arruoli.
Del purpureo Senato o Tu verace
Ornamento e decoro, ottimo Prince,
L'arti belle proteggi. A Te la tua
Massima Roma, quell'antica e grande
In ricchezza, e in valore inclita Roma
Erge da' sette Colli stupefatta
La fronte coronata, e ravvolgendo
D'ogni intorno lo sguardo, e il non usito
Gusto d'ornar seco ammirando, e 'l ricco
Fabblicare superbo, onde fastosa
Sovra l'altre Cittadi alzossi un giorno,
Gode che in fine a lei venduta or sia
La sua prisca grandezza, e si consola
Di racquistar per te l'onore antica.*

Exstet, & igniculi, subito turbante tumultu,
 Expliciti erumpant, siqui latuere retri
 Corporibus, nexusque arctos & vincula solvant.
 Sic nempe elicimus repetitis ictibus ignem
 Abstrusum in venis silicium; sic strata viarum,
 Praeceptis immixtis sonipes cum fertur habenis,
 Ignescunt, crebrasque vibrant percussa favillas;
 Ille volat; ferrata cito sonat ungula cornu.

At tu nequidquam hic flammās, crepitūsque sonantes

*Sed nota
omnia;*

Certa velut causae sectabere signa latentis

Discreta a reliquis; etenim nec sola, neque acri

Judicio tantum sunt expendenda; sed ante

Quam certi quidquam statuas, simul omnia, saltem

Praecipua, studio tibi sunt pensanda sagaci.

Nec vero, numero in tanto, si aut unius, aut si

Alterius certam meditando extundere causam

*Multo mi-
nus praeci-
pua.*

Eventus dabitur; te deprendisse putato

Continuo talem, qualem nunc postulat usus;

Quae res tam varias nimirum subdita gignat,

Atque sit eventis par omnibus una ferendis.

Nec magis appulsus tantum, aut servare repulsus

Proderit, alterno cum tenvia corpora motu

Adducta accedunt, nec non abducta recedunt.

Quanquam hoc materiae a fluxu non discrepet, ut, quae

Procurrrens repulit, revehat secum ipsa recurrens;

Non tamen inde putes reliquis primordia posse

Eventis duci, nostram quae plurima curam
 Ipsa etiam exquirunt; nec se patiuntur omitti.
 Quod rigui demum fluctus sit vena perennis
 Inventa, est sane hoc aliquid; verumtamen haud est
 Cur ideo exsultans animis tibi plaudere pergas,
 Et quasi de causa tecum gratere reperta.

*Quaedam
 praesertim
 observan-
 da.*

Ergo non flammæ solum crepitusque sonantes,
 Appulsusque repulsusque observabis, & illos
 Alternos reditus & itus remeantis eodem
 Materiae; sed praesertim nunc lucis & ignis
 Mirandis visenda modis discrimina, nec non
 Et fluctus momenta, & tempora certa sonorum
 Sedulus attentâ mihi contemplabere cura.

*Causa uni-
 versalis cõ-
 stituenda.*

Hinc alia atque alia, eventus quæ plurima nostros
 Non raro immutant, cura haud leviore notabis.

Omnibus his ita perpensis, acrique subactis
 Iudicio tecum, verax tum denique causa
 Constitui poterit, quæ tot discrimina, totque
 Una vices regat, & certa ratione gubernet.
 Haec nisi praecaveas, nil tot conatibus actum,
 Et frustra impensæ tanto in molimine curæ.

*Eventa
 multâ va-
 riant.*

Aspicias, ut, certam cum flammâeducta per artem
 Prodit, & insolito manifesta in lumine fulget,
 Non unam exhibeat varia sub imagine formam?
 Ista quidem casus non invehit; atque profecto
 Expressis adeo vario discriminæ flammis

Causa

Causa subest , & certa subest ; pariter neque rauci
 Dissultant temere crepitus , patulas neque semper
 Percellunt aures ; sed & ipsi tempore certo
 Proveniunt ; aliquando silent , frustra que cientur .
 Adde huc appulsus , alternantesque repulsus ,
 Quam numero incertos , tam certa a lege petendos .

Jam , si perpetuo a fluxu , jugique refluxu
 Haec tanquam a propria deducere origine pergas ;
 Tum vero exsiliens nunquam non flamma biformis
 Dissimili splendore oculos percelleret ; aures
 Nunquam non resono crepitus stridore ferirent ;
 Quandoquidem refluvi nova vis & copia fluctus
 Non defecturo jugis de fonte petita
 Nunquam non auras , nunquam non elicit ignes .
 Corporibus vero nullus modus usque trahentis
 Atque repellendis esset , modus usque fluendi
 Materiae nullus cum sit ; quando ipsa recurvat
 Perpetuo , atque suum revoluta redintergat orbem .
 Quae cum aliter multo , ut nos experientia certa
 Edocet , eveniant ; causa est aliunde petenda ;
 Quae se celat adhuc , refugitque obscura videri .

Rebus in his autem multo accuratius illud
 Est observandum ; quod , quanvis plurima se se
 Objiciant variis spectanda eventibus , & tam
 Diversae rerum species defixa tuentum
 Nunc hac nunc illa percellant lumina forma ,

*Hoc causa
 effluxus
 & affluxus
 materiae es-
 se , non po-
 test .*

*Observan-
 dus stabilis
 tenor in ef-
 fectibus .*

Res tamen haud variant adeo , ut discrimine in ipso
Quendam non possis stabilem observare tenorem .

*Et certa
quaedam ra-
tio .*

Et vero his , certa quae temperet omnia lege ,
Rebus inest ratio , non mentis scilicet illa ,
Non & consilii ; sed quam Deus addidit ipse
Corporibus , sensu quanvis expertibus , ut se ,
Et quae cuique tributa forent rata jura tueri
Possent ; ne vulgo incerta , atque abrepta ferantur
Unius arbitrio , caecique libidine casus .

*Hae conci-
liari non
possunt cum
effluxu, &
affluxu .*

Hanc porro tanto fluctus labentis in aestu
Atque relabentis , certam , quae cuncta gubernet
Contendes frustra rationem exquirere ; & inde ,
Nunquam intermittens cum tempore fluctus eodem ,
Una eademque via , qua fluxit , & influat ; idemque
Adversus sibi metum nifu obluetur iniquo ;
Atque adeo crebris offensibus haesitet ; ullus
Nec stabilis poterit rebus tenor esse , nec ulla
Certa sibi in tanto ratio constare tumultu .
Non secus ; atque sonum fundit cum tibia dulcem ,
Lenis & immixtus per summa foramina se se
Spiritus insinuat , digitisque micantibus exit ,
Qua tenues infra levis dat buxus hiatus ;
Si vix erupit numerorum lege coactus ,
Se se iterum patulis inferre meatibus aër
Tenderet , obnitens contra ; tum protinus omnis
Concentus , numero prorsus cessante , periret .

Nec.

Nequidquam articulis ora alternantibus auras
 Excirent resonas ; nullo quippe ordine , & exlex
 Spiritus erumpens ingratum strideret ; ut cum
 Disperdit miserum sylvis mala fistula carmen .
 His animadversis , citius maria alta tenore
 Fervere constanti credas , cum turbidus Auster
 Incubuit pelago , totumque a sedibus imis
 Commovet , & nigras alte subvectat arenas .

Conclusio .

Tertia consequitur nunc expendenda sagaci
 Ante alias cura , tibi quae sententia causam
 Vorticibus tribuit vastum per inane rotatis .
 Hic autem nobis vix extricabilis error ,
 Et rerum objicitur series longissima , ducta
 Inde usque a prima nascentis origine mundi .
 Sed nos contenti paucis , potiora legemus .

Tertia sententia proponitur .

Principio , immensi qua pertinet ambitus orbis ,
 Quae tu cunque vides , terras , mare , sidera , caelum ,
 E tribus extiterunt elementis ; ipsaque porro
 Edita turbinibus fuerunt elementa citatis .
 Materies etenim violento concita motu
 Dum rotat in gyrum se se , detrita rotando
 Scobs peperit primum ; levatis inde secundum
 Emersit globulis ; postremum abnormia quaeque
 Ramenta , & variis tulerunt praesegmina formis .

*Systema Cartesii-
num exponitur .*

Haec sunt principia , & cunctis fata femina rebus .
 Hinc porro tanquam e communi corpora acervo

Omnia corpora principia .

Cura-

Curarunt propriam sibi quaeque arcessere partem.
 Lucidus e tenui scobe sol concrevit ; & astra
 Alto fixa polo ; globuli levore rotundi
 Aëris in tractus , caelique abiere liquentis ;
 Aspera tellurem ediderunt ramenta , vagosque
 Et passim toto palantes axe planetas .

*Vortices
 Cartesiani.*

Ut binae motus species , quo concita circum
 Ipsa suum revoluta axem , & quo se acta ferebat
 Materies circa punctum commune ; ita cunctis
 Ortum prima dedit , certam dedit altera sedem
 Corporibus , propria qua se statione tenerent .
 Continuo *centrum* (a) petiit scobs ; moxque rotundi
 Succedere globi ; inde globos sepsere rotundos
 Ramenta , & clausos gyro interiore locarunt .

Comparatio.

Exactae veluti messis post tempora , tunsis
 Cura venit cum frugibus ultima , cunque rotato
 Purgantur cribro frumenta , levissima quaeque ,
 Et paleae arentes , & pondere semina nullo
 Collecta in medium coeunt ; at grandia farra
 Extremas cribri fugiunt volventis ad oras .

Haud

(a) Hac voce utitur Plinius a-
 gentae aetatis Auctor ; abstinet Ci-
 cero , qui quidem eam non latinis
 elementis , sed graecis designavit ,
 1. Tusc. cap. 17. *Terram in medio
 mundo sitam ad universi caeli com-
 plaxum , quasi puncti instar obti-*
nere , quod μέτρον illi vocant , Et
 Poeta quidem supra multo rectius
centrum punctum commune appel-
 lavit . Sed cum vocabulorum varie-
 tati servire deberet , necessario ea
 etiam voce utendam sibi esse duxit .

Haud aliter constans minima scobe Phoebus , & astra
 Resisterunt *centri* in medio ; his protenta vaporum ,
 Aëris & regio est ; tellus extrema recessit .

Sed quid ego hic autem tibi singula persequar, omnemq.

Expediam rerum seriem , ambagesque revolvam ?

Quid dicam , ut subitae credere in vortice crustae ?

*Crustae
 enatae in
 vorticibus.*

His superinductis ut vortex constitit ; ut se

Particulae solidam in massam vertere rotantes ?

Unde vagae solidus lunae globus exstitit ; unde

Et stellae errantes , & opaco corpore tellus .

An memorem , vortex cum torqueretur in orbem

*Vortex
 absorpti .*

Plurimus , atque sua contentus sede propinquo

Parceret ; ut subito absorptus defecerit aestu

Vorticis alterius , qui se non impete tanto

Torquentem in gyrum , nec tanta mole ferentem

Perculit , & vasto correptum absumpsit hiatu ?

Hoc pacto lunam tellus , reliquique planetae

Sorbuerunt famulas sibi stellas ; fortior omnes

Corripuit Titan , avidoque exforbuit haustu ;

Quales turbinibus rapidis ubi concitus undas

Torsit in abruptum , medio vorat aequiore gurges .

Sed ne progrediar , quam par est , longius , edi

*Nihil
 non subsi-
 dio vorti-
 cum expli-
 catur .*

Non alia eventus nostros ratione putabis ;

Edita quam caelo fuerint vaga sidera , quam sol ,

Quam lunae moles , quam terræ machina , totus

Denique quam rerum pulcherrimus editus ordo .

Quan-

Quandoquidem omniparens hic conficit omnia vortex.

*Rejicitur
haec senten-
tia.*

Non ullus tamen ista tibi persuadeat auctor,

Ingenii quanquam praesignis laude feratur,

Nominis & fama totum pervaserit orbem.

Quin potius mecum quantum haec sententia nutez

Principiis male fulta suis perpendito; longum

Unde nec evaluit consistere; jamque supremam

Sponte sua traxit pridem labefacta ruinam.

*Principia
systematis
Cartesiani
male la-
bant.*

In primis, verti quo cardine debuit omnis

Rerum summa, cito cur se se turbine versent

In gyrum minimae non ullo fine natantes

Particulae, incassum certam scitabere causam.

Nam quaesita diu, & longum expectata fefellit

Optantum vota, & curas elusit inanes.

Vorticis haud melior se se jactantis in orbem

Conditio est; cujus pariter si nosse laboras

Perpetui motus causam rapidique rotatus,

Non minus incassum recidet labor; & tua rursus

Aequae hic eventu vota eludentur inani.

*Machina
mundi non
posset con-
sistere;*

Quare totius coalescere machina mundi

Vel nunquam potuit, vel certe debuit omni

Quamprimum eliso sic obdormifere motu,

Ad varias ut inepta vices & inutilis altum

Sterteret, ignavo veluti sopita veterno.

Sed, vel concessa rapidi vertigine motus

Cessantis nunquam, hac ipsa in vertigine tanta,

Adde

Adde, recusandum quod non erit, impete vortex
 Vicinum impingens quin fortior hauriat; & sic
 Alter ab alterius solvatur turbine; donec
 Cuncta suis emota locis, ruptaque fatiscant
 Compage; ac demum rursus revoluta ferantur
 In chaos antiquum; cum nullo semina nexu
 Immenso fluere spatio, & coeuntia nondum
 Induerant certam, concreta mole, figuram.

*Sed neces-
 sario inte-
 gret.*

Nam cur adjiciam super haec, quae plurima contra
 Afferi possent; & quae tibi suggeret ille (a)
 Maximus interpretatur Naturae, idemque Poësis
 Nobilis Antistes, qui vel condire Lucreti
 Austerum potuit pimplaeo melle saporem,
 Hunc adeas; si forte velis modo plura doceri,
 Quae hic ego praetereo consulto; nam mihi tantum
 Designasse Virum satis est, qui, fratre (b) sequestro,

*Thomas
 Ceva Soc.
 Je. syste-
 matis Car-
 tesiani op-
 pugnator.*

Non

(a) Thomas Ceva hic indicatur, & laudatur a poeta. De hoc autem Viro longe celeberrimo, nobilissimo Philosopho, Mathematico & Poeta, non est cur hic multa praedicem, propterea quia ejus opera, saepius typis recusa, vulgo cognita sunt; & Vir hic quanti faciendus sit, clarissimus Ludovicus Muratorius in suo opere, quod *de arte poetica* scripsit, satis declaravit. Rectissime autem, ad Cevae styli characterem, quem vocant, declarandum & apposite admodum ad

veritatem dixisse mihi videtur poeta noster, cum ait; *qui vel condire Lucreti Austerum potuit pimplaeo melle saporem*. is enim, qualis uno versiculo & hemistichio describitur, est Cevae stylus in sua *Philosophia*, quam *novo-antiquam* inscripsit. Ex hac pleraque desumit poeta noster, quibus ad systema Cartesianum hoc loco oppugnandum tanquam machinis utitur.

(b) Joannes Maria, Parthenii nostri frater natu minor, & ipse Societ.

Non dedignatus quondam mea carmina blande
Excipere, & nostrae laudans conamina musae
Prima, animo laudis primum inspiravit amorem.

Verum ut eo redeam, cernis sententia qualis
Ista sit; unde nihil cum certi exculpere possis,
Non est cur vano causam hic scrutere labore,
Et statuenda putes nostris exordia rebus.

*Phaenomena
electrica
in hac sen-
tentia ex-
plicari non
possunt.*

*Recursum
allatae dis-
finitur.*

Quod magis ut liquida constet ratione, referto
Nostra haec ipsa animum mihi nunc paulisper ad orsa.
Mitto hic, quod rursus nobis ea cura recurſat
Scitari incassum, ſinuosi vorticis unde
Exſiſtat motus; quod & hic collisio rursus
Est nobis metuenda, vitro ſi forte citato
Plurimus emergat violento turbine vortex.

*Graviores
ſubeunt.*

His praetermiſſis, ſubeunt graviora; rotando
Cur rapidus quaedam tantummodo corpora vortex
Corripiat? cur non potius correpta ferantur
In gyrum; ut frondes, pluvia impendente, caducae,

Siquis

elect. Je. modo Novocorni commo-
rans hic innuitur, cui Mediolani tunc
degenti, cum Parthenius neſcio quid,
quod elegiaco carmine luſerat, Roma
ante triginta & eo amplius annos mi-
ſiſſet, Idque ab eo Cevae, tam vi-
venti, oſtenſum eſſet, Vir ille doctiſ-
ſimus, qua erat ſingulari erga omnes
humanitate, minime dedignatus eſt
adoleſcentis rude carmen legere &
collaudare; quo ſacto mirum in mo-

dum poeta noſter, ut ipſe de ſe ſatetur,
ad conandum aliquid, quod aliqua
laude in re poetica dignum videri po-
ſſet, exarſit. De fratre vero ejus, quan-
doquidem hic incidit fermo, nihil di-
cam, niſi Poetam & ipſum non in-
feriorem, & fortasſe ſuperiorem Par-
thenio evaſurum fuiſſe, ſi per vale-
tudinem, qua ſemper valde incommo-
da uſus eſt, arti poeticae operam na-
vare licuiſſet.

Siquas abripuit subitus mediò aethere turbo ?
 Cur volucris currente rota , vitroque rotante
 Post aliquot reditus & itus objecta catenae
 Amplius haudquaquam moveantur corpora ? nam quis
 Praeterea aërii defendet vorticis acres
 Incursus , quin se medium violentior aër
 Inferat , infano pervertens cuncta tumultu ?

Quod si praeterea reliquos expendere mecum
 Eventus vacat , in primis phialamque batayam ;
 Et vitream perpende quadram . num a vortice lymphae
 Inductique auri , rapidus succenditur ignis ;
 Atque repentinae tanta est violentia flammae ?
 Disce etiam varios , quibus hos aptatur ad usus
 Machina , follerter positus perpendere , nec non
 Pro varia effectus varios statione notare ;
 Nec te pervertet violento turbine vortex .

Postremo illa mihi ne despice vincula Serum
 Alto appensa tholo , quorum vis cognita nostris
 In rebus tantum valet ; illis utere , quando hic
 Non minor usus erit ; quanvis & vitrea quadra ,
 Et phiala elisos imitentur nubibus ignes .
 His veluti adstrictus laqueis , & compede multa
 Scilicet haerebit vortex , & stare coactus
 Contendet rapidos nequidquam urgere rotatus
 Obnitens contra . quod si phrygium quoque gluten ,
 Tantopere hos ipsos quaesitum gluten ad usus ,

*Præcipua
 experimen-
 ta explica-
 ri nequeunt.*

Sub-

Subsidio accedat; multo retinebitur idem
 Arctius, & lenta pice perlitus, inque plicatus
 Haudquaquam expediet se se. ceu forte dolosis
 Ales ubi infedit virgis, quas sepibus altis
 Callidus infixit venator; corpore toto
 Luctatur miser, & trepidas exterritus alas
 Concutit incassum; quin & contentius omnes
 Quo se se in partes versando jactat, eo se
 Illaqueatque magis, viscoque tenacius haeret.

Conclusio. Haec tibi proponens, rationum & pondera tecum
 Expendens, non est cur longius inquirendo
 Proceas, studio nil profecturus inani.

Nihil suscipiendum sine certis indiciis. Novi ego perpetuis qui prata recentia rivis,
 Jugibus & cuperent vernantes fontibus hortos;
 Nequidquam ferro, crebrisque ligonibus omne
 Sollicitasse solum; tenuissima quippe sequuti
 Indicia, atque mala decepti fraude locorum
 Ante manum admorunt operi; quam certa latentum
 Ostentans se se spes affulgeret aquarum.
 Interea rivis languebant prata negatis,
 Arebant sicci nimbis cessantibus horti.
 Effusi in ventos sumptus; casloque labore
 Pulverulenta siti versabat jugera fossor.

Indicia saepe falsa sunt. Signa etenim, ut monui, ancipites inducere vultus;
 Et quam se cunque in partem dare callida, multos
 Decepere, acris ni provida cura resistat

Inge-

Ingenii , nexosque dolos , fraudesque resolvat .

Felix , cui tanta arrisit clementia divum ;

Qui causas potuit certa ratione latentes

Vestigare , & Dis sisti ducentibus ipsis

Ad caput , unde omnis causarum manat origo .

Sed Pater haud facilem vulgo , cunctisque patentem

Esse viam voluit . quin causas (a) lumine nostro

Submotas procul , & caligine sepsit opaca ,

Et puteo penitus depressas condidit alto .

Funduntur circum tenebrae ; nox accubat atra ,

Atque aditus nigro Dea furva obnubit amictu .

Scilicet ut turbam procul inde arceret inertem ,

Degeneres animos verae nil laudis egentes ;

Tum durus labor exacuens mortalia corda

Fingeret ; inque dies per iniqua atque ardua nitens

Cresceret angustis major sollertia rebus .

Quare age praestanti temet durato labori ;

Hic animum obfirma ; totas hic exere vires ;

Hinc decus , hinc famam tibi conciliato perennem .

Atque ego non aliam ob causam , post saecula tanta ;

Quam nova ut ingeniis calcaria subdita nostris

Acrius ad blandum stimulantur laudis amorem ;

Virtutem e tenebris miram emeruisse putarim .

*Causas certo investi-
gare summae felici-
tatis est .*

*Difficultas
in causarum
investiga-
tione .*

*Ratio bu-
jus diffi-
cultatis .*

*Quare viv-
us electri-
ca nostra
haec aetate
in lucem
proderit .*

H

Et

(a) Cognitum est illud Democriti
effatum ; *veritatem in puteo latere* ;
quod non inepte causarum investiga-
tioni poeta accommodavit . causas

enim rerum cum Physici investigant ,
unius veritatis inveniendae spe atque
amore ducuntur .

Et vero insoliti subita ad spectacula monstri
 Continuo arreptae mentes; incensa cupido
 Portenti occultas investigare latebras.

Certatur studiis; atque, ut gens (a) quaeque sagaci
 Ingenio praestat, reliquas praevertere tentat,
 Et ferre insignem pulcro in certamine palmam.

*Certamen
 nationū in
 peruestiga-
 tione vir-
 tutis ele-
 ctricae.*

Aspice. Se campo ante alios ardentior infert
 Gallus, & optatam tendit properare citato
 Ad metam cursu. calcem terit aemulus Anglus,
 Et sibi prima petit, quem propter clara reperta
 Plurima nunc caelo sublimem gloria tollit.
 Pone subit studio Batavus succensus eodem,
 Et fidens animis, atque ocyor alite vento
 Evolat, & palmae jam spe praesumit honorem,
 Nec minus eximiae laudis correptus amore
 Ingenio praestans succedit Iberus; Iberum
 Germanus premit, & spatiis propioribus instans
 A tergo totis praecuntem viribus urget.

*Aemulatio
 nationum.*

Omnibus idem ardor summo contendere nisu
 Propositum ad decus, & speratae ad praemia palmae,
 Ut quenque extremum pudet esse, ita vincere certat
 Praepetibus plantis cursuque anteire priorem;

Quo

(a) Longum esset & supervacaneum stigandis eorum causis, elaborarunt, singulorum Auctorum numerum recensere, qui e diversis totius Europae nationibus, sive in electricitatis phaenomenis exponendis, sive in perve-

stigandis eorum causis, elaborarunt, libri enim paene innumerabiles potestremis hisce annis hac super re prodierunt, quos, qui velit, facile consulere poterit.

Quo sibi praerepta, fociis post terga relictis,
 Emeritos possit crines vincire corona.
 Tum fremitus caeve, nec non diversa faventum
 Infigant animos studia, & calcaribus urgent.
 Acrius hoc instant cursu; jamque ultima, plausum,
 Plausum inter fremitumque, tenent. Sublimis in axe
 Laurum praetendens anceps Victoria pendet.

Non Pelusiaci tanto olim exordia Nili (a)
 Et studio quaesita, & vestigata labore
 Crediderim tanto. Ille alio caput abdedit orbe,
 Quaerentumque diu curas elusit inanes
 Occultans se se; longo post tempore demum
 Exstulit os alium terris, sacrosque (b) reclusit

*Veterum
 studium in
 inquirenda
 origine Ni-
 li.*

H 2

Fon-

(a) Expeditionum, ad originem Nili detegendam, immensis sumptibus ac laboribus susceptarum, Scriptores veteres meminerunt. *Nullaque non aetas*; inquit Lucanus lib. 10. *voluit conferre futuris notitiam*, Sed tot labores ac sumptus, atque adeo expeditiones ipsae incassum reciderunt. Lucani enim tempore ignota prorsus erat origo Nili; unde idem poeta de obstinatioris fluvii hujus latitantis ingenio illo hemistichio conquestus est; *Vincit adhuc natura latendi*, sed minime vicit consequentium temporum diligentiam ac perspicaciam. Opera enim praecipue PP. Societatis Jesu, qui disseminandi Evangelii causa cum in ultimae atque abditissimas Africae

partes penetrassent totas illas regiones scrutati sunt, origo tandem nobilissimi fluminis & totam Aegyptum aquarum suarum irrigatione foecundantis detecta est in editissimis montium illorum jugis, qui a luna nomen habent. Vide Regnaulti *Les entretiens physiques d'Ariste & d'Eudoxe* tom. 3. pag. 268. edit. Paris. an. 1732.

(b) Hic auctor, ut saepe alibi, veterum gentilium Poetarum more, loquutus est, qui falso putabant fontes, unde primum erumpunt flumina, sanctos esse; &, aut Nymphis, aut fluminibus ipsis, quae divinitate donabant, consecratos.

Fontes ; latifluo unde erumpens gurgite , perque
Camporum spatia immensa tractusque volutus ,
Et laetas secum fruges spemque uberis anni
Convectans , fortunati petit arva Canopi ,
Et totam Aegyptum felicibus alluit undis .

*Itali nihil
hac in lau-
de exteris
concesse-
runt .*

Verum ubi te , nostra primum memoranda camoena ,
Dilecta ante alias caelo , pulcherrima rerum
Italia , Heroum genitrix foecunda , reliqui ?
Anne pigro tu sola sedens , torpensque veterno
Spectasti egregios aliorum ignava labores ?
Nil igitur te laudis amor ? nil conscia virtus
Impulerunt residem in mediam descendere arenam ?
Sic tua sic semper pia numina vota secudent ,
Ut te degenerem non ulla redarguet unquam
Aetas , oblitamque tui decorumque tuorum .
Quantum opere in tanto tua se se cura probarit ,
Ingenii quantum follers industria gentes
Te supra extulerit reliquas , haud nesciat ille ,
Qui legat Augustae quae ad moenia Taurinorum (a)
Edita prodierunt , immortalique perennem
Auctori peperere suo cum nomine famam .

Nec

(a) Post Franklinum nemo P. Joanne Baptista Beccaria , Viro doctissimo et Scholis piis , & in Academia Taurinensi Physicae Professore , nemo , inquam , in virtutis electricae disquisitione neque contentius , neque feli-

cius elaboravit . Plura hac de re a Franklino didicit , multa ipse invenit atque edidit ; ut in hoc cursus certamine , quod poeta noster instituit , cum Franklino ipso de palma contendere jure videri possit .

Nec vos transferim , Socii , (a) quos impulit idem ,
 Accenditque animos ardor succedere tantae
 In partem laudis ; testis Florentia , testis
 Intercisa sibi fluvio cognomine Parma ;
 Testis & extremi sinus orbis , & ultima regna
 Sinarum ; (b) immensum ne quos disternat aequor ,

H 3

Hic ,

PP. Itali
 Soc. Jesu
 suam ope-
 ram eodem
 contulit —
 runt .

(a) Longum quoque, uti supra diximus de exteris Scriptoribus, ac supervacaneum esset hoc loco Scriptorum Italos e Societate, qui de virtute electrica tractarunt, atque aliquid saltem ediderunt, recensere. Eos tantum nominabo, quos poeta indicat, cum *Florentiam & Parmam* testes suae affirmationis appellat. Florentiae Leonardus Ximenius, jam libro primo a poeta laudatus, machinam electricam ad capienda experimenta extruendam curavit. Qua quidem occasione poeta noster machinam primum vidit, & virtutis electricae admiranda phaenomena non suspexit modo, sed ipso suatore atque adeo impulso Ximenio ad ea versibus exponenda aggressus est. Parmae vero accuratissimam in electricitatis phaenomena disquisitionem Jacobus Belgradus instituit, quam eadem in urbe anno 1749. edidit; unde multa experimenta, quae in suum earmen induxit, poeta noster mutavit.

(b) Socios innuit, qui in amplissimo Sinarum imperio propagandae

Religionis Christianae causa versantur; quem ad finem cum plurimum liberales artes ac disciplinae praesertim mathematicae conducant, idcirco eas non negligunt, sed optimo ac maxime Catholicae Religioni salutari consilio pro viribus excolere contendunt. Jam quod ad rem nostram attinet, quantum Pekinenses Patres, in illa longinquitate locorum, in virtutis electricae investigatione operam impenderint ex Ephemeride encyclopedica cognoscatur, ubi tom. 6. part. 2. pag. 10. ad mensem Septembris an. 1764. haec habentur, quae e gallica lingua italice reddita hic damus.

I Gesuiti di Pekino, che mantengono un regolare commercio con gli Accademici di Pietroburgo, e a loro rendono conto delle fatiche, che essi fanno in ogni genere di studio, dicono, qualche tempo fa, notizia di una esperienza sulla elettricità, la quale può parere una delle esperienze più proprie per istruire a stabilire una sicura teoria di questa singolare proprietà de' corpi.

Hic, mihi se quando locus offert dexter, omittam.

Nicolaus
Arrighet-
tus Floren-
tinus

Te (a) vero ante alios, primo sub flore juventae

Ver-

pi. Si applica una lamina di vetro elettrico ad una bussola coperta essa ancora da un' altro vetro; e subito l'ago piantato sul perno alza la punta, e si accosta alla parte interiore del vetro, con cui è coperta la bussola, e quell' ago resta in tale situazione per due, o tre ore; dipoi l' ago torna improvvisamente a cadere, e ripiglia la sua consueta situazione. Si leva la lamina del vetro elettrico di sopra alla bussola; ed ecco il maraviglioso. in un batter d'occhio l' ago torna a salire, e di nuovo si accosta al vetro, che cuopre la bussola, e vi resta attaccato per due, o tre ore, come avea fatto innanzi. Si raccosta la lamina, e l' ago torna a cadere; la lamina si toglie, e l' ago torna ad alzarsi, e questo giuochetto può ripetersi cento volte, come hanno fatto i Gesuiti. In che modo non si dee rimaner sorpreso al vedere in questa esperienza, come quella elettricità, che pareva totalmente estinta dopo il corso di qualche ora, in un solo istante, senza nuovo fregamento, il quale la provochi, venga a ravvisarsi col solo slontanare la lamina, e manchi all' accostare di questa lamina istessa? Il Sig. Repino, informato di que-

sta singolarità, si è applicato a ricercarne la causa, e ad esaminare, se essa potesse dedursi dalla teoria del Sig. Franklino; colle più scrupolose precauzioni ha ripetuto questi esperimenti, e gli ha trovati tanto conformi alla detta teoria da lui già adottata, che i medesimi lo hanno pienamente confermato a seguirla.

(a) Intellige P. Nicolaum Arrighetum, olim in Collegio Florentino poetae nostri collegam. Atque hic Vir quidem eruditissimus Senis cum esset, & in Collegio Ptolemaeo Physicam, quam vocant experimentalem, magna auditorum, ac praecipue nobilissimi illius Collegii contubernaliū, frequentia doceret, non machinam modo electricam construendam curavit; sed tantum instrumentorum ad quaeque experimenta capiēda, tamque copiosum ac prope incredibilem apparatus instruxit atque collegit; ut Senae, si caeteris ornamentis, quibus tamen abundant, carerent, ejus unius, quem dixi, apparatus causa, quod de Thepiti, propter insigne illud Cupidinis simulacrum scriptum reliquit Cicero, visendae essent. Deum post diuturnam Senis commorationem clarissimus Vir, longo veluti postliminio, in patriam reversus est, & in

Vernantis, longoque usu mihi cognite, quique
Impiger his ipsis jamdudum accingeris orsis,

H 4

Quo

& in Florentino Collegio aliquot annos versatus multa, quae e gallico in italicum sermonem convertit, publicae utilitatis studiosus edenda curavit. Nunc autem Senas eundem reversum Collegio S. Vigili praepositum Rectorem esse audio. Dum haec autem ipsa carmina imprimerentur praematurae tanti Viri mortis allatus est nuncius. Verum si mortis ipsius causam spectemus; est sane cur potius religiosissimi Patris vicem invidemus, quam ejusdem acerbum funus luctu ac moerore prosequamur. Grassante enim Senis hoc ipso tempore epidemico morbo, cum is publicum maxime nosocomium corripuisset, multique in eo aegrotantes, sacerdotum inopia, sive periculum defugientium, sive contracto morbo decumbentium, ultimis animi praesidiis destituti exstinguerentur, imploratoque ob eam rem a PP. Soc. Je. subsidio, Collegii Rector oblatam sibi tam pii officii obeundi occasionem non omittendam ratus, una cum aliquot ejusdem Collegii sociis nosocomium ipsum, tanquam ad vitae prope certum discrimen, ut ipse in epistola hac super re ad Praepositum Provincialem data paullo ante significaverat, adire non dubitavit. & sane, quod verebatur, evenit. Nam non ita multo post, quam pium exer-

cere munus alacriter coeperat, contagiosa lue suscepta, dia multumque cum gravissimo morbo luctatus, tandem ejusdem violentia oppressus, una cum ejusdem pii muneris confortibus P. Aloysio Ginammo Bergomate, & Fratre adjutore Joanne Nesio, victima charitatis occubuit. Is fuit P. Arrighetti exitus, quem totius religiose anteaetae vitae suisque eximiiis virtutibus respondentem sortitus est. Natus erat Florentiae antiqua ac patricia familia, parentibus Honuphrio Arrighetto Equite Bajulivo S. Stephani, eximiae probitatis Viro, & Cassandra Bardia ex Comitibus Vernii. Natu major, relicto fratri amplo patrimonio Soc. Je. adscribi voluit. Inita Societate, quo sibi suisque spem omnem regressus praecideret, multo maturius, quam recepta jam consuetudo ferat, Sacerdotio initiari petiit, & a supremo Ordinis Moderatore impetravit. Multa Vir hic egregie eruditus, Mathematicus & Philosophus insignis scripsit & edidit, quorum index hic exhibetur.

De altitudinibus mensurandis exercitatio Geometrico-Astronomica. Romae anno 1746.

Dissertationum compendia philosophica de origine, & causis. I. Fontium perennium & Fluviorum. II. Electricitatis recentium phaenomeno-

no-

Quo te conatusque tuos ego carmine dicam ?

Et memini , & jucunda quidem meminisse voluptas ;

*Olim Flo-
rentiae col-
lega aucto-
ris in ma-
gisterio .*

Cum nos Flora animis concordibus alma teneret ,

Tecum multa Arni-vacuum viridantis amoenâ

Lusisse in ripa . tunc mens erat una duobus

Edita inaccessi reptare ad culmina Pindi ,

Atque inde insignem lauri de fronde coronam

Ferre , decus capiti . Sed te majora manebant ,

Scilicet . abtractum Musarum e dulcibus ulnis

Excepit Sophia alma sinu , nugisque relictis

Occultas jussit rerum disquirere causas ;

Et medium lecta juvenum stipante corona

Abdita naturae vulgare arcana latentis .

*Docuit Phi-
losophiam
Senis .*

Sena vetus , magna deducta colonia Roma ,

Ultrò arcessitum , meritis & honoribus auctum

Laeta fovens tenuitque diu , & mirata docentem est .

Illinc digressum patria Florentia fede

Nunc tenet , & tanto laetatur cive recepto .

*porum . III. Idearum humane men-
tis . Senis an. 1748.*

*Ignis Theoria solidis observatio-
nibus deducta . Senis an. 1750.*

Lucis Theoria . Senis an. 1752.

*De motus Mercurii causa in Ba-
rrometris Dissertatio . Senis an. 1753.*

*Epitome Theoriae electricae . Se-
nis an. 1756.*

*Il Baron Van-Esden , ovvero la
Repubblica degl' Increduli Opera del
P. Michelangelo Maria dell' Ordine
de' Minimi , dall' idioma Fran-
cese tradotta , divisa in capitoli ,
di sommarij e di tavole accresciuta
per un Teologo Toscano Tomi 4.
In Lucca l' an. 1765.*

ELECTRICORUM

LIBER IV.

P Rotinus arcanas non longa indagine causas
 Exponam mirae virtutis, & abdita pandam
 Naturae, incoeptum properans absolvere munus.
 Nam quis (a) ab extremo subitam procul orbe putasset
 Obscuris adeo lucem affulxisse repertis?
 Et vero affulsit. Longe qua barbara cultis
 Dissidet Oceano terris America refuso,
 Anglus homo (b) dubiis primum mortalibus almam
 Ostendit lucem; caecae qua protinus umbrae
 Discussae, & causae penitus patuere repostae.
 Frustra alias alii meditando inquirere causas,
 Explorare aditus omnes omnesque latebras,
 Et tentare sinus; aspirans siqua labori
 Ferret opem, regeretque viam fortuna. Jacenti

*Libri 17.
propositio.*

*Frankli-
nus Anglus
in Ameri-
ca consti-
tutus cau-
sam inven-
nit.*

Solus

(a) Nam quis pro quis nam non caret exemplo optimo, & quidem Virgiliano. Virg. Georgicor. lib. 4. ver. 445. *Nam quis te, juvenum confidentissime, nostras jussit adire domos.*

(b) Franklinus Anglus in America constitutus novam Theoriam excogitavit, qua virtutis electricae

phenomena explicarentur. Hanc utpote reliquis probaliorem sequuti sunt omnes, qui de vi electrica tractationem aliquam instituerunt; hanc ipsam vero Theoriam Parthenius hoster amplexus, suis ipse versibus, quantum summa rei difficultas sivit, exornare conatus est.

Solus hic e terra caput extulit, atque peragrans
 Aërios animo tractus, secumque volutans
 Eventus varios caeli variabilis, alto
 Deduxit mirae virtutis ab aethere causam.
 Ergo dum tota Europa contenditur, & dum
 Pro se quisque student niti praestante labore,
 Praeripuit cunctis tanto in certamine palmam.

*Franklini
 laus.*

Maeste tua virtute, Heros, non gloria inanis
 Alphei in ripis curru quaesita volante,
 Non evitatae circensi in pulvere metae
 Victorem extulerunt caelo; sed vivida mentis
 Te vis, atque ardens evexit ad aethera virtus.
 I, sequar, & certo tua per vestigia calle
 Incedam; neque me, duce te, via fallet cuntem.

*Eadem
 causa ele-
 ctricitatis
 naturalis,
 atque arti-
 ficialis.*

In primis, quaecunque vides contingere olympo,
 Cum Pater altitonans vulcania tela rubente
 Molitus dextra caelum quatit omne fragore,
 Atque procellosa tetrae in caligine noctis
 Horrifico denfos percurrit lumine nimbos;
 Non aliam credas causam has succendere flammis
 Aëris in campis, tantosque excire tumultus,
 Quam quae scintillas attrito a corpore vitri
 Et resonas raucis stridoribus elicit auras.
 Nimirum vis una subest; sed fortior alto
 Longe majores eadem ciet aethere motus.
 Hinc primum dubiis visa est affulgere rebus

Spes

Spes aliqua ; hinc aditus penetralia in abdita primum
 Naturae patuit ; mox Experientia venit
 Subsidio , comitemque viae se se addidit ultro .
 Ipsa iter ignaros docuit , taedamque coruscans
 Dispulit affusas oblata luce tenebras ;
 Ipsa incerta regens certis vestigia signis
 Perstitit usque viae comes indivisa ; nec ante
 A latere abscessit , monstrato tramite , quam sit
 Progressum ad caecae secreta cubilia causae .

*Prima in-
 dicia ele-
 cticitatis
 de caelo ca-
 pta .*

Hic autem capiat te nolim improvidus ardor ,
 Incendatque animum superas conscendere ad arces ,
 Et propius denso spectare micantia caelo
 Fulguraque , & ruptis elisos nubibus ignes .

Siste gradum , subitumque ardorem comprime , siquis

*Supersedē-
 dum ab in-
 vestigam-
 dis phaeno-
 minis cae-
 lestibus .*

Inconsulta tibi succendit pectora . tempus
 Non isthaec sibi poscit adhuc spectacula ; mirae

Post ubi , jam quaesita satis , virtutis origo

Se demum nobis ostenderit ; aetheris altas

Tum vero peragraré vias , si tanta cupido ,

Et dabitur superis errare licentius oris .

Quare age sis , animum mea nunc ad dicta referto ,

Praecisaque omni longarum ambage viarum ,

Haftenus expositis (neque enim vacat ire per omnes)

Quae sint (a) eventis statuenda exordia , paucis

*Investi-
 gāda prius
 causa ele-
 cticitatis
 artificialis*

Acci-

(a) Huic loco adnotationem su- atque adeo jam inde ab ipso huius
 biicimus , quae a nobis multo ante , operis exordia collocari oportuit .

Prae-

Accipe ; quae nostri pars multo est maxima coepti .

Virtus electrica lata diffunditur.

Principio aethereos tractus camposque liquentes

Terrasque & vasti Neptunia regna profundi ,

Arboreas stirpes , animantum membra , metalla ,

Marmoraque & gemmas , atque omnia denique virtus ,

Insinuans virtus comprehendit corpora ; sive

Uvidus illa vapor tibi sit ; sive halitus ardens ;

Sive etiam fluctus subtilior ; excita certe

Discurrit late , magnosque dat undique motus .

Hanc Deus omnipotens inde usque ab origine rerum

Condidit ; & fufam , pro divitis ubere (a) census ,

Naturam voluit longe lateque per omnem .

Sed

Praecavendum enim fuerat, quidquid lectori nimis fortasse delicato fastidium aliquod creare poterat . Vox *eventus* , quae passim hoc in opere usurpatur , sive masculino, sive foeminino genere elata , si cui minus latina eo sensu , quo ab auctore adhibetur , forte videbitur , is profecto nimis duram latina lingua scribeantibus legem constituet . Vox enim haec ea , quae accidunt , proprie significat , sive casu , ut loquimur , sive certa de causa eveniant . Cic. ad Att. lib. 9. ep. 5. *Semper causas eventorum magis movent, quam ipsa eventa* . Eventa igitur recte dici possunt , quae ex causis & quidem certis minimeque ignoratis proficiuntur ; ea nimirum , quae *effectus*

latino vocabulo , & minus latino *phaenomena* appellamus . Praeterquam quod auctori, in re nova ac difficillima, summa vocum inopia laboranti nullum aliud fortasse vocabulum suppetere opportunius poterat , quo effectus ipsos ac *phaenomena* , quae describenda suscepit , explicatius indicaret : Quapropter non est , cur quisquam auctoris aut in vocum delectu incuriam carpat , aut in iisdem usurpandis iudicium elegantiamque desideret .

(a) Hoc est profumma atque incredibili fluctus electrici copia , quae corpora omnia affatim non abundant solum ; sed etiam , quod capitis saepius experimentis convincitur , redundant .

Sed non , delectu nullo , vulgo omnibus idem
 Corporibus primo Pater hanc iniecit ab ortu ;
 Certis dumtaxat , certo discrimine , quaeque
 Praecipua elegit , numeroque optavit ab omni .
 Hanc illis large infundens ipse addidit ultro ;
 Atque dedit propriam ferre , ingenitamque reliquit .
 At reliquis ita corporibus Pater omnibus aequus
 Cavit , ut oblatam acciperent , ipsamque receptam
 Inde aliis etiam possent transmittere habendam ,
 Atque aliis deinceps ; ut sic per corpora cuncta
 Serperet , & longe manans lateque mearet .
 Sed , ne mirandae virtutis semina prorsus
 Deficerent jugi defluxu , hoc denique pacto
 Provisum . largis nam quanquam effundere rivis
 Corpora non illam parcant ; tamen illius unquam
 Haud est cur metuant ne copia desit ; in ipsis
 Quippe manet non deficiens & jugis origo .

Ergo perpetuo quanvis per corpora serpat
 Effluvio , terrasque ubertim irroret , & oras
 Irriget aërias , nunquam non copia venis
 Rumpit inexhaustis , intermittitve fluendo .
 Jamque licet , prima quae non ab origine miram
 Virtutem ebiberunt exfortia corpora , large
 Oblatam accipiant ; & quod natura creatrix
 Abnuat , inde avido curent sibi quaerere potu ,
 Unde eadem nunquam non effluit ubere vena .

*Certis cor-
 poribus ab
 ipso ortu in-
 dita fuit .*

*Reliquis
 corporibus
 derivatio-
 ne imperi-
 tur .*

*Fluctus
 electricus a
 exauriri
 non potest .*

*Fluctus
 electricus a
 corporibus
 secundi ge-
 neris exor-
 betur .*

Et

Et vero non sic avide sitientia rivos ,
 Si quos induxit vigilis pia cura coloni ,
 Prata bibunt ; neque sic riguos violaria fontes ,
 Cum grayis humorem siccis ardoribus alto
 Absumpsit Titan caelo , atque exsucca reliquit ;
 Corpora uti ingenita virtute carentia gaudent
 Largius epoto se se perfundere fluctu ,
 Virtutemque una cum fluctu haurire potentem .

Varia corporum sitis .

Verum his non eadem sitis est , non omnibus idem
 Ardor corporibus ; potum magis illa frequentant ,
 Haec minus ; ut crebros magis , aut minus acris ad haustus ,
 Pro vario quorumque habitu , sitis urget . ubi illam
 Haustibus explerunt certis , saturata quiescunt .

Modus corporum in bibendo .

Porro hanc mensuram natura , modumque bibendi
 Provida constituit . nec vero largius , illa
 Quam sinat , indulgent potu male sobria ; quanquam
 Materies plenis exundans fluvida rivis
 Irritetque sitim , atque novos invitet ad haustus .

Materiae electricae proprietates exponuntur .

Nunc age materiae ipsius , quo praedita fertur ,
 Persequar ingenium , atque exponam carmine vires ;
 Quas bene perspectas exploratasque juvabit
 Jam nunc , quo citius reliqua expediantur , habere .

Materia electrica est subtilissima .

Tennis ea in primis est , & subtilior ipso
 Aëre ; nimirum minimo quae semine constat .
 Hinc caecas ingressa vias arctosque meatus ,
 Exsuperatque oditque moras , & lubrica serpit ,

Nil

Nil tibi non eadem pervadet ; nil fatis illi
 Occurret clausum ; vulgo omnia corpora , denso
 Quantumvis textu consent & dura repugnent ,
 Vincet agens se se , penitusque illapsa subibit.
 Ut semel excepta est , per & intima & extima cursu
 Liberiore fluit ; ceu si putealia rubro
 Pocula miscueris Baccho ; ditracta per omnem
 Continuo lympham Bacchi vis spargitur ; & jam
 Tota interfuso rubet unda infecta lyaeo .
 Sic illa extemplo , quae nacta est corpora , tota
 Insinuans obit , & late diffusa pererrat ,

*Semel ex-
 cepta per
 omnes cor-
 poris par-
 tes diffun-
 ditur .*

Cuncta pererrantem , penitusque reposta petentem
 Ut non impediunt praeduro corpora textu ,
 Sic non ulla citam spatia interjecta retardant ,
 Non adeo velox nervo stridente sagitta
 Missa fugit , celeresque volans praevertitur euros ;
 Ut cursu praeceps delabitur illa ; vel ipsis
 Ventorum rapidis , & fulminis ocyor alis .
 Jam vero anfractus vitat , longasque recurvo
 Circuitu ambages ; & non , nisi fortior illam
 Vis adigat , callem obliquat , compendia quaerens .
 Inde via incedit breyiore (a) & tramite recto

*Est maxi-
 me velox .*

*Via recta ,
 quae est om-
 niū brevif-
 sima , de-
 currit .*

Ten-

(a) Superiori experimento al- electricum semper per viam brevio-
 lato pag. 33. evincitur , saltem ge- rem tendere ; nec vero , nisi a for-
 neratim verum non esse , quod hoc tiori vi adigatur , unquam ab eadem
 loco poeta affirmat ; nempe fluctum deflectere . In allato enim experi-
 men-

Tendit iter pernix ; atque impete lapsa citato
Impatiensque morae decurrit ; & impete eodem ;

*Obvia cor-
pora abri-
pis.* Nare incerta solent toto quae plurima caelo ,
Forte sibi in medio fiant siqua obvia cursu ,

Arripit asportans secum , verritque per auras .

*Negat ad-
stringi le-
ge.* Non amet astringi quanquam ulla compede legum ,
Gaudeat & caelo spatium libera aperto ;

*Paret ta-
men.* Haud tamen omnino imperium , nec jura recusat
Indocilis . quin & sequitur ; quamcunque vocaris
In partem , jussuque assuescit tendere calle ;
Exlegem certo si circumscribere jure
Noveris , atque suis fugientem adstringere vinclis .

*Liquido-
rum corporu
proprietate
res habet.* Illam autem humorum numero ad censere liquentum
Ne dubita ; usque adeo naturam imitatur , & omnes
Una refert mores liquidorum . proinde vocata

Hinc derivato & proprio est jam nomine *fluctus* .

Nec fortasse aliud magis olli nomen adhaesit .

Conveniens , quodque ingenium magis exprimat . Ergo

*Fluit &
refluit.* Et fluit , & refluit ; nec non procurrit ab illa ,
Qua superat , parte , & vicinum corpus inundat .

*Stagnat
interdum.* Stagnat iners interdum ; & lentae more paludis ,
Haud quoquam aequato decurrit pondere ; contra
Si paulum inclinet devexum pondus in unam

Par-

mento nulla vis intervenit ; fluctus
tamen electricus per longiorem aenei
fili sub terra latitantis ac depressi ,
nec non in arcus formam curva-
ti incedit , & eo usque , ubi con-
dicta signa amicus expectat , felici
derivatione progreditur .

Partem ; qua parte incubuit , delabitur illae .
 Sin autem incertum nutet , certo quoque stare
 Illa loco nescit ; titubatque , & fluctuat anceps .
 Nec requies . iterum dum iusto examine , & aequis
 Ponderibus librata haud patre exuberet ulla .

*Fluctuat
incerta .*

Quid ? quod & interdum vires capit auctior , & se
 Exonerat tanto violentior impete , quanto
 Exsuperans magis alterutra de parte redundat .
 Ceu , modo qui placidis decurrens leniter undis ,
 Et sibi descriptis contentus finibus amnis
 Stringebat ripas , & pingua culta secabat ;
 Vere novo , si forte gelu nivibusque solutis ,
 Undarum crescat subitis accessibus auctus ;
 Nec mora , transcendit ripas , subiectaque victor ,
 Aggeribus frustra prohibentibus , exit in arva
 Spumeus , & tumido late premit omnia fluctu .
 Non secus illa , novo si crescat ab ubere , vires
 Majores capit ; & , quae corpora forte propinqua
 Nacta sit , aut certo delectu objecta , redundans
 Obruit , & multo exsuperans interluit aestu .

*Aucta ca-
pit vires .*

Hoc mirae ingenium virtuti ; hae denique multo
 Compertae studio vires . hinc illa per omnem
 Naturam rerum , stagna & per maxima Nerei ,
 Aetheris & liquidas late diffusa per oras ;
 Hinc vivos animantium artus , atque intima terrae
 Viscera sublabens , neque nusquam lubrica serpens

*Phaenome-
norum ex-
plicatio a
virtutis na-
tura & pro
prietas
petenda .*

Mille parit visenda novis spectacula formis .

*Laetan-
dum causa
reperita .*

His ita praemissis , studio & sollerte notatis ,

Est modo cur demum causa laetere reperta

Exsultans animis . non hic labor irritus , hic non

Susceptae incaſsum ſummo molimine curae ,

Abdita tantarum ratio certiffima rerum

Conſpicuis manifeſta notis , & nube remota

Se ſe aperit jam ſponte ſua ; jam clauſtra pateſcunt

Intima naturae referatis poſtibus , & jam

Affuſa late clareſcunt omnia luce .

*Specimen
theoriae Præ
Rheinianæ ex
hibetur .*

Quare age , & accedens qua machina tollitur , & qua

In gyrum facilis torquet rota ſubdita vitrum ,

Intentis oculis vigil excuba , & omnia luſtra ,

Jam nunc delibans verae praeludia cauſae .

*Decurſus
ſtuctus ele-
ctrici obſer-
vandus .*

Cum duo praeſcripta committis corpora lege ,

Si certo ſumpta e genere , obſervabis ab uno

Corpore materiem declivi tramite pronam

Deſluere , inque aliud tacitis excurrere rivis ;

Quod jam conſuetis poteris cognoscere ſignis ,

Nempe hoc indicio eſt , rigui quod copia ſtuctus

Semper tendat eo exundans ubi deſit ; eodem

Rurſus non unquam reſſuo in contraria tendat

Gurgite procurrens , ubi jam ſuſcepta redundat ,

*Ceſſatio
ſtuctus per-
pendenda .*

Obſervabis item , interdum tibi corpora nullum

Edere , quae ſecum inſtiteris committere , ſignum ,

Unde etiam indicium capias licet , illa peraeque ,

Quae

Quae forte imprudens signis optaris habendis
 Affecta, & riguo aut siccis arentia fibris
 Destitui, aut contra bene pota tumescere fluctu,
 Qui cum deficiat, vel utrinque exuberet, haud est,
 Usquam ponderibus non inclinantibus, idem
 Cur hanc in partem potius, quam tendat in illam.
 Nec minus hæc inter voto expectabis inani
 Signa tibi flammis consueta sonantibus edi,
 Si lecta a prima sint utraque corpora classe,
 Tum quia sunt proprio per se satis uvida fluctu;
 Tum quia, quem semel hausserunt ab origine, nunquam
 Ingenitum amittunt, semperque tenacia servant.

Haec fluctus momenta, & inaequales mensuras,
Defectum, *excessumque* vocant. deprendere porro
 Alterutrum toties dabitur, concurrere secum
 Corpora tu quoties quæ demum cunque jubebis.
 Quanquam *defectum* vel in uno corpore, nec non
Excessum, prima delecto e classe, notabis.
 Nimirum attritu subducti, tempore eodem
 Si quantum ingeni fluctus erumpat ab una
 Parte, superficies suffecti haud altera fluctus
 Tantundem accipiat, quod non conabere frustra,
 De medio speciem si quæ sunt nacta secundam
 Corpora sustuleris, quæ nectant inter utranque
 Corporis ejusdem commercia mutua partem.
 Si quando hoc autem praeter contingere morem

Defectus & excessus fluctus omnia conficiuntur.

Idem defectus & excessus in eodem primi generis corpore deprehensus.

*Hoc autem
magis sin-
gulare, quā
ut curam
facessere de-
beat.*

Cernas, id te non angat; mirabile nanque
Censendum magis est; intentam quam aut sibi curam
Vindicet in praesens, aut noster postulet usus.

Quod caput est, moneo, refluī alternantia fluctus
Momenta, & repetens iterumque iterumque monebo,
Sedulus observa; & quam tibi parte redundet,
Vel qua deficiat fluctus, prius exige tecum,
Et crebro reputa, multumque diuque voluta,
Quam quidquam temere, & male cautus praecoce cura
Constituas; atque his tum denique rite notatis,
Haud equidem dubito, quin unius omnia fluctus

*Vera cau-
sa statui-
tur.*

Defectū excessuque regi, certoque petenda
Vera hinc tantarum fateare exordia rerum.

*Longiori
digressioni
via fieri-
tur.*

Jamque rate his veluti e scopulis utcunque revulsa,
Prona mihi quando superatis aequora faxis
Dant se se, pelagoque juvat decurrere aperto;
Posceret hic rerum series, ut protinus ipsa
Eventa adnectens detectae singula causae,
Quonam quaeque modo sint expedienda, docerem.
Verum, quod rerum series, & postulat ordo,

*Ludovicus
de Laborde
Gallus Soc.
Jes.*

Perficiam non ante; Viri (a) quam clara reperta
Commemorem, medio qui me interceptit euntem
In cursu, & plenis properantem ad littora velis.

Et

(a) Ludovicus de la Borde Gallus bordii nova Electricitatis Theoria,
& Soc. Je. novum cymbali genus re- totum ac plane singulare artificium
perit miro artificio perfecti, cujus a poeta nostro infra describetur.
quidem cymbali, exposita prius La-

Et res digna quidem , quae commemoretur , & omnem
 Intendat curam ; neque vero devia tantum
 Proposito a nostro , possim ut tibi jure videri
 Recta deflexisse via , munusque receptum
 Urgere impatiens , omnino aliena sequutus .
 Quare age ; qualiscunque morae dispendia tanti
 Nequa tibi fuerint , ut circumflectere cymbam
 Nunc paullum , & laetam mecum divertere ad oram
 Te pigeat . divinam hominis miraberis artem ,
 Qui nova sollerti fabricatus cymbala dextra ,
 Non prius auditis concentibus aëra mulsit ,
 Attonitasque novo modulamine perculit aures .

*Novi cym-
bali genus.*

Ac vero , egregii quo a me repetatur origo
 Altius inventi (a) , non is tibi more recepto

*Exponitur
systema La-
verdi.*

I 3

In

(a) Labordius igitur paullo ante indicatus novum quoddam Systema, quo phaenomena electrica certius explicari posse arbitratur, excogitavit; atque hoc quidem suum Systema Parisiis edidit an. 1761. Verum, quo facilius, quae a poeta nostro versibus exponuntur, intelligantur, novae hujus Theoriae specimen hic exhibemus. Contendit primum Labordius, Philosophos in descriptione corporum hactenus fuisse hallucinatos, quod electrica origine censuerint ea corpora, quae re ipsa non origine, sed participatione electrica sunt; &

vice versa, quae participatione sunt electrica, ea esse origine existimant. Quare invertit corporum ordinem jam receptum, & novum quandam censum, ut poeta eleganter ait, instituit. Hoc autem ne temere a se factum quisquam criminetur, multis ille allatis experimentis nititur confirmare. Hinc ad indagandam electricae virtutis naturam delapsus, eam minus quidem igne elementari subtilem, igne tamen communi subtiliorem esse vult; illamque praeterea minutissimis constare globulis conjicit, qui e mutua collisione ac-

ceq.

In jam descriptas partitur corpora classes .
 Longe aliū instituit censum ; jubet , omnia seorsum
 Corpora mutatis discedere sedibus ; & , quae
 Constituerunt prima nobis statione locata ,
 Inde movet ; tum , quae sese tenuere secunda ,
 Haec quoque deturbat . verso sic ordine sedem
 Alterum in alterius succedere praecipit ; atque his
 Isto descriptis pacto , quae *electrica* nobis
 Sunt naturā , illi sunt munere ; quaeque receptant ,
 Illis ingenitam virtutem donat habere .

Jam-

eendantur . Tum denique materiam ipsam electricam iis legibus , quae de elasticis corporibus jam latae sunt , & a Physicis receptae , obnoxiam facit , ita , ut ad earundem legum praescripta motus omnes dirigantur . His ita constitutis , phaenomena omnia distribuit in classes tres . Prima est phaenomena complectitur , quae *attractionis & repulsionis* vocat ; altera , quae *inflammationis* ; tertia , quae *commotionis ac tremoris* : his enim nominibus ea phaenomena indicat , quae a poeta nostro , poeta- rum lingua loquuto , poetice atque eleganter more suo effertur . Jam vero primae classis phaenomena ad eam elasticorum corporum legem revocat , quae est de reflexione ; nimirum , *si corpus elasticum in aliquem obicem offundat , reflectitur* ; secundae classis ad illam alteram , quae

conceptis verbis hoc modo a Physicis effertur , videlicet ; *Compressio est ut restitutio , restitutio autem ut compressio* . Tertiae dentum classis phaenomena ea pariter elasticorum corporum lege contendit exponere , quae est hujusmodi ; nempe ; *si plura corpora elastica contigua sint , motus primo corpori impressus reliquis consequentibus communicatur* . Hoc est , sub uno veluti intuitu proponunt , Labordii Systema . Atque haec quidem praenotare maxime opportunum hoc loco visum est , quae facilius , quae a poeta nostro poetice exponuntur a lectore intelligantur . Caeterum ita fere poeta hoc totum perspicuum est , ut adnotationum lumine non indigeat , ac proinde mihi ab his ipsis adnotandis prope superfluum fuerit .

Jamque aliis alia , prisca statione relicta ,
 Corpora succedunt versa vice . jam novus ordo
 Exoritur rerum ; illa , una cum munere , mutant
 Non invita locum , atque novo cognomine gaudent .
 Non aliter , campo quam cum stetit agmen aperto
 Dimensaeque acies , spatiisque aequalibus alae
 Levatis fulgent armis atque aere corusco ;
 Nec dum commissis ineunt certamina signis ;
 Unius interdum nutu ducis , haud mora , totos
 Perverti cuneos , atque in contraria ferri
 Diductas cernes mutata sede phalangas ;
 Et modo , directo metati limite campi ,
 Quae dextrum obtinuit legio latus , illa sinistrum
 Obtinet ; at contra , quae laevum forte tenebat ,
 Tendit in adversum , & dextro stat in agmine cornu .

*Descriptio
 corporum in-
 versa a La-
 bordio .*

Nec vero tu mota loco , vel ab ordine credas ,
 Non ullo more , & sine certo corpora jure .
 Nimirum haud fallax hoc experientia adegit
 Moliri . Nam tute manu si sulphura tantum ,
 Quantum dextra valet connixa instare fricando ,
 Atterere aggressus consueta extundere signa
 Coneris , nihil efficies ; at signa dabuntur ,
 Si digitum admoris . simili ratione cylindris
 E cera rubris rigidi si lamina ferri
 Accedat propius , quae frictio signa negarit ,
 Lamina sufficiet . licet unde inferre , redundet

*Ratio af-
 fertur hu-
 jus inver-
 sionis .*

*Afferuntur
 experimenta
 quae inver-
 sionem jure
 factā evin-
 cunt .*

Derivata tibi quonam de fonte , quibusque
Insita corporibus sit prima ab origine virtus .

*Virtutis
natura in-
quiritur .*

Nunc si naturam propius disquirere mirae
Virtutis tanta placet in caligine rerum ,

*Statuitur
cōflare glo-
bulis .*

Atque adeo densis lux affulgere tenebris

Siquā potest ; globulis illam constare minutis

Conjicies , quorum subitis incursibus ignis

Ardeat , & rutila percellat lumina flamma .

*Nequaquā
ignem esse
multa ex-
perimenta o-
stendunt .*

Sed tamen esse ignem specie ne captus inani

Inducas animum , ut credas ; quod te bene multa

Tentamenta docent . resinam (a) panda nigrantem

Si patera excipiat , subjectis ignibus , aestu

Illam exultare , & tumidis effervere bullis

Liquentem aspicias ; ignis specimen tamen ullum

Non dabit ; occultae tantum vestigia quaedam

Pendantur virtutis , ubi deferbuit ardor .

Certius hoc alio poteris cognoscere pacto .

Ferrea si candens accedat lamna catenae ,

Vix tenuem excutiet flammam ; tibi plurima flamma ,

Et multa exiliens prodibit luce coruscans ,

Lamina si rapido non ante incanduit igni .

Quod certe indicio est , ignem non esse latentis

Vir-

(a) Vox controversa ; cujus vocis
primas syllabas alii producant , alii
corripiunt ; certantibus Grammaticis
& in contrarias sententias abeuntibus ,
auctor suo usus arbitrio eas produ-

cere maluit , atque , ut ego quidem
existimo , rectius ; nam Martialis lo-
cus , qui citatur , & opinioni contra-
riae suffragari posset , corruptus est .

Virtutis naturam ; ut crebris illa favillis
 Ardeat , & multo cita lumine fulgura jactet .
 Nam quod sit velox eadem tenuisque , penetret
 Cum dicto citius quaecunque objeceris illi
 Corpora, paene oculis promptum est cognoscere ; quodque
 Sit minime simplex tacito se prodit odore ,
 Indiciumque facit manifestum nidor ; at ipsam
 Ulterius certis naturam exquirere signis
 Difficile est ; atque in tantis incerta tenebris
 Conjectura haeret , neque tendere longius audet .

*Materia
 electrica te-
 nuis est &
 velox .*

*Non est
 simplex .*

Post hinc digressus palantes ordine nullo
 Colligit effectus . collecti classe locantur
 Quique sua ; in prima censentur , corpora fuerunt
 Qui levia attrahere , atque attracta repellere , docti
 Alternare vices ; classis tenet altera flammis
 Ludere missilibus qui norunt , & cita gaudent
 Fulgura jactare ; illos demum extrema coërcet ,
 Quorum vis inimica fibris & noxia nervis .

*Effectus
 precipui ad
 suas classes
 rediguntur .*

His ita descriptis ; ne , quaeso , hic quaere doceri
 Singula . quae si tantus amor cognoscere , ab ipso
 Tute auctore petes . properanti & summa metenti
 In praefens sat erit paucis exponere , certa
 Quanam vir follers usus ratione , quibusque
 Subsidiis fidens ignotum enaviget aequor ;
 Primus inexperto quoniam se credidit alto .
 Quando igitur ponit globulis constare minutis

*Multa ex
 ipso aucto-
 re petenda .*

Vir-

Motus globulorū flatus.

Virtutis naturam ; explorat callidus , illis

Qui potior tantos motus statuatur ad usus .

Et vero e multis occurrit idoneus , & tot

Eventis par extricandis , corpora quo se

Mutua collidunt , atque incurfantia tidunt .

Collisio corporum , vis elastica , & resilius .

Corporibus proprium nimirum est illud , ut unquam

Non elidantur , quin protinus excita tendant

Impactā elisam plaga reparare figuram .

Praepollens facit hoc vis illa elastica , cujus

Haud dabit obscurum specimen tibi martia cornus ;

Cornus lunatos cum vi torquetur in arcus ,

Inter se coeunt capita ; & diversa recedunt ,

Cum pennata fugit nervo stridente sagitta .

Corpora sequantur i-

Praeterea ad pugnam se se quandoque (a) lacerant ,

Corporaque adversis incurrunt frontibus , ictus

Aequant ; & gravior quantum vis unius urget

Oppositum corpus , validisque assultibus instat ;

Alterius tantum nifus contenditur , & se ,

Impatiens vinci , collectis viribus hostem

Armat in adversum , parilique repercutit ictu .

Motus consuetudinis non interit .

Illa est postremo motus natura reperta ,

Non

(a) Id est quodcumque . hoc eodem sensu scripsit Horatius , in Art. Poet. *quandoque bonus dormitat Homerus* , *Ira* cor . nimirum quodcumque , vel quotiescumque Homerus dormitat , illi irascor ; neque enim tan-

tum Poetam somnolentum aut oscitantem ferre aequo animo possum . Haec idcirco adnotanda putavi , quia locus ille Horatii a multis male intellectus perperam citari solet .

Non ut continuo intereat ; sed praepete cursu
Festinans vigeat , seque in longinqua propaget .

Jam vero proprios hinc emanantia in usus
Inconcussa sibi tria vult & fixa manere ,
Quae tu nequaquam abnueris concedere ; rerum
Ducitur unde illi ratio omnis , & omnia recto ,
Ille quidem ut censet , procedunt ordine . Primum
Si forte incurrens impingat corpus in obstans
Adversum , extemplo collisa fronte resultat ;
Tum paribus secum *compressio* , itemque *resultus*
Lancibus aequantur ; demum , si corpora plura
Perpetuo jungas sibi succedentia tractu ,
In serie a summo motus decurrit ad imum .

*Tria Labordius sibi
cūcendi vult*

Haec sibi praesidia adjungens , & certus eundi
Urget iter , celeratque viam fidentius auctor .
Me vero magnis vadentem passibus , & per
Difficiles salebras gradientem , atque ardua saxa
Non animi viresque sinunt aequare sequendo .
Cerno equidem e media mihi depromenda Matheſi ,
Et quam multa forent hic expedienda severas
Ad motus leges , quae culto exponere versu
Desperans me posse , onus inconsultus iniquum
Non tollam , imbelles humeri quod ferre recusant .
Exiguae nobis tanto pro pondere vires .

*Difficultas
persequen-
di vestigia
Labordii .*

Ille haec, ille tibi, neque enim omnia possumus omnes,
Expediet , si tantus amor , certasque Matheſis

*Digressio
de laudi-
bus Benedi-
cti Stoy .*

Tran-

Transiget ad leges , cui nil cyrrhaeus Apollo
 Non audere dedit ; numerorum adstringere nullae
 Quem pedicae potuere , minus quo liber in omni
 Exsultetque solo , & per iniqua atque ardua tendens
 Impiger , haud aliter pede certo incedat , aperti
 Quam si animi causa decurreret aequore campi .

*Stayanae
 elocutionis
 mira felici-
 tas ,*

Qui potuit , patrio quae vel sermone putasset
 Quenquam apte effari vix posse , efferre canendo ;

Aggressus (a) doctrinae adytis inclusa severae ,

Primus ad ingenuos Musarum educere cultus .

*Et elegan-
 tia .*

Cujus tam dulce eloquium , tam daedala fandi
 Vis est , & tanta ubertas , ut mentem animumque ,
 Ni famiae a vero distarent scita palaestrae ,
 Svaviloqui credas in eum immigrasse Lucreti .

*Leges mo-
 tus expo-
 nuntur a
 Stayo .*

Ille igitur (b) , facili exponet tibi carmine leges

Aeter-

(a) Versiculi duo ex ipso Stayame Philosophiae exordio desumpti , qui satis materiae , quam versu exponendam atque adeo exornandam Stayus suscepit , difficultatem declarant .

(b) Magnificentissimum hoc de Benedicto Stayo iudicium , non amicitiae (neque enim tanti Viri poeta noster amicitiam unquam coluit) sed perspectae doctissimi hominis ac summi Poetae virtuti omnino tributum est . Ediderat Romae Stayus jam inde ab anno 1747 . Philosophiam Cartesianam , elegantissimis lucretianis

versibus expressam , atque id effecerat , quod quidem non nisi ab homine ingeniosissimo fieri ; sed aliquo tandem modo fieri videbatur posse .

Affinitas quaedam , quae Philosophiam Cartesianam inter & Lucretianam intercedit , viam quodammodo muniebat , qua posset incedi ; atque alte impressa praecursoris Lucretii vestigia persequi non ita difficile ac laboriosum erat , ut de consuecundo vel longissimo atque asperrimo itinere desperandum omnino foret . Nevytonianam vero Philosophiam omnino

Aeternas motus leges , quibus omnia parent
 Corpora ; seu recto procedant limite , sive
 Obliquent callem , seu tendant concita fursum ,
 Seu prolapsa ruant deorsum ; aut quo denique cunque ,
 Pro varia impulsus varii ratione , ferantur
 Acta modo , atque adeo in gyrum contorta rotentur.
 Inde retrusa animo subiens , penitusque reposta
 Arcana indagans motus , momentaque certa ,
 Et paria imparibus numeris , lapsusque fugasque
 Expediet revocans sua quaeque ad jura ; reflexos
 Et distinguet item motus , tardosque , citatosque ,

Motus vs-
 rii .

Aequis

nino novam , tot poete insuperabilibus difficultatibus obseptam , tot obscurissimis Algebrae penitiorisque Mathematicae mysteriis involutam , abditam adeo atque a communi sensu remotam non tentare modo ; sed exponere , explicare , eleganter , poetice , & , quantum rerum obscuritas patitur , perspicue efferre , id est hujusmodi , ut omnem paene humani ingenii facultatem superet . Jure igitur ac merito poeta noster suum interponens de tanto opere judicium , cui quidem ego quoque libens & idem plane sentiens subscribo , merito , inquam , totum hunc ornatissimum locum concludit his versibus , *Tale opus aggressus , cui par nec prisca vetustas , Vidit , nec simile adveniens mirabitur aetas .* Jam ve-

ro quae cursum hac in digressionem delibat auctor de legibus motus , de motuum ipsorum multiplici varietate , de sectionibus conicis , de ellipsi , hyperbola , & de parabola (quam circumscibit ; neque enim quantitatis & metri ratio *parabolam* carmine includi patiebantur) aliaque hujusmodi , habes fusa a Stayo ipso tractata in Philosophia sua Nevvtoniana , quam Romae edidit an. 1760. Quod autem hic poeta Stayum adhortatur , ut opus absolvat , scito , jam diu opus esse ab ipso confectum , & solum Boscovichii enarrationes expectari ; cui quidem optandum esset ut aliquid otii ad eas exarandas suppeteret , ne diutius absoluta atque perfecta tanti operis editio differretur .

Aequis temporibus , vel iniquis ; ipsa locorum
Componet spatia inter se , & dimensa notabit .

*Penisio-
ra Mathe-
fis penetras
Stayus .*

Nec satis ; ima magis , magis & secreta penetrans ,
Aeternisque parans , Rogere , intexere chartis
Ingenii monumenta tui , ac miranda reperta ,
Rursus inextensū totius corporis ipso

*Boscovi-
chianū sy-
stema illu-
strat .*

A motu , puncti motum secernet , eundemque
Exiget ad spatium puncti cuiusque peractum .

*Motus op-
positos con-
siliat .*

Quid ? conspirantes quod eodem in corpore vires
Efficiet ? medium (a) quae affectant , quaeque recedunt
A medio , & tendant quanquam in contraria , tollet
Diffidium tamen omne , & conciliabit amice ,
Ex aequo spatium & nisum partitus utrisque .

*Difficul-
tate operis
non terra-
tur .*

O quoties summa rerum asperitate Camoenae
Suspensae haeserunt , indignantesque labori
Abnuerunt conferre manus ! non segnior ille
Pergit , & Aonias nequidquam pensa Sorores
Dura recusantes cogit parere , morasque
Increpitans tardas , omnes contendere nervos ,
Et magnis adigit secum una insistere coeptis .
Ergo *arcus chordasque* , & describentia curvos

*Motus pen-
dularum .*

*Sectiones
conicae .*

Pendula (b) persequitur tractus ; ipsum quoque *conum*
Aggressus contemplatur , perque omnia versat ;

In

(a) Nomine *modii* centrum intel-
lige ; hoc enim vocabulo centrum a
Lucretio appellatur .

(b) Vox *pendula* non substantivo ,

sed adjectivo modo hic usurpatur .
Supple igitur *corpora* . Qui quidem
loquendi mos latinis Scriptoribus ac
praesertim Poetis non est inusitatus .

In partefque fuas difsectum ingentibus aptat
 Ufibus . Hinc illae grajo de nomine dictae
 Formae confurgunt , *Ellipsis* , *Hyperbola* , nec non
 Quae medium fortita locum tenet inter utranque .

*Ellipsis ,
 Hyperbola ,
 Parabola .*

Sed quid ago? aut ubi sum? quae mentem infania vertit?
 Quove feror? mene haec conari attingere verfu?
 Tene fequi ut possim? & vel commemorare canoris
 Quae tu elata modis Musarum insignibus ornas?
 Parce ah! parce ausus si sum tentare, quod unus
 Et potes, & facis, & soli concessit Apollo;
 Tale opus aggressus, cui par nec prisca vetustas
 Vidit, nec simile adveniens mirabitur aetas.
 Quare age; & auspiciis & tanto numine Phoebi,
 Viribus atque tuis fretus da vela patenti,
 Da pelago, & totos fidens immitte rudentes;
 Nulla procellosi facies maris aspera quando,
 Nullae te syrtes terrent, non caeca retardant
 Saxa, nec infesti per turbida caerula venti,
 Perge alacer, donec praeter maria omnia vectus
 Optato tandem possis confidere portu,
 Atque triumphali puppim redimire corona.
 Mi sat erit brevibusque vadis, & littora propter
 Cymbam agere, & tuto vicinas radere terras.

*Judicium
 auctoris de
 Stayano o-
 pere .*

*Adhorta-
 tio ad opus
 absolvendu-
 dum .*

Sed jam, quae restant dictu minus ardua, paucis
 Expediam; properans festino accedere cursu
 Nimirum; quo me paullum de tramite dulcis

*Reditus ad
 propositu .*

Ille-

Illectum abduxit sonus & jucunda voluptas .

Explicatur attractiones, & repulsionas,

Ergo iterum tibi naturam propone minutis
Constantem globulis mirae virtutis , & illos ,
Corpora collidunt cum se se adversa , repulsus .
Hinc facile expedies , cur tenuia multa videri
Possint , & correpta trahi , & procul acta repelli .

Scintillae,

Jam quocunque modo succendi aspexeris ignes ,
Et cita cum multa jactari fulgura luce ,
Seu globus in gyrum volet actus , sive catenae
Obtuleris digitum , aut palmam subjeceris ; ictus
Incurfusque tibi varios propone globorum ;
Et subito exortos minime miraberis ignes .

Crepitus,

Quod si raucifonum murmur , crepitusque sequatur ;
Ne longe arceffas tibi quam violentia causam
Ipsa dabit ; teretes quae scilicet impete magno
Ejaculata globos , clausum ciet aëra ; & una
Accensam explodit resonanti murmure flammam ,
Quae radiis oculos , feriat stridoribus aures .

Plagae,

Sin tibi membrorum molles convellier artus
Senferis , & tremulo jactari brachia motu ;
Fac tecum reputes , quanto se se impete virtus
Insinuet ; teneros , quae dum subit improba , nervos
Concutit & textas exili stamine fibras .

Hinc tremor , hinc sensus , motu quassante , doloris .

Redditur causa propagationis virtutis electricae.

Postremo , cum se vis in longinqua propagat
Una ignem plagamque ferens , causam exhibet ultro

Ipsa

Ipsa tibi series non interrupta globorum .
 Illi perpetuo tractuque , atque ordine longo
 Stant secum haerentes . horum si impellitur unus ,
 Non tibi continuo vis disperit indita motus ;
 Sed , qui pone subit , propellit fronte prioris
 Terga globus ; tum , qui sequitur , protrudit & urget
 Vicini latus ; & sic deinceps alter ab ictu
 Truditur alterius . nec vero tendere motus ,
 Obstant ni spatio longa intervalla relicto ,
 Festinans cessat ; donec , qua dat via sese ,
 Directo totum decurrat limite callem .
 Atque haec sufficiat cursum libasse ; probantur
 Quae si forte minus , contra nil pugno ; licebit ,
 Quod tibi collibitum fuerit , statuas ; modo praestans
 Ingenium laudes , magnis non invidus ausis .

Sed me felici nova machina (a) structa labore

K

Jam-

(a) Laudatus Labordius novum
 cymbali genus , quod *electricum* ap-
 pellat , & re vera est , invenit , atque
 adeo perfecit , tanto artificio elabo-
 ratum , ut profecto inter insigniora
 aetatis nostrae opificia recenferi me-
 rito debeat . Sed praestet admirandi
 operis auctorem de suo ipsum opere
 loquentem audire . Epistola enim ab
 eodem ad PP. Trevoltianos data 15.
 Junii an. 1759 , & quae , prima post
 praefationem libri hac de re Parisiis ,
 ut supra diximus , in lucem editi an-

no 1761. , legentibus occurrit , haec
 habet , quae nos hic ex longiore epi-
 stola excerpta , & ex gallico idioma-
 te in italicum fideliter conversa , sub-
 jicimus ;

*Una verga di ferro isolata su due
 cordoni di seta sostiene de' campa-
 nelli di differenti toni . Ogni due
 unifoni formano un tono . Uno di
 questi è sospeso dalla verga per un
 fil di metallo , l'altro per un cor-
 doncino di seta ; fra loro vi cade il
 battente sospeso per un fil di seta
 esso*

Haecenus
 systema La-
 bordii .

Progressus
 ad cymba-
 lum electri-
 cum descri-
 bendum .

Jamdudum vocat ; & concentibus aëra complens
 Non prius auditis & dulcifono modulatu ,
 Intentasque aures intentasque lumina poscit .
 Artis opus mirae , & vix enarrabile textum ,

Dae-

effo pur dalla verga . Dalla campanella sostenuta dal cordon di seta discende un fil de metallo, l'estremità del quale è fermata da un altro cordon di seta, e termina in un anello per ricevere una piccola levetta di ferro, che riposa sopra una verga di ferro isolata . Così essendo disposte le cose , il campanello sostenuto dalla verga per un fil di metallo viene elettrizzato dalla verga , che lo sostiene , e l' altro , che pende dalla medesima per un cordon di seta , viene elettrizzato dall' altra verga di ferro, su cui riposa la picciola leva . In abbassando un tasto si alza la picciola leva, e si fa giungere alla verga non isolata . Nel momento di questo contatto il battente fra i due campanelli rispettivi si mette in movimento , e con tal celerità percuote tuttidue i campanelli , che si ascolta un solo suono . Tornata che sia la leva a riposare sulla prima sua verga isolata , si ferma il battente , e non segue nuovo suono . Così riuscendo a ciascun altro tasto , è chiaro come si possano sonare su questo cem-

balo tutte le arie , che sonar si sogliono sopra un'organo .

Ha questo avvantaggio di più il nostro nuovo cembalo , che nell'organo toccato che sia il tasto, il suono ancorchè duri seguendosi a tenere abbassato il tasto, sempre indebolisce ; laddove nel caso nostro si conserva nel primiero vigore .

Huc usque Labordius . Verum, neque admirabilis cymbali opifex verbis ipse suis ; neque poeta noster , quanquam versu exponere rem longe difficilissimam aggressus , eam, solita sua perspicuitate usus , oculis paene subiciat ; neque vero meis ego annotationibus quidquam conabimur efficere , quod Lectoris intelligentiam admodum juvet , nisi alia quadam ratione , quae unica est , quaque opportunior excogitari nulla potest , totus hic locus illustretur . Quare necessarium omnino duxi exactam cymbali descriptionem in expressa figura exhibere , qua proposita fiet , ut res ipsa certius & facilius intelligatur , & poetae nostri in extricanda re adeo implexa perspicuitas & felicitas magis elucescat .

Daedala non certet quocum follertia ; pennas
 Ignotas homini dederit licet , & labyrinthi
 Struxerit ambages indiscretosque meatus .
 Hic perfecta acri mirabere cymbala cura
 Impulsu resonare novo ; eductamque rotato
 Virtutem vitro , numeris servire coactam
 Suspiciens . Jam tanti operis describere partes ,
 Vatem quando fides adigit promissa , neque ultra
 Egregium artificis patitur differre laborem ;
 Eloquio quantum , (modo nunc nec idonea verba ,
 Nec me destituant aegrae in conamine tanto
 Ingenii vires) potero contendere , dicam .

*Exponi-
 tur constru-
 ctio cymba-
 li electrici .*

*Difficultas
 hujus de-
 scriptionis .*

*Virga fer-
 rea pendens*

*Aera sin-
 gula pen-
 dent a vir-
 ga .*

*Decrescunt
 mole .*

*Spatium
 interjectū
 aera divi-
 dit .*

Ferrea principio bombycum flamine virga
 Utrinque extremis innexis partibus , alto
 Sic demissa tholo , ut librato examine lancis
 Pendeat in morem , media suspenditur aula .
 A virga porro recto vocalia tractu
 Pendent aera , sonum sed non reddentia eundem .
 Sensim decrescunt , & decrescentia reddunt
 Quaeque suum pro mole sonum . submissus , acutus
 Editur , & gravis , & medii quicunque sonores
 Intervalla tenent ; variarum ut nulla requiras
 Seu septem , seu plura velis discrimina vocum .
 Sic descripta autem sunt aera sonantia , bina
 Ut sint mole pari ; spatio tum deinde relicto ,
 Succedant alia atque alia ; & sic limite longo

K 2

Aequa-

Aequali subeant numero , sed mole minora .

*Vinculorū
diversitas .*

Bina igitur discreta modo , quo diximus , aera
Pendent , & medio librantur in aëre ; sed non ,
Quod caveas , eadem neſtuntur vincla duobus ,
Unum demittunt Serum de vellere fila ,
Alterum at illaqueant e lento ducta metallo .

*Inter aera
malleus ſus-
penditur .*

Malleus haec inter ſuſpenditur , atque ab eadem
Innexus pendet virga ; ſed ferreus ipſe
Non niſi bombycum molliſſima vellera poſcit ,
Aureaque adſtringi ſibi gaudet vincula Serum .

Jam demiſſa ſuis ſunt aera ſonantia vinclis ,
Muta tamen ; medius deſcendit malleus , iſtus
Ille quidem ad certos promptus , ſi jufferis ; at qui
Neutram , vi reſidem nondum impellente , movetur
Concitus in partem , tacita ſuſpenſus in aurā .
Nunc faber inde ſonum qua demum callidus arte
Excierit , dicam . Conſertis pegmata tignis
Ardua conſtruxit , quibus armamenta ciendo
Apta ſono , & numēris nituntur idonea certis ,

*Conſtru-
tio pegma-
tis ciendo
ſono accom-
modaſi .*

Qua tibi directo ſurgentia pegmata trunco
Et terga obvertunt , & pars poſtica recedit ;
Ferrea non longe demittitur altera virga ,
Aptaque nexilibus bombycum & pendula nodis .
Plurimus incumbit virgae longo ordine veſtis
Ferreus , opperiens impulſum , quique moveri
Erigitur facilis premiturque ; ut certa requirunt

*Alterā vir-
ga demit-
titur .*

Jura

Jura soni , digitique jubent parere micantes .
 Postremo accrescens alia his quoque ferrea virga
 Additur , haec autem innecti sibi nulla reposcit
 Vincula ; nimirum quam sustentacula tignis
 Projectu exstantem producunt ferrea iusto .
 Virgarum hic porro est ordo . Supereminet alte
 Prima , & malleolos & tinnula sustinet aera ;
 Altera succedit , tignis quae fixa resistit ;
 Inferior faciles sustentat tertia vestes .

*Tertia vir-
ga pegma-
ti affigitur*

*Ordo vir-
garum .*

Jam vero innumeris praetextum est cernere filis
 Aëra , quae vario ductu partim aerea , partim
 Serica , & a virga ad vectem , atque a vecte retrorsum
 Ad virgam , tum ad malleolos , & ad aera feruntur .
 Quorum multiplicem seriem si forte requiras ,
 Idem scire velis quot fila intenderit , & quot
 Stamina pectinibus discreverit illa Minervae
 Aemula ; cum tenues variaret sedula telas ,
 Atque intertexto illusas distingueret auro .
 At non hic , quo iussa modo mirabilis aura
 Per fila irrepens subeat , docilisque modorum
 Fiat ad arbitrium , sonus unde cietur , omittam .

*Filorum
multiplici-
tas .*

Pegmata qua frontem venienti adversa tulere ,
 Perpetuo tractu , multa prius arte polita ,
 E nigro perfecta ebena , aut candenti elephanto ,
 Atque inspicati in formam concisa tigilli ,
 Nec non ad nutum , & certos salientia certo

*Series as-
seculorum
vulgo la ta-
stiera .*

Impulsu ad numeros tibi sunt assercula (a) praesto .
 Hic sese exercet , digitisque micantibus errat
 Crebra manus ; pernix nunc huc , nunc transilit illuc ;
 Et cita sollicitat trepido exsultantia motu .

*Quomodo
 aura ele-
 ctica ad ae-
 ra deriva-
 tur .*

Accipe nunc quo calle meet , quo tramite tendat
 Aura potens , cieatque sonum . Tubus aëre pendet
 Non procul in medio ; retinent bombycina Serum

*Vebiculum
 aurae ele-
 cticae .*

Pendentem fila . aura hoc derivata canali
 Insinuat se se virgis illapsa duabus ;
 Ordine quae prima est , illam transmittit habendam
 Vocali , neſtunt quod vincula aeneae ; porro
 Altera , quod nodus subneſtit ſericus , aeri .
 Tum reſono quod vincla ligant bombycina ab aere
 Materia ductum filum deſcendit eadem ;
 Excipit hoc aliud flaveri e ſtamine Serum ,
 Et nodo adſtrictum veſtem deducit ad imum .
 Deductum veſti nexu illigat annulus arſto .
 Hac iter eſt aurae , calle hoc contendere juſſa ,
 Illa celer per fila means evadit ad aera .

Hac

(a) Non temere vocabulo hoc uſus eſt ad explicandam tigillorum ſeriem , quae cymbali partem illam conſtituunt , quam italico idiomate *la ſaſſiera* appellamus . Hoc idem vocabulum legitur apud Catonem de Re. R. cap. 12. ; quod quidem ſi quis minus poeticum iudicabit , is hercle huius ſuae opinionis probabilem ra-

tionem frustra afferre contendet . Nam , quod vocem aliquam Poetae minime uſurparint , non idcirco vocem illam minime poeticam eſſe certo inferri poeſt ; tum quia non omnia Poetarum opera exſtant , tum quia non de rebus omnibus Poetae ſcripſerunt .

*Ratio cur
nondum so-
nus edatur.*

Non tamen ullus adhuc sonus editur ; incita nempe
Aura potens deducta tubo , pendentia utrinque
Imbuit aequatis expleta vaporibus aera .
Verum ubi docta manus vario incipit excita pulsu
Exsultim festina volans trepidare , & eodem
Impulsu ad numerum saliant assercula ; ducto
Ad vectes eadem filo simul atque premuntur ,
Continuo vectis sustollitur , atque secundae
Aeratum appropinquat filum conjungere virgae ;
Quo tactu , resono , filum quo pertinet , aeri
Continuo perit aura ; a virga scilicet ipsa
Interversa alio ; neque enim hanc retinacula Serum
Suspendunt , illam neque serica vincla coercunt .

*Aurae dis-
pendiū non
officit .*

Ne vero ne te subita haec dispendia turbent ,
Sollicitumque habeant ; hoc acrius exere totas
Ingenii vires ; intentius omnia lustra ,
Tecum aurae diversa notans momenta fluentis .
Nempe hinc , quod mirere , soni arcessitur origo .
Nam dilapsa alio tibi cum subtilior aura
Jam non ex aequo bina imbuat amplius aera ,
Hinc fit , inaequali momento ut concita tendat
Illuc procurrens , unde excidit ; atque ita ab uno
Effluat e geminis juxta pendentibus aere ,
Inque aliud de more fluens refluensque feratur .
Hoc tibi procursu simul expergiscitur anceps
Malleus in medio pendens , simul incipit , aurae

*Aurae in-
aequalitas
sonum gi-
gnit .*

*Aurae im-
pulsu mo-
vetur mal-
leus .*

K 4

Dum

Dum facilis refluxum citroque ultroque meantis
 Subsequitur cursum, jactari creber; & usque
 Assiduus utrinque citus ferit ictibus aera,
 Dum rursus, impulsu vectis cessante, residat.

*Aura æ-
 qualitati
 restituta
 cessat so-
 nus.*

Ut sedit; simul, unde fugax defecerat, aura
 Restituit se se; simul utraque lancibus aequis
 Imbuit illabens, expletque vaporibus aera.
 Illa silent, medius neque malleus amplius ullam
 In partem, procursum aura cohibente, parique
 Momento vires iterum exaequante, movetur.
 Evenit hoc, quoties verso citus ordine vectis

*Constantis
 effectus.*

Alternans motus surgitque caditque vicissim.

En perfecta suis tibi daedala partibus omnis
 Machina jam constat, certo quas ordine follers
 Disposuit, miraque opifex contexuit arte;
 Unde sonum, eventu nunquam fallente, cieret.

*Ratio con-
 sentus.*

Nam digitis si consentit, docilisque moveri
 Obsequitur vectis, responsant vectibus aera;
 Atque simul varium varia pro mole, minorem
 Majoremve sonum alternis tinnitibus edunt;
 Non est praeterea cur quidquam tute requiras
 Ad numerum; neque cur dubites, quin cymbala reddant
 Concentum quemcunque velis; modo callidus artem
 Noris, & ad jussas saliat manus utraque leges.

*Specimen
 cymbali ca-
 ptum Pari-
 siis.*

Gallia prima viri tantum mirata laborem,
 Artemque ingeniumque, & commemorabile dextrae

Sol-

Sollertis suspexit opus ; qua regius amnis
 Lutetiam ad magnam vitrea pulcherrimus unda
 Labitur , & mediam findens interluit urbem .
 Et vero , articulis pernicious excita certos
 Ut primum ad numeros resonantia cymbala vocem
 Emifere novam , cantusque arguta dedere ;
 Sequanicas imo fluvii sub gurgite Nymphas
 Accepisse sonum , vitreisque sedilibus omnes
 Exsiluisse ferunt . stetit agmen , & alma fororum
 Hinc atque hinc longo praetexuit ordine ripas ,
 Capta rei novitate cohors . quin Sequana ab altis
 Excitus ipse pater glaucum caput extulit undis ,
 Insuetumque melos arrectis auribus adstans
 Ebibit , attonito similis ; tum denique , ut ingens
 Excussus stupor , atque sibimet redditus ipse est ,
 Intendens vocem & rorantia tempora quassans ,
 Auctor es , o quicumque , inquit (nam te haud ego nobis
 Externum reor esse) reperti talis , & artis ,
 Invento (a) laetare tuo ; est cur Gallia jure ,

*Expecta-
tionem vi-
cis .*

Gallia

(a) Hoc Inventum nolim credas ex eorum genere esse , quae ingenio- se quidem ab Auctoribus excogitata , ad usum vero traducta plerunque expectationem fallunt . Etenim hu- jusmodi inventum eventu suo non caruit , neque expectationem sescel-

lit ; immo vero cymbalum ipsum , cum Parisiis esset Boschovichius , au- disse se , & solertissimi operis artifi- cium Auctori , ut par erat , gratula- tum esse , poetae nostro testificatus est .

Gallia felicem tanto se jactet alumno .

Sic genitor ; plausum natae excepere frequentes ,

Et late festo sonuerunt littora plausu .



ELE-

ELECTRICORUM

LIBER V.

SED jam tempus eo repetentem exorsa reverti,
Longius unde abii, & varios revocare repertae
Protinus eventus ad certa exordia causae.

*Reditus
ad Theo-
viam Frank-
lini.*

Ac primum miro secum hic constare videbis
Omnia concentu; nihil hic occurret, apertum
Quod vel claudat iter, vel te remoretur euntem.
Transgressae salebrae; jam victa obstacula, jamque
Se pandit molli declivis semita calle.

Nempe illum veri satis haud mirabere morem,
Conatus fortuna tuos si juverit, & te
De summo facilis Sophia aspectarit Olympo;
Nam simul atque illud deprenderis, omnia ad unum
Respondent; primis extrema, novissima primis,
Consensu summo, variarum major ut ulla
Haud esse inter se possit concordia rerum.
Sponte sua tibi cuncta fluent; non arte coacta,
Non vi detorta. at si qua improvisa, repente,
Inter tentandum, erumpant; absiste vereri,
Ne te pervertant, curamque inopina facessant.
Haec quoque convenient, & conciliabis amice

*Veri indi-
cia.*

Cum

Cum reliquis, quorum jam certa exstabit origo.

De minimis non laborandum.

Nec vero, siquid levioris ponderis apte
Consentire minus tibi forte videbitur, hoc te
Quidquam commoveat; satis est si pleraque belle
Conspirent secum, & rerum capita ardua consent.

Ergo ades, & miri ingenium, viresque repertas
Fac tibi proponas fluctus; his ante notatis
Quo nam quidque modo fiat, quae causa quibusque
Eventis sublit, dabitur cognoscere; nec te
Amplius eludet fallacibus abdita signis.

Electio & genus corporum diligenter consideranda.

Atque hic in primis, nostrarum summa caputque
Quod rerum est, quatenam contendere corpora secum
Jusseris, attentus meditare, & quod genus illis
Sedulus explora. Quae primum nacta, recusant
Oblatos fluctus; contra fortita secundum
Quae genus, adsciscunt ultro, penitusque recondunt.
Nec plura. Edoctus mihi jam satis, eja age segnes
Rumpe moras; atque accedens qua machina surgit,
Praecinctaque sedet vigil Experientia palla,
Intentos oculos confer per singula; quando
Supremam poscunt sibi jam spectacula curam.

Derivatio fluctus electrici explicatur.

Continuo, volvente rota, disclusus ad auras
Vitreus erumpit torrens; bibit inde catena,
Quos nempe a prima non hausit origine, fluctus.
Nec se se in vacuum poterit diffundere, & alto
Dispersus late caelo vanescere torrens

Exun-

Exundans (prohibent nimirum serica fila
 Non exsucca genus (a)) ; nec idem fortitus eandem
 Naturam tibi non praestat circumflus aër .
 Mirandos ideo Serum bombycina ad usus
 Vincula prae reliquis optamus . Jam aequae lentae
 Est ratio diversa picis , subalternere suemus
 Quam plantis , tripodem cum scandimus , atque catenam
 Sublimes manibus nexam de more tenemus .
 Labentes etenim quoque pix objecta moratur ,
 Nec temere injussos patitur prorepere fluctus .
 His veluti adjectis conclusa canalibus arête
 Sublabens virtus constringitur , avia nequa
 Diffugiat , certaue fluens sine lege vagetur .

Jam vero , delectu habito , quaecunque catenae
 Corpora malueris subnectere , concita virtus
 Imbuet illabens , certoque interluet aestu .
 Hoc directa modo , atque suo jam tramite tendens ,
 Te quoque confestim fluctu irrorabit eodem ,
 Si lubeat tensam dextra tenuisse catenam ;
 Plenius ipsa quidem , fuerint si subdita plantis
 Serum , vel phrygio quae leveris unguine , texta .
 Quorum si pariter genus exploraveris ante ,
 Eventum minime ignarus miraberis , & se
 Non dubia illapsus certi causa offeret ultro .

*Effectus
 praestitus a
 filis sericis ,*

Et a pice .

*Corpora
 catenae ad-
 nexa irri-
 gantur .*

*Qui cate-
 nam tenet,
 fluctu per-
 funditur .*

Nam ,

(a) Hoc est ab origine electrica , fluctus cursu ac derivatione non in-
 quae nimirum fluctum electricum mi-
 nime combibant , ac proinde ejusdem nempe non exsucca secundum genus.

*Ratio hu-
jus irriga-
tionis.*

Nam ; quos rejiciunt , phrygio cum glutine , Serum
Vellera (quippe genus primum fortita) , secundum
Nacta genus , fluctus animantium membra receptant .
Plenius hinc manans bibulos vis influit artus ,
Nec se se aut superas diversa effundit in auras ,
Aut sublapsa solo dispersa elabitur imo .

*Similiter
qui subeū
perfundun-
tur eodem
fluctu .*

Jamque licet longo circum vacua atria gyro
Succedant alii atque alii , si forte coronam
Implicitis malint per mutua nectere palmis .
Nec mora ; decurrens a te , qui serica calcas
Ordine texta prior , cursu rapidissima eodem
Festinat virtus , quo tendere coepit ; & inde
Largius extemplo sitientes immadet artus ,
Atque redundanti totus perfunditur aestu ,
Subjectam de more picem , vel serica texta
Qui post cunque premit , dextramque amplexus inhaeret .

*Redit en-
dem ratio .*

Fluctus enim vitro semel excitus , aëre quando
Respuitur ; quando neque pix , neque vellera Serum
Pervia sunt illi , via qua patet unica , nexas
Per dextras molitur iter ; nec desinit , usque
Lubricus ubertim plenis decurrere rivis ,
Dum totam irriguo perfundat rore coronam .

Sic paucis prima repetens ab origine , fluctus
Non intercissam seriem manantis habeto .

*Repetitur
derivatio a
sua origi-
ne .*

E vitro , tanquam nativo e fonte (a) , sub auras

Attri-

(a) Hic locus intelligendus est juxta adnotationem ad vers. 2. pag. 58. lib. 2.

Attritu multo & rapida vertigine adactus
 Erumpit primum ; tum ferrum exceptus amicum
 Imbuit ; imbuto rursus fluit ille redundans
 A ferro , & quotquot succedunt ordine longo ,
 Innexique manus confertaque brachia secum ,
 Proluit ; a primo exorsus delabitur , inde
 Inque alium atque alium irrepit ; nec tendere cessat
 Donec ad extremum devenerit ; atque ita demum
 Omnes ex aequo , membris infusus , inundet .

Nec quamvis idem magnis accessibus auctus ,
 Exundans alio poterit divertere , quam quo
 Jusseris . id curant nimirum corpora primo
 Lecta tibi e genere ; ut sunt & bombycina fila ,
 Et picis illyricae gluten . tu his utere , quando
 Ne qua parte times vagus effluat . ille coactus
 Obvia sublabens simul irrorabit cundo ,
 Quae tu cunque voles ; simul & quo jusseris ibit .
 Idcirco in primis genus exploramus , & acres
 Non nequidquam oculos intendimus , anne suapte
 Corpora sint nobis natura *electrica* , contra
 Anne alio e genere , & speciem sortita secundam .
 Hoc quoque , tu quoties mutari corpora , secumque
 Aut haec , aut potius praeceperis illa coire ,
 Providus anteveni , & genus inspectare memento .
 Tum vero faciles metato tramite partem
 Derivabis agens malis quam in cunque , nec ultra

*Ratio cet-
 tae deriva-
 tionis af-
 fertur .*

*Genus cor-
 porum ob-
 servandū .*

Ten-

Tendere praescriptum iussos mirabere fluctus .
 Ni caveas , operam perdes ; & non modo certo
 Non poteris dociles fluctus deducere calle ,
 Sed ne signa quidem consueta extundere ; Tantum
 Nostra haec delectus momenti ad munera confert .

*Generalis
 ratio phaenomeno
 —
 vum affer-
 sur .*

Nec vero hoc ipsum te res non ipsa docebit ,
 Si paullo advertas rationum ad pondera mentem .
 Lecta etenim e specie sumas si corpora eadem ,
 Sive genus fuerint primum , seu nata secundum ;
 Attritu quamvis multo supposita fatiges ,
 Nil tamen efficies , operamque locabis inanem ,
 Nequidquam exspectans plagas crepitusque sonantes ,
 Et subitas edi , turba plaudente , favillas .
 Nam cur (a) , si speciem fuerint sortita secundam ,
 Corpora follicites ? quid porro extundere demens
 Inde velis ? ubi deest tibi prorsus idonea virtus ,
 Nimirum in nostros quae prodeat excita lusus .
 At vero praelata aliis si corpora primum
 Nata genus fuerint ; certe hic quaesitaque virtus
 Non deerit , poteritque exciri forte sub auras .
 Sed quo vel subito excitam , largeque fluentem
 Derivabis agens ? quod corpus scilicet olli

Ejus-

(a) Hic locus ita intelligendus est ; electrica quidem virtus , seu potius fluctus electricus his in corporibus inest , sed perinde ac si nullo modo inesset ; neque enim secundi generis corpora quidquam efficere possunt , nisi in contentione corporum primi generis ; unde auctor hujusmodi corpora mirae virtutis prorsus expertia esse vere affirmavit .

Ejusdem generis perges opponere ; ab ortu
 Quam sibi virtutem natura infudit , eandem
 Respuet , oblatamque sinu exceptare negabit .
 Quare , cum nequeat quoquam contendere certo
 Derivata tibi virtus hic tramite , nil est
 Jam reliqui ; nisi in incertum ut diversa feratur
 Hac illac sine lege fluens ; ac denique prorsus
 Vanescat caelo , tenuis ceu fumus , aperto .
 Disce igitur variare genus . sic excita virtus
 Certius erumpens miros prodibit in usus .
 Quod poteris , toties iteratis , noscere signis .

*Genus cor-
 porum va-
 riandum .*

Sed jam signorum causas exponere praestat ,
 Unde tot existant vario discrimine lusus ,
 Innumeraeque vices & tot miracula rerum ,
 Quae te suspensum tenuere , ac multa putantem
 Haecenus , & dubiae tribuentem plurima sorti .
 Atque hic praecipue juvat inspectare fluentis ,
 Quod jam praemonui , momenta alterna vaporis ,
 Utrum stagnet iners , an quoquam pondere vergat ;
 Illa etenim nunquam non edita signa sequuntur .
 Atque haec ipsa quidem caelo manifesta patenti ;
 Sed quae , ni caveas , causa latitante , molestam
 Haud raro injiciant tibi non bene cognita curam .

*Causae si-
 gnorum af-
 feruntur .*

*Vaporis mo-
 menta ex-
 pendenda .*

Fiet enim interdum , ut , quanvis & limite jusso ,
 Et delectu habito , statuas duo corpora secum ,
 Quaesita incassum conere extundere signa .

*Cur nulla
 interdū si-
 gna edan-
 tur .*

L

Hoc

Hoc non idcirco , quia signis apta ferendis
 Desit materies , atque hic vivacia prorsus
 Semina virtutis tibi sint elisa potentis ;
 Sed quia librati jam neutra parte vapores
 Exsuperant ; & , quae secum contendere pergis ,
 Aequae interfuso sunt uvida corpora fluctu .
 At vero , resides nova vis si forte vapores
 Exciat , incipient illi decurrere rursus ;
 Rursus & incipient se nota ostendere signa .

*Cur inter-
 dum ali-
 quot tan-
 tum .*

Nonnunquam , quanvis & idonea tempora captes ,
 Lectaque constituas juxta se corpora , signis
 Fiet ut elicitis aliquot , tibi plura negentur ,
 Hoc quoque non ideo , quod & hic exhausta fluendo
 Deficiat penitus tibi virtus ; sed quia *centrum*
 Illa iterum jam nata suum composita quiescit .
 Ergo prius tecum reputa , quo pondere vergant
 Arcani fluctus ; utrum in contraria motu
 Ancipiti nutent , anae aequo examine neutram
 In partem inclinent . tum protinus abdita rerum
 Se se harum ostendet ratio ; nam foedere juncto

*Signa al-
 ternant flu-
 ctu alter-
 nante .*

Signa quoque alternant fluctu alternante ; vicesque
 Hinc illae existunt , quarum deprendere certam
 Haudquaquam is poterit causam , qui nesciat ante
 Diversa alterni fluctus momenta notare .
 Tu vero haec acri si contemplabere cura ,
 Et vigil humorum a natura intenta liquentum

Lumi-

Lumina praemonitus minime deflexeris ; unquam
Non te signorum causa indepreſa latebit .

Atque haec de ſignis generatim . Singula porro
Signa tibi quae cauſa edat , nunc accipe ; rurfus
Dum recolo jam dicta memor , ſervataque , retro
Incedens , eadem te per veſtigia ducō .

In primis ne parce alio , ſi poſtulet uſus ,
Et res ipſa ferat , te vertere ; nec tibi praefens
Quaerere ſubſidium , poteris quodcunque , recuſa ,
Et modo pro variis eventibus aëre ab ipſo
Adjumenta pete ; ad geminas modo confuge vires ,
Et quae diſjungunt , & quae conjungere tendunt
Corpora , ſubſidiis tum demum inſtructior iſtis
Nil non expedies ; rebus neque enim unica ſemper
Cauſa ſubest ; plures concurrunt ſaepe , & eoſdem
Foetus conjunctis inter ſe nixibus (a) edunt .

Ac ſe jam nobis prior igneus ordine , multa
Spectandus cura , vapor offert , unde micantes
Exſiliunt flammae , & rapida tot fulgura luce .
Has autem flammās ne crede ignemque creari ,
Qui nullus foret ante tibi , aut certa ſine cauſa
Accenſum aethereas ſubito prodire ſub auras ,

*Singulae
cauſae ſin-
gularum ef-
fectuum af-
feruntur .*

*Subſidia
quaeſitā a-
liunde pe-
tenda .*

*Plures cau-
ſae ſaepe
concurrunt .*

*Cauſa ſciri
villarū ex-
promitur .*

L 2

Scili-

(a) Potuiſſet ſcribere *vivibus*, quod
metri ratio patiebatur ; multo autem
rectius atque elegantius , cum voca-
bulum foetus praeeſſiſſet , ſcripſit *nixi-
bus* . Nixus enim ſpeciatim ſigniſi-

cat conatum illum ac laborem , quo
partus editur . Virgilius eadem voce
& eodem ſenſu uſus eſt , cum Georg.
lib. 4. verſ. 199. de apibus ſcripſit ;
aut foetus nixibus edunt .

Scilicet ignitis hunc vel vapor ipse ministrat
 Seminibus constans, vel clausum corpora venis
 Ipsa suis abdunt, & certa ad munera servant.
 Plurima sic duri silices abstrusa recondunt
 Semina flammaram, quae demum prodere multis
 Evisci plagis nostros coguntur in usus.

*Impetus
 causa flam-
 marum e-
 rumpen-
 tium.*

Quod facit in silice (a) crebrae violentia plagae,
 Cogat ut explicitas vinchis prodire favillas;
 Hoc in corporibus nostris facit impetus ipse,
 Excita quo virtus attrito e corpore rumpit,
 Aut eadem insinuans objecta in corpora transit.

His animadversis, ratio prius abdita rerum
 Multarum nunc emergit; seu fulgere cernas
 Obducta aurata conclavia caeca papyro;
 Seu videas rutilas ardere per aëra guttas;
 Sive alia ejusdem generis, spectanda tuentum
 Ludicrae objiciunt oculis quae plurima flammae.

*Cur flam-
 mae erum-
 pant e pa-
 pyro inau-
 rata.*

Nam, circumducta gyro sinuante catena,
 Una etiam tortos agitur deflexus in orbes
 Fluctus, & objecto confestim profilit auro;
 Cui sese insinuat dum quo solet impete, secum
 Aut rapit eductas, aut ipso cogit ab auro,
 Dum subit, abstrusas extra prorumpere flammās.

Erum-

(a) Caesuram adhibendi facultas, admodum utatur; subsequenter ve-
 & veteribus Poetis jure suo usurpata, ro statim duabus consonantibus mul-
 auctori nostro negari minime vide- to justius concedendam illi esse arbi-
 tur posse; cum praesertim ea parce tramur.

Erumpunt illae , & caecum per inane micantes
Illustrant nitidis totum conclave favillis .

Non alia est ratio , medio cur cymba catino
Dum natat undanti , flammæ & fulgura crebra
Evibret obtentu virgæ , quam plurima fluctu
Imbuerit miro virtus . has impetus idem ,
Ne dubita , has flammæ & fulgura sufficit , auro
Objecto , nuper qui flammis lusit & igni .

Hinc insistentis tripodi , dextraque tenentis
Suspensam & multa gravidam virtute catenam ,
Percurrunt corpus flammæ , quas fuscitat ipse
Sopitas fluctus , dum profilit atque propinquo
Insinuat digito ; qui circumlatus oberrat
Dum varias partes foeti jam corporis , inde
Ipse etiam expressas , fluctu erumpente , favillas
Elicit , & totum perfundit lumine corpus .

Hinc quoque concipiunt subitas funalia flammæ ,
Atque improvisa per noctem luce coruscant ;
Hinc etiam expressæ phrygiæ de veste favillæ ,
Quam multo illusam follers manus ambiit auro ,
Obtentu erumpunt virgæ ; subitarius ignis
Hinc & districti tibi prodit acumine ferri ;
Nec non flamma vorax hinc dulcem accensâ liquorem ,
Adstantum turba multum ridente , ligurit .
Quid sequar ulterius ? gravido de corpore ferme
Inclusus nunquam paullo violentior extra

*Cur e na-
vicula .*

*Cur e cor-
pore cate-
nam tenen-
tis .*

*Cur aliis
ex corpori-
bus .*

Corporis obtentu ingenita virtute carentis
 Exigitur fluctus , subitos quin excitet ignes ;
 Aut quos educit secum prodire coactos
 Corporibus , proprios aut quos habet igneus ipse .

Unde exsistunt venti , crepitus , & plagae .

Verum non flammis tantum stipatus & igni
 Conspicius multo superas emergit ad auras
 Fluctus ; sed comites etiam secum evehit una
 Plagasque crepitusque , & mollia flamina venti .
 Horum autem ne finge procul , longeque putato
 Esse arcessendam tibi causam ; proxima quando ,
 Atque eadem ferme est flammarum ac causa sonorum .

Redditur ratio ventis & crepitus

Fluctus enim nunquam superas non exit in oras ,
 Non modo quin flammam , sed quin etiam aëra clausum
 Corporibus cieat , secumque emergere cogat ;
 Unde licet veram certo deprendere causam ,
 Cur subiti erumpant resono cum murmure venti .

Quod quo percipias melius ; non plurima desunt ,
 Ad quae ni pigeat modo paullum advertere mentem ;
 Ipsa dabunt specimen vulgo jam cognita certum .

Stipulis ardentibus venti & crepitus excitantur .

Aspice . demessas ubi contudit area fruges ,
 Vix siccis ignem stipulis subjecit arator ,
 Continuo exoriens accensos ventilat ignes ,
 Et longe resonat flammis crepitantibus aura .
 Ut clausus stipulis succenso extruditur igni
 Rarefcens aër ; quo rarefciente moventur
 Excita confestim ventorum flamina , & illi

Dis.

Dissultant crepitus ; sic nostris abditus idem
 Aër corporibus dum fluctu extrusus , & igni
 Commixtus multo , superas erumpit ad oras ,
 Suscitât argutos resonanti murmure ventos .
 Aspice item , angustiis cum pressa canalibus unda ,
 Imparibus modulis , multa vi concita fursum
 Profiliens , altum rapido petit aethera jactu ,
 Constrictus si forte tubis includitur aër ,
 Ipsa etiam erumpit crepitu disclusa sonante .
 Idem quippe aër spatiis arctatus iniquis ,
 Et simul extrusus salientis ab impete lymphæ
 Raucifonos edit lymphæ erumpente susurros .
 Quæ cum sic habeant ; ventos comperta sonoros
 Quæ det causa vides . compressus scilicet extra
 Rarefcens quoties per vim protruditur aër ,
 Cum sonitu erumpit toties ; ventosque repente
 Suscitât , & rauca commotus sibilât aura .

*Lympha e
 subis sa-
 liens ven-
 to, & cre-
 pitus ciet.*

Nunc vero ad plagas quod pertinet ; hic neque causam
 Sepositam tibi finge procul , longeque petendam .
 Ipsa etenim has infert plagas violentia , fluctus
 Qua subit insinuans , tenerosque irrumpit in artus .
 Fit via vi ; prae fracti aditus referantur , & una
 Se se intro , cuneis veluti per corpus adactis ,
 Fluctus agit , fodicatque cutem , nervosque laceffit .
 Laeduntur molles inflicto vulnere nervi ;
 Nec non & gracili intextæ subtemine fibræ

*Redditur
 vatio pla-
 garum .*

*Violentia
 fluctus nec
 vos convul-
 lit .*

Percussae faliunt ; falientibus impete fibris ,
 Artubus inde tremor ; sensus venit inde doloris .
 Quo vis major , eo gravior plaga ; acrius icta
 Membra tremunt , totosque idem tremor occupat artus
 Non sine praesentis certo discrimine lethi ,
 Plurima suscepti si quando copia fluctus
 Non sensum admissa , at cumulo violentior ipso
 Intima pervadens tentantum irrumpat in ossa .

*Diversae
 flammis —
 rum formae
 exponuntur —
 tur .*

Sed tibi nunc varias locus est exponere formas
 Flamma unde accipiat ; cur se modo fingat in astri ,
 In faciem conii modo se componat acuti ,
 Diversos eadem gaudens ostendere vultus .

*Formae cor-
 porum ob-
 servanda .*

Jam conii sive in speciem , seu sideris , ignis
 Prodeat ; in primis , socias quae corpora secum ,
 Sedulus observa , & qua sint ea praedita forma .
 Praecipue pars illa tibi spectanda sagaci
 Cura , mirandos qua committuntur ad usus
 Frontibus adversis ; variae certissima formae ,
 Illius formae , quam nobis objicit ignis ,
 Ducitur hinc ratio . Cum prodit acumine ferri ,
 Excipiturque manu , in conum se colligit ignis .

*Cum flam-
 ma in co-
 nium assu-
 rat .*

Scilicet igniti multum exporrecta vaporis
 Ad se se trahit ipsa manus ; basis ignea palmae
 Subjectae insidens paullatim attollitur , & se
 In rutilum fingit conii tenuantis acumen ,
 Et multo illustris late fulgore coruscat .

At

At contra obtuso si ferro corpus acutum
 Subjicias , non flamma dabit tibi lucida conum ;
 Exilem tantum radiis languentibus ignem
 Apparere vides pallentis sideris instar .
 Non igitur nitidum radianti vertice conum
 Emergens tibi flamma dabit ; quia nempe trahens vis
 Cuspide objectae neque tantum agit , ac neque tanta ,
 Quanta manu , exprimitur flammantis copia fluctus .
 Adde quod erumpens supposita cuspide , non est
 Ignis ubi exceptus consistat , & area nulla
 Sternitur apta basi statuendae . hinc fulgere tantum
 Exiguas cernes minimo splendore favillas .
 Collecti coeunt radii , tenuique micantes
 Lumine longe aliam a cono accipere figuram ;
 Et speciem parvi obijciunt spectantibus astra .
 Hoc pacto cultus nunc hos , nunc induit illos
 Ignis amans varias oculis obtendere formas .

*Cui flam-
 ma sideris
 Speciem ex-
 hibeat .*

Ac jam dicendum (quod te super omnia miro
 Perculit ostento , dubiumque ac multa timentem
 Liquit) quae rapidum tibi vis contorqueat ignem
 Fulminis in morem , e media seu prodeat unda ,
 Seu vitrea erumpat violento turbine quadra .
 Juverit huc iterum expostam revocare fluentum
 Naturam humorum ; neque enim res ulla latentem
 Ostendet nobis causam manifestius . Ergo
 Rursus inundantem , subitisque accessibus auctum

*Quadra
 Franklini,
 & phiala
 Batavica
 explicatur.*

Am-

Amnem fac tibi proponas . illum aspice moles
 Sternentem objectas , importantemque supremam
 Arboribusque satisque , unda superante , ruinam .
 Unde illi tantus furor & violentia tanta ?
 Unde ? nisi immani a cumulo ; hinc se non capit ipse
 Spumeus , exsuperans ; violento hinc gurgite moles
 Oppositas ruit , & subjecta effusus in arva
 Largius exundans fata laeta boumque labores
 Perdit , & obducto late premit omnia limo .
 Non alio noster pacto discluditur ignis ,
 Ac neque diversam ob causam tantas capit idem
 Vires ; cum media tibi sive egressus ab unda ,
 Seu vitrea e quadra humanos illapsus in artus
 Percellit valido tentantum corpora motu .

*Cumulus
 materiae e-
 lectricæ ag-
 gestus vio-
 lentiam au-
 get .*

Nimirum igniti multum attrahit unda vaporis
 Ad se ; clausa scypho ; multum vitreae trahit aurum
 Inductum quadrae . vires vapor igneus ipse
 Concipit a cumulo majores ; nec mora confert
 Illa parum , qua confestim , si jam ante notata
 Non animo exciderunt memori , intentare vetamur
 Aut phialae , aut quadrae digitum . tunc copia major
 Aggeritur fluctus ; qui quo magis auctus , eo se
 Impete majori exonerat , subitaque ruina
 Fertur , & objectos vehementius influit artus .
 Exterior pars quippe scyphi , quam subdita tangit
 Dextera , deperdit quantum , pars altera tantum

*Quo major
 cumulus eo
 major vio-
 lentia .*

Inte-

Interior, fluctus acquirit, & inter utraque
 Ingens discrimen non aequo pondere partes;
 Quas medium dirimit vitrum. discrimine verum
 Appulsu digiti sublato, qua via facta
 Protinus erumpit vitri interiora relinquens
 Fluctus, & irrepens filo nexaque catena
 Per digitum insinuat membris, & concutit artus.
 Hinc furor, hinc rapidi tanta est violentia fluctus,
 Fluctus, sive velis flammatum hunc esse vaporem,
 Fulminis in morem praeceps unde ardeat ignis.
 Prorsus idem, ne te morer, & per singula ducam,
 Ad vitream tu met prudens extendito quadram.

Et vero, si forte scyphus; vel vitrea quadra
 Excessere modum, & ventrem turgescat in amplum
 Ille, atque huic facies sit latior; acrior inde
 Flamma ruit; cuius tantum violentia, vitri
 Pro majore modo, quod ad hos elegeris usus,
 Intendi poterit, nihil ut tibi verius ipsos
 Exprimat elisos gravidis de nubibus ignes,
 Sollertique hominum jam cura imitabile fulmen.
 Ac, ne forte putes me hunc confingere vana;
 Cum totum rauco misceri murmure caelum
 Sentis, & crebris incendier aëra flammis
 Circunquaque vides; quot sunt vasto aethere nubes,
 Tu vitreas totidem quadras ardere putato.
 Indicio est illud, quod tempestatibus atris,

Violentia fulminis prope ad quatur.

Atque

*Virga fer-
rea nimbo-
so caelo eos-
dem ac ma-
china ele-
ctrica effe-
ctus edit.*

Atque polo rapidis late bacchantibus Euris ,

Ferrea (a) sublimi tibi si de culmine testi

Educta aetheras virga extollatur ad auras ,

Non ulla arcanæ virtutis signa requires ;

Non resonos crepitus , non lucida fulgura , non &

Altius inflicto flammis ultricibus ictus .

*Digressio
per præse-
visionē de
electricita-
te , quam
vocant, cæ-
lesti & na-
turali .*

Atque equidem , ni jam vicinum palmula littus

Stringeret , ac terræ festinem adnare propinque ,

Latius ærîis eadem ut dominetur in oris

Vis , canerem , & densa nimborum in nocte coruscas

Succendat flammâs , trifidosque intorqueat ignes ;

Fulmina . Quoque modo in terras de summo fulmina caelo

Praecipitent , contraque e terris acta ferantur

In caelum ; siquando Jovem irritata tonantem

Ops adversa petat , paribusque a sistat in armis .

Tonitrua . Nec vero , tantum cur perstrepat axe , silerem ,

Murmur , cum rapido cava nubila Jupiter igni

Dividit , & trepidas sternit formidine gentes

Horribili quatens terrasque polumque fragore .

Ac neque discordes tacuissē ut caerula postquam

Miscue-

(a) Celeberrimum experimentum
sæpe in Italia, atque alibi etiam ex-
tra Italiam captum , & rei certissi-
mo eventui confirmatum ; unde con-
fici videtur , omnia phaenomena cæ-
lestia ad electricam virtutem tanquam
ad veram eorundem causam posse re-

vocari . Horum phaenomenorum be-
ne longam seriem contexit auctor se-
quenti digressionē ; sed quæ , ut ait ,
notum Virgilii hemistichium excu-
bens , *alii* , longe majori ingenio
præditis , *post commemoranda* atque
adeo versibus exponenda *relinquit* ,

Miscuerunt venti, & fessas toto aequore naves
 Jaſtarunt, ſupra antennas effulgeat ignis,
 Aut malo inſideat, nautis gratiſſimus ignis.
 Nec mora; ſedantur venti, ſilet arduus aether,
 Et mare compoſitis pacatum detumet undis;
 Tum repetunt curſum tranquilla per aequora puppes,
 Votaque deſuncti tanto diſcrimine nautae,
 Ut portus tetigere rates, in littore ſolvunt
 Fratribus Oebaliis, & caeruleae Amphitritae.

*Ignes ceſ-
 ſante tem-
 peſtate ap-
 parentes.*

Nec me praecipua ſeſtantem ſingula cura,
 Liberiſque polo gaudentem excurrere aperto
 Tunc fugerent reliqua, innumeris vapor igneus idem
 Quae toto parit axe modis; neque enim ulla pererrat
 Viſ late aëreas caelo vehementior oras,
 Ulla nec immenſo tantos ciet aethere motus;
 Haec ſubitas caelo nocturno tempore flammas
 Succendit, rutiloſque facit ſplendescere tractus
 Aëris; haec ſtellas (a) fervente aeſtate reſigit.
 Aethere praecipitant illae, caudasque ſequaces
 Ducunt a tergo, & ſylvis conduntur in altis.
 Haec gravidas denſat nubes, pluviaſque niveſque

Fugiſſent.

*Ignes no-
 cturni ae-
 ſtate tem-
 pore.*

Con-

(a) Stellarum nomine poeta in- eodem eodem uſus vocabulo ſtellas
 telligit vapores illos, qui in proxi- appellavit; Georgic. lib. 1. verſ. 365.
 miore aeris regione, quam Phyſici *Saepe etiam ſtellas vento impenden-*
 Atmoſphæram vocant, nocturno tem- *te videbis Praecipites caelo labi.*
 pore accenduntur. In hoc Virgilii Hoc idem jam ſupra lib. 1. adnota-
 exemplum ſequutus eſt, qui vapores *vimus.*

*Pluviae &
venti.*

Congerit ; atque ipsos , cum vult , e carcere ventos
Evocat Aeolio , claustrisque emittit apertis ;
Quo mare , quo terras , quo caelum turbine perflent ,

*Aurora bo-
realis.*

Ipsam quin etiam gelidi de parte Bootae
Fulgentem auroram (a) , atque illustri luce tenebras
Obscuras atrae vincentem noctis , eandem
Non fecus ad vim , atque ad primordia certa referrem ,
Verum haec ipse quidem spatiis disclusus iniquis
Extremi sub finem operis metamque laborum
Praetereo ; nec me cuiusquam tanta potestas ,
Unquam adiget ; nec vos , pubes lectissima (b) , ad Urbem

Sub-

(a) Cum originem Aurorae borealis virtuti electricae tanquam causae adscribit Poeta , id non facit ex proprio sensu , sed opinionem Gregorii Victorii , supra libro primo a se laudati , refert , qui in sua , quam elegantissimis versibus exposuit , Philosophia eam sententiam a se excogitatam insinuat .

(b) Collegium Germanicum atque Hungaricum indicat a S. Ignatio Romae fundatum , Romanorumque Pontificum , & praesertim Gregorii XIII. liberalitate ac munificentia constitutum . Hoc vero Collegium quantum laborantibus olim Religionis causa Germaniae atque Hungariae , totique Septentrioni praesidio fuerit , non solum ipsius Collegii monumenta , sed illarum gentium annales docent .

Ex eo innumerabiles Viri , & doctrina , & sanctitate , & defendendae propagandaeque Catholicae Fidei studio insignes , & praecipuis in universa Germania Hungariaeque sacris muneribus , ne summa quidem S.R.I. Electoratus dignitate excepta , egregie functi , prodierunt . Horum longissimam seriem non subtexam , propterea quia ab instituti mei suscepta ratione id abhorreret ; quippe qui brevibus adnotationibus opus hoc illustrandum , non prolixis commentariis explendum receperim . Illud vero tacere nullo modo possum , quod litterae hoc ipso anno , 30. Martii ad Collegium a Maria Teresa Hungariae & Boemiae Regina datae loquuntur , quae , cum in re quapiam Collegio ipsi gratificari vellet , id libenter

Submittit quos Hungaria & Germania, Sacris
 Praefidio Aufoniis ornamentoque futuros,
 Quique has consuectis summis extollere nugas
 Laudibus, ulterius fessum procedere, quam quò,
 Quos mihi praeſtitui, patiantur tendere fines,
 Quare vicini prospectans otia portus
 Haec ego nunc aliis, si quos vehementior alto
 Ardor agat caelo, impellatque accedere tantas
 Naturae ad partes, versu exponenda relinquo.

Nunc autem alterno motu cur corpora rapta
 Ad tensum accedant ferrum, cur pulsa recedant,
 Quod sequitur, pergam certas exponere causas.
 Hic iterum moneo, quod jam te saepius, ante
 Corporibus, vigil observa, quod sit genus, & quo
 Delecta e cumulo; reflui tum denique fluctus
 Naturam, variumque sagax expendito morem.
 His prius expensis, certa & ratione notatis,
 Nunquam, hos eventus quae gignat proxima causa,
 Indeprensa aciem eludet, falletque latendo.

Arentes igitur paleas plumasque volantes,
 Atque alia ejusdem generis, quae plurima cernis

Saepe

*Affertur
 causa cur
 accedant
 corpora &
 recedant.*

*Genus cor-
 porum ite-
 rum notan-
 dum.*

*Quare cor-
 pora acce-
 dant ad ca-
 tenam.*

ter se facere his ipsis verbis affirmavit;
 Ma perchè riconosciamo l'istituzione
 del detto Collegio molto vantag-
 giosa alla Chiesa, ed a' nostri sudditi,
 volendo noi usare di un'atto della re-
 ligiosa nostra pietà non meno, che
 della reale nostra propensione verso

del medesimo, vogliamo &c. Porro
 nobilissimorum hujus Collegii contu-
 bernalium singularem erga se benevo-
 lentiam Parthenius noster semper ex-
 pertus est; quare, captata occasione,
 hanc sui erga eos & obsequii & grati
 animi testificationem existare voluit.

Saepe iterare viam , cum lanci imposta catenam
 Confestim versus consurgere rapta videbis ,
 Non aliunde tibi causam censeto petendam ,
 Quam genere ex ipso , quo praedita corpora constant .
 Scilicet urget eò primo sitis indita ab ortu
 Unde bibant riguos , quos non ab origine , fluctus ,
 Longe aliud sortita genus speciemque , tulere ;
 Quorum larga illis quando est oblata facultas ,
 Extemplo ad gravidam cursu properante catenam
 Tendunt , & ferro fibris sitientibus haerent .

*Quare re-
cedant .*

Post ubi manantis tantum fuxere vaporis ,
 Sucta tenere modum , quantum natura quibusque
 Indulget , proprio tum pondere victa recedunt
 A ferro , & depressa cadunt , & lance recumbunt .

*Quare ite-
rum salien-
t .*

Quod vero saliant iterum , ferroque propinquent ,
 Ne mirere ; eadem causa & sitis urget ad hauritus
 Usque novos ; potu reparatur scilicet , acri
 Non minus ipsa siti quod lanx supposita laborans
 Continuo exfugens absorbit ; atque ita nunquam
 Cessabunt varii motus , reditusque abitusque ,
 Ipsam inter lancem & salientia corpora donec
 Epotus nulla de parte exuberet humor .

*Ad eandem
causam mul-
ta experi-
mentis re-
vocantur .*

Hic vero non est quaeras cur multa doceri
 De genere hoc , quorum tibi jam certissima causa
 Ex dictis manifesta patet . sic nanque venire
 Ferme usu solet , ut , detecto fonte , statim se

Osten-

Ostendant , quotquot decurrunt inde fluentes ,
 Quanquam intercisi vaga per divortia , rivi .
 Ergo , praetentam si virgam cymba sequatur
 Acta velut remis , aut alite concita vento ;
 Pendenti ferro si succedente puella
 Confestim arrecti surgant in vertice crines
 Bacchantum in morem ; ostenso si bractea vitro ;
 Dum fluit ad terram , a lapsu prohibetur , & ipsum
 Ad vitrum tendit , depressaque pondere rursus ,
 Si rursus vitro objecto revocatur , & unde
 Exciderat redit ; ac demum si plurima pacto
 Consimili tentare libet , speciemque genusque
 Si tantum explores , eadem causa usque recurret .

Quod si extricandis tibi forte videbitur impar
 Una tot eventis , ne segnis parce trahente
 A vi subsidium praesens arcessere ; virtus
 Quippe trahens adjuncta siti , qua multa laborant
 Corpora , quae videas crebros iterare recursus ,
 Subjiciet stimulos , & corpora certius illo
 Diriget , impellit quo jam sitis indita . multi
 Hinc porro eventus pendent , hinc discere multa
 Possumus , & certas consulti reddere causas .

Verum praesidii quantum sperare trahente
 A vi te jubeo , tantum veto fidere , teque
 Illi , quae fertur contraria , credere ; quanquam
 Signa repellentis virtutis plurima cernas ;

*Vis trahens
 multum ju-
 vat .*

*Vis repel-
 lens nihil
 confert .*

M

Sed

Sed quae , si recte advertas , fallacia tendant ,
 Ut jam praemonui , incautos pervertere sensus .
 Quare , quod saepe edixi , atque edicere pergami ,
 Signa repellentis quoties mendacia se se
 Virtutis spectanda dabunt , momenta remensus
 Si toties reflui fluctus expenderis , illa
 Non te decipient , dabiturque evadere fraudes .
 Nam gravido quaecunque vitro se adjungere , foeto
 Videris aut ferro ; haudquaquam , cum pulsa recedunt
 In speciem , tibi re ipsa abiguntur corpora ; sed vel
 Sponte abeunt satura , aut proprio depressa residunt
 Pondere , quod vero rursus salientia itusque
 Et reditus iterent ; id causae scilicet esse
 Ne dubita , quod labentis momenta vaporis ,
 Atque relabentis correpta sequantur ; & inde
 Exsultent , variosque ineant trepidantia motus .

Signa virtutis repellentis falsa sunt .

Afferuntur vera causa apparentis repulsionis.

Multa experimenta ad eandem causam referuntur .

His animadversis , non est cur amplius illa
 Suspensum teneant animum , curamque facessant ,
 Ignarus causae quae mirabare latentis ;
 Seu tibi demissum molli de subere pondus
 Sponte sua curvos describat in aëre tractus ;
 Tinnula sive edant , nullo pulsante , canoros
 Aera sonos ; seu contorto fila arida lino
 Ultro diduci , inque vicem discedere cernas ;
 Multaque praeterea , quae convenientia eadem
 Cum dictis specie , ad causam revocabis eandem .

Ergo

Ergo repellenti virtute abſistere juſſa ,
 Quandoquidem noſtris nil confert uſibus , huc te
 Vim dilatantem ſuaſebo arceſſere , multa
 Quippe eadem expediet , quorum depromere cauſam
 Ordo ipſe & rerum ſeries nunc admonet , a me
 Ne quid praeteritum ſiet , indiſtumque relictum .

*Vis dila-
 sans mul-
 ta praefiat*

*Experimē-
 ta tertiae
 claſſis ex-
 ponuntur .*

Fluvida materies cum nobis plurima mira
 Spectanda exhibeat , tum in primis illa videntur
 Pene omnem ſuperare fidem , ſuſcepta mederi
 Quod morbis (a) poſſit . Verum ſi vivida quam ſit ,
 Quam ſit ſubtilis , reputes , fortasſe putari
 Haudquaquam poterit tantis eventibus impar .
 Sin autem vis dilatans acceſſerit , unde
 Acquiratque novum robur , partesque , cohaerent
 Siquae concretae pigro lentore , reſolvat ;
 Tum minime dubium , quin morbis apta domandis
 Sit , quorum vis omnis in id confertur , ut artus
 Inneſcant miſeros , nec non contagia dira ,
 Callibus obſtructis , foveant ; unde exitus atris
 Seminibus pateat morborum aditusque ſaluti .

*A vi dila-
 tante ſub-
 ſidium ar-
 ſeſſendum .*

Tales ſunt podagrae , ſunt talia rheumata , tales

*Afferretur
 ratio cur
 podagrae ,*

M 2

Mul-

(a) Quae multa ſane admiranda
 de ſalubri fluctus electrici vi ſub fi-
 neri libri ſecundi ab auctore com-
 memorata ſunt , & quorum hic af-
 fertur ratio , paſſim occurrunt in di-
 verſis Scriptoribus , qui his de rebus pe-

culiarem tractationem inſtituerunt ,
 Vide quae ſupra adnotavimus lib. 2.
 ubi clariffimi Privati auctoritate &
 certiffimis experimentis ſalutiferae
 virtutis electricae proprietates confir-
 mantur .

Multae hac de specie pestes . has scilicet alte

*Et alia
morborū ge-
nera sanan-
vi possunt .*

Insinuans virtus , & serpens corpore toto ,
Obseptaſque ingreſſa vias agit undique victrix .

Nec mora ; diducto referantur calle meatus ,
Solvuntur condensa pigroque tenacia visco ,
Et multis concreta modis , discreta liquantur .
Tum vero quidquid sulcos oblimat inertes ;
Quidquid stagnat iners , longisque inolevit ab annis ,
Exigitur . quin ipsa malae quoque semina labis
Saepe extirpantur , foribusque abiguntur apertis .

*Cui poda-
gra & rhe-
umata sol-
vantur .*

Inde salus quaesita redit , vigor inde repente
Aegris corporibus ; podagraeque & sueta ligare
Artus disruptis solvuntur rheumata vinculis .

Ne vero oppositos eadem quin gignere possit
Effectus dubites ; etenim hoc persaepe videmus
Pro rerum diverso habitu contingere ; & ignem
Durare argillam , qui ceram molliit , eodem
Et fieri non pauca modo . sic rhemata solvit

*Cui para-
lysis cure-
tur .*

Quae tibi vis , eadem resolutos alligat artus .
Nimirum obstructos referans excepta meatus
Vitalem inducit patefacto tramite succum ;
Hoc autem tacitis fuso per corpora rivis ,
Omnis abit nervis tremor , & nutantia membra
Accipiunt reduces firmo cum robore vires .

*Item cui
plantae ci-
sius adole-
scant .*

Inde etiam , tenues vi dilatante canales ,
Unde humor plantis , & nutrimenta per omnes

Imo

Imo educta solo funduntur didita ramos ,
 Fiet uti citius medicato e femine surgens
 Crescat , & ad caelum felicius exeat arbos .
 Nam quod condensam laceret violenta papyrum
 Virtus , e media cum truditur excita quadra ;
 Et quod item insinuans adductae caeca relaxet
 Spiramenta cutis , fluat unde animantibus humor
 Largius , & totos exundans proluat artus ;
 Non adeo superare fidem censenda , negari
 Ut possint , quando ipsamet Experientia testis
 Eximit ancipites dubio de pectore sensus .

*Experien-
 tia multa
 confirman-
 tur .*

Sed quoniam multis , harum quae copia rerum est ,
 Multa modis fiunt , promptum quoque ab aëre noli
 Spemere subsidium tibi quaerere ; scilicet aër (a)
 Non raro opportunus adest , nec tanta recusat
 Ipse suas ultro conferre ad munera vires .
 Et modo submissis arte , & salientibus undis
 Infert se medium , & late dispergere rorem
 Gaudet , & in rutilas lympham diducere guttas .
 Nunc erumpentis tibi cursum intercipit ignis ;
 Et crebras adigit flammam jactare favillas ,

*Aeris sub-
 sidium non
 recusandū .*

*Multa pre-
 stat aer .*

M 3

Distri-

(a) Jam supra libro tertio , mul- rum rerum causa est , sed varias tantum , quas vocant , modificatio- nes rebus ipsis inducit , unde diversi eventus pro diversa ratione corporum , quae machinae obijciuntur , spectan- tium oculis exhibentur .

Districi summo cum prodit acumine ferri .
 Saepe etiam crepitus & sibila murmura , saepe
 Non expectati ciet idem flamina venti .
 Denique sponte sua multis eventibus aër ,
 Ille quidem tenui subtilis corpore , se se
 Immiscet ; quorum quanvis non proxima causa
 Sit ; tamen immutat non pauca , oculosque tuentum
 Propositis varia rebus sub imagine ludit .

*Non tam-
men est cau-
sa horum
effectuum .*

*Serenitas
caeli expe-
renda in ca-
piendis ex-
perimentis .*

Quod superest , caelo cur tentamenta sereno
 Dent melius se se , madidis quam flantibus Austris ,
 Nimbofoque polo , dicam . Genus aëris ante
 Est explorandum , quem , quos ab origine prima
 Sorte tulit , vitreos non exceptare vapores
 Jam docui ; atque hic in primis meminisse necesse est .
 Jam vero , gelida Boreas digressus ab Arcto
 Descendat , caeloque incumbens nubila difflet ,
 Et rapido aëreos eerrat turbine campos .
 Continuo , quidquid superas aut terra sub auras
 Eructans vomit , aut sursum evocat attenuans sol ,
 Exigitur ; fugiunt una , quae plurima caelo
 Nare externa solent , vitreosque haurire liquores
 Corpora nata genus ; vitro vis fluvida manat
 Plenius irrorans bibulam sublapsa catenam ,
 Totaque in eventus consumitur excita miros .
 Clarius inde micat lux , & vibrantior ictus
 Percellit digitum , & crepitus magis inde sonantes .

*Affertur
ratio .*

At

At contra , imbriferis caelo spirantibus Austris ,
 Illa eadem , nuper quae toto exegerat axe
 Insurgens Aquilo , subito importuna regressu ,
 Ut Scythiam semel ille suam , Rhodopemque revisit ,
 Corpora turmatim accurrunt , atque omnia complent ,
 Pendenti ferro vitroque affusa rotanti .
 Non secus autumnus cum tempore dulcia fervent
 Musta , atque exundat plenis vindemia rivis ;
 Illignis videas circum se fundere labris
 Ingentem culicum (a) numerum ; jam dolia , jamque
 Obsedere cados ; caelum ipsum obducitur atra
 Praetextum late nebula . volat acta per orbem
 Turba bibax , & eo redit usque , atque usque bibendo
 Instat , & avelli caris nequit ebria costis .
 Hoc prorsus pacto , quae dixi corpora densis
 Agminibus coeunt vitreos potura vapores ;
 Quorum illis quando est non interdicta facultas ,
 Largius indulgent potu sitientia , & acrem ,
 Qua licet usque , sitim repetitis haustibus explent .
 Interea sensim vis fluvida defit ; & inde
 Segnior evadit , pluvioque remissor Austro .
 Idcirco caeli faciem speculantur , & omnes

*Particulae
 externae im-
 mistae aeri
 multum of-
 ficiunt .*

M 4

Explo-

(a) Diversae culicum species distinguuntur ab Auctoribus, qui pecuniarem rerum naturalium disquisitionem instituerunt, inter quos & varnarii, de quibus hic sermo est, recensentur. Paulo infra vocabulum

costis translate usurpatur, & de lateribus dolii intelligendum est. Virgilius de constructione equi trojani loquens Aen. lib.2. v.16. sic habet; *sectaeque intexunt abiete costas*, & lib.7. v.463. *costis undantis aeni*.

Explorant ventos , & idonea tempora captant ;
 Nec quidquam innubi nisi caelo , atque aethere puro
 Suscipiunt ; ne forte irrisi aut plurima tentent
 Incassum , aut aliquid laetis successibus obset ,
 Quod spectatorum turbam frustretur hiantem .

Certa vera indicia .

Atque haec quaesitae cum sint certissima causae
 Indicia , est porro cur nunc laetere reperta .

Nonne vides , ut cuncta inter se , ut singula secum
 Consistent ? ut recte procedant omnia , nexuque
 Apta alia ex aliis descendant ? ut nihil angat ,
 Et dubiam ancipiti turbet formidine mentem ?

*Ex dictis
 reliqua facile
 consuecuntur .*

Haec reputans animo tecum , creberque volutans ,
 Haud aegre poteris per te deducere certis
 Principiis reliqua , & veras deprendere causas .

In praefens , mihi proposui quod scilicet unum ,
 Sit fontem monstrasse fatis , digitumque roganti
 Intendisse ; unde eventis primordia tantis ,
 Certaue virtutis mirae repetatur origo .

Digressio .

Nimirum haec abstrusa diu , atque incognita vulgo ;
 Nec minus incassum multo quaesita labore ,
 Aethereas demum nostra hac aetate sub oras
 Prodiit e mediis in lucemeducta tenebris .
 Usque adeo nihil (a) est tanta caligine pressum ,

Quod

(a) Hoc sententiose non minus , veteribus , nunc vulgo cognita sunt ;
 quam vere dictum arbitror ab aucto- & vero summo cum emolumenta
 re . Multa enim prorsus ignorata a to cognita , propter ea , quae in pu-
 blicana

Quod non longa dies , caecis mortalibus , alnum
 Sufficiens lumen , discussis detegat umbris .
 Quare age , & ingentes animos hinc sumere disce ;
 Disce hinc adversus te confirmare latentis
 Naturae morem . Nimirum obscura videri
 Illa fugit , latebrisque procul secreta recedit .

*Omnia
 diuturni-
 tate tem-
 poris illu-
 strantur .*

Verum esto , latebras amet , occultosque recessus
 Quaerat , & abstruso colat invia lustra cubili ;
 Esto caligans affusaque plurima circum
 Nox denso obnubat nostras velamine mentes ,
 Ingeniique hebetet visus , aciemque retundat .
 Non tamen audendum minus est ; tenuissima primum
 Qua forte in tenebris se lux ostenderit , illuc
 Tendendum ; tum siqua via spectra , horrida spectra ,
 Terribiles visu formae atque immania monstra ,
 Scyllaeque Sphingisque , & Gorgones Harpyiaeque
 Occurrant ; animis opus est & pectore firmo .
 Discendum dubiis melius confidere rebus ,
 Nec flectenda ideo vestigia retro ; at in iisdem
 Perstandum incoeptis ; dum caelo advecta sereno
 Dissipet offusas tempestas clara tenebras .

*Naturae
 ingenia la-
 tendi .*

*De felici
 rerum exi-
 tu non de-
 sperandum*

Et vero ex ipsis lux improvisa tenebris
 Non raro emergit , solemque optata reducit .

*Repentina
 rerum con-
 versio in
 melius .*

Nec

blicam utilitatem commoda sane mul- tra adversa omnia confirmandum .
 ta redundarunt . Quare praeclare Fit enim per saepe , ut momento tem-
 subjicit poeta , non esse animo de- poris facile assequaris , quod frustra
 sperandum , sed animum ipsum con- longa molitione contenderis .

Nec mora ; nox trepidis procul evolat horrida pennis ,
Diffugiunt umbrae , vanescunt spectra ; neque usquam
Dilapsa in tenues apparent amplius auras .

Jamque color , jam forma redit , jam pristina rebus
Gratia , & infuso late omnia lumine rident .

*Pro diver-
sa humorū
semper de
versis mo-
tus animi .*

Ipsae , quae variis alternant motibus , ipsae
Vertuntur species animorum ; nostraque magnos ,
Conversa in melius rerum vice , pectora sensus

Concipiunt ; hinc nescio quo succensa calore
Praeter consuetum fervent praecordia ; menti
Attonitae subitus furor incidit ; aestuat intus ,
Nec se jam capit ipsa ; adeo vis ignea totis
Serpit agens se se venis , & pectore gliscit .

Non expectato successu laetior ardens
Exsultatque animus , majoraque viribus audet .

Audentem fortuna juvat . Quin saepe furore
Ecce tibi in medio , atque animi exultantis in aestu ,
Longe aliud spectanti , & quidquam haud tale putanti
Conspicuum se se , claraque in luce videndam
Ipsa offert claustris ultro Natura reclusis .

*Repenti-
na causa-
rum cogni-
tio .*

Apparent adyta , & penetralia caeca patefcunt ;
Apparent causae & secreta exordia rerum .

*Poetae va-
siciuium .*

Scilicet adveniet tempus (a) , vincentibus omnia

Inge-

(a) Multa persequitur hoc loco poeta , quae certissime affirmat fo-
re , ut ab ingeniosis & guavis homi-
nibus inveniuntur . Veruntamen non
pauca earum rerum , quarum enu-
meratio instituitur , ejus naturae sunt ,
ut

Ingeniis hominum , & duro superante labore ,
 Cum multa , obscuro quae nox obnubit amictu ,
 Atque etiamnum ignota latent , patefacta sub auras
 Erumpent tandem , & caelo ostendentur aperto .
 Nomine tum proprio distincti quique Cometae (a)
 Et certo numero , certis & finibus altum
 Obliquos per iter tendent describere gyros ,
 Metrique vagi longe spatia ultima caeli .
 Tunc faciem extremo ostendet Saturnus (b) ab orbe
 Difficilis visu , neque adhuc bene cognitus ulli .

*Numerus
 & motus
 planeta-
 rum defi-
 nientur .*

*Multa de
 Saturno de-
 tegentur .*

Nimi-

ut omnino illarum certa cognitio de-
 speranda sit . Quare huiusmodi vati-
 cinium magis ad poetici ingenii in-
 dolem arbitror esse confectum , quam
 ad prudentem rerum futurarum con-
 jectationem exactum ; & quanquam
 auctor affirmet , Phoebum nequa-
 quam finire Poetas esse mendaces ,
 bona cum auctoris venia , futurum
 omnino arbitror , ut vatem menda-
 cii , saltem quod aliquas huius vati-
 cinii partes , quas ego , contra vati-
 cinans , eventu carituras pronuncio ,
 posteritas coarguat .

(a) Cometas ignes non esse teme-
 re in aere accensos , & infortunio-
 rum praenuncios , ut vetus ferebat
 opinio ; sed caelestia corpora , qualia
 Planetae sunt , nunc in comperto est
 apud Physicos omnes . Quod vero
 Cometarum omnium numerus iniri ,
 & cursus definiri possit , rem valde

arduam esse Astronomi putant , prae-
 fertim , cum Cometae rarissime ap-
 pareant , quippe qui per immanes &
 valde excentricas ellipses caelo feran-
 tur . De Cometis legatur clarissimus
 Halleyus , qui Cometarum omnium ,
 qui ad sua usque tempora apparue-
 runt , numerum collegit , orbitas ac-
 curate descripsit ; & Cometam illum
 celeberrimum , qui anno 1757. visus
 est , multo ante praenunciavit . Mul-
 ta de Cometis eleganter more suo
 scripsit Staryus *Philosophiae* lib. 4.
 vers. 971. & sequentibus ; multo plu-
 ra in supplementis ad eandem *Phi-
 losophiam* disputat Boscovichius .

(b) Saturnus , uti omnium Plane-
 tarum a nobis remotissimus ; ita etiam ,
 Astronomorum observationibus maxi-
 me est impervius . Hinc recte notat
 auctor , multa de hoc Planeta etiam-
 num ignorari .

Ignotum prorsus nunc est , omnesque fefellit
 Haëtenus obtutus , utrum teres orbe rotundo
 Ille sit , an geminis suspensus pendeat ansis .
 Nec minus ignotum , quo circumcluditur , orbis
 Lumine conspicuus multo , sit ne annulus , anne
 Exigui medium gyro stipante Planetæ
 Accipiant numero denso , vallentque frequentes .
 Falciptens adeo Deus , & male numen amicum
 Avertit se se a nobis , refugitque videri .

*Multa itē
 de Luna .*

Quid Lunam? (a) terris quæ quanquam proxima, multa
 Celat adhuc ; sed quæ tandem deprendet acutos
 Exacuens oculos vigil Observatio . jamquæ
 Detecta ut circum caligo est plurima Solem (b) ,

Quæ

(a) Multa adhuc de Luna ignorantur, quæ hic ab auctore commemorata, poetice quidem efferuntur, sed ita, ut quid auctor indicare velit, quis facile intelligat. In Lunæ Theoria constituenda hætenus incassum laborant Astronomi. Nevvtonus in Lunæ disquisitione Philosophos ante se omnes superavit; sed nec ipse rem perfecit. Praeclarissimi nostræ ætatis Geometræ Eulerus & Alembertius nervos omnes contenderunt, sed irritò conatu. Unde Staryus præclare cecinit *Philosophiæ suæ lib. 5. vers. 1900. Sola triformis adhuc hominum Dea vincla recusat, Versis se in formas varias,*

varioque meatu, Multiplicique via multorum elabitur arti.

(b) Solem suam habere Atmosphaeram, in ipsam gravent, immo vero hanc ipsam Atmosphaeram duplicem esse, crassiorē alteram, alteram rariorem, quales in Atmosphaera terrestri distinguimus, jam Physici omnes & norunt, & consentiunt. Contra vero de Lunari Atmosphaera nihil adhuc compertum est ac definitum. Dissertationem, quam vocant, de Lunæ Atmosphæra edidit Boscovichius Romæ an. 1753. in qua multa ad hanc rem spectantia ab eo copiose & erudite afferuntur; inter alia num. 151. hæc habentur. *In pri-*

Quae nitidam velet faciem, maculisque decoros
 Inficiat vultus; sic & protenta vaporum
 Vis deprendetur, quae Lunam sepiat, illi
 Unde superfluous notet ora argentea pallor.
 Quid? quod praerapido delata per aethera curru
 Exleges discet moderari ad certa quadrigas
 Jura, atque indociles fraenis cohibere jugales?
 Innectet frustra *nodos* (a), queis callida mentes
 Illaqueetque hominum, curasque eludat; at ipsi
 Solventur nodi; nec erit locus astibus ullus.
 Denique, quantumvis multo statuenda labore,
 Tota Planetarum ratio constabit, & illi
 Ancipites cursus, altum quibus aethera tranant,
 Ordine procedent recto, finita quibusque
 Cum sua erit varians pro mole & pondere *massa* (b).

Nec jam finis erit. nam quis legemque modumque
 Ingeniis statuatur? quis motus comprimat acres

*Motus Lu-
nae ad cer-
tam ratio-
nem exig-
tur.*

*Sistema
planetarum
certius con-
stituitur.*

*Difficile
esse inge-
niis modum
imponere.*

Huma-

primis Lunam cavere Atmosphaera simili huic nostrae evidentissime demonstrant phaenomena illa omnia, quae in ejusmodi Atmosphaera exhibere deberent immersiones, atque emersiones stellarum fixarum, ac Planetarum, quae a num. 77. persecuti sumus. Nihil ejusmodi observamus in Luna.

(a) Nodorum nomine ab Astronomis intelliguntur duo illa puncta, in quibus orbita Lunae Eclipticam secat.

(b) Maximum, in definienda *massa*, quam vocant, Planetarum, momentum esse ad Planetarum ipsorum motus recte atque ordine constituendos nemo ignorat. *Massam* & pondus Planetarum princeps Nevvtonus expendit; Nevvtonum Astronomi omnes in tantae rei pervestigatione sequuti sunt. Multa de Planetis invenies apud Boscovichium in suis ad Stayanae *Philosophiae* librum quartum supplementis.

Humanae mentis ? quin impigra semper , & aestu
Usque novo fervens coeptis majoribus instet .

Sistema quod vo-
cant trium
corporū sta-
bilietur . Ac jam aliquis necet secum tria corpora (a) , Solemque
Et Terram in primis ; atque his vel Jupiter ipse
Tertius accedet , vel Mars , vel candida Luna ,
Aut Maja fatus , aut summo Saturnus ab orbe .
Atque alius majora audens succedet Olympo ,

Vitrometri
subsidio ex-
actius cas-
lestia cor-
pora inspi-
cientur . *Vitrometro* (b) monstrante viam ; & rimatus acutis
Cuncta oculis ; & quo nemo hactenus aspiravit ,
Altius evadens , aut vanum , ut credere par est ,
Errorem nostris de mentibus auferet ; astra
Aut si qui vaga forte colant , digressus ab axe
Perferet , & nobis habitumque genusque notabit .
Quid nifus causae , & gravitatis , & abdita multa ,
Quae magis effugiunt visus , aciemque tuentum
Fallunt ? corporibus ne modus (c) , finisque secandis
Sit nullus , puncto an demum sistatur in uno ?

Semi-

(a) Uti e systemate Planetarum recte stabilito tota propemodum Astronomiae ratio pendet ; ita valde optandum esset , ut trium corporum , quod vocant , problema ita solveretur , ut motus ii , quos ex mutua trium corporum attractione consequi necesse foret , definirentur . Verum *cui tanta viro permissa potestas* ? Celeberrimi Viri Clairaultius & Alembertius plura de hoc syste-

mate subtiliter & copiose scripserunt .

(b) Vitrometrum instrumentum est recentissime inventum ad dimetendos abscissus radiorum . Hic autem innuitur ineptum de Planeticolis , quos vocant , commentum .

(c) De divisibilitate , & ajunt , corporum in infinitum multa in utraque partem Physici disputant . Hae de re disceptationes variae jam typis editae passim occurrunt .

Semina quid rerum (a), quorum congressibus omne
 Corporeum genus, & terris atque aethere in alto,
 Tam specie varium, quam forma gignitur? Adde
 Huc alia innumero numero penetralibus imis
 Abdita adhuc naturae, alteque latentia; sed quae
 Depromet veniens, in apricum & proferet aetas.

*Multa co-
 gnitu dif-
 ficiliora de-
 prebenden-
 tur.*

Nec vero, humanae deerunt qui commoda vitae
 Usque nova extundant. Metati pondere certo
 Constabunt moduli, quibus actus corpore toto
 Sanguis eat. medicos vis ostendetur in usus,
 Addita quae plantis (b) vulgo omnibus, omnibus herbis,
 Seu quas terra parens, aut montibus educat altis,
 Vallibus aut imis; seu quas sub gurgite valli
 Doris alit Nerei, & salis rigat aequoris undis.
 Ipsa etiam taetramque luem, tristemque saporem
 Eluet unda maris (c), miserisque innoxia nautis
 Pocula sufficiet, tunc certius arva profundi

*Humanas
 vitae com-
 modis con-
 sultetur.*

Sul-

(a) Cum ad ipsa principia, quibus corpora constituuntur, venit, nio constitutis, contenti esse debe-

omne, quantumvis perspicax ingenium haereat necesse est; neque mus.
 enim tam abdita penetralia subire hominum ulli concessum. Huc usque Salomoni concessum fuit a cedris Libani ad hyssopum disputare.

licet, ulterius vero progredi non licet. *Est quaedam prodire tenus* (inquit Horatius lib. I. ep. I. vers. 32. alio quidem sensu, sed ita, ut ejus verba nostrae huic sententiae accommodari possint) *si non datur ultra.* (c) Multa experimenta de eluenda aqua marina & celeberrimus Valisnerius & Nicolaus Ghezzius Soc. Je. instituerunt; dulcem quidem, seu potius minus insuavem eam reddere ad palati sensum potuerunt; noxias, atque adeo aquae ipsi ingenitas qualitates prorsus abstergere non potuerunt.

Sulcabit vector (a), nec tempestatibus ipsis ;
Cum venti posuere, haeretque immobilis aër,
Horrebit, vasti deprensus in aequore ponti,
Haud minus infestam tranquilla per alta quietem.

Postremo, veri siquid mens augurat, & si
Mendaces Phoebus minime finit esse poëtas,

*Singularis
constructio
navigii ex-
cogitata a
P. Lana
Soc. Jes.*

Arte nova compacta ratis (b) se tollere ab ima
Audebit terra, ventisque elata secundis

Nare per aëreas discet felicius oras.

Ultra tum demum noti confinia mundi,

Extremosque hominum Purchas(c); ipsumque sub Austrum
Ibitur, & totus terrae lustrabitur Orbis.

(a) Vector accipitur etiam passivè pro eo, qui navi vehitur, Cic. VIII. Phil. cap. ult. & *summi gubernatores in magis tempestatibus a vectoribus admoneri solent*. Virg. Eclog. 4, ver. 38. *Cedes & ipse mari vector; nec nautica pinus Mutabit merces*.

(b) Ingeniosissima & satis nota navis constructio a Francisco Lana Soc. Jes. celeberrimo Philosopho & Mathematico excogitata. Ingenium sapientissimi Viri laudandum, usus & commoda ingeniosissimi inventi non

expectanda. Hujus ipsius navis constructionem elegantissimis versibus exposuit Bernardus Zamagna e Soc. Je. Venustissimum poema si prodierit in lucem, non minorem inde laudem Auctor, quam ab alio philosophico poemate jam ab ipso edito, & de quo libro sequenti sub finem a nobis honorifica mentio fiet, consequutus sit, consequetur.

(c) Hi populi omnium extremi ad polum septentrionalem in tabulis geographicis notantur.



ELECTRICORUM

LIBER VI.

SED jam supremum mecum decurre laborem ,
 Palmula jam stringit littus , portusque subimus ;
 Et meritam puppi juvat imposuisse coronam ,
 Te , Rogere (a), sequar, quando hic me deserit Anglus ,
 Ignarumque in fine viae incertumque relinquit .
 Huc igitur nostri decus immortale Lycei ,
 Huc ades ; atque operis quod restat perface , & harum
 Quas complexus adhuc rerum sum carmine , primam
 Te minime pigeat mihi nunc ostendere causam .
 Forfan erit (quanvis extremam impendere Musis
 Est animus curam) superans modo vita perennet (b) ,
 Forfan erit , mentem ut quondam mutatus , & oestro

Rogeri Bos-
 covichium
 sequendum
 sibi poeta
 proponit in
 primae cau-
 sae iustifi-
 catione .

N

Inti-

(a) Huc usque Frankinum , quem
 nomine *Angli* indicat , ducem se-
 quutus est auctor ; nunc ad recon-
 ditionem virtutis electricae investiga-
 tionem progrediens , omnia , quae
 hoc libro persequitur , a Boscovichio
 didicit , eique , ut par est , accepta
 refert . Quod si forte ingeniosissimi
 Viri sententiam plane assequutus non
 est , id sibi unice tribui vult .

(b) Verbum *perennis* hoc loco non
 perinde intelligendum est , quasi vi-
 tam sibi perpetuo duraturam auctor
 spondeat , sed hoc sensu ; nimirum ;
 si vita diutius deo favente suppedita-
 bit ; quo sensu idem verbum usurpa-
 tum invenies a Columella lib. I. c. 9.
ut diutius perennent boves , non con-
fecti vexatione simul verberum ope-
rumque &c.

Intima percussus subito praecordia , Vates
 Quandoquidem genus inconstans sumus , Aonis oras
 Desertas iterum repetam , Pindumque revisam ,
 Et canere inventa aggrediar tua , semina rerum
 Dissocias qui prima , eademque innexa revincis .
 Nanque introspectiens (a) non enarrabile textum ;

*Systema
 Boscovichii
 anni quatuor
 brevissima
 exponitur .*

Cor-

(a) Boscovichianum Systema, quâ paucissimis fieri potuit & verbis & sententiis exponit auctor ; & sane Boscovichii sententiam, ut mihi quidem videtur, assecutus est. Qui vero ipsum Systema intimius cognoscere cupiat, is profecto iis, quae ab auctore nostro quam brevissime perstringuntur, contentus esse non poterit. Adeat igitur ipsum Boscovichium, ejusque egregium volumen legat, quod prodiit Venetis an. 1763. ex Typographio Remondiniano. Inscriptio autem voluminis haec est ; *Theoria Philosophiae naturalis redacta ad unicam legem virium in natura existentium*. Auctore Rogerio Josepho Boscovichio, ab ipso perpolitum & auctum. Quo vero pateat quam presse Boscovichii sententiae auctor adhaereret ; & aliqua lux obscuriori loco afferatur, opportunum judicavi Italica ipsius Boscovichii verba subicere, unde sua carmina fideliter Parthenius noster expressit ; Ecce haec doctrina . Ammette punti invisibili, ed inestesi sparsi pel vacuo,

e tra se lontani in modo, che non possano mai toccarsi, e pure non sieno sciolti in modo, che non formino masse consistenti. Imperocchè riconosce in essi delle forze, con le quali, secondo le varie distanze fra loro, o tendono ad accostarsi, o a discostarsi, avendo nelle minime distanze un infinita forza ripulsiva. dove crescendo la distanza, si passa dalla ripulsione alla attrazione, ivi vi è la coesione, impedendo quella ripulsione l'accostamento, e questa attrazione un ulteriore distacco.

Queste forze hanno la sua legge, che è espressa da una curva, la quale si rivolge con mille e mille contorcimenti intorno ad un asse rettilineo, segandolo in moltissimi punti, ed ha due lungbissime gambe, che i Geometri chiamano asintotiche, e vuol dire, che si accostano in infinito a linee rette senza coincidere ; e torna lo stesso che il dire, che si accostano in infinito alla forma di linee rette . Essa unica, e sem-

Corpora quo variis coalescunt plexibus apta ,
 Puncta vides vastum per inane natantia , partes
 Queis adimis , molemque negas , certamque figuram .
 Atque haec ipsa quidem , se se metuentia tangi ,
 Et distincta facis ; sed non resoluta fatiscunt
 Idcirco ; at firma secum compage tenentur .
 Quippe addis varias diverso munere vires ;
 His se pro vario positu fugiuntque petuntque ,
 Innumeraeque vices alternant ; proxima porro
 Si fuerint , fugiunt ; vis infinita repellit .
 Hinc semper distant , nec se coeuntia tangunt .
 Ast ubi perpetuo vis immutata recessu
 Jam trahit illa eadem , quae reppulit ante , cohaerent .
 Accessum negat illa , novum negat ista recessum .
 Nec vero hae nulla sunt vires lege revinctae ;
 Est sua lex ; albi lato haec super aequore plani
 Subjicitur descripta oculis . Protenditur axis
 In medio rectus , quem circum linea curvo
 Se torquet flexu , variisque ambagibus errans
 Mille secat refecatque locis ; sed bina recedunt
 Crura procul rectos vix non imitantia ductus ;

N 2

Una

Semplice esprime tutte le varie forze . *menomo interrompimento , o come*
Fondamento principale di questa *sogliono chiamarlo , salto .* Haec Bo-
Teoria è la legge della continuità , *scovichius ipse de suo novo Systema-*
per cui tutte le mutazioni nella na- *te , quae quidem poeta noster , quan-*
tura si fanno gradatamente , passan- *tum summa rei passa est difficultas ,*
do sempre da una grandezza all' *clare ac dilucide versibus exposuit .*
altra per tutte le intermedie , senza

Una regit varias simplex ea linea vires .

*Boscovi-
chius novū
Systema in
Gymnasia
inducit .*

Haec non ulli audita prius , neque cognita saeculis

Ante tot exactis , felici indagine primus

Tu pervestigas , nec non fausto omine docti

Atria tu primus deducis ad alta Lycei (a) .

Naturam insolitus cepit stupor ; haesit , & harum

Attonitae similis defixa in imagine rerum ,

Multa animo secum ipsa putans , & singula volvens ,

Ut se collegit , tanto laetata reperto est .

Nempe erat optandum , quod publica vota petebant ;

Exoriens aliquis tandem afforet , acrius omnem

Qui virtutem animi intendens penetraret in ipsas

Altius insinuans causas , & mente sagaci ,

Et facili tantas molimine conficeret res .

*Laus Bo-
scovichii .*

Et sunt confectae per te feliciter , o Vir

Ingenio praestans , magnis praestantior ausis ;

Ipsam dum fido servans vestigia gressu

Naturam sequeris praeceuntem , & cuncta novantem

Perpetuo motu ; sed callibus intercisis

Inferam motu in tanto , *salusque* perosam .

Jam

(a) Haec assentationis gratia ab auctore scripta esse nolim lector suspicetur . Vere enim Boscovichius expositum Systema primus excogitavit , & re ipsa in gymnasia invexit , ut jam *Boscovichianum Systema* jure ac merito appelletur , & tota Europa vulgatum sit . Publice enim in

publicis Academiis & traditur & defenditur ; & si suos habet adversarios , eosque non contemnendos , commune id habet cum celeberrimis nobilissimorum Philosophorum Systematis , quae etiam ipsa suos & propugnatores & oppugnatores nata sunt .

Jam vero quae digna fatis, quae debita tantae
 Praemia virtuti tribuenda putabimus ? huc o !
 Vos almae, vos huc properate Heliconis Alumnae,
 Ferte citae lauros, dateserta, innectite sacras
 Fronde comas, meritaque Virum donate corona.
 Ille etenim primis vos & veneratur ab annis,
 Vos & amat; quin facpe polo digressus ab alto
 Pierios colles & nota revifere Tempe
 Gaudet, & argutis numeros intendere nervis.
 Et canit, Uranie quae coram ostendit, aperto
 Dum graditur caelo, & praesentia sidera lustrat;
Defectus (a) Solis varios, Lunaeque labores,
 Surgentumque ortus signorum, obitusque cadentium.

*Opus astro-
 nomicū &
 poeticū Bo-
 scovichii.*

Interea merito capiti dum debita Musae
 Serta ferunt; eadem, Juvenes, qui castra sequuti,
 Flos veterum virtusque virum, lectissima pubes,
 Ecquid vos tangunt exempla domestica ? summi
 Ecquid fama Viri, totum quae sparsa per orbem,
 Excitat, & pulcros animum succendit ad ausus ?
 An dubitatis adhuc, tanto duce, tendere ad astra ?
 Quin agite, & dum res calet, atque opere omnia fervent,
 Et nondum, pigra sensus hebetante senecta,
 Frigidus obriguit circum praecordia sanguis;

*Adhorta-
 tio ad ju-
 venes So-
 cietatis.*

N 3

Dum

(a) Scripsit etiam Boscovichius Londini anno 1760., cum ea in ur-
de Solis ac Lunae defectibus libros be, florentissimi regni principe, ver-
 quinque eleganti latino carmine. Hos faretur.
 autem publici juris fecit, ediditque

Dum pudor incendit vires , & conscia virtus
 Exstimulat , magnis alacres accingite coeptis .
 Hoc vos , & ratio studii communis , avitae
 Hoc vos laudis honos, Patrum hoc decora alta reposcunt.
 Ipse etiam exiguum tantae decerpere laudis
 Conabor partem , tantoque accepta magistro
 Enitar vulgare , sinant modo numina laeva ,
 Et votis adsit precibusque vocatus Apollo .

Vires corporum explorandae.

Ac primum , si nosse cupis rem certius , omnemque
 Altius ex ipsa deducere origine causam ,
 Sunt explorandae vires , quarum omnia aguntur
 Impulso ; neque enim solam natura quietem
 Affectat ; neque sola in rebus inertia regnat .

Motus varii in vera natura.

Aspice quam varii motus terraque poloque ,
 Quaque patens longe protenditur Amphitrite ,
 Et quam discordes gignantur . nempe quibusque
 Addita corporibus vis est , qua exercita nunquam
 Cessant , & se se , varium alternantia nisum ,
 Ipsa adversa trahunt , nec non averfa repellunt .

Indicia utriusque virtutis,

Et trahentis,

Utraque vis pariter , si nunc utriusque requiras
 Non dubium specimen , tibi se se prodet apertis
 Indiciis ; & prima quidem in magnete , propinquum
 Qui ferrum rapit , & properat conjungere secum ,
 Quo tandem id fiat naturae foedere , raptum .

Et repulsivae.

Ostendet vero se se vis altera multo
 Pluribus indiciis , si tantum lumina paullum

Inter-

Intendas . mollis viden , ut tenuissima lanae
 Vellera , in angustum pugno contracta tenaci
 Si per vim fuerint , subito obluctante renisu ,
 Restituant se se spatio laxata priori ?
 Particulae fugiunt se nempe ; odere teneri ,
 Attractumque averfantur , pressaeque repugnant .
 Particulas quoque te fugientes multa docebunt ,
 Quae passim occurrunt medio vaga corpora caelo ;
 Utrarescentes nebulae , fumique volucres ,
 Et late fusi vacuum per inane vapores .
 In primis vero longe manifestius aër
 Hoc ipsum ostendet ; qui nullo sine patentes
 Sortitus campos tranabilis (a) aetheris , ullis
 Arctari vinclis negat ; atque extendere se se ,
 Et caelo gaudet decurrere liber aperto .

N 4

Insu-

(a) Hoc vocabulum fortasse aput vetres latinae linguae Scriptores non invenitur, sed cum ad aliorum similitudinem inflexum sit, quae a probatissimis auctoribus usurpata passim occurrunt ; non video, quare ab auctore nostro usurpari recte non potuerit. Virgilius a verbo *spiro* effinxit *spirabile*, a verbo *penetro* *penetrabile* ; quae tandem, obsecro tam superstitiosa religio impedit, quin a verbo *trano* *tranabile* formari possit? quidquid contra dicant non nulli verborum aucupes, qui tum deorum latinae se arbitrantur scribere, cum nullum verbum, nisi quod in antiquis Scriptoribus invenerint, usurpant ; verborum inquam aucupes, qui de vocibus plus nimio solliciti, parum de Syntaxi seu constructione laborant, in qua tota non fatinae linguae solum, sed cujuslibet idiomatis sita vis est. Legatur hac super re M. Antonii Flaminii Viri doctissimi, & Poetae celeberrimi epistola, quae prima occurrit inter editas una cum ejusdem carminibus a Cominio Patavii an. 1743. Hanc qui legerit, nimirum profecto exsuet in scribendis superstitionem.

*Spatii inter-
valla no-
tanda sunt*

Insuper haec ; spatii sunt intervalla notanda ,
Quae vires certis moderantur legibus , atque has
Intendunt persaepe tibi , persaepe remittunt ;
Nonnunquam omnino segnes ad munera reddunt .
Stabit iners ferrum , si longe absistat amico
A lapide ; accurrit citius , magneta propinquum
Sensit ubi . At contra nulla est distantia tanta ,
Quam non exsuperet gravitas ; non longa ratardant
Vincere nitentem cursu intervalla citato .

*Vires cor-
porum va-
riant .*

Observantur item minimae , quae corpora pangunt ,
Consertae partes multum variare , nec omnes
Exerere aequales in singula corpora vires .
Scilicet interdum quae vis est acris ad illa
Corpora , nonnunquam torpet tibi segnis ad ista .
Proximitas quidquam non confert summa ; propinqua
Non fecus irritant , longe ac si corpora distent .

*Leges vi-
rium diver-
sae .*

Hinc variae emergunt vario discrimine leges ,
Quas satis intenta nunquam meditare cura ;
Quippe harum arbitrio vertuntur plurima , quorum
Frustra alibi certam nitere inquirere causam .

*Una tan-
tum lex cō-
stituta a
Boscovi-
chio .*

Quanquam est , qui legem tantummodo fanciat unam
Materiae punctis communiter omnibus ; atque hac
Sola contentus , sola hac instructus abunde
Praecipua exsequitur naturae . nempe revincit
Inter se numero variantia , & ordine puncta ;
Tum vis pro vario numero plexuque struentum

Corpora punctorum varios ciet addita motus ,
Diversi ut positus atque intervalla tulere .

Nec vero solum spatii discrimina adaugent ,
Aut contra minuunt , varia ut sunt corpora , vires ;
Sed vis ipsa trahens tibi , quod mirere , repellens
Nonnunquam evadit , verso in contraria nisu .

Vis tra-
hens ali-
quādo eva-
dit repel-
lens .

Ac , ne longe exempla petas , cum segnis ad ignem ,
Aspera brumales spirant ubi frigora cauri ,
Tute sedes , versasque tenaci forcipe prunas ,
Aspice , si lenti coëant capita ultima ferri
Pressa manu , ut fugiant se se , & contracta prementi
Dextrae obluctentur , constringentemque fatigent ?
Sin autem multa tibi vi distracta recedant ,
Continuo oppositum gigni mirabere nisu .
Ac neque jam fugiunt se se diversa , sed ultro
Adversa accedunt ; & , quo distractio major ,
Vis etiam augescens momento crescit eodem .

Hujus rei
exemplum .

Hae sunt , hae vires illae , super omnia habere
Quas bene perspectas exploratasque necesse est ,
Quasque ego non possim fatis inculcare volenti
Intima naturae scrutari arcana latentis .

Cognitio
Virium ne-
cessaria .

His sine fas nulli tantos penetrare recessus ,
Atque adeo abstrusos ; his est feliciter usus
Nobilis ante alios hac tempestate Britannus .

Isacus Ne-
vton .

Tu quoque naturam contemplanturus iisdem
Utitor . haud illis quidquam certaverit , & tot

Discor-

Discordes secum eventus componere, totque
Perplexas rerum variarum evolvere causas.

Nunc age, quandoquidem harum est infinita potestas
Naturam rerum late diffusa per omnem,

*Virium
translatio
ad res chy-
micas.*

Has ipsas Chymicae diversa ad munera vires
Confer. nil etenim fortasse expressius actam
Virtutem ostendet per singula corpora, & illos
Eventus una, quorum nunc altius omnis,
Et prima hic nobis investigatur origo.

*Officina
chymicae
describitur.*

Quin modo sollertis ne daedala tecta subire
Te mecum pigeat Divae. mirabere multa
Constructos hic arte focos; hic ignis anhelans
Aestuatur, & clausus centum fornacibus ardet.
Ipsa operum princeps; ipsa omnia digerit; ipsam
Affusae mediam dextra laevaue frequentes
Accipiunt comites; unam admirantur, & omnes
Paeonium in morem pallam post terga revinctae
Certatim exercent se se, &, quod cuique tributum est,
Incumbunt operi. Pars pubescentia florum
Germina, demessum populati veris honorem,
Deproperant trepidae plenis afferre canistris;
Pars herbas stirpesque domant ferventibus undis,
Atque salutiferos educunt inde liquores.
Sunt, quibus est studium subtilius; igne liquatis
Corporibus lento, sal illa volatile; pingue
Elicit haec oleum; tenues contra ista vapores

*Varia mu-
nera artis
chymicae.*

Expri-

Exprimit; ast aliae commifcent corpora fecum
 Delectu vario; tum, quid commixtio gignat,
 Obfervant tacitae. Quid multa? idem omnibus ardor
 Munere quanque fuo fungi; labor additus urget,
 Et dominae fimulos fubdit praefentia Divae.

His ita decurfis oculo properante, quod inftat
 In praefens, obferva attentius; ac mihi primum
 Quo diftracta modo folvantur corpora difce;
 Dein ut praecipitent imo coeuntia fundo;
 Atque acri demum ut fermento agitentur & aestu.
 His tribus inſpectis, Chymicae quae prima feruntur
 Munera; tum facile addifces ut noſtra propaget
 Se virtus, varioque fluens per corpora lapſu
 Una tot eventus tanto difcrimine gignat.

Solvitur injectum fal undae; regia ſolvit
 Lympha aurum; fulvi videas difcreta metalli
 Difpergi toto paſſim vaga femina labro;
 At, quod mireris, fundum, contra atque repoſcat
 Lex gravium, nequaquam adeunt reſoluta; ſed uſque
 Hac illac tendunt fluitare natantia, donec
 Exigui falis injectu depreſſa reſident.

Tentare hoc poteris, ſubeat ſi quando voluntas.
 Interea miri certam diſquirere cauſam
 Si cupis eventus, hanc non ſcrutabere fruſtra,
 Si memori recolens animo modo dicta retractes.
 Ac primum vires tecum perpende trahentes,

*Tria obſer-
vanda at-
tentius, So-
lutio corpo-
rum, Prae-
cipitatio,
Fermentum.*

*Lympha
regia ſol-
vit aurum.*

*Sal aurum
fundo mer-
git.*

*Explicatio
hujus phaenomeni,*

Mo-

Momenta , ut docui , explorans , an nifus utrinque ;
 Anne & pondus idem ; tum , quo distantia partes
 Limite diffociet , metire ; his rite peractis
 Haud dubie invenies , ita non adstringier arcte
 Particulas auri secum , multo acrior ut non
 Sit vis solventis lymphae , minimasque trahentis
 Ad se auri adductas majori robore partes .
 Nec vero infringet robur , nifumque retundet ,
 Siquam deprendas mediam , distantia ; nanque haec
 Non adeo lato disjunget limite partes ,
 Nec tam immanis erit , queat intercludere ut omnem
 Vim , multoque minor , si illam metabere , quam fit
 Quae minimas ad se partes vis attrahit auri .

*Quare au-
 rum dissol-
 vatur .*

Particulas igitur lymphae solventis ad aurum
 Fortior impellens urget vis ; ocyus illae
 Parent , & fulvam facto velut agmine massam
 Affusae circum vallant , obeuntque frequentes ;
 Nec satis ; insinuant se se , penitusque receptae
 Intervalla , poros superant , & tota pererrant
 Intima comprehensae subeuntes viscera massae .
 Fit via vi . solidi partes cessere metalli ,
 Inque vicem distractae abeunt ; atque inde soluta
 Aurea cernuntur media corpuscula lymphae .

*Solutum
 aurum . cur
 subito non
 mergatur .*

Cur autem non ima petant , fundoque residant ;
 Sed pergant summo fluvitare innantia labro
 Ne mirere , eadem nimirum causa recurfat ,

Que

Quae modo contritum in partes dispescuit aurum .
 Rursus enim coeunt lymphae solventis eadem
 Particulae ; accurrunt rursus , mediasque coercent ,
 Et cumulis totidem vallant stipantque , quot auri
 Offendunt partes disiecta mole revulsas .
 Plurimus his cumulis globus accurrentis eodem ,
 Et circum affusae concrevit ab augmine lymphae ,
 Nucleus in medio pars fulvi avulsa metalli ;
 Inde tot aequata globuli nant mole , quot auri
 Ditractae fuerunt partes , quas agmine denso
 Lympha ambit , prohibetque imo subsidere fundo .
 Nec si alius majorem alio concrevit in orbem
 Concurfu lymphae globus , indulgere propinquo
 Tantundem haud renuet , quantum & mensura requirit
 Certa , & finitus globulis modus omnibus idem .
 Hoc vis ipsa trahens , nec non majorve minorve ,
 Quae nifus momenta regit , distantia curat .
 Hinc est , quod guttae lymphae stipantis in orbes
 Aequales coeunt ; hinc & corpuscula tota
 Aurea suspicies aequae fluitantia lympha .

*Plures glo-
buli con-
crevunt .*

*Modus glo-
bulorum ae-
qualis .*

Discendum modo , quod sequitur , cur pressa residant ,
 Praecipitentque imo jactu salis acta profundo
 Semina , distractis quae partibus aurea toto
 Vidisti admirans paullo ante innantia labro .
 Hic iterum ad vires si regredi trahentes
 Momenta explorans nifus diversa , remensus

*Aurum a
sale depri-
mitur .*

*Affertur
ratio hu-
jus depres-
sionis .*

Si

Si rursus spatii tecum intervalla notabis ,
 Quaesita haudquaquam fugiet te causa latendo .
 Comperies etenim vi contra urgente retractas
 Solventis lymphae salis ad corpuscula nisu
 Particulas adigi majore , auroque relicto
 Illuc concursu subito contendere , quo vis
 Fortior impellit . versis sic ordine rebus ,
 Quae tibi distractum prius obvallaverat aurum ,
 Regia digrediens medium nunc lympa liquescit sal
 Amplexata tenet , circumque affusa revincit .
 Aurum continuo , lympa stipante relictum ,
 Depressum cadit ingenita gravitate , minuti
 Pulveris in morem , & fundo subsidit in imo .
 Non secus ac , densis siquando vaporibus altum
 Contexere polum nubes , cœuntibus una
 Particulis sensum minimis ; ubi grandior aucta
 Concrevit moles , suspendier amplius axe
 Quam possit , gravior de caelo depluit imber ,
 Et teretes summo labuntur ab aethere guttae .

*Explicatur
 fermentum .*

Postremum studio tibi non levioze notandum
 Fermentum restat ; quo nempe agitante , tumultus ,
 Atque anceps oritur vario discrimine rixa .
 Conatu toties hoc non tentabis inani ,
 Mixta simul quoties secum pignantia junges
 Corpora . Tum vero infesto discordia motu
 Infert se mediam ; magnis certat ut utrinque

Dissi-

Diffidiis ; vis nempe trahens , contraque repellens
Secum contendunt & mutua praelia miscent .

*Pugna vi-
gium .*

Hi motus verum , nec non certamina tanta
Haud longum durant ; quin & tranquilla repente
Excipit haec aliquando quies ; aliquando fit ingens
Murmur , & horrissono cessant discussa fragore .

Horum tu specimen capies , si mixtus aceto
Sit candens limus , medico de fonte petitus
Nuceriae ; permixta inter duo corpora primum
Ingens dissidium ; fervent , agitantur , & alte
Exsultant ; tum magna quies ; componitur omnis
Motus ; quaeque prius pugnabant corpora , secum
Foedere conspirant adeo & junguntur amico ,
Acres ut stimulos mordax deponat acetum ,
Et dulcem accipiat limo ex candente saporem .
At longe secus , abradi si cum scobe ferri
Mixta superfusa irroraris sulphura lymphæ .
Continuo excitas multo violentior aestus
Exagitat partes , subitusque accenditur ignis .
Rixantur secum discordia corpora , tantisque
Adversa inter se contendunt motibus , atrox
Non nisi ut ingenti dirimatur pugna fragore .

*Exempla
hujus pu-
gnæ .*

Hoc quidam edocti exemplo , didicere corusca
Fulguraque , & tonitrus , terraeque effingere motus ;
Tum quos *Vulcanos* appellavere , Vesevum ,
Trinacriamque Aethnam , rupta fornace furentem ,

*Fulgetra
& terrae—
motus per
indum effi-
cia .*

Flam-

Flammarumque globos liquefactaque faxa vomentem .

*Cajetanus
Amatus e
Soc. Jesu .*

Quales follerti nobis descripsit *Amatus* (a)
Ingenio praeſtans , auſus penetrare ſub ipſa
Viſcera terrarum , & cauſas proferre repoſitas
Tantus inexhauſtis cur de fornacibus ignis
Ardeat , aeterno non extingendus ab aevo .
Nempe Vir omnigenas hic informatus ad artes ,
Egregius primum rhetor , mox acer opacae
Naturae inſpector , tum diſceptator honeſti ,
Muneribus tantis inventus idoneus unus
Multiplici inſignem peperit ſibi nomine famam ;

Id vero , inſtitui quod ſupra dicere , qua nam
Arte uſi efficiant , paucis , adverte , docebo .

*Modus id
ipſum effi-
ciendi .*

Cum ſcobe corraſi vivacia ſulphura ferri
Accipiunt ; tum mixta ſimul , congeſtaque parvi
In ſpeciem tumuli cogunt ; hic ceſpite vivo ,
Aggeſtaque operitur humo , tumulique ſupino
Exſtructas dorſo , ſeu molli e ſubere , ſive
E tenui libro peluſiacaque papyro ,

Im-

(a) Cajetanus Amatus e Soc. Je. Vir inſigniter eruditus, Rhetor, Philoſophus, & Moralis Theologiae Doct̃or, ea jam in publicam lucem edidit, quae de ejus ſingulari eruditione eximiaque doctrina dubitare non ſinunt; quibus praefidiis inſtructus tot, quae reſenſimus, munera cum laude ſuſtinuit. Operum porro ab Amato editorum tituli hi ſunt. *Di-*

viſamento critico ſulle correnti opinioni intorno a' Fenomeni del Veſuvio e degli altri Vulcani. In Napoli an. 1765. Summa Moralis Theologiae hauſta ex opere P. Nicolai Mazzotae e Soc. Je. Neap. an. 1761. Opus hoc pluribus tomis comprehenſum eſt, quibus quintus tomus accedit non aliunde depromptus, ſed totus ab ipſo Amato elaboratus.

Imposuere casas . his actis , desuper undam
 Irrorant large ; humor ubi perfedit ad ima ,
 Nec mora ; fermento partes agitante revulsas ,
 Impositas nutare casas , tremere omnia circum
 Aspicias . tumuli vertex referatur , & ingens ,
 Non sine terrifico sonitu , disclusa repente ,
 Omnia subvertens prorumpit ad aethera flamma .
 Hoc quoque particulis tribuendum . hae mutua secum
 Dissidia exercent , & se fugitantque trahuntque
 Alterno instabiles , varia ut distantia , motu .
 Utraque vis pariter venit in certamen , & inde
 Atrox dissidium ; nec habet discordia finem ,
 Dum media incertam dirimat victoria pugnam .
 Praeualeat si forte trahens , quae corpora secum
 Miscueris , coeunt simul & sociantur amice .
 Aemula sin autem duro in certamine victrix
 Vis contra superet ; nec pax , nec foedera , tanti
 Nec belli modus ; insurgens secum omnia donec
 Auferat , & superas turbo disperdat in auras .

*Dissidium
 particula-
 rum & cer-
 tamen vi-
 sium .*

*Variis effe-
 ctus conse-
 quuntur .*

His ita praemissis , age , jam subit ultima cura ,
 Et brevior superest vicina ad littora tractus .
 Nam , quod corporibus , quae consuevere receptam
 Virtutem imbibere , insinuans haec tota pererret
 Aequae diffuso virtus per viscera fluctu ;
 Non alias extra tibi vim censeto trahentem
 Quaerendas causas . Vis nempe illa ipsa , solum

*Reditus ad
 propositum .*

*Cur fluctus
 diffundun-
 tur in cor-
 poribus par-
 ticipatione
 electricis .*

O

Quae

Quae modo sejunctis distraxit partibus aurum ,
Disgregat , & fluctus partes dispensat in omnes .

*Cur corpora non dis-
solvantur .*

Quod vero hic minime nobis disjecta fatiscant
Corpora , quod maneant hic omnia salva , suisque
Cuncta immota locis , inde est , quod fortior inter
Se nexas partes vis alligat . ergo receptus
Insinuans tantum subit intervalla , porisque
Spargitur illabens , integro corpore , fluctus .
Nec minus interea comprehendit , & ambit inhaerens .
Auri in particulis quod mirabare solutis ,
Particulas solidi , & teretes concrefcit in orbes .
Hos autem aequali distantia mole rotundat ,
Atque aequa pro parte locat ; distantia nempe
Quae vim pro imperio minuitque augetque trahentem .

*Fluctus in-
crementum
explicatur .*

Jam , si nonnullis accrescat copia major
Corporibus rigui fluctus , causa inde petenda ,
Quod vis ipsa trahens se longius efferat , ipse
Affusi fluctus quam sit modus ; unde priori ,
Quo madet imbutum corpus , nova copia fluctus
Forte superveniens accedat , & inde recentes ,
Qua licet usque , novis fiant accessibus auctus .

*Leges Vi-
rius non
obstant in-
cremento .*

Adde , quod in praesens nihil adversatur ; & ipsae
Haudquaquam leges descriptae viribus obstant ,
Quo minus augeri queat , arctarique premendo ,
Et mage condensos stipari fluctus in orbes ;
Unde trahens quoque vis & contendatur , & ille

Lar-

Largius interdum nonnullo in corpore abundet.

Sin autem interiora vacet, penitusque reposita
Explorare, &, quae medio corpuscula centro
Abdita resisterunt, rimari attentius; horum
Majorem inveniens molem, tibi praedita quam sint
Quae reliquis latuere globis conclusa; modoque
Vim quoque pro vario augeri minuique trahentem.
Hinc minor attracti, vel major copia fluctus;
Quo minor aut major minimis, quae corpora texunt,
Addita particulis vario est discrimine moles.
Nam, certam etsi mensuram natura quibusque
Provida corporibus descriptam sanxerit, ultra
Quam fluctus, quanquam larga adsit vena, perennes
Exforbere nefas; vulgo tamen omnia eandem
Non retinent. hoc idcirco, quia plurima saepe,
Et multum variant; species, vis indita, moles,
Ipsa superficies, atque intervalla globorum.

Illud praeterea sollerti indagine dignum est,
Corpore in alterutro superans cur fluctus iniquis
Ponderibus nutet; cur idem saepe relabens
Aestuet hac illac refluxo in contraria motu,
Momentis donec paribus libretur utrinque.
Sed teretum extremas orasque modumque globorum,
Atque superficiem si contempleris, eundem
Hinc atque hinc nisum nequaquam viribus aequis
Deprendes; minimis variat vis indita multum,

Ratio subtilior huius ipsius incrementi.

Cur in exceptando fitu electrica corpora non eundem modum teneant.

Cur fluctus incertus nutet.

Pro inaequalitate virium inaequalitas motus.

Diverſa pro mole , globis ; variantia fluctus
 Qui ſequitur momenta , ſtatim ac librata quieſcit
 Viſ titubans , globulis aequa pro parte tributis ,
 Ipſe etiam aequato tum demum examine ſidit .

*Progreſſus
 ad corpora
 origine ele-
 ctrica .*

Haec bene corporibus , miros quae nata vapores
 Exceptare ſinu , atque alieno crefcere cenſu ,
 Conveniunt ; eadem reliquis ut non minus apte
 Corporibus quadrent , quae primo electrica ab ortu

*Proprietas
 horum cor-
 porum ex-
 penditur ,
 et explicatur .*

Diximus , expediam paucis . Ita ſcilicet imis,
 Haec alium longe morem fortita , retruſos
 Viſceribus claudunt ; adeoque tenacia ſervant
 Ingenitos fluctus , ut non patiantur eoſdem
 Sponte ſua irriguo quoquam perrepere curſu .
 Hoc tibi conjunctim viſ & diſtantia major
 Efficiunt . dirimit globulos diſtantia , tum viſ
 Particulas liquidi ſolidis agglutinat ; atque hinc
 Pigra quies , nulluſque tenaci in glutine motus .

*Explicatio
 phaenome-
 ni ſingula-
 ris .*

Torporem ſedenim interdum , pigramque quietem
 Ipſa etiam excutiunt , ſiquando fiat , eodem
 Temporis ut momento tantumdem extima fluctus
 Corporis ejuſdem acquirat pars , altera quantum
 Extima item atque adverſa amiſit ; dummodo partes
 Exiguum dirimat ſpatii diſcrimen utraſque .
 Quandocunque autem praeter contingere morem
 Hoc animadverſum a te ſit , tunc omnia juncto
 Foedere conſpirant , ſpatii diſcrimina , nec non

Utra-

Utraque vis pariterque trahens , pariterque repellens .
 Hanc secum ipse exercet , ubi distantia major ,
 Fluctus ; ubi brevior partes determinat , illam
 Cum liquido exercent solidi corpuscula fluctu .

Postremo hæc eadem siquando corpora fluctus
 Acquirantque novos , veteresque attrita requirant ;
 Quanquam hoc perraro eveniat ; sed si tamen unquam
 Contingat ; minime nam quæ eventura putamus ,
 Interdum fors ipsa haud expectantibus offert ,
 Te refer ad motum , cuius violentia partes
 Corporis attriti permiscet , & ordine turbat .
 Ordine turbato , & propria jam sede relicta ,
 Particulæ hac illac certa sine lege feruntur
 Incertæ , inque vicem modo se fugiunt , modo secum
 Una ipsæ cœunt ; sic alternantibus istis
 Conciliis & dissidiis , fit ut , obvia quando est
 Nunc minor irrigui , nunc major copia fluctus ,
 Cum vario alternent dispendia mutua lucro .

Incrementum fluctus & decrementum his in corporibus expenditur ;

Et ratio offertur .

Legibus his passim faciles per corpora aguntur
 Arcani fluctus ; his ipsa *electricæ* virtus
 Paret , & illapsu jugi diffusa per omnem
 Naturam rerum , terrasque polumque pererrat
 Una tot eventus miro discrimine gignit ,
 Tot lusus ciet una , & tot spectacula , quorum
 Altius hinc prima repetens ab origine causam ,
 Non est a quoquam super his cur plura requiras .

*Conclusio
operis.*

Hactenus haec, quantum novitas, atque aspera rerum

Materies vatem fivit, conatus iniquas

Ad Pindi leges utcunque exponere, finem

Hic demum statuam; neque ego te, absiste vereri,

Amplius, usque nova inculcans documenta, morabor.

*Defatiga-
tio aucto-
ris.*

Sat tulimus (a) longi fastidia dura laboris,

Sat latum pelago spatii confecimus aequor;

Et vix scyllaeam rabiem superavimus, aegre

Acta tot scopulos inter, syrtesque dolosas,

Navifragosque sinus cymba; quam nunc male tutam,

Atque fatiscentem laxa compagine, tempus

Collectis tandem ad littus subducere velis.

Jam sale tabentes artus, jam fessa levare

*Secessus
auctoris in
Suburbanam
Villam.*

Membra errore viae longo juvat, atque periclis

Defunctum tantis illo contendere, quo me

Blanda voce vocat, reducemque invitat amoeno

Villa

(a) Fortasse auctor in hac ultima digressionem prolixior justo videri poterit. Sed magno se auctore tuetur, Virgilio nempe, qui in Georgicorum fine etiam ipse liberius ac longius evagatur. Hoc autem, absoluto opere, concedendum Poetae censet Hieronymus Vida, Poeta summus & poeticae artis Doctor in primis egregius, qui lib. 2. Poeticorum vet. 247. ait; *Vidi etiam, qui, jam perfetto munere, longam Subjocera moram, extremo sub fine vagantes Exa-*

florum operum, vacua dum carmina musa In longum traherent; & quae sequuntur. Hoc autem ipsiusmet Virgilii exemplo confirmat Vida, quod in allatis versibus vel praecipit, vel certe insinuat atque imitandum proponit; subdit enim paucis interjectis, Me nulla idcirco quiret vis sistere, quin post Naturas & apum distas, & liquida mella, Tristis Aristaei quaevis, monitusque parentis Prosequeretur dulci sermone, & Protea vincum.

Villa (a) beata sinu , quae condita Tusculo alto
Surgit , & adversis supereminet ardua campis .

*Villa
Tusculana
Collegii Ro-
mani .*

O umbrae dulces , fortunatique recessus !
O antra ! o sylvae ! statio o gratissima longe
Una mihi ante alias ! requies o sola laborum !
Ut te nunc tandem , tot post & fortis acerbae
Adversos casus , & tot discrimina rerum ,
Exsultans animis , longum exoptata , reviso !
Haud ego vel nemora Alcinoi , vel Theſſala Tempe ,
Hesperidumve hortos , jactent quanquam aurea poma ,
Praetulerim tibi . Quid primum nunc carmine nostro ,
Quid nunc postremum celebretur ? an editus alto
Colle situs ? liquidi an species nitidissima caeli ,
Et circum liber Latium prospectus in omne ?
Directae anne viae , surgentesque ordine lauri ,
Vivacesque oleae , & laetam spatiantibus umbram
Plurima consertis praetextens frondibus arbos ?
Commoda an aucupio loca passim ? an finibus ipsis
Prischorum conclusa tuis monumenta Quiritum ?

*Villae a-
moenitas .*

*Vetera mo-
numenta .*

Quo se cunque ferant oculi , quocunque per amplam
Planitiem inciderint , nusquam non obvia scitu

O 4

Et

(a) Villa Tusculana Collegii Ro- Villam ipsam nunquam viderit ; qui
mani . Quae de amoenitate situs vero vel semel adierit , tantum a-
hujus Villae , de salubritate aeris , berit , ut haec poetico more exag-
de pulchritudine auctor persequitur gerata putet , ut potius multo esse
in suspensionem ementitae verita- migora vero existimet.
tis is tantum vocare poterit , qui

Et digna occurrunt, & jucundissima visu.

*Prospectus
Romae.*

Quae quibus anteferam? se se pulcherrima primum;

Et septemgeminos ostentans ardua colles,

Spectandam ante oculos, orbis caput, aurea Roma

Offert, aspectuque suo beat alma tuentes.

En urbs, en illa auspiciis fundata Deorum,

Imperium terris, famam quae terminat astris.

*Mons Al-
banus.*

Surgens a laeva (a) se mons Albanus (b) ad auras

Tollit, & umbriferum caput intra nubila condit;

Nobilis exuviis mons olim ingentibus, & tot

Congestis donis populorum, opibusque superbus.

*Aedes Jo-
vis Latia-
lis.*

Longum ibi post sacra Latialis cultus in aede

Jupiter, unde (c) prius campum adspectavit, & acres

Aeneae Turnique acies Saturnia Juno.

Tibur.

At dextra de parte cubans super arce supinum

Tibur Palladios pulcro explicat ordine colles,

Udaque mobilibus pomaria consista rivis.

Quin & servat adhuc canae monumenta Sibyllae;

*Templum
Sibyllae.*

Apparent veteris longe vestigia templi.

Ille autem procul assurgens & mole sua stans,

Toti conspicuus Latio, mons editus alto

Verti-

(a) A laeva, nempe subiectam im-
mensam plenitiem aspicientis e moe-
niano sive podio domus.

(b) Quae hic de monte Albano, &
infra de Tibure, & de lacu Regillo
dicuntur, nota sunt, ut adnotatione
non indigeant. In his autem se-

quatus est poeta auctoritatem Jose-
phi Rocchi Vulpii Soc. Je. in suo
veteru prophano Latio. Vide tomum
8. romanae editionis 1742., ubi agi-
tur de Tusculanis & Algidensibus.

(c) Virgilius *Aeneid.* lib. 12. v. 134.

Vertice, Soracte est. praefes Soractis Apollo (a)
 Quondam, perpetuo cui taeda ardebat acervo
 Pineae, & incensis halabat odoribus ara;
 Ante pererrato pubes quam Troia ponto
 Ausonias monitis Divorum accederet oras.

*Soracte
mons.*

Huc acres intende acies; illam aspicias undam
 Stagnantem mediis non lato gurgite campis?
 Illic bella lacu quondam pugnata Regillo,
 Consule Postumio. Geminum cum Castore Pollux
 Pro re romana, pro libertate tuenda
 Fraenatis lucent in equis, atque agmina rumpunt
 Districtis juvenes gladiis, cristisque cruentis
 Terribiles. subita turbant formidine versi,
 Inque fugam monstris acti caelestibus hostes.
 Exultat spoliis Consul romanus opimis.

*Lacus Re-
gillus.*

Tybridis (b) hinc quoque thyrrenum labentis in aequor
 Est oculis cursum legere, & prope cernere longos
 Aeneam flexus superantem, atque anne quieto,
 Sceptra Palatini Evandri sedemque petentem,
 Tendentemque manu ramum pacalis olivae.
 Aspicias? an vana deludor imagine? Pallas,
 Rapto confestim telo, Sacrisque relictis,
 Accurrit propero vicina ad littora cursu,
 Compellatque virum, subitque expromere causam

*Cursum Ty-
beris.*

*Aeneae ad-
ventus ad
collē aven-
tinum.*

Ad-

(a) Virgilius Aeneid. lib. II. v. 785. dicat fute narrat Virgilius lib. 8. Ae-

(b) Quae hic stictina auctor in- neid. a ver. 86. ad ver. 124.

Adventus cogit ; tanto dein hospite laetus

*Excipitur
ab Evan-
dro.*

Cari ad conspectum patris deducit ; at illum

Una cum fociis summo rex Arcas honore.

Accipit , exstructisque jubet considerare mensis .

Sed quid ego longinqua sequor , cum , limine in ipso

Vestibuloque domus , cupidis se se obvia multa

*Gabinii
Villa.*

Sponte ferant oculis aequae admiranda . Gabinj (a)

Hic illae insanae moles , eductaque caelo

Sumptibus immodicis operum fastigia . at illic ,

*Luculli
Villa.*

Quae disiecta solo vastam traxisse ruinam

Passim sparsa vides immania faxa , Theatra ,

Circosque , & calidis fumantia Balnea labris ,

Et Lucullani signant vestigia fastus .

Sin mollem haud pigeat paullum conscendere clivum ,

*Tusculum
vetus.*

Moenia Telegono (b) quondam fundata subibis .

Rudera cernis adhuc priscam testantia famam .

Sed quanquam multis mihi sis , o villa beata ,

Nomi-

(a) Quod de Gabinii & Luculli Villis auctor affirmat , hoc quoque , opinionem Josephi Rocchi Vulpii e Soc. Je. Viri eruditissimi , & qui praefens totum Latium cognovit ac perlustravit , sequutus affirmat . Videatur ipse Vulpius in suo *Latii prophano* tomo supra citato .

(b) De situ antiqui Tusculi disputant nonnulli . Sed hicaligare in Sole , ut habet vetus proverbium apud Quintilianum , mihi videntur ; quippe qui id ipsum , quod oculis

usurpant , non videant . Exstant enim adhuc tot ac tanta rudera in editio- re parte montis , ut de situ nobilissimi municipii dubium omne eripiant . Visitur etiam nunc ipsa urbis porta ; exstant adhuc reliquiae amphitheatri , quae pristinam formam ex parte retinent ; parietinae ipsae , quae magna copia supersunt , antiqui Tusculi situm nobilitatemque testantur & produnt . Porro Tusculum vetus conterminum est Villae Collegii Romani .

Nominibus jucunda, illud tamen omnibus unum
 Praetulerim, fueris quod sedes hospita quondam,
 Ante alias dilecta Viro, (a) qui munere linguae
 Praestans, eloquio tantum supereminet omnes,
 Quantum armis reliquas romana potentia gentes.
 Hoc uno fruor, hoc uno pascor magis; hoc est,
 Quod fortunato felicitis limina villae
 Auspicio primum subeuntem ita perculit, ut non
 Tam species positusque loci, quam grata recurfans
 Menti summa Viri virtus me ceperit. ergo
 Huc ne frequens olim se se conferre, sinuque
 Tullius ille tuo se se abdere, cum procul Urbis
 Infanas fugeret turbas fastumque, solebat?
 Socraticos ne ille hic libros conscripsit, & almas

*Villa Tu-
 sculana Ci-
 ceronis.*

*Ciceronis
 quaestiones
 Tusculanae.*

Largo

(a) Situm Villae Collegii Roma-
 ni cum ipsum ipsissimum esse, in
 quo olim M. Tullius Cicero suum
 Tusculanum ad secessum & otium
 habebat, & ubi *Quaestiones illas suas
 Tusculanas* scripsit, probat invictissi-
 mis argumentis Jo. Lucas Zuzzerius e
 Soc. Je., in prima e duabus, quas vocat,
 dissertationibus editis an. 1746. Ve-
 netiis. Utinam ingeniosissimo juve-
 ni, & rerum antiquarum peritissi-
 mo diu vitam propagare licuisset!
 par utique maximis, qui in studio
 antiquitatis excelluerunt, Viris eva-
 sisset. Sed immatura morte praerep-
 tus, summum sui desiderium, &
 unica illa duo, de quibus modo men-

tionem fecimus, ingenii atque erudi-
 tionis suae reliquit monumenta. Cae-
 terum Villae agro conterminum ae-
 dificium est, quod etiamnum a po-
 pularibus omnibus, immo vero a
 ryricalis & bubulcis *Scholae Cicero-
 nis* appellatur; appellatione antiquis-
 sima, quae longa ac nunquam in-
 tercisa derivatione ad nostra usque
 tempora profluxit. Quod genus ve-
 racissimi testimonii in rebus ab ae-
 tate nostra remotissimis, & densis
 antiquitatis tenebris involutis, ma-
 gni ponderis existimandum esse cen-
 seo; & conjecturis, quae plerun-
 que leves sunt & fallaces, jure ac mo-
 nito anteponendum.

Largo fudit opes de pectore , queis Latium omne
 Ditavit , docuitque metus contemnere , & acres
 Curarum morfus , & inexorabile lethum .

*Desideriū
 perpetuae
 commora-
 tionis .*

O ! mihi si detur non ullo tempore , caro
 Divelli hospitio ! captarem frigus & umbras
 Hic solus , placidumque lubens inglorius aevum
 Exigerem ; longe strepitus & fumus inanis ,
 Longe hinc vana forent dominae spectacula Romae .
 Quod si tantum otj negat indulgentia Divum ;
 At licet , ingratae post taedia longa palaestrae ,
 Immodicosque aestus , cum primum lenior aura
 Spirat , & Autumnus (a) mediis caput exerit arvis
 Pampineum caput , & pomis redimitus & uvis ,
 Ire licet , pube indocili & procul urbe relicta ,
 Quo , jam confectum curis fractumque labore ,
 Dudum vota animi desideriumque ferebant .

*Autumno
 ineunte rus
 adeundi fa-
 cultas .*

*Quies &
 otium .*

Ut ventum est ; tristis Curarum turba resistit
 In foribus ; nec sedem intra importuna beatam
 Audet ferre pedem , vetitosque intrare recessus .
 Occursant jucunda Quies , atque alma Voluptas
 Diva loci praefes , quam Lusus mille sequuti ,
 Lususque , innocuique Sales , liquidique Lepores ,
 Hinc atque hinc lateri glomerantur , & agmine facto
 Incedunt una , & dominam comitantur euntem .

Ac

(a) Autumno ineunte Collegii Ro- gravissimis , quibus per totum annum
 mani Doctores Villam Tusculanam pe- perfuncti sunt , jure concessio .
 tere solent otio fruituri , laboribus

Ac jam sollicitis solvunt se pectora curis ,
 Jamque animus spatii obstantia claustra refringit ,
 Impatienſque morae , campos & nactus apertos ,
 Liber , ovans , exultat ; uti praefepia vinclis
 Cum fugit abruptis ſonipes , aut victor in arva
 Excuffo ſeſſore volat ; cervicibus alte
 Emicat arrectis ; ludunt per colla ſolutae ,
 Luxuriantque comae ; reſonant hinnitibus agri .

*Curam
levamen .*

Hic licet intentum laxare remiſſius arcum ,
 Et , ſtudiis procul auſteris abſiltere juffis ,
 Otia blanda ſequi . datur hic ſimul aethera purum
 Ducere liberius , ſimul & componere vitam ,
 Ut magis arridet , non interdicitur . ergo
 Aut ſomnos juvat ad multam producere lucem ;
 Aut matutini praevertere lumina ſolis ,
 Et Zephyros captare leves , cum mane ſereno
 Aurorae antevolant curruſ , atque aëre ludunt .

*Vitae ge-
nus paullo
liberius li-
cet inſi-
tuere .*

Hic nihil eſt , animum quod carpat , quodque ſalubre
 Inficiat caelum , tranquilla vel otia turbet .
 Non aeris ſonus ingrati de turre vocantis
 Palladium auditur conſueta ad penſa juventam ,
 Doctoremque una , qui duro in munere totam
 Contrivit miſer aetatem (a) ; non garrula circum

*Ceſſatio a
munere do-
cendi .*

Ob-

(a) Auſtor in laborioſiſſimo at- viginti ſeptem annos conſumpſit .
 que aerumnoſiſſimo docendi munere , Quandiu vero Romae Rhetoricam do-
 meliorem aetatem exegit , & totos cuit , magna floruit auditorum fre-
 quen-

Obstrepat, & fessas pubes diverberat aures.
 Quamquam hoc de numero nostri ornamenta lycei,
 Et duri quondam solatia muneris, hic vos
 Et vobis similes aequum est excerpere; origo
 Quos commendabat non solum clara; sed ardens
 Discendi studium in primis, atque *unica virtus*
Nobilitas. omnes cepistis debita vestrae
 Praemia virtuti & spectatis moribus; uno
 Excepto tantum, flevit quem Gallia raptum
 Ante diem, primoque elatum flore juventae.

Verum ut sedulitas discentum attenta docentem
 Allevet, & duros possit lenire labores,

*Vitae va-
 rio ab au-
 ctore insti-
 tuti solita.*

Longe alia hic vitae, qua non jucundior ulla,
 Est ratio (a). Sacro perfecto munere primum,
 Parietibus septum, qui me mihi vivere aventem
 Secernunt turba, spumans ubi proluit ora
 Nectareus liquor ille, aganippidos Hippocrenes
 Quem fonti Aoniae modo suffecere Sorores;

Scri-

quentia, inter quos multi ex prima-
 ria tum romana tum extera nobili-
 tate numerabantur. Horum indi-
 cem texere & longum nimis esset,
 & supervacaneum. Atque hi quidem
 fere omnes nunc ad summos hono-
 res evesti sunt; uno tantum, ut ait
 poeta, excepto, quem immatura mors
 abstulit. Is est Fridericus Columna,
 qui fratrem, nunc S. R. E. Cardina-

lem amplissimum, tunc Pontificium
 ad Christianissimum Regem Legatum
 sequutus Parisiis non sine bonorum
 omnium luctu ob eximias nobilissimi
 juvenis virtutes elatus est.

(a) Vitae ratio, quae hic ab au-
 ctore describitur, non est ex inge-
 nio confecta, sed uti re ipsa ab eo-
 dem institui ac teneri solet, fide-
 liter exposita.

Scribere tunc versus juvat , aut versare Poëtas (a)
Lectos e paucis , & Phoebo digna loquutos .

Poëtarum
lectio .

Quam

(a) In longa hac Poëtarum ac elarorum Vironum e Societate Jesu , quos auctor persequitur , enumeratione fortasse a nonnullis affectatae ostentationis notam incurrisse judicabitur . Sed hanc ipsam notam , turpem sane atque odiosam , facili negotio poeta noster a se deprecatur , idoneorum auctorum , quos sequutus est , exemplo , tum externo , tum domestico . Atque externum quidem exemplum ei praeiuit celeberrimus Poeta Aëroftus , qui *Orlandi* sui cantico quadagesimo sexto bene longam Vironum ac Foëminarum illustrium , aut familiarium seriem contexuit . Idem praeiitit Petrus Angelius Bar-gaeus nobilissimus Poeta Latinus , lib.4. *Cynegeticon* , ubi , captata oc-

castione , Navagerios , Vidas , Cafas , Fracastorios , Varchios enumerat , & copiose laudat . Bernardus vero Tassus dimidiam centesimi cantici , quod egregii Poëmatiss , *Amadis* inscripti , postremum est , partem in recensionem illustrium sui temporis Vironum ac Foëminarum consumit . Multa cum in toto Poëmate , tum in hoc ipso cantico ab Auctore dicta praeclare ; illud vero praeclarissimum , quod , opinor , a poetæ nostri sententia non abhorret ; nimirum , si cui proluxa fortasse nimis & longior ab se instituta enumeratio fastidium creet , facile , praetermissis aliquot paginis , huic incommodo occurrî posse . Placet hoc loco Tassii ipsius carmina asserre

*Se ad alcun par , che il tempo abbia consunto
In lodar questa Dama , e quel Signore
In van ; passin tre carte appunto appunto ,
Ne mi dian biasmo , onde n' attendo onore ;
L'esser da cortesia scervo , e disgiunto
Non è di generoso , e nobil core ;
Anzi mi doglio non poter memoria
Di molti far , che son degni di gloria .*

Hoc vero , quod his postremis versibus queritur Tassus , se nempe plurimorum , quos nominare voluisset , cum laude mentionem facere non posse ; id quoque est huiusmodi , ut ad

Parthenii nostri ingenium prolatum , ejusque sentiendi rationi maxime consentaneum sit , qui quidem vehementer dolet se multos , tum ex domesticis , tum vero praecipue ex externis
omni

Quam jucunda meum perfundunt gaudia pectus ;
Delphice vel tua , vel tua cum , *Roberte* , legendo
 Carmina non fatior . quae vis ! quae gratia utrifque

Diffi-

omni certe laude cumulatissimos coactum praeterire .

Atque haec quidē externa exempla sunt . domestica vero auctori nostro suppeditarunt , & Jacobus Wallius , & Sidronius Hofchius , & Mathias Sarbievius , & omnium recentissimus Jacobus Vanierius , Poetae omnes egregii atque illustres , qui & ipsi amicos sodales suos , aut poetica laude praestantes , aut alio quovis doctrinae genere infignes , commemorant , & meritis laudibus ornare minime dubitant . His adconsensus est Joannes Mariana , qui suos , quos habuit in Collegio Romano , contubernales , quandiu in eo diversatus est , longa & ipse enumeratione , nec sine elogio , recenset in praefatione ad V. Card. Bellarminum , quam prefixit scholiis suis ad vetus & novum Testamentum Lutetiae Parisiorum impressis an. 1530. Quare poeta noster minime reprehendus est , qui quod fecit , tot gravissimorum doctissimorumque Virorum exemplo praeceunte fecit . Virtutis enim ac sapientiae ea natura ac meritum est , ut a quovis , in quoque ea tandem eniteat , jure laudari & possit & debeat . Qui alium laudat , modo vere lau-

det , non se ipse laudat , quod odiosum certe est , & ingenuo ac liberali homine indignum ; neque vero si ex communione vitae aut sodalitati aliquid laudis in ipsum laudatorem recidere videatur , id est hujusmodi , ut insulsa atque inepta quadam modestia a merita perfectae virtuti laude tribuenda , quenquam debeat deterere .

Non autem est hoc loco omittendares , observatione utique digna , quod fere omnes , qui in tam longa enumeratione clari recensentur e Societate Jesu Viri , aut magistros , aut condiscipulos , aut collegas , aut contubernales , aut certe amicos , & de facie cognitos auctor habuit , quam paucissimis exceptis , quorum tantum ad eum delata sunt opera , aut fama pervenit . Ego vero , qui has adnotationes scribo , singulorum nomina subijciam , & unum tantum , aut alterum ex iis , quae ediderunt , operibus , brevitatis causa , proferam , prout indicatio ipsa de opere aliquo ab auctore facta admonet . Neque enim mei instituti est operum ab unoquoque editorum absolutum perfectumque catalogum concinnare .

Disimili in genere ! ut similes nolim ; usque adeo mens
Afficitur mire , & vario discrimine gaudet .

Alter (a) enim dignum fortitus Apolline nomen ,
Os animum que Deo plenus , trans nubila fertur
Pindaricum per iter gradiens sublime ; jacentes
Sub pedibus terrae vanescunt ; altius ille
Evolat , & celeri tendit super aethera penna .

*Xaverius
Bettinellus.*

Quid ? cum digressus caelo delabitur imos
Ad manes, penetratque profundum acheronta? quid?idem
Divina pollens cum rebus inanibus arte
Phoebeam inspiratque animam , inducitque loquentes .

At purus liquidusque lepos , atque ipsa venustas
Est alter (b) , cum pingit humi nascentia fraga ,
Et tanto Aonidum perspergens nectare condit ,
Ut non illa magis sapiant jucunda palato ,
Cum large mensis praedulci pulvere sparfa
Album purpureo superinduxere colorem .

*Joannes
Baptista
Robertus.*

P

Et

(a) Xaverius Bettinellus sub nomine Diodori Delphici italica sua Poemata edidit an.1755. Mediolani, typis Marellianis . Qui hunc praestantissimum Poetam legerit, talem profecto, qualis hic ab auctore nostro describitur, agnosceret, ut jure clarissimis duobus illis italicae Poesis luminibus Frugonio, & Algarotio tertius ad-censeri meruerit.

(b) Joannes Baptista Robertus, Orator excellens & Poeta elegantissimus

plura in utriusque facultatis genere scripsit & vulgavit, atque adeo in dies scribit atque evulgat . Inter caetera, venustissimum ejus exstat Poema italicum *de Pragis*, in quo mira vis ingenii certat cum elegantia sermonis . Editum hoc Poema fuit Bononiae, anno 1753. recusum Mediolani anno 1754. Habemus etiam ejusdem latinos Hendecasyllabos, qui auctoris in latina quoque Poesi singularem praestantiam docent .

Et vero interdum menti calor incidit ; ut cum
 Aspicit Harmoniam (a) stellata in sede sedentem ,
 Sidereasque vices , Lunae Solisque meatus ,
 Et varios certis moderantem legibus orbes
 Concentu summo ; tum consecratur eandem
 Longe diffusam lateque per omnia , nec non
 Cuncta aditringentem numeris ; ac denique eburno
 Pectine pulsanter cytharam audit , & ore cientem
 Dulce melos . tam jucundo quae carmine Vates
 Persequitur , liquidisque modis , ut jure videri
 Paene ipsam queat Harmoniam superare canendo .
 Nec minus illectum capis , & me saepe legendo
 Culte tenes Roti (b) ; seu piores fata Phegauli ,

Carolus
 Rotius .

Seu

(a) Aliud indicatur Poema italicum ejusdem auctoris *Harmonia* inscriptum . Prodiit Bononiae apud Laelium della Volpe 1752. Hoc autem loco minime praetermittenda est ejus venustissima oratio habita ab ipso in Bononienſi Accademia, quam *Inſtitutum* vocant. Oratio est de *Picturae, Sculpturae, Architecturae* artibus ; tanta autem harum ipsarum artium tamque intima reconditaque cognitione perſcripta , tanto etrusci sermonis nitore elaborata , ut eam semel , iterum , tertio , atque eo saepius legerim , nec vero fatiari potuerim . Atque hujus quidem eloquentissimae orationis majus a me prae-

conium fieri non posse video , quam si eam cum disertissima Laestefii epistola , de qua supra mentionem feci , conferam ; etenim , quod latino sermone Laestefius , etrusco Robertus perfecit , singulari uterque & rerum , quas tractant , peritia , & eximia sermonis , qua res ipsas efferunt , elegantia .

(b) Carolus Rotius in *Arte Rhetorica* praeceptor auctoris , Orator excellens & Poeta nobilis . Aliquot ejus elegiarum argumenta hic indicantur . Phegauli nomine intelligendus est Joannes Baptista Fagioli Florentinus , qui eo carminis genere , quod *Bernesum* appellant , maxime excel-

Seu Cererem laudes ; seu munere Vatis (a) amici
 Oppressus , subitas persolvas carmine grates ,
 Denique ad affusos facias seu verba Quirites .
 Tum recolens animo felicia tempora , cum me
 Egregius pulcras formabas doctor ad artes ;
 Depascor passim veneres atque aurea dicta ,
 Meque mei ad normam doctoris fingere conor .
 Progredior connexa legens , quae tu ipse Camoenis
 Attexenda tuis curasti ; atque illa legenti
 Splendida Apollinei occurrunt duo lumina coctus
 Egregii Vates (b) , & Phoebi numine pleni .

Alphonsus
 Nicolai &
 Bartholo-
 maeus Bo-
 scovichius .

P 2

Incer-

celluit. Vix Rotii carmina in publi-
 cam lucem prodierunt, non defuere,
 qui haec Ovidiano stylo conscripta
 esse vulgarunt; quasi vero Ovidii ra-
 tionem sequi atque imitari recte ac-
 cum laude nemo posset. Caeterum
 elegantissimus hic Poeta *Ovidianus*
 non est; sed ejus fere carmina ad
 Tibulli nitorem, interdum etiam ad
 Propertii majestatem accedunt; nec
 vero non Catullum ipsum imitatus
 est in nonnullis elegiis, ut in ea,
 quam initio operis Joanni Antonio
 Vulpio scribit, & in ea, qua Phe-
 gauli funus desset, & amicissimum
 sui Poetam merita laude celebrat.

(a) Innuitor hic Franciscus Gri-
 maldus, Rotii amicus, & Poeta ex-
 cellens. Quae laus *Ovidiani* perpe-
 ram Carolo Rotio afficta est, Fran-

cisco Grimaldo jure optimo tribuen-
 dam esse censeo. Grimaldum enim
Ovidianum esse & ajo, & admiror.
 Difficillimum quippe est Ovidium pro-
 be imitari, & ita duas res, quae in
 Ovidio eminent, temperare, ut ni-
 hil facilitas carminis de nobilitate
 detrahat, nihil nobilitas de facilita-
 te decerpit. Scripsit Grimaldus &
 edidit tria carminum volumina, pri-
 mum *de Vita Urbana*, alterum *de Vita*
Oeconomica, tertium *de Vita*
Aulica. prodierunt Romae diversis
 annis, nimirum 1735. 1738. 1741.

(a) Intelligenda sunt carmina Al-
 fonsi Nicolai, & Bartholomei Bo-
 schovichii, Rogerii fratris. De Al-
 phonso Nicolajo, Theologo Caesa-
 reo, & Sacrae Scripturae in Colle-
 gio Florentino Interprete disertissimo
 multa

Incertum est primam mereat quis laude coronam .
 Par lepor ambobus , par gratia , parque duorum
 Est meritum , quos tecum una decus ille Palestrae
 Vulpus Euganeae formis decoraret iisdem ,
 Queis impressa nitent summorum carmina Vatum .

Te quoque saepe manu, Charitum pater, atque Leporum

*Jacobus
Bassanus .*

O Bassane (a) , tero , qui lingua doctus utraque
 Et latia & tusca varios Heliconis Alumnas
 Induere ornatus , utranque & fumere pallam ,
 Ausoniam facis , & grato discrimine tuscam .
 Quin etiam , subitus cum sic tulit ardor , easdem
 Interdum omnino incomptas , nulloque paratu
 Conspicuas prodire jubes ; sed qua libet arte
 Componas , aut quo tu cunque incedere cultu

Juste-

multa exstant publici juris facta , ac praefertim eruditissimi in Sacram Scripturam Commentarii , pluribus voluminibus comprehensi , & diversis annis Florentiae editi . Porro horum duorum carmina una cum carminibus Rotii prodierunt typis Cominianis an. 1741. , curante venustissimam & nitidissimam editionem Joanne Antonio Vulpio , Viro doctissimo , & de Humanioribus litteris benemerentissimo .

(a) Jacobus Bassanus summa & egregii Poetae , & praestantissimi Oratoris laude floruit . Ejus elegantissima carmina tum latina tum italica una cum ipsius vita vulganda cura-

vit Patavii an. 1749. Joannes Baptista Robertus , supra a nobis laudatus . Locus Poetae nostri , in quo ait , Bassanum jubere interdum Musas prodire incomptas , de eo Poematum genere intelligendus est , quae humiliore quodam , & prope ad familiarem sermonem accedente stylo conscripta a Bassano sunt . Quod quidem Poematis genus cum in primis lepidum ac venustum habetur propter nativam quandam simplicitatem , nullis adscitis exquisitae artis pigmentis fucatam , tum vero propter hanc eandem ipsam causam maxime difficile ac laboriosum est .

Jusseris , aequè oculos rapiunt , & pectora mulcent .

Nec te non soleo dextra versare frequenti ,
Optime *Burgundi* (a) , docto qui carmine plures
Persequeris Physicae partes ; liquidum aëra nempe

*Horatius
Burgundius.*

P 3

Quo

(a) Horatius Burgundius , Vir in facultate Mathematica insignis , quam viginti septem annos in Collegio Romano professus est , septem edidit philosophica Poemata , magno in pretio ab eruditis ac doctis Viris habita , quae hic ab auctore Inducantur .
1. De Volatu . 2. De Natatu . 3. De Incessu . 4. De Motu sanguinis . 5. De Respiratione . 6. De Fluminibus . 7. De Lue bovina . Horum prima quatuor leguntur tomo 1. , qui inscribitur *Carmina Pastorum Arcadum* , Romae edito an. 1721. Consequentia duo leguntur tomo 2. eorundem carminum edito Romae an. 1756. Postremum exstat tomo 3. pag. 64. operum clarissimi Valisnerii . Plures etiam edidit Mathematicas , quas vocant , dissertationes , quarum notitiam si quis velit , Advocatum adeat , & tomum primum ejus Dictionarii Historici consulat . Burgundii perhonorificam Ephe- merides Trevoltianae an. 1727. mentionem faciunt . Soucietus item in opere , quod inscribit *Observations Mathematiques* egregium de Burgundii doctrina testimonium reliquit . Venustissimum etiam exstat Hendecasyllabum in ejus funere a Joanne Baptista Roberto , de quo supra men-

tionem cum laude fecimus , conscriptum . Neque vero in postrema Burgundii laude , ponendum est , quod Rogerum Boscovichium , cum Mathematicam doceret , discipulum habuerit , eundemque in eadem facultate tradenda sibi ipse sufficiens curaverit . Vir fuit plane egregius , & ob singularem doctrinam , & vero multo magis ob eximiam pietatem immortalis memoria dignus . Natus erat Brixiae illustri Familia ; contempta generis nobilitate Societati Jesu adscribi voluit , in eaque uti sanctissime vixit , ita religiosissime decessit an. 1741. Rector Collegii Romani . ejus fuit omnes Collegii Alumnii singulari doloris significatione prosequuti sunt ; juniores praesertim , quibus ob suavissimos mores erat carissimus ; horum efflagitatu ejus imago , inter illustrium Virorum , qui Collegium Romanum honestarunt imagines , collocata fuit . Parthenius vero noster , singularem erga se optimi Patris benevolentiam olim expertus oblatam hanc , perhonorificam de tanto Viro mentionem faciendi , opportunitatem elabi sibi minime passus est . Obiit autem , uti diximus anno 1741. Kalendis Martii .

Quo pacto volucres , quo findant aequora pisces ;
 Incedant qua lege homines , qua lege reponant
 Crura ferae ; qui sint moduli , quibus actus oberret
 Venas , & toto fundatur corpore sanguis ;
 Unde micat certo saliens arteria pulsu .

Tum super haec certum teneant quem flumina cursum
 Addis , & attractus veniat quî pectore ab alto
 Spiritus , exponis ; demum quae tabida pestis
 Corripiens armenta boum det funera passim ,
 Sternat & infôntes indigna morte juvencos .
 Haec unus tam multa doces ; tam multa docentem
 Indivisa comes , lateri quae semper adhaesit
 Fida tuo , haud unquam passa est errare Mathesis .

*Januarius
 Sanchez de
 Luna .*

Quid ? veterum siquando trium divertere ad hortos
 Vatum (a) , perpetuis halantes floribus hortos ,
 Et juvat electum Musis contexere fertum .
 Tu mihi , praecisis , qui possent , sentibus aspris
 Obspire viam , aut incautum laedere , callem
 Commonstras tutum , clarum cui Cinthia nomen
 Clara dedit ; praefens nivei o ! tutela pudoris ,

O !

(a) Januarius Sanchez de Luna Neapolitanus indicatur. Edidit is Neapoli an. 1757. egregium Commentarium in Catullum , Tibullum & Propertium , quo in Commentario , praeterquamquod locis obscurioribus lucem attulit , adolescentium pudicitiae cavet , amputando videlicet , quae parum honesta in lascivientibus hi-

scæ Poetis passim occurrunt , & quae non sine gravi offensione ab incauta praesertim juventute leguntur . Edidit praeterea grammaticas Graecae linguae praeceptiones , magno in pretio habitas , & vulgo expetitas . Nunc Philosophiam in Collegio Neapolitano docet , magna ingenii fama , nec minore auditorum frequentia .

O ! nostrae decus eximium , & pars maxima famae .

Nec minus ostendis tutum per devia callem

Tu mihi , *Venturi* (a) , cum subterranea tufci

Clauftra lubet penetrare Ennī ; tu crimina , fontes ,

Poenarumque doces formas & nomina mille

Ignarum . duce te Ditis per squallida regna ,

Et formidandam tetra caligine noctem

Securus gradior ; non ut , praeceunte Sibylla ,

Certior Aeneas eadem loca viferit , omnesque

Oras tartarei quondam peragrarit Avernī .

Me quoque confines per tractus ducis , ubi igni

Lento exercentur , regio quibus altera summo

Certa polo debetur ; sed non ante volare

Illuc concessum , prorsus quam quidquid inhaesit

Terrenae faecis , labesque excefferit omnis .

At vero , aethereas caeli remeare sub auras

Cum placet , & superum coetus lustrare beatos ;

Idem rursus ades , perque omnia ducis , aventem

Discere ; felices animas quae digna receptet

P 4

Sedes ,

(a) Pompejus Venturius , acerrimi ingenii & iudicii Vir , luculentissimum Commentarium edidit in Dantem Aligherium , saepius recensum atque omnium paenae manibus tritum ; novissima hujus Commentarii impressio facta est Venetiis 1760. Reliquit opus nondum editum , nec fortasse edendum , multis voluminibus

comprehensum , ac longo studio subactum atque elaboratum , de Universae poeticae Artis ratione ; in quo etiam quid ipse de Poetis omnibus (omnes autem Graecos , & Latinos , & Italos , & externos & domesticos legerat) quid , inquam , ipse sentiret , libere non minus , quam vere pronuntiavit .

*Pompejus
Venturius .*

Sedes, atque pios maneant quae praemia manes .

*Emanuel
de Azevedo.*

At si fert animus per caerula nare phaselo ,
Adriaci Regina maris qua gurgite se se
E medio attollit , comitem me protinus addo ,
Azevede (a) , tibi , cymbaque inVectus eadem
Tecum una artificumque manus operumque laborem ,
Fortunas & opes , augustaque templa superbae
Urois demiror , lustro navalia ; tum qui
Sint mores hominum , quae sit sollertia gentis ,
Qui lusus festique dies , spectacula , pompae
Edisco . tu dulce canis , meque instruis una ;
Alit ego non rebus magis aspectuque beatae
Urbis , quam liquidi teneor dulcedine cantus .

*Stephanus
Raffesius .*

Quid referam , tragico (b) siquando scena cothurno

Me

(a) Indicatur opus poeticum ab Emanuele de Azevedo Lusitano confectum , & in libros 12. distributum , atque ab auctore nostro perlectum . Opus est in suo genere plane singulare , atque hujusmodi , ut absolutissimam Venetiarum notitiam legentibus exhibeat . Poeta hospitem navicula , sic enim fingit , secum comiter exceptum per urbem circumfert , & videndi cupido nobilissima quaeque magnificentissimae urbis demonstrat . In exponendis vero praecipuis iisque difficillimis artefactis , tanta tamque admiranda ingenii felicitate utitur , ut , siquis

delicioris gustus in stylo notandum aliquid , quod nos etiam , qui opus vidimus , notati posse non diffitemur , inveniat , idem tamen eadem quo tandem cumque stylo conari , nedum perficere se posse omnino desperet .

(b) Tragoediae tres hic indicantur a Stephano Raffesio confectae ; & in Seminarii Romani theatro exhibitae , ac summo plausu exceptae . Prodierunt Romae typis Generosi Salomonii annis 1763. & 1764. Harum prima *Joannes Columna* , altera *Flavius Clemens* , tertia *Amicitiae Triumphus* inscribitur . His addit

Me capiat, caros inter certamen Amicos,
 Aut sacra de solymis Romam adsportata Trophaea,
 Aut ille e superis excitus Flavius oris,
 Quantum delectent? geminos his addito Reges
 Judaea de stirpe, Syracosiumque Dionem,
 Et pulcram Estherem, & bellatorem Mathatiam.
 Euripidem videor mihi paene audire loquentem,
 Rursus ab elysiis revocatum ad pulpita campis.
 Cerno confessum caveae, plausumque frequentis
 Auribus excipio, turba stipante, theatri
 Per cuneos late resonantem; laetor & una
 Tales esse viros, tantum quibus itala scena
 Debeat, ut grajæ jam se efferat aemula laudi.

*Tragoedia
 varias.*

Quod si alio interdum libeat me vertere, Musis
 Posthabitis, unus, *Julii (a)*, mihi sufficis, unde

*Julius Cae-
 sar Corda-
 ra Histori-
 cus Soc. Je.*

Dele-

dit poeta noster alias tragoedias quin-
 que, quarum primæ tres *Sodectias*
 videlicet, *Manasses*, & *Dion Sy-
 racusanus* ab earum auctore, Joanne
 Baptista Granellio, Oratore tota
 Italia celeberrimo, Bononiae editæ
 sunt an. 1754. reliquæ posteriores
 duæ, nempe *Esther* & *Mathatias*
 a Josepho Carpano, de quo infra re-
 dicit fermo, conscriptæ sunt.

(a) De Julio Cesare Cordara, qui
 hoc loco copiose & merito lauda-
 tur, nihil dicam, propterea quia
 ejus opera in manibus omnium sunt,
 & nihil fere a foecundissimi atque

elegantissimi ingenii Viro prodeat,
 quod non cupidissime legatur. Exstat
Historiae Societatis Jesu ab ipso
 conscriptæ ingens volumen, editum
 Romæ 1750. Reliqua duo volumi-
 na, quæ spatium regiminis Mutii
 Vitelleschii Praepositi olim Genera-
 lis Societatis Jesu conficerent, Socie-
 tas universa ab eodem cupidissime ex-
 spectat. Quod autem poeta hoc eo-
 dem loco de suo videtur addidisse,
 cum exclamat. *Prob hominum Su-
 perumque fidem!* & reliqua. hoc ita
 de suo non addidit, ut potius non
 propria, sed aliena lingua loquutus
 dici

Delecter, docearque ; tuis qui fortia facta ,
 Factaque , virtutesque , exantlatosque labores
 Complexus scriptis Sociorum , insigniter ornas ,
 Et rebus magnis per se atque illustribus , addis
 Egregium decus , atque aeternae laudis honorem .
 Proh hominum superumque fidem ! qua pertinet orbis ,
 Angulus anne usquam est ? anne ulla remotior ora ,
 Sepositusque locus , trans littora , transque refusum
 Abditus oceanum , quo non pervaserit alma
 Lojolidum manus , & sparso quem sanguine , certe
 Quem non ubertim sudore rigarit , ubique
 Sacra ferens , cultumque & veri Numinis aras ?
 Quanquam non solum annales componere doctus ,
 Sed fidium cytharaeque potens , es maximus idem
 Vates , cui paucos similes vix singula , verum
 Laude in utraque parem nulla haecenus extulit aetas .

Jam vero sacri si me improvisa voluptas
 Ceperit eloquii , te protinus omnibus unum

Tor-

dici debeat. Clemens quidem VIII. Pont. Max. cum coetum suffragatorum, qui Romam, ex Societate universa delecti, novi Praepositi Generalis creandi causa venerant, ad suos pedes abjectum alloqueretur, Virgilianum illud usurpavit, *Quae regio in terris vestri non plena laboris ? in hunc forme modum passim summi*

Viri immo Heterodoxi ipsi locuti sunt, id quod innumerabilibus testimoniis confirmari potest ex recentissimo Hieronymi Lagomarsini opere, in quo similia testimonia, inde usque ab initio Societatis repetita, ordine Chronologico, ad nostram hanc aetatem perpetua nec unquam interrupta annorum serie digesta sunt.

Tornielle (a) antefero , naturae munere quotquot
Praestantes lingua , nostra haec aetate diferti
Exstiterunt ; primis te jam mirabar ab annis ,
Patria turritae colerem cum testa Cremonae ,
Ardebamque audire virum , cupidaque bibebam

*Hierony-
mus Tor-
niellus .*

Aure

(a) Hieronymus Torniellus Orator difertissimus , cui quidem ego ab italicae eloquentiae parente Paulo Segnero primas defero . Ejus Conciones , quas vocant Quadragesimales , prodierunt Mediolani an. 1753 . , quae passim , nec sine admiratione leguntur . Non enim vivam Oratoris vocem actionemque magnopere desiderant ; adeo eloquentia ipsa verbis ipsis ac sententiis ingenita lectorem per se tenet , & mirifica quadam voluptate perfundit . Quamquam proximis hisce annis novum quoddam italicae eloquentiae genus suspeximus in duobus difertissimis Viris Ignatio Venino , & Antonio Syro Vanino , quorum conciones typis impressae cum in manus hominum venerint , non dubito fore , quin bene multi , quanvis ad copiose ornateque dicendum & natura & studio comparati , de provehenda ulterius italica eloquentia despererent . Studium eloquentiae Torniellus cum poetica laude conjunxit . Fuit enim Poeta insignis , & poetici lepores in ipsis suis concionibus elucet . Scripsit vernacula Mediolanensi lingua Poemata aliquot , quibus

nihil memini me legisse venustius ; quae quidem optandum esset ut ederentur ; uti jam inde ab anno 1738 . edita Mediolani fuerunt septem alia ejusdem Poemata italice conscripta , quae cum iis , quorum paullo ante meminimus , venustate certant . Horum Poematum inscriptio est hujusmodi ; *Sette Canzonette in aria marinaresca sopra le sette principali Feste di Nostra Signora , composte da un Religioso della Compagnia di Gesù* . Cum vero an. 1752 . Bononiae Torniellus Quadragesimales conciones habuisset , & summa cum admiratione auditus esset , tanto Oratori gratificandi causa haec ipsa Poemata eodem anno , atque eadem in urbe recusa sunt . Non defuerunt , qui , captata hujus secundae editionis occasione , eadem Poemata carperent . quare eorum defensio necessario suscipienda fuit . Id autem perfectum est eruditissima epistola , Neapoli impressa an. 1759 . , in qua praeclarissima doctissimorum Virorum de his Poematis judicia ac testimonia , summa cum ipsius Tornielli laude atque exultatione , profertur .

Aure melos; tum post eadem vexilla sequuto,
 Tartareas contra furias, gentemque rebellem
 Clavigeri imperio, quae Cantaber extulit Heros,
 Facundo licuit pendere loquentis ab ore
 Rursus, & ambrosios haurire e fonte liquores.
 Attica namque fluit tua dulci oratio melle
 Dulcior, atque tuis ipsae, quas semper amasti,
 Pimplaeum dictis Musae allevere leporem.

*Aurelius
 Rezzoni-
 cus.*

Nec minus eloquii in genere excellentia eodem
 Suspiciens tua scripta lego *Rezzonice* (a), dotes
 Qui varias inter, quibus & distingueris, & quas
 Tam bene commendat adjuncta modestia, Summum
 Attingis propius generosa stirpe Parentem;
CLEMENTEM nempe; Alma, diu quo sospite, Roma
 Corruptos prorsus mores everſaque Sacra
 Haud certe metuet; constanti in pectore fervet
 Tantus amor Fidei, atque adeo commissa Latini
 Jura sibi Imperii cum Religione tuetur.

Sed me densa nimis circumſtat turba (b), fuique

Inge-

(a) Aurelius Rezzonicus Rector Seminarium Romani, Concionator egregius, eloquentia non minus, ac doctrina, quam reliquis animi dotibus, ac singulari praefertim modestia, quae quidem totius nobilissimae Rezzonicae gentis veluti propria virtus est, commendatissimus. Edidit sacras orationes elegantes duas, & castigatissi-

mae etruscae lingua conscriptas, unam de laudibus S. Catharinae Virginis & Martyris, Venetiis an. 1761. alteram de implorando austriacis exercitibus B. Mariae patrocinio, Mediolani an. 1764.

(b) Hic plures Societatis Scriptores a poeta nostro coacervantur, de quibus ego quoque pauca perstringam.

Gui-

Ingenii certatim offert monumenta , cedroque
 Digna immortalī , veterumque aequantia famam
 Scripta . mihi Eugenium *Ferrarius* , & mihi Crispum
Savius , & *Cantova* italo sermone loquentem
 Tullium , & etruscis , quae lusit Theius olim
 Vates , nunc donata modis *Ridolfius* . adde his
 Plurima , quae in lucem cura prodire recenti

Non

Guido *Ferrarius* scripsit aureo ac caesariano stylo *de Rebus in Pan-
 nonia ab Eugenio gestis* . Prodiit
 opus hoc Hagae in Batavis an. 1749.
Petrus Savius Bellum Catilinarium a
 Salustio latine scriptum , in mundif-
 simum etruscum sermonem translu-
 lit , & Augustae Taurinorum edidit
 an. 1763. *Joannes Antonius Cantova*
 aliquot Ciceronis orationes in etrus-
 cum item sermonem non inferiori
 elegantia convertit , & vulgavit an.
 1765. *Christophorus Ridolfius* sele-
 cta ex Anacreonte graeca carmina , &
 selecta item ex Iliade Homeri etrus-
 cis carminibus eleganter expressit ,
 & Venetiis edidit an. 1765. Atque
 hos quidem auctores , eorumque ope-
 ra nominatim Poeta recenset ; eo-
 rum vero , quos generatim comple-
 ctitur , ne id perperam fecisse videat-
 ur , & nomina , & opera recentissi-
 me impressa , hic subijcimus . *Caro-
 lus Sanseverinus Contentionem Philo-
 sophiae Paganorum cum evangelica
 & christiana Philosophia edidit Bo-*

noniae ann. 1764. *Guido Ferrarius*
 supra laudatus volumen primum In-
 scriptionum & Epistolarum edidit Me-
 diolani an. 1765. *Joannes Caraciolus*
 edidit Neapoli eodem an. 1765. *Isa-
 gogen* in universam Mathesim ad
 usum Academiae Partheniae . Bono-
 niae aliam Tragediam *Seila filia Je-
 phte* inscriptam nuperrime in lucem
 emisit *Joannes Baptista Granellius* ,
 cujus etiam Enarrationum in Sacram
 Scripturam primus tomus prodiit Par-
 mae an. 1766. Vulgatum item hoc
 eodem anno est Mediolani ab Hie-
 ronymo Tiraboschio in Braydensi U-
 niversitate Rhetore , opus recondita
 eruditione refertum & singulari ser-
 monis elegantia conscriptum , quo in
 opere vetera Humiliatorum monu-
 menta collegit , eaque adnotationibus
 dissertationibusque illustravit . Nos
 vero multa alia opera quam recen-
 tissima editione vulgata , quae recen-
 seri possent , quorumque notitia ad
 nos pervenit , brevitatis causa omit-
 timus .

*Auctoris
expressus
villa in
praedium.* Non cessant vario in genere , & quae , debita quando
Sit merito auctori sua laus , modo lecta probari
Ipsa volunt . aliud verum his in tempus omisissis ,
Cunctantem prodire domo jam me admonet hora ,
Hora sequi virides lauris densantibus umbras .

Hic nova se rerum species , nova scena tuenti
Objicit , & faciles oculos per cuncta ferenti .

*Sermones
promiscui
cum Sociis.* Ut juvat aut Socios vario sermone morari ,
Aut incedentes lente , passimque vagantes
Adspicere , & legere adversos , & quenque notare !
Quid dicam ? loca laeta putes feliciaque arva
Te colere Elysi , lucisque habitare beatis .

*Diversa
Sociorum
studia.* Pars molli recubant projecti in gramine ; laurus
Imminet , & passae praebent umbracula frondes .
Hic legit , hic presso versus sibi concinit ore ;
Ille gerens pectus Sophia gravidum , ille Matthesi
Multa putant animo , secumque arcana volutant
Naturae , & tardo figunt vestigia passu .
Quid ? qui majores agitantes pectore curas
Secretos longe calles atque avia quaerunt ,
Et sola secum taciti spatiantur in umbra .

Atque hi bella parant , seque exhortantur in arma ,
Jam certos meditati ictus , quibus impia se se
Haerensis exceptam doleat , flatusque remittat .

*Ex edi-
tione loco
praetercun-
tes Socios
Auctor re-
cognoscit.* Et vero interdum , si fert ita corde voluptas ,
Conscendo tumulum , & tumulo sublimis ab alto ;

Ut

Ut mihi se se oculis nunc hic , nunc objicit ille ,
 Ora recognosco , atque adversos perlego vultus (a) .
 Te primum , nostrae moderator summe (b) Palaestrae
 Aëra captantem purum , curasque levantem
 Aspicio , agnoscoque libens , tibi laetus Apollo
 Ipse lyram plectrumque dedit ; labra ipse rigavit
 Nectare pierio , & parnasside fronde revinctum
 Vatribus adscripsit summis ; nec cessit honori ,
 Muneribusque suis cumulatam dia Minerva
 Rectorem docti coetus rerumque magistrum
 Legit , & ingenuas ultro tibi subdidit artes .

Proximus ecce subit (c) sibi , qui virtute secundam

*Josephus
 Carpanus
 Studiorum
 Praefectus.*

*Antonius
 Casinus S.
 Scripturae
 interpres.*

Palla-

(a) In hac altera , quam exorditur poeta contubernium suorum bene longa enumeratione , peccare mihi videtur in primis duobus , quos commemorat , quosque jampridem vita sanctos reliquis proxime consequentibus , qui adhuc vivunt , anteponebat ; quod quidem cum serie temporis , quantum fieri poterat servanda , non bene cohaeret . Admonitus poeta hac de re , seriem invertit atque adeo componere noluit , quippe qui diceret , se primum rei veritatem esse sequutum , deinde hominum dignitatis ac loci habuisse rationem . Ego vero hoc magis ad poetae defatigationem , quam ad veram ejusdem ita ex animo loquentis sententiam referendum puto .

(b) Josephus Carpanus in Gregoriana Universitate studiorum olim Praefectus , Poeta & Theologus insignis . Ejus Tragoediae Latinae septem an. 1750. typis Generosi Salomonii Romae prodierunt . Exhibitae jam olim fuerant in Collegio Germanico & Ungarico a peritissimis actoribus , quippe quos celeberrimus ille Poeta Lorenzinius pro sua cum Carpano amicitia ad actionem informabat ; ac proinde incredibili plausu exceptae sunt . Scripsit etiam Carpanus de *Opinione probabili , rectoque illius usu* . Opus hoc prodit Lucae an. 1753.

(c) Antonius Casinus Sacrae Scripturae olim Interpres in eadem Universitate , Vir eruditissimus , Graece , Latine & Hebraice apprime sciens , opus

Palladio in coetu meruit sedem , omnibus unus
 Artibus egregiis praeclare instructus , & omnium
 Gnarus linguarum . nimirum assuevit ab ipso
 Potare omnigenam doctrinam fonte , perenni
 Unde fluit vena , & pleno se proluere haustu ;
 Assidua intentus cura dum versat , & idem
 Explicat interpres divina volumina fidus .

*Raymundus
 Cunicius .*

Qui procul ille autem (a) , collo cui fistula pendet ,
 Cui cythara in manibus ; medium facto agmine Musae
 Accipiunt ? nosco , viridem spatiantis ad umbram ,
 Incessum . Tu ille es , quo non felicior alter ,
 Sive elegos teneri libeat cecinisse Catulli
 Ad numerum ; latia seu mavis reddere avena ,
 Graja olim siculus quae lusit arundine Pastor .
 Ausus quin etiam , summae ne quid tibi desit
 Ad cumulum laudis , coeptis praestantibus ipsum
 Meonidem tentare ; atque exsutum firmate achaeo
 Argivum Vatem nostris insignibus ornas ,
 Ausonioque doces paullatim assuescere caelo .
 O utinam per te ; tibi nanque hoc posse benigni
 Annuerunt Divi ; patrias dediscat Athenas ,

Et La-

opus exquisita doctrina refertum contulit , & Venetiis an. 1749. vulgandum curavit . Opus autem *Encyclopaedia Sacrae Scripturae* inscribitur .

(a) Carmina Raymundi Cunicii jam in manus Doctorum hominum pervenerunt , qui cum de iis prae-

clarissime & sentiant & loquantur , supervacaneum est meum de iisdem judicium ullum hoc loco interponi . Cunicii carmina prodierunt Romae an. 1764. una cum Bernardi Zamae de *Echone* egregio carmine .

Et Latio incedat Romana per oppida cultu .
 Ni facias (a) ; quam primum itala mirabere eundem
 Carmina fundentem lingua , & nova verba sonantem ;
 Et te , praeclaro cunctantem in munere , coepto
 Impiger insudans noctemque diemque labori ,
 Praevertet vigili cura studioque sodalis .

*Josephus
Bozzolus.*

Nec felix minus est (b) , qui te comitatur amico
 Affixus lateri , tyrrheno carmine Pana ,
 Et segetes canere , & divini bella Maronis ;
 Nec non & gnarus latio , impendenda ferendis
 Hesperidum pomis quae sit cultura , docere .
 Praeclaris ambo studiis , & munere linguae
 Insignes ; meritam tibi laurus plurima frontem
 Ambit , odoratae illi cingunt tempora cedi ,

*Antonius
Ambrugi.*

Q

At ,

(a) Hic indicatur Josephus Bozzolus , in Collegio Romano Linguae Sanctae Doctor , Vir ingenio , memoria , doctrina , eruditione praestantissimus . Interea dum praeclara quaedam ex multiplici disciplinarum genere opera meditatur atque molitur , quasi animi reficiendi recreandique causa Homeri Poemata , Iliadem atque Odysseam , italice interpretanda , atque eo carminis genere , quod *octavam rimam* Itali appellant , exponenda , suscepit , & , Ludovici Areosti styli granditate sibi propofita , utriusque vatis rationem

non tam sequitur , quam assequitur ; id , quod doctis omnibus ita visum iri , ubi opus in lucem prodierit , sine ulla dubitatione asseveramus , in nosque recipimus .

(b) Magnificentissima & recentissima editione annis 1763. 1764. & 1765. Romae iterum prodierunt P. Virgilii opera tribus voluminibus comprehensa , & in Etruscum carmen ab Antonio Ambrogio conversa . Idem nunc habet in manibus Poema latinum de *Citrorum cultura* , quod suo tempore , ut speramus , edetur .

Bernardus
Zamagna.

At, qui consequitur (a) florens vernante juventa,
Jamque umbrata gerens phoebea tempora fronde
Vates quantus erit, cum firma accesserit aetas,
Si tantum, aucupii accipiter formatus ad artes,
Prima rudimenta ostendunt; quin & modo causas,
Aggressus majora, audet tentare repostas,
Atque ortus Nymphae vocalis carmine pandit,
Ipse suo plaudens vati longe affonat Echo.
A Culice & Ciri sic olim exordia rerum
Magnarum, primum sumpsit Maro; deinde sonanti
Ore inflare tubam, bellumque accendere cantu
Edoctus, duri se vertit ad horrida Martis
*Arma, virumque canens, fato qui primus ab oris
Italiam praeiugis lavinaque littora venit*
Condidit aeternis mansuram Aeneida saeculis.

Contucci
Contucci.

Ille autem lente gradiens (b), tardante senecta,
Ecquis

(a) Bernardi Zamagnae elegans Poema philosophicum *Echo* inscriptum prodijt Romae an. 1764. una cum carminibus Raymundi Cunichii. Hoc de Poemate quid nos sentiamus jam diximus in adnotatione nostra in fine lib. 2. Idem Zamagna admodum adolescens aliud Poema de *Aucupio accipitris* eleganter scripserat, publica luce aequae dignum.

(b) De Contuccio Contucci, qui hic describitur, Viro rerum antiqua-

rum peritissimo, illud affirmari potest, quod de Socrate, celeberrima Philosophorum parente & magistro, affirmat Cicero, eum *litteram post se nullam reliquisse*. Contucci enim nihil, quod quidem ejus nomine editum sit, de veteribus monumentis scripsit; nihilo tamen minus floruit hoc in doctrinae genere magna & singularis eruditionis, & subacti iudicii fama. Incredibile dictu est, quanti eundem fecerint duo illa Italiae nostrae

Ecquis erit ? meritos cui cingit laurea canos ,
 Nescio quid manibus versans , & totus in illo .
 Fallor ? an admoto detrita numismata vitro
 Callidus explorat ? non fallor . scilicet ille est ,
 Egregius Vates , summusque Orator , avitum
 Florere eloquium stupuit , quo Rhetore , Roma ;
 Nare sagax idem , longoque instructus ab usu ,
 Quidquid edax reliqui saeculis labentibus aetas
 Fecit , odorari ; nec non Kirkerius olim
 Quas Latio collegit opes e divite , felix

Q 2

Auge-

nostrae ac sapientiae lumina Maffejus & Muratorius. id declarant luculentissima testimonia ab iis in propriis operibus de Contuuccio relicta . Porro Contuucius mirum in modum Museum Kirkerianum auxit , gemmis ditavit , vetustissimis picturis ornavit , & rarissimis cujusque generis antiquitatis monumentis locupletavit , ac vere referat . Rhetoricam in Romano Collegio triginta annos professus est , summa egregii Rhetoris opinione , & ingenti auditorum frequentia . Ex ejus disciplina plures eximii Poetae , praestantes Oratores , nobiles Jurisconsulti alique doctissimi Viri prodierunt , ut ferme tota urbe nemo ingenio ac doctrina paullo excellentior habitus fuerit , qui ejus auditor non extiterit . Scripsit Orationes aliquot eleganti latino sermo-

ne , quae lucem Romae aspexerunt . Romae item an. 1754. lucem aspexit vita S. Pulcheriae Virginis Imperatricis ab eo italice atque erudite conscripta . Reliquit MSS. Poema didascalicum *de Plantis* , plures in libros distributum , quod fortasse una cum Orationibus , jam separatim editis , in lucem prodibit . Contuuccio in Rhetoricam docendi munere successit Parthenius noster ; qui idcirco haec a me paullo fusius commemorari voluit , ut longe optimi decessoris sui , suaeque de tanto Viro opinionis aliquod saltem hoc in opere monumentum exstaret . Natus in Monte Politiano loco nobili adolescens Societatem ingressus est , quam & suo nobilitavit ingenio , & religiosis ornavit virtutibus . decessit in Collegio Romano an. 1765. 19. Martii .

Augere in tantum , ut vincantur scrinia , nec jam
Amplius accessus capiant stipata recentes .

*Nicolaus
Galeottus .*

Quin ego laude pari modo te (a) dignabor , eodem
Qui multos annos collega in munere , iisdem
Navasti studiis operam , dum vita manebat .
Nunc clarum celebrant nomen toto orbe , relicta
Ingenii monumenta tui , famamque propagant .

*Tres alii
e Societate
Scriptores
egregii .*

Nec non & vestram claro cum nomine famam
Scripta propagabunt , superas si in luminis oras
Pressa diu , & multo longum vigilata labore
Prodierint tandem , o ! nostri decora alta Lycei .
Proh ! quanta accedet sacris lux addita Fastis !
Quas clades feret Impietas ! remeare coacta
Infernas sedes socia cum compare ; late
Quam exultantem jam , & caelo nova bella moventem
Aggressam propius vetus in certamine tanto

*Hierony-
mus Lago-
marinus .*

Compressit pugil , & non uno contudit ictu ,
Te quoque te(b)lente incedentem , & multa putantem

Emi-

(a) Nicolaus Galeottus, in Rhetorica tradenda collega Contucci supra laudati, Museum Odeschalchium duobus voluminibus in folio, ut ajunt, comprehensum edidit Romae an. 1750. & luculentissimis adnotationibus illustravit. Plura alia scripsit recensenda utique ab auctore eius vitae, quae inter illustrium Arcadam vitas locum obtinebit suum.

(b) Poeta noster Hieronymum Lagomarsinum Genuensem propriis hic versisque coloribus depingit. Jam Lagomarsinus tota Europa cognitus est, & ejus fama tot editis libris pervagata; multo vero idem futurus notior, si omnia, quae scripsit, & quae praesertim in adornanda M. Tullii Ciceronis ad veterum MSS. codicum fidem exactissima editione, collegit, publi-

Eminus agnosco , proprio cui Tullius ipse
 Ore loqui dedit , o ! Ligurum decus , arbiter idem
 Aufoniae linguae ; sub te censore pudendam
 Barbariem exsutus pulcras accingier artes ,
 Et potui sacros paullatim accedere fontes
 Musarum . tua laus omnis , tua fama feretur ,
 Si rapidas vati supremo in funere flammās
 Evasisse rogi dabitur , longaevaeque nomen
 Siquid erit nostro huic operi allatura Vetustas .

Nec mea tu (a) quondam fugisti lumina , quicum
 Haec nemora , hos ipsos sueram celebrare recessus ;
 Cui molles elegi semper , cui carmina cordi ,
 Plautinique sales . verum ah ! distractus iniquo
 Tempore liquisti consortem muneris . at nunc
 Dulcibus avulsus studiis , rerumque vocatus
 Magnarum in partem , tacito nova pectore versas
 Consilia , & vacui curanda negotia si quid
 Temporis indulgent , collecta numismata versas ,

*Antonius
 Benedictus .*

Q 3

Jam-

publici juris faciendi uti voluntas & studium incredibile , ita facultas homini non defuisset .

(a) Antonius Benedictus , olim in tradenda Rhetorica auctoris nostri collega . Plauti lectione mirum in modum delectabatur . Edidit Romae an. 1754. in Plauti *Aullulariam* Commentarium sane luculentum , in quo multa de suo promissit , non , ut ple-

runque sit , aliorum modo cogitata ac dicta collegit . Nunc *Secretarii* , quod vocant , munere apud Ordinis supremum Moderatorem fungitur ; & quod reliqui gravissimae occupationes illi temporis faciunt , totum in antiquorum numismatum studium confert , quorum copiam ingentem congeffit , utique ab harum rerum intelligentibus visendam .

Jamque tibi notos gaudes percurrere vultus.

Joannes
Ludovicus
Courtois.

Ac te (a) oculis etiam, rerum dulcissime, nostris
Saepe olim in turba memini objecisse videndum,
Gallia quem nobis magno pro munere misit;
Felices nimium, propria haec si dona (b) fuissent.
Tu me despondentem animos, ac multa timentem,
Pro studio, quo hominem complectebare, solebas
Erigere, & blandis urgere hortatibus istas

Ut

(a) Joannes Ludovicus Courtois, Gallus, designatur, cujus elegantissimum de *Aqua picata* carmen habemus editum Parisiis an. 1749. Is e Gallia Romam venit, & multis annis in Collegio Romano diversatus est. Negotium Viro aequae eruditionis impigro datum jampridem fuit recudendi veterem, sive potius cudi novam Scriptorum Societatis Jesu *Bibliothecam historico-criticam* quo in opere conficiendo strenue admodum laboravit. Quod vero poeta ait fieri vix posse, ut omnium hujus Societatis Scriptorum numerus ineatur, id affirmat, quod etiam apud externos Scriptores legitur, & plurimis Lagomarsinianis jam supra indicatis testimoniis confirmatur. Cum autem addit Courtoisium tam multis Scriptoribus recensendis parem non futurum, etiamsi laboris sui socium atque adiutorem aequae eruditum ac la-

boriosum nactus fuerit; Franciscum Antonium Zaccariam supresso nomine designat, Virum sane talem, qualis ab auctore nostro describitur, & tot voluminibus, jam ab eo vulgatis & nemini non cognitis declaratur; cui quidem de meo libenter adjicio ejus in *Historia Italiae litteraria* conscribenda collegam Dominicum Troilum, qui tanto Viro, tamque strenuo probari utique non posset, nisi singularem eruditionem cum pari assiduitate ac diligentia conjungeret. Troili *Annales litteratorum* habemus; Philosophiam cupidissime expectamus.

(b) Hic locus ita intelligendus est, nimirum, si stabile in Collegio Romano domicilium habuisset. Post aliquot enim annos commorationis in eodem Collegio Roma discessit, & in Galliam reversus est.

Ut paterer nugas efferri in vulgus ; avebam
 Ipse quidem , fateor ; quando est tibi tradita cura
 Mandare aeternae Sociorum nomina famae ,
 Ingenuas vitam qui traduxere per artes ,
 Summorum (capitur nam quis non laude ?) Virorum
 Censeri in numero ; verum nimis ardua vota
 Damnabat pudor , & tanti reverentia coetus .
 Ecquod enim studii genus existit ? ecqua facultas ,
 Quam non aggressi scriptis ornare disertis ?
 Et poteris numero tam multa volumina , laxa
 Aede Palatinus (a) quam multa haud cepit Apollo ,
 Complecti ? non ; (b) si ille libris notissimus orbi
 Tot jam vulgatis , ille impiger , ille labore
 Indomitus focias operoso in munere vires
 Jungeret . aequoreae citius numerentur arenae ,
 Cum ponto insurgens Aquilo , aut violentior Auster
 Incubat , atque imo turbans ciet aequora fundo ;
 Tantus Scriptorum quam possit census iniri ,
 Inclytaque in proprias tribui tot nomina classes .

Illa etiam non parva fuit mihi saepe voluptas
 Vos improvise , tacitos quos linquere nostra
 Non hic Musa velit , collis de parte videre

*Andreas
 Spagnius ,
 & Gaspar
 Odericus .*

Q 4

Posti-

(a) Bibliotheca Palatina Apollini foret Hector . idest non quidquam
 consecrata . efficeretur , etiam si Hector dux il-

(b) Similis constructionis exem- le longe Trojanorum omnium cla-
 plum habes in Virgilio Aeneidos lib. 2. nissimus & invictissimus adesset .
 ver. 522. Non . si ipse meus nunc as-

Postica subeuntes , atque e rure propinquo
 Hospita digressos Sociorum tecta petentes .
 Semper enim caros fuit unum invisere amicos
 Ambobus studium ; genera at non una sequuti
 Doctrinae varias animum adjecistis ad artes .
 Subtili gaudes , *Spagni* , (a) rigidaque Minerva ,
 Marmoribus priscis , *Oderice* (b) , atque aere diferto .

At

(a) Andreas Spagnius, insignis Metaphysicus , duo egregia volumina Romæ quam recentissima impressione vulgavit, alterum *de Causa efficiente* an. 1764. alterum *de Bono, Malo, & Pulcro* an. 1766.

(b) Gaspar Odericus, rerum antiquarum studiosissimus , & acerrimus indagator , jam inde a multis annis hujus suæ plane singularis scientiæ specimen aliquod ediderat ; recentiori vero editione vulgavit Romæ an. 1765. egregium volumen , quod plures ejus epistolas complectitur , his de rebus a se scriptas , & ad studiosos antiquitatis amicos suos , transmissas . Honorifica Oderici, eruditissimi antiquarii , commemoratio a poeta in suis carminibus facta , memoriam excitat duorum hoc in eodem eruditionis genere clarissimorum Virorum, Antonii Mariæ Lupii , & Alexandri Leslaci, qui utique ab auctore silentio præteriri minime debuerunt ; propterea quia alterum Ro-

mae novit & suspexit , alterum in Romano Collegio multos annos con-
 tubernalem habuit , eoque valde familiariter usus est . Sed venia danda poetæ , qui modum aliquem adhibere necessario debuit , ne effusioris cu-
 jusdam intemperantiæ , in suis fociis commemorandis laudandisque , notam incurreret . Quamquam ita domesticos laudavit , ut ab amplissimis externorum laudibus non abstinuerit . Certe in toto hoc opere nemo aequè laudatus ac externus unus, quicum sane auctori nulla amicitia aut familiaritas intercedit , reperitur . Siquis id illi vitio vertet , non iniquo animo auctor feret , & recte facti conscientia delectabitur . Quidquid id est , duo illi Viri , supra a me indicati , hujusmodi sunt , ut prætermittendi omnino non fuerint . Itaque Antonius Lupius Vir antiquitatis scientissimus opus edidit longe præclarissimū , Panormi impressum anno 1744. , quod inscripsit ; *Epitaphium Sanctæ Se-*

VERAE

At certe tacitum minus hic te linquere nostra
Musa velit , *Sanctine* (a) , eadem quem tecta colentem
Errantem hic etiam vidi , praeterque meantem ;

*Carolus
Sanctinus.*

Qui

verae Martyris illustratum . De hoc opere Scipio Maffejus egregium testimonium reliquit in suis *Observationibus litterariis* , sic enim librum inscripsit , editis Veronae an. 1737. tomo 1. artie. 8. pag. 215. & seqq. Qui , quod Maffejus de Lupio scripsit , leget , hominem profecto eo elogio , quod ei a tanto Viro perscribitur , dignum judicabit . Leslaeus vero praeter Missale Mozarabum ab eo editum Romae an. 1755. & luculentissimis adnotationibus illustratum , multa reliquit MSS. in omni antiquitatis genere ; inter alia opus egregium de *Legionibus* , quo in opere omnia militiae Romanae munera persequitur , & adhibitis antiquis inscriptionibus confirmat atque distinguit . Lupus ipse hoc in eruditionis genere Leslaeum tanti faciebat , quanti credibile vix est . hic enim mira sagacitate hujusmodi res odorabatur , adeoque in iis pervestigandis impotens erat , ut easdem aliquando , se met in parietinas ac cryptas non sine vitae discrimine conjiciens , venaretur .

(a) Carolus Sanctinus , cujus immatura mors hic a poeta nostro defleatur , ejusdem , in Rhetorica Florentinae tradenda , collega fuit , & amicus longe carissimus . Decessit Sancti-

nus in Collegio Romano singulari sanctitatis opinione . Exstat ejus effigies cum elogio , quod hic subdimus ; *P. Carolus Sanctinus morum innocentia , orationis studio , in servandis nostris legibus exactissima diligentia commendatissimus . Obiit 5. Maii 1761. aetatis suae 53.* Ejus latinorum Poematum specimen quoddam , sane egregium atque pernobile , exhibet nobis Hieronymus Lagomarsinus in sua quadam ad Antonii Mariae Gratiani operis *de Scriptis invita Minerva* librum septimum adnotatione , pag. 117. edit. Florent. an. 1745. caetera Sanctini latina carmina ab ipso , qua erat animi demissione , aut suppressa , aut distracta , aut etiam fortasse igni tradita , certe perierunt . Superstites sunt biscentum ejus ad Anonymum epistolae de sacrorum Bibliorum difficiliore locis etrusco per quam eleganti sermone conscriptae , quibus latine pari elegantia vertendis intentus , cum ad septuagesimam septimam pervenisset , in morbum incidit , ex quo mortuus est . Eas qui legerit , non poterit hominis ingenium , judicium , doctrinam , summam denique hebraicae latinaeque linguae peritiam non vehementer mirari .

Qui lateri haerebas comes indivisus , amoenos
 Cum , labente die , circum curfare lubebat
 Telegoni colles ; tu jam mihi foedere dudum
 Junctus amicitiae , cum nos Florentia nactus
 Munus idem conjunxerat . importuna sed eheu !
 Mors intercedens , te funere merfit acerbo ,
 Et me disjunctum caro abstractumque sodali ,
 Moerentem tristi in luctu gemituque reliquit .
 Non pietas , non sancta fides , non alma poësis ;
 Inde usque a prima quanquam tibi culta juventa ,
 Evaluere tuos producere longius annos .
 Occidis ; occiderunt tecum solatia nostra ;
 Occidis ; atque una simul & virtutis imago ,
 Et recti forma , & species defecit honesti .
 Sed quando exstinctum revocare in luminis oras
 Non lacrymae possunt , & nil suspiria profunt ;
 Accipe lugentis supremum hoc munus amici ,
 Atque tuum patere , ut memori mea carmina nomen
 Commendent aevo , & nostrum testentur amorem .

*Petrus
Curti .*

Ac demum mihi nunc non , *Curti* (a) , indictus abibis

Qui

(a) Petrus Curti Vir doctissimus, Metaphysicus, si quis unquam, subtilis, & hebraicae linguae, quam multos annos in Collegio Romano publice docuit, peritissimus. Plures edidit dissertationes quas appellant, super Sacrae Scripturae difficilioribus locis, quorum explicationem ex penitiori ipsius hebraicae linguae intelligentia petendam depromendamque curavit; quae quidem dissertationes si colligerentur, justum volumen

Qui cum saepe fui rheda huc subvectus eadem ,
 Cuique animi sordes fueram committere sacro
 Ritu abstergendas ; sed , quae dulcem invida amicum
 Eripuit , rectorem animi mors abstulit ; at non
 Est modo cur luctus renovem , quando illa superna ,
 Quod tua promeruit pietas spectataque virtus ,
 Adscriptum ordinibus caeli alta in sede locavit ,
 Vivis ubi vita longe meliore beatus .

Sed , quo te (a) paene, o ! animae pars altera nostrae, <sup>Albertus
de Alber-</sup>
 Prae-^{tis-}

lumen efficerent . Cum singulari doctrina religiosae perfectionis studium conjunxit . Fere nunquam prodiat domo , nec vero , nisi necessitas cogeret, e cubiculo ipso pedem efferebat , ubi inclusus , aut orationi , aut studiis suis operam dabat , aut etiam excipiendis Confessionibus externorum Collegii Romani auditorum , quos singulari diligentia atque assiduitate ad omne pietatis officium excolebat , occupabatur . Adeo divino amore succedebatur , ut ejus aestum sinu aegre contineret ; nec vero breves illas praecationes , quas frequenter in Deum veluti jaculabatur , sic tacitus comprimere poterat , ut non a circumstantibus , non sine intus commotionis sensu , exaudirentur . Obiit in Coll. Rom. an. 1762. 4-Aprilis, plenus optimae spei, ut ipse

met Parthenio nostro disertis verbis paulo ante obitum significavit .

(a) Alter poetae nostri amicus , idemque longe carissimus , nimirum Albertus de Albertis , hic indicatur ; cui quidem tantum se debere mihi haec scribenti poeta ipse saepe testatus est , quantum neque frater fratri , neque amicus ullus amico debeat . Cum homine enim omnia sua Albertus humanissime & liberalissime communicat . Hanc gratiam animi testificationem , quam ipse suis carminibus expressit , in meis adnotationibus omnino a me confirmari voluit . Porro Albertus Orator insignis , totam fere Italiam concionando peragravit , & in praecipuis italicarum urbium suggestis , certatim expetitus , incredibili populorum approbatione , atque utilitate auditus est . jam in-

de

Praeterii numero in tanto, indictumque reliqui ?
 Quicum aliquot quondam hic, Autumni tempore, laetos
 Exegi. Se dies memini ; cui debeo tantum ,
 Quantum non possim verbis aequare ; etiam si
 Ipse tuum velles, consuesti ut caetera, mecum
 Partiri elequium ; quod summum larga perenni
 Natura indulsit tibi vena ; hoc scilicet omnis
 Italia, in primis mirata est maxima Roma,
 Et miratur adhuc, pendetque docentis ab ore .
 Usque adeo mentes hominum sapientia, & aures
 Culta tenet blandae praestans facundia linguae .

*Alia obla-
 menta .*

Sic libet e tumulto aut socios spectare vagantes ,
 Aut densas inter sylvas, laurosque frequentes
 Errabunda juvat passim vestigia ferre ,
 Et terere extractum concessa per otia tempus .
 His alia ex aliis succedunt gaudia, seque
 Perpetuo excipiunt nexu, seu vivere tecum ,
 Seu magis arridet dilectos inter amicos
 Fallere jucundis vacuas sermonibus horas .

*Secessus
 veterū Poe-
 tarum .*

Hanc veteres olim vitam instituere Poëtae .

Sic

de a multis annis in primario So-
 cietatis Jesu romano templo Sacram
 Scripturam interpretatus est, & etiam-
 num interpretatur, singularis doctri-
 nae fama, & ingenti confluentium
 auditorum concursu. Labores hos
 ipsum suos, fructusque sane uberes,
 qui ex iis ad Majorem Dei gloriam,
 ac salutem animarum percipi pote-
 runt, eorundem speramus impressio-
 ne perpetuos effecturum.

Sic Maro (a), sic crevit numerosus Horatius; Ille
Parthenopes laetas semper (b) vernantis ad oras
Abditus, hic udas dilecti ad Tiburis arces.

(a) De neapolitano & tiburtino secessu horum duorum latinae Poësis Antistitum multa erudite adnotari possent; quo in genere praetermittenda omnino non est, pulcherrima atque eruditissima *Dissertatio*, sic enim inscribitur, *super Villa Horatii Flacci* auctore Dominico de Sanctis, & Romæ impressa an. 1761. Haec autem dissertatio digna plane est, quae ab omnibus, tum praesertim ab Horatii studiosis legatur. In ea enim, quod ostendendum suscipitur, plana quadam maximeque perspicua ratione demonstratur. Praeterquam quod clarissimus ac praestantissimus Auctor multis Horatii obscurioribus locis lumen affert, multa quoque ex romana antiquitate delibat, ac praecipue multarum veteris Latii urbium ac regionum situm designat, limitesque definit, quippe qui, quae affirmat, non ab aliis, uti plerunque fit, didicerit, sed praesens ipse cognorit.

(b) Hunc locum sic intellige; non ut Virgilius semper *ad oras Parthenopes* abditus latitarit, sed ut neapolitanam oram ob regionis *semper vernantis* amoenitatem praecipue adamaverit. Quare nemini mirum videri debet, si amoenissima regio

summis clarissimisque Poëtis nunquam non floruerit. Noti sunt & doctorum scriptis celebrati, Jovianus Pontanus, Angelus Constantius; Bernardinus Rota, & qui instar omnium est, Aëtius Syncerus Sannazarius. Atque hi quidem externi; ex domesticis vero non sine laude commemorandi sunt Constantius Pulcharellus, Parthenius Giannettasius & Eulalius Savastanus.

Hucusque Parthenii opus adnotationibus nostris prosequuti sumus; quo quidem in opere non diffitetur auctor, ut ipse ait, multa, ut ego sentio, nonnulla occurrere, quae castigatius & pressius ad philosophandi rationem ac veritatem dici, elegantius atque felicius ad elocutionis nitorem ac venustatem efferri potuissent. Sed aliquid, opinor, difficultati operis concedendum, aliquid defatigationis auctoris indulgendum, aliquid demum humanae imbecillitati esse condonandum; quae quidem nec semper, quod vult, assequitur, nec sibi constare diutius potest, quin in suis ipsa conatibus nonnunquam aegra succidat atque deficiat. Placet illud Horatii in Arte poetica, quod spectandum maxime arbitror in ferendo, praesertim de Poetarum operibus,

ribus, iudicio, & quo non intem- dem etiam ipsae sint, quas ego quo-
peſtive a me nunc allato, meis his que minus accuratas eſſe non diffi-
adnotationibus, quaeſcunque tan- teor, finem impono.

*Sunt delicta tamen, quibus ignoviſſe velimus;
Nam neque chorda ſonum reddit, quem vult manus & mens;
Poſcentique gravem perſaepe remittit acutum;
Nec ſemper feriet, quodcunque minabitur, arcus.
Verum ubi plura nitent in carmine, non ego paucis
Offendar maculis, quas aut incuria fudit,
Aut humana parum cavit natura.*



EDITOR

LECTORI BENEVOLO.

CUM mihi, ut jam inde ab initio dixi, edendorum Parthenii carminum cura demandata fuerit, carmina ejusdem aliquot de S. ALOYSIO GONZAGA, qui quotannis, recurrente ejus festo anniversario die, a Collegii Romani Rhetore laudari solet, huic editioni, quo locupletior evaderet, attexere opportunum existimaui. Non dicam, quod rudia esse atque impolita judicaret, quantum repugnarit Parthenius; ego vero novo usus artificio, quod volebam, ab eodem extorsi. Proposito enim exemplo sanctissimi ac disertissimi Viri Paulini Nolani Antistitis, quem S. Felicem ejusdem Ecclesiæ Presbyterum versibus suis, qui quidem exstant, celebrasse, eumque novo quodam vocabulo, & minus certe latino, sed ad exprimendam clientis erga Patronum suum observantiam atque amorem accommodatissimo, Dominaedium appellare consueisse legimus, proposito inquam tam illustri ac pio exemplo, pervici, ne diutius repugnaret, & carmina Parthenius sua, ut erant [neque enim ea poliendi tempus, typographo ad exitum festinante, neque vero facultas, auctore defatigato, suppetebant] mihi non invitus traderet; ne Sanctissimo atque Angelico Juveni, quem Collegii Romani Alumni pari jure Dominaedium appellare & possunt & debent,

debent, quaecumque decus, quod vel ex rudibus & im-
 politis carminibus in eundem redundaturum sperari pos-
 set, invidere quodammodo videretur. Cum vero Joannis
 Mariae, Parthenii fratris, carmen quoddam, quod ei
 admodum adolescenti exciderat, typis jam impressum in-
 venerim, illud recudendum curavi, non quidem ut ex eo,
 qualis evasurus fuisset Poeta, ut adnotavimus pag. 109.
 conjici possit; sed tantum ut aliquod ejusdem hoc ipso in fra-
 tris opere ingenii & facultatis specimen aut monumentum
 exstaret. Postremo carmen aliud adjeci a Joanne Pompe-
 jo Manzochio conscriptum, quo clarissimus & doctissimus
 Vir Parthenium, carissimae sibi genitricis optimae foemi-
 nae obitu moerentem consolatur; quod quidem carmen mul-
 to sane, quam reliqua, difficilius ex ejus manibus extor-
 quendum, cum primum in manus meas pervenisset, meo
 usus jure, nulla a Parthenio impetrata venia, huic operi
 tanquam coronidem apponendum censui. Reliquum est, ut
 te, benevole Lector, rogem, ut meam in locupletanda hac
 editione diligentiam aequi bonique facias.

DIVINI AMORIS

DE S. ALOYSIO GONZAGA

TRIUMPHUS,

I.

E Ductus , placido lenis qua Mincius amne
 Defluit , & tenera convestit arundine ripas ,
 Insignis facie Puer & florentibus annis ,
 In magnam laudis spem succrescebat avitae .
 Olli clarus erat , Regumque ab origine sanguis ,
 Qui magna populos late ditone tenebant ,
 Iberibus dives quos pascit Mantua campis .
 Non acre ingenium , non & vis vivida mentis ;
 Non virtus deerat , non aptae ad grandia vires .

Jamque illum Ambitio sibi votis omnibus unum
 Legerat , a primis & jam desponderat annis ,
 Quem belli egregias habilem formaret ad artes ,
 Ergo animo occultum famae inspirabat amorem ,
 Et furtim dulces laudis sub pectore sensus ;
 Et titulos , & opes , & clarae insignia gentis ,
 Nec non & partos generosa morte triumphos
 Subjiciens , facilem in sua vota inflectere mentem
 Improba curabat. Nec vero plurima frustra
 Movit agens ; gaudere Puer fulgentibus armis ,
 Et tractans tenera ferrata hastilia dextra ,

R

Infi-

Insignis galea, & multo conspectus in aere
Instruere armatas simulata in praelia turmas.
Bellica quin ausus tormenta incendere; saevi
Ne quid inexpertum duro in certamine Martis
Linqueret, & magnis jam tum proluderet ausis.

Senferat elatum, nimiaque cupidine laudis
Abreptum, & vanas agitantem pectore curas,
Jamdudum Divinus Amor; tacitoque dolorem
Corde premens, studiis haud passus inanibus illum
Longius abduci, quem caelo noverat alto
Deberi, & fatis longe melioribus ortum;
Quam sibi ut hic fragiles palmas laurosque caducas
Quaereret, & vanos confectaretur honores.
Hunc fore, qui sacro quondam consumptus ab igni
Oppeteret pulcram potiori vulnere mortem.
Has illum lauros, haec immortalia ferta,
Serta atque aeternos hos axe manere triumphos.

Haec agitans secum, & tristi sub pectore volvens,
Forte cito alarum delatus remige cursum
Illac deflexit, celsas qua tollit ad astra
Castilio turres, sedes antiqua paterni
Imperii; demissa humeris pharetra aurea pendet,
Aureus in manibus micat arcus, & aurea teli
Cuspis erat, caelo cum contemplatus ab alto,
Audentemque animis Puerum, & nil tale putantem
Conjecto petiit jaculo; fugit acta sagitta

Ven-

Ventorum rapidis & fulminis ocyor alis ,
Una ignem plagamque ferens, pectusque sub altum
Illabens , flammæ imo sub corde relinquit .

Extemplo mutati animi , mutata repente ,
Et studia in melius vitæ conversâ prioris ,
Jam sordent , modo quæ placuere ; illustrior illum
Cura domat , penitusque imis suscepta medullis
Aestuat , & tota absûmit præcordia flammâ .
Unum amat , unum ardet numen , defixus in uno
Numine languet amans , & tantos non capit aestus .

Aspicit hæc lætis oculis , pennisque coruscans
Divus Amor , prædaque diu lætatus opima
In caelum paribus victor se sustulit alis .

S. ALOYSIUS GONZAGA

LEVISSIMA CRIMINA

ASSIDUIS LACRYMIS DEFLET.

II.

Nitratus patria furtim subductus ab arce
Pulvis , & incauto quæ forte loquentis ab ore
Turpia , sed non intellecta vocabula , quondam
Exciderant , tanto Pueri corda aegra dolore
Perpulerunt , tantisque onerarunt pectora curis ,
Ut nullus lacrymis esset modus ; omnia tristi
Multa gemens questu luctuque implebat amaro .

R 2

Nequid-

Nequidquam Aequales tantum lenire dolorem ,
 Et tantas dictis nequidquam demere curas
 Aggressi ; depressum alto sub pectore vulnus
 Tractari renuens hiat , aegrescitque medendo .
 Flet noctem , accendit cum serus lumina vesper ;
 Flet lucem , humentes cum Phosphorus exigit umbras .
 Una quies , maeltoque unum solamen amori est ,
 Et longum gemere , & singultibus intermixtis
 Moerenti tristes jactare has ore querelas .

Quae nunc prima querar , quae nunc postrema reservem
 Crimina de tantis , me queis obstringere demens
 Sustinui ? quo fletu admissa indigna , quibusque
 Lamentis aequare putem me posse ? perennes
 Ite oculi in lacrymas , luctu modus ullus amaro
 Non sit ; quandoquidem non parva , nec una dolori
 Causa subest , gemitusque ciet , Nam quis malus error
 Impulit abjecto , miserum me ! foeda pudore
 Verba loqui ? & turpes non averfata refugit
 Lingua sonos ? mediis nec vox mihi faucibus haesit
 Intercepta ? prius neq me mea vita reliquit ,
 Quam te , sancte Pudor , violarem , labraque dictis
 Polluerem immundis ? saltem ah ! suscepta fuissent ,
 Quae malus impuro miles jactaverat ore ;
 Non ego nunc animo tantum perferre dolorem
 Cogerer , & tantos effundere pectore questus .
 Ille quid ? ignaro surreptus milite pulvis

Anne

Anne levis culpa est, faciliq; piabilis unda?
Anne parum linguae crimen manus aggerat? Eheu
Me miserum! & potui, & feci; nec dextra repente
Aruit ad vetitos cum sese extenderet ausus.
Quam merui, ut subitos bombarda exarsit in ignes,
Involvitque atra piceum caligine caelum,
Elidique rotis discepto corpore, flammisque
Absumi. mihi surreptus tunc ille fuisset,
Ille ipse exitio pulvis, crimenque luissem,
Et iustas merito solvissem funere poenas.
Indutus, memini, galea, cristisque decorus
Incedebam amens; gaudebam ante ora parentis
Aeratas ante ire acies, atque ordine certo
Instructas belli in speciem ducere phalangas.
Nec me quo Martis malefana licentia agebat
Praecipitem, usque adeo mihi erat mens laeva, videbam.
Heu! male suscepta, & vitae illaudata prioris
Nunc ego detestor studia. O utinam mihi nunquam
Culta forent, tanti fuerunt quae causa doloris.
Ite oculi in lacrymas; jugi tabescite fletu.
Dum vivam, certum est & flendo condere soles,
Et vigiles inter suspiria ducere noctes.

Quaquam quid solis juvat indulgere querelis,
Et tristes vacuas gemitus jactare sub auras?
Corripe flagra manu, repetito verberare sanguis,
Sanguis eat toto de corpore; sanguine numen

Placandum, fusoque luendae sanguine poenae.

Hos incendenti luctus, & acerba querenti
Deficiunt subito vires; atque addere plura
Conantem, fletu vox interclusa relinquit.

S. ALOYSII GONZAGAE

OBITUS TOTI ANTE ACTAE VITAE
CONSENTIENS.

I I I.

PLerunque exorsis si consonat exitus, & si
Vita bene acta obitu felici clauditur, hoc nos
Annuam dum festae redeunt solemnia lucis,
Affusique tuis aris, genibusque minores
Dum prece te multa, & plena veneramur acerra,
Hoc merito, GONZAGA, tibi gratamur ovantes.

Vix bene vitales infans in luminis auras
Eductus fueras, caelo cum Numen ab alto
Lumine te blando aspexit, propriumque dicavit.
Nec mora; supremi digressa e sede Tonantis,
Quae mores hominum format, rectumque piumque
Edocet, & sine vi flectit mortalia corda
Diva potens animorum nascenti tibi praesto
Et fuit, & propriis exceptum fovit in ulnis.
Proh! quantis tunc illa opibus te larga supernis,
Quantis ditatum donis caelestibus auxit.

Ille

Illa animum multa primum sic daedala finxit
Arte ; polo natam sic ad caelestia mentem
Erexit , terrena ut spernere cuncta , polumque
Unum spectare a teneris assueveris annis .
Hinc te non auri , nec opum malefana libido
Cepit ; non regale genus , non debita auit
Moverunt sceptrâ Imperii ; non denique quidquid ,
Perverso bona iudicio mansura caducis
Postponens , hominum vulgo genus admiratur .
Adde quod , & tenerum tanto munimine pectus
Clausit , ut obseptos nunquam tentare recessus
Idaliae posset veneris Puer . Inde cupido
Nulla animum pupugit , nec earum cura momordit
Ulla , infelices quibus immorantur amantes .

Haec collata tibi nascenti munera ; ab istis
Se tua principiis nitens ad sidera virtus
Extulit , inque dies magis ac magis aucta , supernis
Te prope Spiritibus , qui nulla mole gravantur ,
Viventem aequavit . Verum super omnia dona
Illa tibi sanctum jam tum inspiravit amorem ,
Subjecitque facem , & praecordia ad intima adegit .

Ergo divina succensus pectora flamma ,
Aeternisque bonis inhians , vitare prophanos
Coetus , & patrii penetralia in intima tecti
Abdere te te ; secretis ubi solus in umbris
Multa gemens , imoque trahens suspiria corde

Implebas resonas crebris singultibus auras ;
 Vos umbrae testor , vos & conclavia caeca
 Sollicitos aegro quam saepe e pectore quaestus
 Audistis rumpentem , & Numen voce cientem ?
 Ex illo vigil insomnes producere noctes ,
 Nec sopor uvidulis obrepere serus ocellis .
 O quoties nostro sua cum decederet axe
 Phoebus , & hesperio properaret marmore tingi ,
 Seu contra roseo currus efferret ab ortu ,
 Audiit incenso fundentem fervida corde
 Vota , & prae nimio languentem vidit amore .
 Quid memorem , ubertim ut lacrymis manantibus ora ,
 Ora & perpetuo rorarent lumina fletu ?
 Qualis , quem gelido rupes enixa sub antro est ,
 Ut semel incoepit prono per devia lapsu
 Rivus agi , cursum non intermittit , & usque
 Labenti novus adveniens non deficit humor ;
 Sic tibi perque genas lacrymae , per & ora volutae ,
 Aegri crebra inter cordis suspiria , quo jam
 Coeperunt , cursu non deficiente fluebant .

Ah quid agis GONZAGA ? quid ah ! quid lumina jugi
 Immerita , & nimio tendis te perdere fletu ?
 Jam lacrymae exedere genas ; jam pallor in ore
 Luteus ; illa decens formosi gratia vultus ,
 Ille color ; nitidae flos heu ! flos ille juventae
 Jam periit ; totos macies depascitur artus .

An

An pergis tantos exstinguere fletibus aestus ?
Nil agis ; affusis crescunt incendia lymphis .
At vos o , Pueri queis credita vita , Sodales ,
Si vobis ea jucunda est , si carior ipsis
Est oculis , ant his si quid pote carius esse ,
Aut mage jucundum , miserefcite amantis , & aestus ;
Si qua via aut modus est , tantos compescite ; raptus ,
Ni facitis , cursu in medio & florentibus annis ,
Occidet ante diem , fatoque occumbet acerbo .
Et vero occubuit ; neque enim compescere amoris
Vim tantam ipse , neque afflicti valere Sodales .

Fortunate tuo Puer isto funere ; vivens
Nequaquam poteras fatis melioribus uti ,
Nec moriens fato exstingui meliore . beati
Nunquam erit ut lethi non vivat gloria . Sacros
Excipiet cineres e fulvo nobis auro ,
Et pulcre gemmis distincta nitentibus urna .
Hanc supra fulgens , auroque effictus codem
Dius Amor faculam quatiet , plaudentibus alis
Atque exsultanti similis ; levique sagitta
Felicitas causam signabit carmine lethi .
HIC GONZAGA IACET . DIVINO ABSUMPTUS AMORE EST .

S. ALOYSIUS GONZAGA

CAELUM TRIUMPHANS

INGREDITUR.

I V.

NAM quis te digno , juvenum Sanctissime , versu ,
 Egregiasque tuas laudes celebrare canendo
 Possit ? mortales qui vix dum corporis artus
 Exfueras , rectà caelum petiisse volatu
 Diceris , atque illic , toto spectabilis axe ,
 Solemnem pompa insigni duxisse triumphum .
 Scilicet ille tuus nitor , & mens nescia fraudis
 Nequaquam ultrices sensit post funera flammæ ,
 Queis animis penitus vitium omne abstergitur , atque
 Eluitur quidquid terrenæ faecis adhaesit .

Ergo vix placido clausisti lumina letho ,
 Continuo ingrederis caelum , terræque jacentes
 Deferis , & miseros nos caeca in nocte relinquis .
 Effultum veluti folio te lucida nubes
 Sublimem excepit ; dextra laevaue frequentes
 Circumstant superi delapsi e sedibus axis
 Caelestes Genii , & manibus dant lilia plenis ,
 Lilia virginei certa argumenta pudoris .
 Infra autem extinctaque face , & fracto Puer arcu
 Sub pedibus jacet idalius ; frustra ille retorquet

Lumi-

Lumina , multa gemens & amara percitus ira .
Quantus erat tunc oris honos ! quae ! quantaque fronti
Addita majestas ! quo se se pompa ferebat
Plurima lux nitido signabat limite callem ,
Et vaga plaudebant hilari tibi sidera motu .
Haec tu preteriens spectas , nulloque labore
Cognoscis praefens ; qua vi , quove ordine , quave
Lege altra aeternos circum volvantur in orbes .
Quanquam ista haud tanti est cognoscere , ut omnia longa
Sustineas lustrare mora ; sed praepete penna
Aligerum comitum sublatus in ardua , & ipsa
Ultima Saturni praeter confinia vectus ,
Victor , ovans summo tandem succedis Olympo .

Nec mora ; tota tibi stellantis Regia caeli
Obvia procedit ; fremitu plausuque secundo
Cuncta sonant ; laetum ingeminat paeana juvenus
Aligera , atque humeris sublimem attollere gaudet
Insignem radiis , & multa luce coruscum .
Quid memorem , ut densa ante alios comitante caterva
Obvius Oghiades tibi venerit ? eminus ipse
Agnoscis cari vultus atque ora Parentis ,
Amplexusque petis ; laeto Pater excipit ore ,
Et natum cupidis venientem amplectitur ulnis .

Hos inter plausus & festae gaudia pompae
Procedis summi solium ad regale Tonantis .
Ut venis , ut coram vix susteris ; ecce repente

Discuf-

Discussis tenebris, atque omni nube remota ;
Perspicua Numen tibi sese in luce videndum
Praebet, & optato pascit tua lumina vultu .
Ac jam quod cupias superest nihil ; hic nova mentem
Gaudia perfundunt, & pax exuberat alma ,
Plenaque inundanti velut a torrente voluptas .
His modo deliciis, exfutus corporis artus ,
Perfrueris, virtus tibi quas peperit tua ; nec jam
Pallentes morbos & inexorabile lethum ,
Nec quae hominum miseram vexant mala plurima vitam,
Formidas, tuta caeli in statione locatus .

Salve igitur, magno magnum decus addite Olympo ;
Ac tibi solemnes dum rite novamus honores ,
Dumque tuas canimus laudes atque inclyta facta ,
Huc ades ; & pubem in primis bonus aspice, quae te
Patronum colit, & supplex tua numina poscit .
Hanc fove, & illabens animis fac combibat Artes
Ingenuas una cum Religionis amore .



S. ALOY-

S. ALOYSII GONZAGAE

IN SANCTIORIS VITAE SECTANDAE PROPOSITO
CONSTANTIA.

V.

O Quem te memorem , claro fâte sanguine Regum ,
GONZAGA , Aufonidum Lojolidumque decus ,
Cum titulos & opes fortis contemptor avitas ,
Et linquis patrii regia tecta soli .
Non te laurigeri fasces , non splendida movit
Purpura , non lautae plurima gaza domus ;
Non illa Imperii tibi debita sceptrâ , nec ipse ,
Quo tibi nil poterat carius esse , Pater .
O ! quoties sculptos pario da marmore , & altis
Longo dispositos ordine porticibus ,
Majorum ostentans vera sub imagine vultus ,
Et memorans forti parta trophaea manu ;
Quo te jamdudum meditantem ac magna parantem
Flecteret , & blandis vinceret illecebris ;
O ! quoties dixit (dicenti plurimus humor
Depluit , & lacrymis immaduere genae) ;
Nate , per has ego te lacrymas , per facta tuorum
Inclyta , per nostrae tot decora alta domus ;
Te , Nate , obtestor , precor hanc , precor exsue mentem ;
Meque & te dignos concipe corde animos .

Quid

Quid tibi Lojolidum cum castris? sanguine claro
Marta progenitum non nisi castra decent.
Hoc est laudis iter; verax hoc gloria pandit;
Huic uni insistens nomen in astra feres.
Ah! memini, quondam, cum vix septennis ahenò
Insignis clypeo, & conspicuus galea,
Tractabas puer arma; ensesque hastasque minaces
Imbelli dextra stringere ludus erat.
Omina quae licuit mihi tunc captare parenti,
Quantaque virtutis, quam prope certa tuae?
Jamque inimica animo totis fundi agmina campis
Cernebam, & victos projicere arma duces;
Horrebat multo constrata cadavere tellus;
Horrebat multa caede cruentus ager.
Tu vero afflittis violentior hostibus instans,
Praecipitique urgens agmina versa fuga,
Vix poteras duro avelli certamine; dulcis
Tantus erat forti in pectore laudis amor.
Quo tu cunque ibas, gressum quocunque ferebas,
Praetendens dextra laurea ferta, tuos
Ante triumphales ibat Victoria gressus,
Victori ornabant debita ferta caput;
Ante pedes captae trepidis cum civibus urbes
Tendebant vinctas supplice voce manus.
Interea totis penitus suscepta medullis
Mulcebant patrium gaudia blanda sinum.

Haec

Haec ego fallaci ductus spe vota fovebam
Heu ! caesa in rapidos vota abitura notos ;
Exsultansque animis , & lactus ovanque ferebar ;
Demens , qui falsis decipi imaginibus ,
Et specie illudi rerum sum passus inani ,
Et vano fovi gaudia falsa animo .
Nunc fugis , & tristi cogor tabescere luctu ,
Nunc fugis , & tecum gaudia nostra rapis .
Ah ! nate , ah ! si qua est pietas , me perdere noli ;
Noli ah ! digressu perdere , nate , tuo .
Haec Pater ; at Lodoix agitans majora , parentis
Et precibus flecti nescius & lacrymis ,
Perstabat contra ; non illum blanda movebant
Verba , nec admixtae cum precibus lacrymae .
Qualis in aërii consurgens vertice saxi
Quercus frondosas explicat alta comas ,
Quam venti tendunt nequidquam evellere , totis
Obnixi contra viribus ; illa solo
Fixa , immota manet , furiasque Aquilonis & iras
Ridet , & infani murmura rauca Noti ;
Aut qualis medio rupes se se ardua ponto
Erigit , & celsa sidera fronte petit ;
Quam licet horridi oppugnent facto impete fluctus ,
Atque procellosi verberet unda fali ;
Non usquam labat , atque sua stans mole tenet se ,
Iratique minas despicit Oceani .

Talis

Talis erat Lodoix ; lacrymis natum & prece multa
Cum Pater aggressus flectere magnanimum .

AD S. ALOYSIUM GONZAGAM

UT ASSIDUIS LACRYMIS
MODUM PONAT.

V I.

D Esine sollicitis incendere questibus auras ,
Et jugi indignas deterere imbre genas ,
Qualis muscoso fons olim eductus in antro
Materna rumpens prosilit e silice ;
Prosilit , & summo descendens vertice montis ,
Et properans celeri vallis ad ima pede ,
Saxa per & salebras & inaequales anfractus ,
Pergit inexhaustis currere semper aquis ;
Sic tibi perpetuum rorantibus humor ocellis
Defluit , & madidos perluit imbre sinus .
Jam plures abiire anni ; jam signifer axis ,
Mutaruntque suas saepius astra vices ;
Ex quo suspirans , longo indulgensque dolori ,
Pallidaque assiduis ora rigans lacrymis ,
Angeris , & cura misere tabescis eadem ,
Et requies fesso non datur ulla animo .
Carpitur interea laetae flos ille juventae ,
Et pallor miris inficit ora modis .

Ah !

Ah! quid agis? longas o! tandem mitte querelas;
 O! precor immeritas parce rigare genas.
 His sine perpetuo tabescant lumina fletu,
 Quis est admissi conscia mens sceleris;
 Quos olim abreptos furor improbus arma coëgit
 Sumere, & ultrices conscelerare manus;
 Quique ausi impuro sunt ore lacerare caelum,
 Et jacere in summum verba nefanda Deum;
 Et quos pellectos cepit malesuada libido,
 Ussit & impuris turpis amor facibus.
 Hi plorent, largoque humectent flumine vultus,
 Ulla nec assiduus fletibus hora vacet.
 Sic lacrymis animum & luctu pascebat amaro;
 Et luctu & lacrymis conficienda suis,
 Fax juvenum quondam, Bethanes famosa puella,
 Dehinc sanctæ insignis forma pudicitiae.
 Amplius haud olli tyria procedere palla
 Ornatam, aut crines fingere cura fuit,
 Adscitamque mala speciem mercarier arte,
 Inque peregrinis fulgere divitiis.
 Lapsa jacent nitidis conferta monilia baccis,
 Et despecta solo murrhina vasa jacent.
 Lucem odit, vitatque hominum commercia, quos heu!
 Heu! male blanda suis ceperat illecebris.
 Illa vel obscuris antri latet abdita in umbris,
 Aut sedet in solis anxia littoribus;

Funduntur passi per levia colla capilli ,
Praecingit tenerum fascia dura latus ;
Interea ducens imo suspiria corde ,
Et feriens crebra pectora nuda manu ,
Pacem orat superos ; responent littora pacem ,
Et pacem cautes antraque pulsa sonant .
Noctes atque dies haec scilicet una recurfat ,
Sollicito una haec est addita cura animo .
At tu , Sancte Puer , lacrymas quod fundere cogat ,
Ecquod vesani crimen amoris habes ?
Si nix contendat tecum maeotica , vel si
Lacteolis certent alba ligustra comis ;
Alba ligustra , nivesque anteis candore , ligustris ,
Et si ipsis quidquam est candidius nivibus .
Quanquam quid loquor , & non proficientia perdo ,
Irritaque in rapidos verba abitura notos ?
Ille gemit , mixtoque iterat suspiria fletu ;
Mors ponet tantis fletibus una modum .



S. ALOYSIUS GONZAGA

JUSSUS MENTEM A DEO AVERTERE
CONQUERITUR.

V I I.

ERgo ego , quem primis sua sub juga misit ab annis ,
Uisit & admotis Divus Amor facibus ;
Assuetum longo te Sanctum tempore Numen
Et colere , & toto pectore diligere ;
Invitam cogor nunc a te avertere mentem ,
Proh dolor ? & caro distrahor a gremio .
Distrahor ; & potero tantum tolerare dolorem ?
Et ferre ingrati taedia dissidii ?
Uror ; & eripitur cupido solamen amanti ;
Uror , & optato non licet ore frui ;
Sancte Amor , arsuras aut mitius ure medullas ,
Et petere usque novis parce , precor , jaculis ;
Aut si me pergis violentius urere , & in me
Tela placet crebra congeminare manu ;
Ah ! saltem tanto nullus ponatur amori ,
Qui miserum exanimet discrucietque , modus .
Quis potis injecto cohibere incendia fraeno ,
Cum furit accensis Trinacris Aetna rogis ,
Flagrantefque globos liquefactaque saxa sub auras
Evomit , & multa verberat astra face ?

Quis , cum missa semel nervo est stridente sagitta ,
Et findit celeres ocyor ipsa notos ,
Quis rapidum remoretur iter , sistatque volantem ,
Quin propere ad metam pergat adaucta suam ?
Heu ! quid agam ? me sancta premunt tua iussa , jubenti
Et parere quidem , sit modo posse , velim .
Verum quâ possim ? caram quando omnia formam ,
Quocumque inciderint lumina , subjiciunt ,
Illam devexi montes , vallesque reductae ,
Vitiferi colles , umbriferumque nemus ,
Illam mi fontes , illam mi roscida prata ,
Et picta objectant floribus arva suis ;
Nec non & stellis caelum fulgentibus aptum ,
Et lata immensi stagna profunda sali .
Illa mihi occurrit , seu nox subvecta quadrigis
Obnubit densis atra polum tenebris ;
Seu nimbo contra ningens aurora rosarum
Optatum revehit gratior axe diem .
Illa mihi ante oculos semper versatur imago ,
Infixa & menti est altius illa meae ;
Illa unquam ut possit quam vi convellier , atque
Arcte amplexanti decidere ex animo .
An fugiam , mea vita ? at quo ? aut quaenam fuga longe
Abducat cara me satis a facie ,
Sive ego praepetitus subvectus ad aethera pennis
Siderei scandam lucida templa poli ;

Vel

Vel si velivola findens vada falsa carina ,
Sistat in ignotis advena littoribus ?
Quo me cunque feram , fugienti instabis amanti ,
Atque occurrabit Numen ubique tuum .
Tu mare , tu terras , tu caelum numine complex ;
In toto nullus te vacat orbe locus .
Tu caelo signorum obitus moderaris & ortus ;
Imperio parent aequora lata tuo ;
Paret & extremo , trans littora transque refusum
Oceanum , tellus siqua sub axe jacet .
Quid ? si digressus caelo , terrisque relictis ,
Infernas subeam , pallida regna , domos .
Illic Numen ades ; vindex & foeda nocentum
Aeternis plectis crimina supplicis .
Quo me igitur vertam ? aut misero quid denique restat ,
O ! mihi luce ipsa carius atque anima ,
Quam propera duros tandem finire labores
Morte ? modus tantis mors erit una malis .
Tales , flammato fundens suspiria corde
Saucius heu ! nimio pectus amore Puer
Edebat gemitus , & fletibus ora rigabat ,
Nec sat consilii , nec rationis erat .
Qualis Carpathio puppis deprensa profundo ,
Cum subito nubes eripit atra diem ,
Incubat & ponto nox atra , ferocior Euris
Hinc fremit , oppositis viribus hinc Boreas ,

Miscetur maria , atque imis furit aestus arenis ;
Illa anceps medio fluctuat Oceano .

S. ALOYSII GONZAGAE

M O R I E N T I S

V O T A .

V I I I .

Qualis Maeonii cygnus prope stagna Caystri
Arguto moriens dulcius ore canit ;
Ore canit ; presso circum filet aura susurro ,
Proxima nec tremulis sylva strepit foliis ;
Ille modos liquido fundit de gutture , donec ,
Paullatim vita deficiente , cadat .
Talis ALOYSIUS , supremo in funere , blando
Anditus solito est blandius ore loqui .
Non illum tenuit periturae cura salutis ;
Major quippe alto in pectore cura sedet .
Obvia non illum mors terruit ; horrida quanquam
Et vultu , & saeva falce tremenda foret ;
Quin etiam ignavam , & nimium in sua funera lentam
Arguit , ingratas increpuitque moras .
O ! qui me exemptum vinclis & carcere caeco
Cognati supera sistat in arce poli .
Aurea concilio sedes ubi culta piorum
Fervet , & aeterna luce corusca nitet. Non

Non illic curae infomnes , non tristia bella ,
Non dolor assiduis uvidus a lacrymis ;
Sed secura quies , tranquillae & gaudia mentis ,
Et pax felices incolit alma plagas .
Ah ! valeat quisquis vitae infelicis amore ,
Posthabita antetulit exsilium patria ,
Et feram curas producere ad usque senectam ,
Et potuit longae taedia ferre morae .
Non , mihi centenos si quisquam spondeat annos ,
Tithonique aevum Nestoreosque dies ,
Mutare oblata praesentia funera vita ,
Hac vel proposita conditione , velim .
Felices primae quos ipso in limine vitae
Vix sacro ablutos flumine mors rapuit ;
Qualis virgineo mollis rosa carpitur ungui ,
Cum nondum picti claustra sinus referat .
Hos non infestis trajectos corda sagittis
Impuris ussit turpis Amor facibus .
At nunc securi caelo blanda otia ducunt ,
Otia perpetua continuanda die ;
Candentemque agnum candenti in veste sequuntur ,
Et laeti Divum limina concelebrant .
Quando erit ut terris translatus ad astra relictis ,
Et comes aligeris additus agminibus ,
Ipse etiam optato jucundae munere pacis ,
Et vita incipiam nobiliore frui .

Nempe ea , quae certo non est obnoxia letho ,
 Et quae divino semper amore alitur ;
 Quae vigilēs nescit curas , ea vita vocanda ,
 Et votis digna est omnibus una peti .
 Ergo age flebilibus tandem exorata querelis ,
 Quas tibi sincero fundimus ex animo ;
 Huc ades , o bona Mors , rerum dulcissima , meque
 Ereptum inviso transfer in astra solo .
 O felix patrio quae me lux addet olympo !
 Praepectibus vehat hanc Lucifer almus equis .

J O A N N I S M A R I A E ,

P A R T H E N I I F R A T R I S ,

A D C O N S T A N T I A M S O R O R E M

SACRARUM VIRGINUM COLLEGIUM
 INGRESSURAM.

Tempus adest; quid adhuc frustra retinemus amantem?
 Optatas subeat casta puella fores .
 Non , si quis focios suspiret turtur amores ,
 Agrorum hunc molles deliciae capiant ;
 Gramina sed fugiens loca sola silentibus umbris
 Pervolat , & mediis ingemit arboribus .
 Sic Virgo insigni comitum stipata corona
 Nunquam oculos caro dimovet hospitio .

Te-

Tecum una properat latebris sese abdere iisdem ;
 Jampridem sacros nacta Soror (a) thalamos .
 Quamquam has non illi Soror astat pectore flammæ ,
 Divus Amor mentem hanc auspiciūque dedit .
 Divus Amor docuit complexum atque ora parentum
 Alverni duris posthabuisse jugis .
 Non illi quisquam titulos offerre superbos
 Audeat , aut blandi delicias thalami ;
 Illam alii alliciunt thalami ; Sponsus rapit ille ,
 Qui sibi conjugio vovit utranque sacro .
 Felices animæ castos jungite amores ,
 Quos beæ æterno foedere divus Amor .
 Vos Patria aspiciens mirabitur , & sibi dicet ;
 Quam magna e nostro est præda petita sinu !

(a) Prævit in servandæ virginis- stantia, his tertia accessit Catharina ;
 tatis proposito , & claustralis vitæ primæ duæ S. Francisci, hæc S. Te-
 exemplo Lucia, subsequuta est Con- resiaæ amplexata est Institutum .



JOAN-

JOANNIS POMPEJI MANZUCHII

A D

JOSEPHUM MARIANUM

P A R T H E N I U M

*Ut defleto jam satis Caeciliae Somentiae Parentis optimae
funere , carmen suum de Machina , ut ajunt ,
Electrica tandem edat .*

E Tū me gelidus circum praecordia sanguis ,
Nec satis aoniis apta senecta modis
Jam moneat versus & ludicra ponere , caestus
Trinacrium perhibent ut posuisse senem ;
Attamen haud potui (neque enim fas esse putabam)
Abnuere hoc sanctae munus amicitiae .
Scilicet , ut si qua possem , te , dulcis amice ,
Solarer grato carminis alloquio ,
Defixamque alte moesto sub pectore curam
Eximerem , atque pio fungerer officio .
Edere nam vulgo dum carmina docta parabas
Aetatis nostrae grande futura decus ;
Jamque metu posito tandem , victoque pudore
Plus aliis de te , quam tibi credideras ;

Pie-

Pierides dum ferta parant pulcherrima, Vatis
 Mantoi sacras cingere digna comas;
 Heu! dulce hoc studium eripuit materna tibi mors,
 Expulit atque omnem pectore laetitiam.
 Nec lacrymis caruere genae, dum cara recurfat,
 Qua tibi nil poterat dulcius esse, Parens,
 Osque illud bande arridens, & gratia fandi,
 Plurimus & nulla cultus ab arte decor,
 Et genus (a) & mores casti, & sollertia mentis,
 Junctaque inofensae forma pudicitiae;
 Et super haec, sobolem pietas quae fluxit in omnem,
 Dum sapiens, alios quod monet, ipsa facit.
 Quae memori tecum volvis dum singula mente,
 Jucundis moeror sevocat a studiis;
 Nec finit ingenii dulces expromere foetus
 Perfusum tristi pectus amaritiae.
 Nec vero arguerim, tali quod Matre carentem,
 Dum bona tot recolis, cura dolorque premar
 Non hos ipsa tibi Mater mitissima sensus
 Indidit; exemplis non ita te erudiit
 Ipsa suis, nullo ut suffundens lumina fletu
 Maternas venias durus ad inferias.

Sed

(a) Cremonae nata an. 1689. 30. Historia, & aliquot ex eadem familia
 Januarii, pervetusta familia, cujus illustres Viros cum laude commemo-
 raminit Antonius Campus Pictor & rat. Obiit Pisauri an. 1767. inter diem
 Eques Cremonensis in sua Patriae 24. & 25. Febr. hora noctis septima.

Sed meminisse decet , fuerat si causa dolendi
 Iusta tibi , luctu sat , lacrymisque datum .
 Ergo feret tua sola tibi iactura dolorem ;
 Matri parta quies gaudia nulla feret ?
 Tu gemis ; illa alto jam laeta potitur olympos ,
 Cumque bonis agitat gaudia Caelitibus .
 Defuncta aerumnis tandem , defuncta periculis ,
 Quod cupide optarat , Numine perfruitur .
 Nec tamen est oblita suos . Te semper ab alto
 Et videt , & magno flagrat amore tui ;
 Teque suosque omnes exspectat , & anxia caelo
 Stipari densa percipit a sobole .
 Forsitan ista tibi videantur fausta precantis
 Verba ; ratam sed habent scilicet illa fidem .
 Hoc animi pietas spondet , spectataque virtus ;
 Hoc morum spondet candida simplicitas .
 Quin terrenae illi quicquam si labis inhaesit ,
 Objecitque aliquam , dum petit astra , moram ;
 Non longa illa fuit certe mora ; nam quid omissum
 Abs te , quod celerem pandat ad astra viam ?
 Ullane in Urbe tibi reilat jam sanctior Aedes (a) ?
 Ullane in extremae finibus Ausoniae ?

Sacra

(a) Adnotari utique debet , quod genitricem pietas fuit , ut nihil , quod
 hic a praestantissimo hujus elegiaci ad ejus animam expiandam condu-
 carminis auctore indicatur . Ea enim ceret , omiserit ; nec vero omittat , nec
 Parchenii nostri erga carissimam sibi in posterum , quandiu vita suppedi-
 tabit

Sacra ubi non fuerit Divinaque Victimâ, Matri
 Quae requiem pareret, rite litata Deo?
 Ergo age sume animos, tristes jamque abjice curas,
 Et repete abruptum morte Parentis opus.
 An terret nostri censura severior aevi,
 Et bene quae multos fors miserranda premit?
 Nempe obversantur sexcenta poemata passim,
 Exposita heu! misere per fora, perque vias,
 Nostrorum vitiosa patrum quae protulit aetas,
 Turgida dum nimio fervet ab ingenio.
 At modo sub dio squalentia pulvere multo
 Se minimo expectant siquis emat pretio;
 Nec tamen inveniunt, puerum nisi forte, venusti
 Quem lita frons auro codicis alliciat,
 At non fata tuis sunt haec metuenda libellis,
 Quos nova materies, pieriusque lepos
 Commendant, Stulti non hic tractantur amores,
 Quos neque laus colere est, nec cecinisse labor;
 Non aulae infidi mores, non mollia ruris
 Otia, queis Helicon Pimplaque tota sonat.
 Sumant ista sibi, quos non respexit Apollo,
 Avia Pieridum nec loca adire sinit.

At;

tabit, omissurus sit. Sanctum Missae dum pro ejusdem expiatione curavit;
 Sacrificium in omnibus fere sanctio- quae quidem loca nunc, sexto ab
 ribus tum Urbis, tum Italiae, tum obitu mense nondum expleto, ad
 etiam extra Italiam locis celebran- trecenta & eo amplius numerantur,

At, quae indicta aliis, conari haec dicere primum,
Hoc opus; hinc nomen claraque fama venit.
Ergo aliquid, Vir docte, novi quum promere velles,
Deque argumento carminis ambigeres,
Adfuit ecce tibi cum Pallade pulcher Apollo,
Vibrantem flammam exhibuitque globum.
Atque haec (mitte aliam sectari incertus & anceps)
Haec tibi materies carminis, inquit, erit.
Ardua res certe, & lepidae minus apta poësi;
Ut qui tantum audax aggrediatur opus,
Ille per abruptas cautes, salebrosoque montis
Per juga, suspensus vix adeunda gradu,
Audeat & choreas agitare, levesque movere
Ad numerum, veluti plana per arva, pedes.
Horrida sed Sophiae quae nunc dumeta videntur,
Industri fuerint si modo culta manu,
Vernabunt tibi flore novo, ceu Thessala Tempe,
Mirata insuetas se dare delicias.
Nunc age, ab Electro quae traxit Machina nomen,
Ingenio admoveat, quas jacit ipsa, faces.
Non ego, non dextro abfuerit tibi numine Pallas;
Tu modo ne desis laudibus ipse tuis.
Dixit; & ipse suos tua fudit in ora lepores;
Ingenio flammam addidit illa tuo.
Haec mihi, si nescis; quae interfuit, ipsa Thalia
Narrabat. quin & res facit ipsa fidem.

Anne

Anne aliter poteras duras res atque severas
 Mollire, & blandis exhilarare modis?
 Cenforum huc opto veniat jam quilibet, etſi
 Lagomarfino ſe ferat ille parem;
 Omnes Parthenii ſollerti pectore verſus
 Exigat ad normam, diſſimuletque nihil.
 Quid non Auguſti dignum mirabitur aevo?
 Quid non, ipſe Maro quod velit eſſe ſuum?
 Res nova ni prorſus, priſciſque haud cognita ſaeclis
 Noſtri hujus carmen temporis argueret;
 Aequevum Caro quis non putet eſſe, vetuſtas
 Caeca quod ad noſtram preſſerit uſque diem?
 Neu mihi quis veteres ſic laudet ametque poëtas,
 Ut jam ſaecla pares edere nulla queant.
 En tibi Parthenius, Phaebo vel iudice dignus,
 Qui veteres cultu carminis aequiparet.
 Hunc igitur praefens, ſera hunc mirabitur aetas;
 Donec honor pulcris artibus ullus erit.

PANEMII CISSAEI P. A.

AD AUCTOREM

EPIGRAMMA.

DUM ſic Naturae veſtigas abdita Vates,
 Auſus inaceſſos primus adire ſinus,

Magna

Magna quidem , ut video , paucis & cognita pandis ,
 Talia sed cultis versibus ipse facis .
 Me certe hi rapiunt mira virtute trahuntque ,
 Sic ut saepe eadem quae modo lecta , legam .
 Qualis deinde nitor ! non his splendentior ulla ,
 Quae de Sauromatum littore gemma (a) venit .
 Ludere quin etiam placuit , quo more pusillam
 Implicat interdum succina gutta (b) feram .
 Ut , cum tam nitido cerno me carmine clausum ,
 En , dicam , subito musca revincta gelu .
 Atque equidem fierem (c) , te laudatore , superbus ;
 Non nisi at electri lumine musca nitet .


(a) Electrum sive succinum intellige, quod a Sarmatico Oceano, ubi ex arboribus pinei generis distillans, & mari exceptum indurari dicitur, ad nostras regiones deferitur. Vide Antonium Mariam Grarianum lib. xvi. *de Scriptis invisa Minerva* tom. 2. pag. 138. edit. Florent. 1746.

(b) Vide lepida duo ac venusta Martialis Epigrammata, primum lib. 4. epigr. 59. alterum lib. 6. epigr. 15.


(c) Inter Viros illustres, qui passim hoc in opere cum laude memorantur, perhonorifica etiam da Panemio Cissaco ab auctore mentio fit.



ina Electrica



is Quadrum Franklinianũ





alum Electricum

